

**დავნე დიუ ვორიე**

# **ლურჯი ლინჯები**

**ინგლისურიდან თარგმნა  
მანა ჯიჯუიშვილმა**

**თბილისი  
1998**

დაფნე დიუ მორიე დაიბადა 1907 წელს. მისი მამა - სერ ჯერალდ მორიე თავისი დროის გამოჩენილი მსახიობი და რეჟისორი ყოფილა.

დაფნე დიუ მორიემ დაწყებითი განათლება ოჯახში მიიღო, შემდეგ კი სწავლა პარიზში განაგრძო.

1928 წლიდან იწყებს პატარა მოთხრობებისა და სტატიების წერას. 1931 წელს გამოქვეყნდა მისი პირველი რომანი „მოსიყვარულე სული“, (The Loving Spirit), ამას მოჰყვა კიდევ ორი რომანი: „პორტრეტი“, (A Portrait), და „იამაიკის პატარა სასტუმრო“, (Jamaica Inn). 1938 წელს გამოქვეყნდა რომანი „რებეკა“ (Rebecca), და დაფნე დიუ მორიემ თავისდა გასაოცრად აღმაჩინა, რომ ყველაზე პოპულარული მწერლის სახელი მოეხვეჭა თავის თანამედროვეებში. რომანი „რებეკა“, ითარგმნა ოცზე მეტ ენაზე.

მისი სხვა რომანებია:

„მინამბერი“, (The Glass-Blowers), - 1963 წ. „შევარდენის გაფრენა“, (The Flight of the Falcon), - 1965 წ. „სახლი სანაპიროზე“, (The House on the Strand), - 1969 წ. და სხვა.

რომანებს გარდა დაფნე დიუ მორიე ავტორია უამრავი პიესისა და პატარა მოთხრობის, მასვე ეკუთვნის მონოგრაფია „მორიეები“ - საკუთარი გვარის ისტორია.

მორიე დიდი პოპულარობით სარგებლობს როგორც ლიტერატურულ წრეებში, ასევე მკითხველებში.

## ლ უ რ ჯ ი    ლ ი ნ ზ ე ბ ი

იმ დღეს სახვევები უნდა მოეხსნათ და ლურჯი ლინზები მოერგოთ. მარდა უესტმა თვალეზე ხელი მოისვა და ბამბადაფენილი, ფენა-ფენად დაკეცილი კრეპის სახვევი იგრძნო ხელით. ქალის მოთმინება, ბოლოს და ბოლოს, უნდა დაჯილდოებულიყო. ოპერაციის შემდეგ ერთმანეთს მისდევდა დღეები, კვირები, ის კი იწვა გაწამებული არა ფიზიკური ტკივილებით, არამედ ღამეთა იღუპალებითა და იმის შეგრძნებით, რომ ქვეყანა მის გარეშე არსებობდა. პირველ დღეებში ტკივილები აწუხებდა, მაგრამ უწამლეს და თანდათანობით დაუამდა, მერე საშინელი დაღლილობის გრძობა დაეუფლა, რასაც შოკის შემდგომ რეაქციას მიაწერდნენ. რაც შეეხება ოპერაციას, კარგად ჩაიარა. ექიმები უეჭველ წარმატებას ჰპირდებოდნენ.

- თქვენ დაინახავთ, ეუბნებოდა ქირურგი, - ადრე რომ ხედავდით, იმაზე უკეთ დაინახავთ.

- მართლა? - მუდარით ეკითხებოდა ქალი და ცდილობდა მყარად ჩაბლაუჭებოდა საკუთარი რწმენის ძაფს.

- ჯერ კიდევ ნარკოზიანს გაგისინჯეთ თვალეები, - პასუხობდა ექიმი, - მერე შევამოწმეთ კიდევ, არ გატყუებთ, მისის უესტ!

ასე არწმუნებდნენ ქალს დღეში ორჯერ თუ სამჯერ. კვირას კვირა მისდევდა. ქალი ცდილობდა მოთმინება გამოეწროთ და მოვლენათა მსვლელობას მიენდო, თუმცა დღე-ღამის განმავლობაში ერთხელ მაინც აიტანდა ხოლმე სურვილი, მოულოდნელად გამოეტეხა სამედიცინო პერსონალიდან რომელიმე.

- ვარდები არ გადაყაროთ, ძალიან მინდა დავინახო, - იტყოდა იგი, მომვლელს კი უკვირდა, - კი, მაგრამ, ვიდრე თქვენ მათ დანახვას შეძლებთ, მანამდე ხომ დაჭკნებიან?! - ეს იმას ნიშნავდა, რომ იმ კვირაშიც არ აუხსნიდნენ თვალეებს.

ნიშანდობლივად არავინ ასახელებდა დღეს, არავინ ამბობდა,

რომ, ვთქვათ, აი, ამ თვის თოთხმეტ რიცხვში დაგიბრუნდება სინათლეო. ალბათ რაღაცას თვალთმაქცობდნენ. ქალი თავს იკატუნებდა, ვითომ ამაზე აღარც ფიქრობდა, ვითომ თანახმა იყო, მთელი საუკუნე ეცადა. მისი ქმარი ჯიმიც უკვე „მათ“ ე.ი. საავადმყოფოს პერსონალს ემხრობოდა. ამიტომ ცოლი აღარც მას ენდობოდა.

აქამდე ყველა ეჭვსა თუ ცუდ წინათგრძნობას ერთად ებრძოდა ან იზიარებდა ცოლ-ქმარი. ეს ოპერაციის წინ იყო. მერე კი ტკივილითა და მის ირგვლივ მოჯარული წყვდიადით დამფრთხალი უმწეოდ ჩაეკრა ქმარს და ჰკითხა, - რა მეშველება ვერასოდეს რომ ველარ დავინახო, - და თავი საცოდავ ხეიბრად წარმოიდგინა. ჯიმმა, რომელიც მასზე ნაკლებ არ დელავდა, უპასუხა, - რაც მოხდება, ყველაფერი ერთად უნდა ავიტანოთო.

გარსშემოხვეული წყვდიადის გარდა ქალს სხვა მიზეზმაც გაუმახვილა მგრძნობიარობა. ქმართან საკუთარ თვალეზზე ლაპარაკს ერიდებოდა. ძველებურად თბილი იყო ქმრის შეხებაც, მისი კოცნაც და ხმაც, მაგრამ ამ მოლოდინით სავესე დღეებში მარდას მაინც ღრღნიდა ეჭვი, ეჩვენებოდა, რომ ჯიმიც იმავე მიზეზით ექცეოდა ასე კეთილად, რა მიზეზითაც საავადმყოფოს პერსონალი და რომ ეს იყო სიბრალულთ გამოწვეული სიკეთე, რომ ამ ადამიანებმა მის შესახებ ისეთი რამ იცოდნენ რაც თვითონ მას არ უნდა სცოდნოდა.

ერთ საღამოს ქირურგმა ბოლოს და ბოლოს უთხრა, - ხვალ ლინზებს ჩაგისვამო. ქალს უფრო გაუკვირდა, ვიდრე გაეხარდა. ხმაც კი ვერ ამოიღო, ექიმი მანამდე გავიდა პალატიდან, ვიდრე მარდა მადლობის თქმას მოახერხებდა. ეს უკვე აღარ იყო ტყუილი. ხანგრძლივი აგონია დასრულდა. სანამ დღის მომეღელი ცვლას დაამთავრებდა, მარდამ კიდევ ერთხელ სცადა გამოეცადა იგი:

- პირველად ალბათ ცოტა მეტკინება, არა? - ისე დაუდევრად იკითხა, ვითომ ეჭვის ნატამალიც კი გაჰქრობოდა. მომეღელმა, მთელი ამ დამქანცველი დღეების განმავლობაში

ასე გულმოდგინედ რომ უვლიდა, მშვიდად უპასუხა:

- ვერც კი გაიგებთ, ისე ჩაგისვა მენ ლინჯებს, მისის უესტ.

მშვიდი, ნუგეშით სახსე ხმა, ბალიშის გასწორებისა თუ პაციენტის ტურნეტთან ჭიქის მიტანის ჩვეული მოძრაობა, ძლივს საგრძნობი სუნი ფრანგული გეიმრის საპნისა, რომლითაც იგი ავადმყოფს ბანდა, - ეს ყველაფერი იმედით ავსებდა მარდა უესტს და იმაზე მეტყველებდა, რომ მომვლელი არ ტყუოდა.

- ხვალ დაგინახავთ, - თქვა მარდა უესტმა და მომვლელმაც იმ ხალისიანი სიცილით უპასუხა, ზოგჯერ ქვემოდან, დერეფნიდან რომ მოისმოდა ხოლმე, - ღიას, მე ვიქნები თქვენი პირველი ელდა!

ბუნდოვნად ახსოვდა საავადმყოფოში მოსვლის პირველი დღე. მომსახურე პერსონალი, რომელმაც იგი მიიღო, უფორმო ჩრდილებად ეჩვენებოდა, ხოლო მისთვის განკუთვნილი ოთახი, სადაც ახლა იწვა, ხაფანგსა თუ მის გამოსამწყვდევად გამიზნულ ხის ყუთს ჰგავდა. თვით ეს ნუგეშიანი და მარჯვე ქირურგიც ორჯერ სახელდახელოდ რომ გასინჯა და ორჯერვე სასწრაფო ოპერაცია ურჩია, კაცი, რომლის განკარგულებები უსიტყვოდ სრულდებოდა და რომელიც მას ასე დარწმუნებით ჰპირდებოდა სასწაულს, ახლა ქალისათვის ნამდვილად არსებული პიროვნება კი არა, მარტოოდენ ხმა იყო.

- დელავთ არა? - გაისმა ღამის მომვლელის ნაზი, რბილი ხმა. მან სხვებზე უკეთ იცოდა, რა განცდებს უძლებდა ქალი. დღის მომვლელ ბრენდს თითქოს დღის ელვარება შემოჰქონდა პალატაში. იგი მზის შუქიც იყო, ახალ ყვავილებთან ურთიერთობის საშუალებაც და სტუმრების მიმღებიც. ამინდსაც განსაკუთრებულად აღწერდა ხოლმე:

- ნამდვილი პაპანაქებაა, - იტყოდა და ფართოდ გააღებდა ფანჯრებს. ასეთ წუთებში მისი ავადმყოფი წარმოიდგენდა გრილ ხალათსა და გახამებულ ქუდს, უცნაურად რომ ანელებდნენ თაკარა სიცხეს. ხოლო წვიმის წვეთების რაკა-რუკზე ღრუბლიანი ამინდისათვის დამახასიათებელ მსუბუქ სიგრილეს გრძნობდა

მარდა. - ეს წვიმაო, - ამბობდა მომვლელი, - მეტად გაახარებს მებადეებს, მაგრამ მდინარეზე გამართულ მატრონების<sup>1</sup> დღესასწაულს კი ხელს შეუშლის.

უგემური საჭმელიც კი, განსკუთრებით ის, მეორე საუზმეზე რომ მოჰქონდათ, მომვლელის ენამზეობის წყალობით დელიკატესად იქცეოდა ხოლმე.

- ცხიმიან კამბალას ნაჭერს ხომ არ ინებებთ? - სთავაზობდა ქალს ხალისიანად და დაკარგულ მადას უღვიძებდა. მარდა იძულებით ჭამდა ამ უგემურ თევზს, მისი მაქებარი რომ არ გაენაწყენებინა.

- აი, ვაშლის მაჭკატიც, დარწმუნებული ვარ, ორ ცალს შეჭამთ, - და ქალი უკვე გრძნობდა დაშაქრული და ფანტელეზივით სიფრიფანა შაჭკატის გემოს, რომელიც სინამდვილეში უცნაურად გამხმარი მასა იყო და სხვა არაფერი. მომვლელის ხალისიანი ოპტიმიზმი წინ ეღობებოდა უკმაყოფილების ყოველგვარ გამოვლინებას.

მარადაც ველარ ბედავდა ჩივილს.

- არაფერი მინდა, ასე ვიწვები, - მხოლოდ ამასდა ახერხებდა.

ღამე ერთად მოჰგერიდა ხოლმე შვებასა და მომვლელ ენსელს. მისგან ქალი გამხნევებას სულაც არ მოითხოვდა. პირველად, დიდი ტკივილებისას, სწორედ მომვლელი ენსელი აძლევდა წამლებს, ის უსწორებდა ბალიშს და პაციენტის გამშრალ ტუჩებთანაც მას მიჰქონდა ჭიქა. შემდეგ, მომდევნო კვირეების განმავლობაში მუდმივად ესმოდა ქალს მისი ნაზი ხმა და წყნარი ნუგეში:

- ნუ გეშინიათ, მალე გაგივლით, ყველაფერზე ცუდი ლოდინია!

ღამით ავადმყოფი მხოლოდ ზარს უნდა მიწვდომოდა და მომვლელი ენსელი უმალ გაჩნდებოდა მის საწოლთან: - ვერ იძინებთ? ვიცე, როგორ გიჭირთ, მე ახლა ორნახევარ აბს

<sup>1</sup> მატრონობის დღესასწაული - ქალთა დღესასწაული. სათავეს იღებს ძველი რომიდან აქ იგულისხმება საავადმყოფოს ქალთა პერსონალისთვის გამართული დღე.

მოგცემთ და ღამეც ასე უსასრულო აღარ მოგეჩვენებათ. რა საღბუნევით ედებოდა. ეს წყნარი და ზავერდოვანი ხმა. ამ იძულებითი დასვენებისა და უსაქმურობის ჟამს ქალის წარმოსახვამ ათასნაირ ფანტაზიას მოუხმო მომვლელ ენსელთან დაკავშირებით. წარმოიდგინა, ვითომ საავადმყოფოში კი არა, საზღვარგარეთ ისვენებდნენ სამნი, თვითონ, ენსელი და ჯიმი. ჯიმი გოლფს ეთამაშებოდა ვიღაც მამაკაცს მარდა და ენსელი კი სეირნობდნენ.

მომვლელი მოვალეობას კეთილსინდისიერად ასრულებდა. ის არასოდეს გაღიზიანებულა. მას და ავადმყოფს ერთმანეთთან მჭიდროდ აკავშირებდათ ღამეული ზიარი ინტიმურობა, რაც დღის დადგომისთანავე ქრებოდა, ხოლო დილით, რვას რომ ხუთი წუთი დააკლდებოდა, მომვლელი მორიგეობას დაამთავრებდა და ჩუმად იტყოდა, - ამ საღამომდებო. ავადმყოფმა უკვე იცოდა, რომ ეს ჩურჩული საღამოს მათი ხელახალი შეხვედრის საწინდარი იყო.

მომვლელ ენსელს კარგად ესმოდა ავადმყოფის წუხილი. მარდა უესტი დაღლილად რომ იტყოდა, - რა გრძელი იყო დღე - , ენსელი პასუხობდა, - ჰოო! - რაც იმას ნიშნავდა, რომ მასაც ძალიან გაუჭირდა ამ დღის გადათრევა, საერთო საცხოვრებელში თვალის ვერ მოხუჭა და ახლაც როგორმე უნდა გაეძლო უძინარს.

ენსელი განსაუკთრებელი, იდუმალი, სითბოთი აღსავსე ხმით აუწყებდა ხოლმე საღამოს სტუმრის მოსვლას:

- ძალზე რომ გაგიხარდებათ, ისეთი ვინმე გეწვიათ, ჩვეულებრივზე ადრე მოსულა, - ამას ისე ამბობდა, გეგონება, გამიჯნურებული ტრუბადურის მოსვლას ახარებდა, რომელსაც ჯადოსნურ ბაღში დაკრეფილი ყვავილების თაიგული მის აივანთან მიეტანა, და არა ქმრისა, რომელთანაც აგერ უკვე ათი წელია ცხოვრობდა.

- რა დიდებული შრომანებია! - წამოიძახებდა სუნთქვაშეკრული მომვლელი. მარდა უესტიც წარმოიდგენდა სამოთხის ბაღში გაზრდილ უზარმაზარ ფოთლებიან მშვენიერ მცენარეებს

და მათ წინაშე პატარა მლოცველივით მუხლმოყრილ მომვლელ ენსელს. შემდეგ მორცხვი ხმა წაიღულღულდებდა, - სადამო მშვიდობისა, მისტერ უესტ, მისის უესტი გელოდებათ. - და მარდას ესმოდა, რა სიფრთხილით იხურებოდა კარი, როგორ გადიოდა გარეთ ფეხის წვერებზე შემდგარი მომვლელი ენსელი შროშანებით ხელში, შემდეგ როგორ უხმაუროდ ბრუნდებოდა და როგორ იჟღინთებოდა ოთახი ყვაკილების სურნელით.

ასე, მეხუთე კვირის თავზე მარდა უესტმა სცადა და შესთავაზა მომვლელ ენსელს, მერე კი ქმარს, რომ შინ დაბრუნებულს ენსელი ერთი კვირით მაინც თან წაეყვანა. ეს მომვლელის შვებულებას დაემთხვეოდა. მხოლოდ ერთი კვირა! მანამ, სანამ მარდა უესტი კვლავ შეძლებდა საქმისათვის მოეკიდა ხელი.

- ჩემი წამოსვლა გნებავთ? - თავდაჭერილობა და დაპირება გაისმა მომვლელის ხმაში.

- ძალიან! პირველად ისე ძნელი იქნება... - ავადმყოფმა თვითონაც არ იცოდა, რას გულისხმობდა სიძნელეში, ერთი კი იყო, ახალი ღინზების მიუხედავად, თავი ისევე უმწეოდ წარმოედგინა, როგორც ახლა იყო. ეგონა, მერეც დასჭირდებოდა ზრუნვა და რწმენა, რითაც მხოლოდ მომვლელი ენსელი აღავსებდა დღემდე.

- ჯიმ, შენ რას იტყვი? - შეეკითხა მარდა ქმარს.

ქმრის პასუხი ერთნაირად გამოხატავდა გაკვირვებასა და თანხმობას. გაკვირვებას იმიტომ, რომ მისი ცოლი მომვლელს, ადამიანს, თავის საკუთრებად მიიჩნევდა, ხოლო თანხმობას იმიტომ, რომ ეს იყო ავადმყოფი ქალის კაპრიზი. ყოველ შემთხვევაში, მარდა უესტი ასე იოლად უყურებდა ამ ამბავს. მერე კი, მოგვიანებით, როცა სადამოს ვიზიტი დამთავრდა და ქმარი შინ წავიდა, მან დამის მომვლელს უთხრა:

- მე მაინც ვერ გავიგე, ჩემს ქმარს მოეწონა თუ არა ეს ჯარი.

პასუხი წყნარი და გამამხნეველი იყო.

- ნუ ნაღვლობთ, მისტერ უესტი შეგუებულია ყველაფერს.

მაინც რას არის შეგუებული? ოჯახური ცხოვრების წესში ცვლილებას? სამ ადამიანს მაგიდასთან, საუბრებს, სტუმრის უჩვეულო მდგომარეობას, რომელსაც დიასახლისის ერთგულებისათვის ფული უნდა გადაუხადონ! (ეს უკანასკნელი კი რა სახსენებელია, მაგრამ ხომ ჩასრიალდება ფული კონვერტში კვირის ბოლოს).

- ხომ არ ღელავთ? - იქვე, თავთან მღვარი მომვლელი ენსელი ხელით შეეხო სახვევებს და სწორედ ამ ხმის სითბო და დამაჯერებლობა იყო, სულ რამდენიმე საათში რომ გაუნათებდა სამყაროს, ჩაახშობდა წარმატებისადმი ამ მტანჯველ ეჭვს. ოპერაციამ კარგად ჩაიარა. ხვალ ისევ დაინახავდა.

- თითქოს მეორედ უნდა დავიბადო, - უპასუხა მარდა უესტმა, - დამავიწყდა კიდევ, როგორია სამყარო!

- სამყარო მშვენიერია, - ჩაილაპარაკა მომვლელმა ენსელმა, - და თქვენც როგორი მომთმენი იყავით ამდენ ხანს.

თანაგრძნობით გამთბმარი ხელი თითქოს პროტესტი იყო ყველა მათ წინააღმდეგ, ვინც მთელი ამ ხნის მანძილზე დაჟინებით ამტკიცებდა, რომ სახვევები არ უნდა მოეხსნათ ქალისათვის. თითქოს მომვლელი ენსელის ნება რომ ყოფილიყო, იმავე წუთს მოაცილებდა დოლბანდს და ავადმყოფ ქალს შვებას მოჰკვრიდა.

- უცნაურია, - მიმართა მარდამ მომვლელს, - ხვალ თქვენ ჩემთვის მხოლოდ ხმა კია არა, ადამიანიც იქნებით.

- ახლა არა ვარ ადამიანი?

მოჩვენებითი საყვედური და კეთილად გაჯავრება, რაც მათ ურთიერთობას ახასიათებდა, საოცრად ამშვიდებდა ავადმყოფს.

- დიახ, რა თქმა უნდა, მაგრამ მაინც სხვანაირად იქნება ყველაფერი.

- არ მესმის, რატომ.

მარდა უესტმა მართალია იცოდა, ენსელი პატარა ტანისა და შავგვრემანი რომ იყო (მომვლელმა თვითონ აღუწერა ასე საკუთარი თავი), იგი მაინც მზად უნდა ყოფილიყო პირველი მოულოდნელობისათვის, იქნებ უცნაურად დახრილი თავი, ან

უცნაურად ირიბი თვალები, შესაძლოა სახის მოულოდნელი ფორმა ჰქონდა, ანდა ძალიან დიდი პირი უჩვეულოდ, ბევრი კბილებით.

- აი, შეიგრძენით.

და მომვლელმა ენსელმა უკვე მერამდენედ აიღო პაციენტის ხელი და სახეზე მოსვა. ენსელს თითები ოდნავ უკანკალებდა, ალბათ იმიტომ, რომ ქალი დატყვევებულივით ემორჩილებოდა. მარდამ ხელი გამოსტაცა და სიცილით უთხრა:

- ასე ვერაფერს ვგრძნობ.

- მაშინ დაიძინეთ, ხვალინდელი დღე ისე უცებ მოვა. - ამას მოჰყვა ნაცნობი საქმიანობა, იქვე, მისაწვდომად ახლოს ზარის დადება, უკანასკნელად წამლის დაღვევა და ბოლოს ანაზი: „ღამე მშვიდობისა, თუ დაგჭირდეთ, ზარი დარეკეთ“.

- გმადლობთ, ღამე მშვიდობისა.

მარდას ყოველთვის დანაკარგის შეურაცხყოფელი გრძნობა ეუფლებოდა ხოლმე. როცა კარი მიიხურებოდა და მომვლელი კავილოდა. დაეჭვდებოდა კიდევ, ვაითუ ენსელი სხვა პაციენტებსაც ასე თბილად თანაუგრძნობს და ტკივილების დროს ასინიც ასევე ურეკავენ ზარსო. შუალამისას, უცებ რომ გაეღვიძებოდა, და ეს ხშირად ხდებოდა, მარდა უესტი ჯიმს კი აღარ წარმოიდგენდა შინ, თავის ბალიშზე მწოლიარეს, არამედ მომვლელი ენსელი წარმოუდგებოდა თვალწინ სხვა ავადმყოფის საწოლთან სანუგეშოდ დახრილი. მარდა მხოლოდ ამის გამო მისწვდებოდა ხოლმე ზარს, მიაჭერდა ცერს და როცა ენსელი შემოვიდოდა, ჰკითხავდა, - ხომ არ გეძინათო.

- მე მორიგეობისას არასოდეს ვიძინებ, - იყო პასუხი.

ენსელი ალბათ თავის მყუდრო ოთახში იჯდა დერეფნის შუაგულში. იქნებ ჩაისაც სვამდა, ან დავთარს ჩაჰკირკიტებდა, ან შესაძლოა, რომელიმე ავადმყოფთან იდგა ისევე, მარდა უესტთან რომ იდგა ხოლმე.

- ცხვირსახოცი ვეღარ ვიპოვე! - მოიმიზეზებდა ქალი.

- აი, აქ არის, თქვენი ბალიშის ქვეშ დევს, - უპასუხებდა ენსელი, მხარზე მოეფერებოდა (ეს სინაზის ერთგვარი გამოხა-

ტულელება იყო), მერე რამდენიმე წუთის საუბარი მათ ურთიერთობას ცოტათი გაახანგრძლივებდა და ბოლოს მომვლელი წავიდოდა, რომ სხვა ზარებსა და თხოვნებს გაპასუხებოდა.

\*\*\*

- ამინდს ვერ დავემდურებით, - უკვე მოდღევედა, მომვლელი ბრენდი დილის სიოსავით შემოფოფინდა პალატაში და ამინდზე ბარომეტრივით შექმნა წარმოდგენა. - ყველაფერი მზად არის დიდმნიშვნელოვანი მოვლენისათვის? - იკითხა მან, - უნდა ავჩქარდეთ. ეცადეთ, ყველაზე ლამაზ ღამის პერანგში შეხვდეთ თქვენს მეუღლეს.

ესეც ოპერაცია იყო, ოღონდ უკუპროცესით. მარდა იმავე საოპერაციოში იმყოფებოდა, ამჯერად მაგიღაზე აღარ დააწვინეს. ქირურგის მარჯვე ხელები სწრაფად მოძრაობდნენ, მომვლელი ბრენდი ეხმარებოდა. პირველად კრეპი მოხსნეს, მერე სახვევები და ძენძები მოაცილეს, მერე ნემსის უმნიშვნელო ჩხვლეტა იგრძნო და მოითენთა. შემდეგ ქირურგი მის ქუთუთოებს შეეხო. ტკივილს არ გრძნობდა, რასაც ქირურგი აკეთებდა, ყველაფერი ცივი და ყინულივით სრიალა ეჩვენებოდა, მაგრამ მარდა მაინც საოცარ სიმშვიდეს გრძნობდა.

- აბა, იმედი არ გაგიცრუვდეთ, - უთხრა ექიმმა, - ნახევარი საათის განმავლობაში არაფერი შეიცვლება. ჯერ მხოლოდ ჩრდილებს დაინახავთ, თანდათანობით დაგეწმინდებათ მზერა. მთელი ეს ხანი წყნარად უნდა იწვეთ.

- გასაგებია, არ გავინძრევი.

დიდი ხნის ნანატრი წუთი რომ არც ისე მალე მოვიდოდა, ამას თვითონაც ხვდებოდა. ახლად ჩადგმული ლინჯები დროებითი იყო, რამდენიმე დღეში ისევ გამოცვლიდნენ და სხვა-ნაირებს ჩაუდგამდნენ.

- რის დანახვას შეეძლებ? - როგორც იქნა, გაბედა ეკითხა.

- ყველაფრის, მაგრამ ფერებში მაშინვე ვერ დაინახავთ. ისეთი გრძნობა გექნებათ, თბიქოს მზის სათვალე გეკეთოთ

მზიან ამინდში, საკმაოდ სასიამოვნო გრძნობაა.

ექიმის ხალისიანმა სიცილმა სიმზნევე შემატა ავადმყოფს. ქირურგი და მომვლელი ბრენდი რომ გავიდნენ, ქალი უკან გადაწვა და დაელოდა, როდის დაეწმინდებოდა თვალები, როდის დაინახავდა ლინზებისაგან რამდენადმე გაფერმკთალებულ ზაფხულის დღეს.

ნისლი ნელა შეთხელდა. პირველი საგანი, რომელიც დაინახა, კუთხოვანი იყო, ეს გახლდათ კარადა. მერე სკამიც დაინახა. ქალმა თავი მოაბრუნა, თანდათან გამოიკვეთა ფანჯრის კონტურები, რაფაზე დადგმული ლარნაკები, ჯიმის მოტანილი ყვავილები. გარედან შემოსული ხმები ამ საგნებს კონტურებს შეერწყა და აღრე თუ უხეშად ჟღერდა, ახლა სრულ ჰარმონიას ქმნიდა მათთან. - ნეტავ ტირილი თუ შემიძლია? - გაიფიქრა ქალმა, - ნეტავ ლინზები თუ შეაკავებენ ცრემლს? - მაგრამ მალე იგრძნო, როგორ ჩამოუგორდა თვალის ჩინის აღდგენის სიხარულით გამოწვეული ცრემლები. ამ ცრემლების სულაც არ რცხვენოდა. ორიოდე კურცხალი სწრაფად მოიწმინდა. ახლა ყველაფერი თავისი ნამდვილი ფორმით აღდგა: ყვავილები, პირსაბანი თასი, ჭიქა, შიგ ჩადებული თერმომეტრი, საშინაო ხალათი. გაოცება და შვება იმდენად დიდი იყო, რომ მარდამ ფიქრის უნარიც კი დაკარგა.

- არ მატყუებდნენ, - გაიფიქრა ქალმა, - ყველაფერი ამიხდა, გამართლდა.

შალის საბანს, რომელსაც ხშირად მხოლოდ გრძნობდა, ახლა უკვე ხედავდა კიდევაც. ფერს ჯერ არ ჰქონდა მნიშვნელობა. ლინზებით ჩამუქებული შუქი საგნებს მომხიბვლელობასა და სინაზეს მატებდა. ამ ფორმებისა და კონტურების დანახვით ისე იყო გახარებული, რომ ჭერს აღარ დაგიდევდათ. ფერების დანახვის დროც დადგებოდა. ახლა იყო მნიშვნელთვანი, მხედველობის ლურჯი სიმეტრია, დანახვისა და შეგრძნების, - ამ ორი მომენტის ერთმანეთთან შერწყმა. ეს ყველაფერი, რა თქმა უნდა, ხელახლა დაბადებას ნიშნავდა. ეს იყო დიდი ხნის დაკარგული სამყაროს აღმოჩენა. რა ეჩქარებოდა, ბედნიერება

ახლა ამ პატარა ოთახის ცქერა იყო, მისი ყოველი კუთხე-კუნჭულის დათვალიერება, მით უფრო, რომ ეს ბედნიერება უნდა გაგრძელებულიყო. საათები გადიოდა, მარდა კი კვლავ ათვალიერებდა ოთახს და მზერით მოგზაურობდა მოპირდაპირე სახლების ფანჯრებამდე.

საკანში დამწყვდეული უსინათლო პატიმარიც კი რაოდენ შვებას იგრძნობდა, მისთვის თვალი რომ აეხილათ, - ფიქრობდა ქალი.

მარდას მომვლელი ბრენდის ხმა მოესმა გარედან და თავი მიაბრუნა, რომ გაღებული კარისთვის შეეხედა.

- აბა, ისევ ბედნიერები ვართ?

მომღიმარმა მარდამ დაინახა თეთრხალათიანი ფიგურა, რომელსაც სინზე დადგმული რძით სავსე ჭიქა მოჰქონდა. საოცარი და მოულოდნელი ის იყო, რომ მომვლელის თეთრქუდიანი თავი სრულიად არ იყო ქალისა. ავადმყოფისაგან დახრილიყო არსება ქალის ტანითა და ძროხის თავით. პეწიანი ქუდი ფართო რქებზე წამოსკუპებოდა, დიდი და ალერსიანი თვალებიც ძროხისა ჰქონდა, ნესტოები ფართო და ნოტიო, დგომის მანერაც, სუნთქვაც, სულ ძროხას მიუგავდა, თითქოს საძოვარზე იყო მიშვებული და ყველაფერს მორჩილი კმაყოფილებით უცქერდა.

- ცოტა უცნაურად ხომ არ გრძნობთ თავს? - ჰკითხა მომვლელმა.

სიცილი ქალისა ჰქონდა, ბრენდისათვის ესოდენ დამახასიათებელი. მან სინი ბუფეტზე დადგა, საწოლს წინ. პაციენტმა არაფერი უპასუხა, თვალები დახუჭა, მერე ისევ გაახილა, მასთან კვლავ მომვლელის ხალათიანი ძროხა იდგა.

- გამოტყდით, - უთხრა მომვლელმა ბრენდმა, - ფერი რომ არა, ვერც კი იგრძნობდით ლინჯების არსებობას.

ავადმყოფს პასუხის გაცემამდე დრო უნდა მოეგო. ჭიქა აიღო და ნელ-ნელა შეუდგა რძის წრუქვას. ეს ალბათ ნიღაბია, - ფიქრობდა ქალი, იქნებ ლინჯების გამოსაცდელი ერთგვარი ექსპერიმენტიც არის, მაგრამ რა აუცილებელიც უნდა იყოს

მათი ტარება, მაინც დიდად სარისკო საქმეა. მარდაზე სუსტი ნერვების ადამიანებისათვის ასეთი გამოცდა ხომ ნამდვილი ბოროტება იქნებოდა.

- მშვენიერად ვხედავ, - როგორც იქნა, ხმა ამოიღო ქალმა, - ყოველ შემთხვევაში, ასე მგონია.

მომვლელი ბრენდი გულხელდაკრეფილი იდგა და მას შეჰყურებდა. განიერი, ხალათიანი ფიგურა უფრო დიდი იყო, ვიდრე მარდა უესტს წარმოედგინა, ძროხას თავი დაეხარა და რქებსზე სასაცილოდ წამოესკუპებინა ქული... თუკი ეს ნამდვილად ნილაბი იყო, მაშ სადღა უერთდებოდა თავი ტანს?

- თქვენ არც თუ დარწმუნებული ლაპარაკობთ, მაინც იმედგაცრუებული ხართ ყოველივე იმის შემდეგ, რაც თქვენთვის ვიღონეთ?

მისთვის ჩვეული ხალისით იცინოდა, მაგრამ ყბებს ისე იქნევდა აქეთ-იქით, თითქოს ბალახს იცოხნებოდა.

- მე საკუთარ თავში დარწმუნებული ვარ, - უპასუხა ავადმყოფმა, - მაგრამ, აი, თქვენში კი მთლად არა, ეს რა, ოინია?

- რა არის ოინი?

- ის... თქვენი გარეგნობა... სახე.

ლურჯი ლინზების მიღმა დანახული სამყარო არც ისე ბუნდოვანი იყო, რომ ავადმყოფს ვერ გაერჩია, როგორ შეეცვალა მომვლელს გამომეტყველება. ძროხას ყბა ჩამოუვარდა.

- მართლა, მისი უესტ? - სიცილი აღარ იყო გულწრფელი, აშკარად ეტყობოდა გაოცება, - მე ისეთი ვარ, როგორიც მაღალმა ღმერთმა შექმნა, გავბედავ და ვიტყვი, უკეთესის შექმნა კი შეეძლო.

ძროხა ფანჯრისაკენ გაემართა, მკვეთრი მოძრაობით გადასწია შტორები, დიდმა შუქმა მთლიანად გაავსო ოთახი. ნილბის შეერთების ადგილი არ ჩანდა, თავი მიერთებული იყო ტანთან. მარდამ წარმოიდგინა, საფრთხის შემთხვევაში როგორ დახრიდა ძროხა რქებს თავის დასაცავად.

- არ მინდა გაწყენინოთ, - უთხრა ქალმა მომვლელს, -

მაგრამ ეს ყველაფერი ცოტა უცნაურად გამოიყურება, თქვენ იცით რა...

მაგრამ განმარტება აღარ აღსჭირდა, რადგან კარი გაიღო და პალატაში ქირურგი შემოვიდა. მარდამ იგი ხმით იცნო, - გამარჯობა, როგორ მიდის საქმეო, რომ წამოიძახა. ტანსაცმელიც ენიშნა, მუქი ზედატანი და ზოლიანი შარვალი ეცვა, სწორედ ისეთი, ასეთ ბრწყინვალე ქირურგს რომ უნდა სცმოდა... მაგრამ... ეს ტერიერის თავი, წაწვეტიებული ყურები, ცნობის-მოყვარე, მეძებარი ძაღლის გამოხედვა რაღას ნიშნავდა? რამდენიმე წუთში ალბათ დაიწყებდა და კუდს სწრაფად ააქიცინებდა.

ახლა კი გაიცინა ავადმყოფმა. ეფექტი მეტად სასაცილო იყო, ეს ყველაფერი ხუმრობას უფრო ჰგავდა, ხუმრობა გახლდათ, მაგრამ რა საჭირო იყო ამ ფასად ასეთი წვალება? განა რას მიაღწევდნენ ასეთი თვალთმაქცობით? ქალმა უცებ შეწყვიტა სიცილი, რადგან დაინახა, როგორ მიუბრუნდა ტერიერი ძროხას, როგორ შეესიტყვნენ უხმოდ ერთმანეთს ეს ორნი. მერე ძროხამ ფართო მხრები აიჩიჩა:

- მისის უესტი მგონი გვეხუმრება, - თქვა მან. მოძვლელის ხმა აშკარა უკმაყოფილებას გამოხატავდა.

- მეც ასე მგონია, - უპასუხა ქირურგმა, - ძალიან ცუდი იქნება, თუ შეგვიძულა, ხომ ასეა?

იგი მიუახლოვდა ავადმყოფს, დაინარა და ხელით შეეხო, თვალეები უნდა გაესინჯა. ქალი გაუნძრევლად იწვა. ექიმს არავითარი ნიღაბი არ ეკეთა, ყურები დაცქვეტოდა, წვეტიანი ცხვირით კი თითქოს რაღაცას ყნოსავდა. იგი ნიშაც კი იყო, ერთი ყური შავი ჰქონდა, მეორე-თეთრი. მარდამ ნათლად წარმოიდგინა, როგორ დაყნოსავდა ჰაერს მელიის სოროს შესასვლელთან, შემდეგ კი, სუნის აღებისთანავე, ეს გაწვრთნილი ძაღლი რა გულმოდგინებით შეძვრებოდა სოროში.

- თქვენ ჯეკ რასელი უნდა გერქვათ, - წარმოთქვა ქალმა ხმამაღლა.

- რა ბრძანეთ?

ექიმი წელში გასწორდა, მაგრამ ისევ საწოლთან დარჩა.

გამჭვალავი, ნათელი თვალები ჰქონდა, ცალი ყური აეცქვიტა.

- მინდოდა მეთქვა, - შეცბუნებულმა მარდა უესტმა სიტყვებს დაუწყო ძებნა, - ეს სახელი უფრო შეგეფერებათ, ვიდრე თქვენი საკუთარი-მეთქი.

ქალი აირია, გაახსენდა, ჰარლი სტრიტზე, ექიმის კარის აბრაზე რომ მისტერი ედმუნდ გრივზი ეზერა, რას იფიქრებდა ახლა ქირურგი მასზე?

- მე ვიცნობ ერთ ჯეიმზ რასელს, - თქვა ქირურგმა, - ის ორთოპედის ქირურგია და ძვლებს ამტკრევს, ჩემგან რაიმე ამის მსგავსი გიგრძნიათ?

ექიმი ხალისიანად ლაპარაკობდა, მაგრამ მის ხმაში, ისევე როგორც მომვლელი ბრენდის ხმაში, ცოტა გაკვირვებაც გამოსჭვიოდა. მარდა მათი ხელოვნებისაგან უნდა ყოფილიყო დავალებული, მაგრამ ამ მადლიერების გრძნობას ვერ ამჟღავნებდა.

- არა, რა თქმა უნდა, არა, - თქვა პაციენტმა ნაჩქარევად, - არაფერიც არა მაქვს გატეხილი და არც რაიმე ტკივილს ვგრძნობ. გარკვევითაც ვხედავ, თითქმის სრულიად გარკვევით.

- ასეც უნდა იყოს, - თქვა ქირურგმა და სიცილი, რომელიც ნათქვამს მოადევნა, მოკლე, გამყინავ ყეფას უფრო ჰგავდა.

- მომვლელო, - გააგრძელა მან, - ავადმყოფს ახლა ყველაფრის გაკეთება შეუძლია, მაგრამ ფრთხილად უნდა იყოს, არაეითარ შემთხვევაში არ შეეხოს ლინზებს, ალბათ, უკვე გააფრთხილეთ!

- ის-ის იყო ვაპირებდი, სერ, და თქვენც. შემოხვედით.

მისტერ გრივზმა თავისი წვეტიანი ცხვირი მარდა უესტისაკენ მიაბრუნა:

- მე ხუთშაბათს მოვალ, ლინზებს გამოგიცვლით. ამ ხნის განმავლობაში არ დაგავიწყდეთ დღეში სამჯერ ხსნარით თვალების მოხანვა. ამ პროცედურას ესენი ჩაგიტარებენ, თქვენ თვითონ ნუ შეეხებით და ნურც აწვალვებთ ლინზებს. ერთმა ავადმყოფმა არ დამიჯერა და მხედველობა დაკარგა, აღარც

არაფერი ეშველა.

მარდას მუქარად ჩაესმოდა ქირურგის სიტყვები, ეჩვენებოდა, თითქოს ტერიერი ღრენით ეუბნებოდა, - შენც თუ ასე მოიქცევი, უარესი დაგემართება, ფრთხილად იყავი, თორემ ხომ იცი, რა ბასრი კბილები მაქვსო.

- გასაგებია, - თქვა ავადმყოფმა ნელა, მაგრამ ამავე დროს ხელსაყრელი შემთხვევა გაუშვა ხელიდან. მას ახლა აღარ შეეძლო ახსნა-განმარტება მოეთხოვა. ალლო უკარნახებდა, რომ ექიმი მაინც ვერ გაუგებდა. ტერიერი რაღაცას ეუბნებოდა ძროხას, მითითებებს აძლევდა. მომვლელი პასუხს წივანა ხმითა და თავის სულელური კანტურით აძლევდა. ამ ძროხას ალბათ ძალიან აწუხებდნენ ბუზები სიცხეში, თუმცა, შესაძლოა, სწორედ ეს კოპწია ქუდი იცავდა მწერების შემოსევისაგან.

ისინი კარისკენ წავიდნენ, ავადმყოფმა უკანასკნელად სცადა ბედი:

- მუდმივი ლინზებიც ასეთივე იქნება? - იკითხა მან.

- ზუსტად ასეთი, - დაიყეფა ქირურგმა, - მხოლოდ იმ განსხვავებით, რომ მუდმივი ლინზები შეფერადებული არ იქნება, თქვენ ბუნებრივ ფერებს დაინახავთ. აბა, ხუთშაბათამდე.

ქირურგი გავიდა, მომვლელი გაჰყვა. მარდას გარედან ჩურჩული მოესმა. რა მოხდა ახლა? თუ ეს ყველაფერი რაღაც ტესტი იყო, ალბათ ნიღბებს უკვე მოიხსნიდნენ. მარდა უესტისათვის ფრიად მნიშვნელოვანი იყო ამის გაგება. ეს ოინი კეთილსინდისიერებით არ გამოირჩეოდა და მხოლოდ ნდობის ბოროტად გამოყენება იყო. ქალი ფრთხილად გადმოვიდა საწოლიდან და კარისაკენ გაემართა. ქირურგის ნათქვამი გაიგონა, - ერთნახევარი აბი. იგი ცოტა გაღიზიანებულია, ეს რეაქციის ბრალია.

ქალმა გაბედულად, ფართოდ გამოაღო კარი. ისინი იქვე, შესასვლელთან იდგნენ. ნიღბები ისევ ეკეთათ. ორივე მისკენ შემობრუნდა. ტერიერის გამჭვალავი, ნათელი მზერა და ძროხის დრმა თვალები ქალს ისეთი საყვედურით მიაჩერდა თითქოს ავადმყოფმა მათ წინაშე ეთიკეტი დაარღვია და ამით დანაშაული

ჩაიღინაო.

- გნებაეთ რამე, მისის უესტ? - შეეკითხა მომვლელი ბრენდი.

მარდა უესტმა მათ მიღმა, დერეფენში გაიხედა. მთელი სართული თვალთმაქცობდა. დამლაგებელს, მეორე პალატიდან აქანდში და ჯაგრისი რომ გამოიჩანა, პატარა ტანზე სინდიოფალას თავი ჰქონდა მიბმული. მეორე მხრიდან მომავალ მომვლელს კი პატარა პრანჭია კნუტის თავი ება და ქუდიც კეკლუცად ეხურა ხვეულ ბალანზე. მას რომ ექიმი მოსდევდა, ამაყი ლომი იყო, თვით მეკარესაც, სწორედ იმ წუთას რომ გამოვიდა ლიფტიდან, ტახის თავი ედგა მხრებზე და ბარგის აღებისას დაიღრუტუნა კიდევაც.

მარდა უესტმა შიშის პირველი, ბასრი ჩხვლეტა იგრძნო. ნუთუ ყველამ წინასწარ იცოდა, რომ სწორედ იმ დროს გამოაღებდა მარდა კარს? ან ასე ერთდროულად როგორ შეინიღბნენ დანარჩენი მომვლელები, ექიმი, მეორე ოთახიდან გამოსული დამლაგებელი და მეკარე? ქალს, ეტყობა, შიში გამოეხატა სახეზე, რადგან მომვლელმა ბრენდმა, ძროხამ, ხელი მოჰკიდა და პალატაში შეაბრუნა.

- კარგად გრძნობთ თავს, მისის უესტ? - ჰკითხა შეწუხებულმა.

მარდა უესტი ნელ-ნელა მიწვა საწოლზე. თუ ეს შეთქმულეა იყო, რა მიზანი უნდა ჰქონოდა? ნეტავ სხვა პაციენტებსაც ასე ატყუებდნენ?

- ძალიან დავიღალე, - თქვა ქალმა, მეძინება.

- მართლაც, ცოტა ადელეკებული ხართ, - უთხრა მომვლელმა ბრენდმა. მან რაღაც წამალი გახსნა ჭიქაში. მარდამ ჭიქა ჩამოართვა, მაგრამ უცებ ხელი აუკანკალდა, განა შეეძლო ძროხას წამლის გახსნა, უცებ შეცდომა რომ მოსვლოდა?

- რას მაძლევთ? - იკითხა მან.

- დამამშვიდებელს, - უპასუხა ძროხამ.

„ბაიას და ზიზილას, წვნიან მწვანე ბალახსო“, - თითქოს ამას ეუბნებოდა მომვლელი. წარმოსახვა იმდენად ძლიერი

იყო, რომ მარდას წამლის დაღევა გაუჭირდა, გააჟრჟოლა, ბალიშზე მიწვა. ბრენდმა ფარდები მჭიდროდ ჩამოაფარა.

- აბა, ახლა დაისვენეთ, - უთხრა მან, - რომ გაიღვიძებთ, კარგად იქნებით. - მძიმე თავმა წინ წამოიწია, მარდას მოეჩვენა. საცაა ძროხა ყბას დააღებს და დაიბლავლებსო.

დამამშვიდებელმა წამალმა სწრაფად იმოქმედა. ავადმყოფი მოდუნდა. მალე მშვიდი სიბნელეც ჩამოდგა, მაგრამ ქალი მალევე გამოფხიზლდა, იმიტომ კი არა, რომ დამშვიდდა, არამედ იმიტომ, რომ მეორე საუზმე მას კნუტმა შემოუტანა. მომვლელ ბრენდს მორიგეობა უკვე დაემთავრებინა.

- რამდენ ხანს უნდა გაგრძელდეს ეს? - იკითხა მარლამ. იგი უკვე შეგუებოდა ამ ოინს. უსიზმრო ძილმა ენერგია და ცოტაოდენი რწმენა აღუდგინა. ჯანდაბას, თუ მისი თვალე-ბისათვის ასეა საჭირო, ან სხვა რამ მიზეზის გამო იქცევიან ასე, რაც უნდათ, ის ქნან.

- რას გულისხმობთ, მისის უესტ? - ჰკითხა კნუტმა ღიმილით. ეს ქარაფმუტა არსება ლაპარაკის დროს პირს უცნაურად პრანჭავდა და თან ქუდზე ხშირ-ხშირად იკიდებდა ხელს.

- რას და, ამ გამოცდას ჩემს თვალეებზე, - უპასუხა ავადმყოფმა და თეფშზე დაღებულ მოხარშულ წიწილს სახურავი ახადა. - ვერავითარ ზრს ვერ ვხედავ ყოველივე ამში, სასაცილოდ იხდით თავს, რა მიზანი გაქვთ? კნუტი სერიოზულად, თუ საერთოდ შეიძლება კნუტი სერიოზული იყოს, უცქერდა მას.

- მაპატიეთ, მისი უესტ, - თქვა მან, - ვერაფერი გავიგე, მომვლელ ბრენდს უთხარით, რომ ჯერ კიდევ ვერ ხედავთ კარგად?

- ვინ გითხრათ, რომ ვერ ვხედავ? - უპასუხა მარლა უესტმა, - ძალიანაც კარგად ვხედავ. აი, ეს სკამია, ეს მაგიდა. მე ახლა უნდა ვკვამო მოხარშული წიწილი, მაგრამ აი, თქვენ, რატომ ჰგავხართ კნუტს, თანაც მეტიჩარა კნუტს?

იქნებ ძალზე მკაცრადაც უთხრა, მაგრამ გაუჭირდა ხმის სიმტკიცე შეენარჩუნებინა. მარლამ ხმით იცნო ეს მომვლელი,

იგი გვარად სვიიტინგი იყო და ეს გვარი კიდეც შეეფერებოდა. მომვლელი კორგოლაჭებიან მაგიდას მოსცილდა.

- მაპატიეთ, თუ ჯერ არ ვიფხაჭნები, ჩემთვის არასოდეს დაუძახიათ კატა, - თქვა მან.

ფხაჭნა კარგი მოიგონა, ბრჭყალებიც ხომ ჰქონდა! მას შეეძლო ლომთან ეკრუტუნა დერეფანში, მაგრამ მარდა უესტი ნებას არ მისცემდა, მასთანაც იგივე ჩაედინა.

- მე არაფერს ვიგონებ, - თქვა ავადმყოფმა, - მე ვხედავ იმას, რაც ჩანს. თქვენ კატა ხართ, მომვლელი ბრენდი კი ძროხაა.

შეურაცხყოფა ახლა წინასწარგანზრახულივით ჟღერდა. მომვლელ სვიიტინგს მშვენიერი უღვაში აეჯაგრა.

- გეთაყვა, მისის უესტი, - ამოღერდა მან, - მიირთვით წიწილი და მეორე კერძს რომ მოისურვებთ, ზარი დამირეკეთ.

იგი ოთახიდან გაიძურწა. „კუდი რომ ჰქონდეს, მისტერ გრივზივით კი არ ააქიცინებდა, სიბრახისაგან დაეკრუნჩხებოდა“, - გაიფიქრა მარდა უესტმა.

არა, მათ ნიღბები არ ეკეთათ. კნუტის გაოცება და გულისწყრომა სამართლიანი იყო. საავადმყოფოს მომსახურე პერსონალიც მხოლოდ ერთი პაციენტის - მარდა უესტის გულისათვის არ ჩაიდენდა ამას. ეს დიდ ხარჯში ჩააგდებდათ. ყველაფერი ლინზების ბრალი იყო. ეს ლინზები მათთვის დამახასიათებელი რაღაც თვისებებით სახეს უცვლიდნენ ადამიანებს.

უეტარმა ზრმა გაუელვა, გოროლაჭებიანი მაგიდა გვერდზე მიაგორა, საწოლიდან გადმოვიდა და ტუალეტის მაგიდისაკენ გაემართა. სარკიდან საკუთარი სახე შემოაცქერდა. მართალია, მუქი ლინზები თვალებს უფარავდა, მაგრამ სახე ხომ მისი იყო.

- ამისათვისაც მადლობა ღმერთს! - ჩაილაპარაკა, მაგრამ უცებ ისევ თვალთმაქცობაზე ჩაფიქრდა.

ის, რომ მისი სახე ლინზებითაც უცვლელი ჩანდა, უთუოდ შეთქმულებას ნიშნავდა და თავდაპირველი აზრიც ნიღბებზე

ნამდვილად სწორი იყო. რად დასჭირდათ ეს ყოველივე? ნუთუ შეთქმულება ქალის ჭკუაზე შესაშლელად იყო გამიზნული? ამგვარი აზრი მალევე უარყო, ყველაფერი ძალზე უცნაურად გამოიყურებოდა. ეს გახლდათ ლონდონის ფრიად რესპექტაბელური საავადმყოფო, მედპერსონალსაც კარგად იცნობდა. ქირურგი მალალ საზოგადოებას ემსახურებოდა, გარდა ამისა, თუ ვინმეს მართლაც უნდოდა მისი ჭკუაზე შეშლა ან მოკვლა, წამლების საშუალებით ხომ უფრო მოახერხებდა ამას, ან სულაც ნარკოზის დიდ დოზას მისცემდნენ ოპერაციის დროს და გამოასალმებდნენ კიდეც სიცოცხლეს. საამისოდ ცხოველებს ნიღბებს არავინ გამოიყენებდა.

ახლა სხვა რამ სცადა. ფანჯარასთან დადგა, ფარდას ამოეფარა და გამკვლელებს დაელოდა. ცოტა ხანს არავინ ჩანდა ქუჩაში, მეორე საუზმის დრო იყო და ტრანსპორტიც შემციირებულიყო. მალე ქუჩის ბოლოში ტაქსმა ჩაიარა, მაგრამ სიმორის გამო ქალმა მძღოლის თავი ვერ დაინახა, დაელოდა, საავადმყოფოდან მეკარე გამოვიდა და კიბის საფეხურზე გაჩერდა. მისი ტახის თავი გარკვევით მოჩანდა, აქეთ-იქეთ იყურებოდა და ისე იქცეოდა, ვითომ არაფერიც არ მომხდარიყო, ნამდვილად კი ისიც შეთქმულების მონაწილე გახლდათ. მასთან-ახლოს საბარგო მანქანა გაჩერდა, ქალი დააცქერდა, ჯერ ვერ დაინახა მძღოლი, მაგრამ... მანქანიდან რომ გადმოვიდა და საავადმყოფოსაკენ ნელა გამოემართა, მარდამ ნათლად დაინახა მამაკაცის ფიგურა მხრებში ჩამძვრალი ბაყაყის თავითა და გადმოკარკლული თვალებით.

ქალმა გულში მწვავე ტკივილი იგრძნო, ფანჯარა მიატოვა და საწოლს დაუბრუნდა. მაღა არ ჰქონდა, თეფში გასწია და დარჩენილი წიწილისთვის პირი არ დაუკარებია. ზარი არ დაურეკავს, ისე შემოვიდა ვიღაც. ეს არ იყო კნუტი, ეს იყო პატარა დამლაგებელი სინდიოფალას თავით.

- ქლიავის ტორტს მიირთმევთ თუ ნაყინს, ქალბატონო? - ჰკითხა მარდას.

მარდა უესტს თვალები ნახევრად მოეხუჭა. მან თავი

გაიქნია. სინდიოფალამ გაუბედავი მოძრაობით აკრიფა ჭურჭელი და მორცხვად თქვა:

- მაშინ ყველს და ყავას მოგიტანთ.

სინდიოფალას თავი პირდაპირ უერთდებოდა კისერს. ეს ან საერთოდ არ იყო ნილაბი, ანდა გენიალური ხელოვანის მიერ შექმნილ საოცრებას წარმოადგენდა, რადგან უბრალო ნილაბი ასე ვერ შეეხორცებოდა კანს, სხეულს.

- მხოლოდ ყავა, - წარმოთქვა მარდა უესტმა.

სინდიოფალა გაუჩინარდა. მალე კვლავ გაისმა კარზე კაკუნი და ისევ გამოჩნდა კნუტი, მას ზურგი თალივით ამობურცვოდა და ბეწვი აშლოდა, ხმისამოუღებლად დადგა ყავიანი ფინჯანი მაგიდაზე. მარდა უესტი გაღიზიანდა, რადგან თუ ვინმე მართლა უნდა გამწყვრალიყო, ეს თვითონ მარდა უესტი იყო და მან ენამწარედ მიმართა კნუტს: ცოტაოდენი რძე ხომ არ დაგისხათ ლამბაქზეო.

კნუტი შემობრუნდა:

- ხუმრობა ხუმრობაა, მისის უესტ, მეც შემიძლია სიცილი, მაგრამ უხეშობას ვერ ავიტან.

- მიაუ! - გამოაჯავრა მარდამ.

კნუტი ოთახიდან გავიდა. არავინ, თვით სინდიოფალაც კი აღარ მოსულა ყავის ჭურჭლის წასაღებად. მარდა მათ ცუდად მოექცა, მაგრამ ამას არ დაგიღვედათ. თუ მომსახურე პერსონალს ეგონა, რომ ბრძოლას მოიგებდა, ძალიან ცდებოდა. ქალი ისევ ფანჯარასთან მივიდა და გადაიხედა. ორ ჯოხზე დაყრდნობილ ხნიერ ვირთეუზას ტახისთავიანი მეკარე მანქანაში ჩაჯდომას შეელოდა. არა, ეს არ შეიძლება შეთქმულება ყოფილიყო, რადგან ქვემოთ მყოფებს არ შეეძლოთ სცოდნოდათ ის, რომ მარდა მათ უკალთკალეებდა. იგი ტელეფონთან მივიდა და კომუტატორს სთხოვა, ქმრის სამსახურთან დაეკავშირებინა. უცებ გაახსენდა, რომ ქმარი შეიძლება სასაუზმოდ ყ. ჟილიყო გასული, მაგრამ მიუხედავად ამისა, მაინც აკრიფა ნომერი და ჯიბიც, საბედნიეროდ, აღვილზე აღმოჩნდა.

- ჯიმ, ჯიმ, ძვირფასო.

- გისმენ!

რა შეება იყო საყვარელი, ნაცნობი ხმის გაგონება. ქალი გულაღმა იწვა ლოგინზე და ყურმილი ისე ეკავა.

- ძვირფასო, როდის მოხვალ?

- ვმიშობ, საღამომდე ვერ მოვალ, ჯოჯოხეთური დღეა, ერთ საქმეს მეორე მოსდევს. პო, მართლა, შენ როგორ ხარ? ყველაფერი რიგზეა?

- ყველაფერი არა.

- რას გულისხმობ, ვერ ხედავ? გრივზმა ხომ არაფერი აურია?

როგორ უნდა აეხსნა, რა დაემართა. ტელეფონით ისე სულელურად ჟღერდა ყველაფერი.

- ვხედავ, ძალიან კარგად ვხედავ, მხოლოდ ერთი რამაა... ყველა მომვლელი ცხოველს ჰგავს და გრივზიც ასევე. ის ფოქსტერიერია, ერთ-ერთი იმ პატარა ჯექ რასელთაგანი, მელიებს რომ მიუქსევენ ხოლმე სოროსთან.

- რაებს ლაპარაკობ?

ჯიმი იმავე დროს თავის მდივანს ეუბნებოდა რაღაცას და ქალი მისი ხმის კილოზე მიხვდა, რომ ქმარი დაკავებული იყო, ძალიან დაკავებული და დასარეკად ცუდი დრო აირჩია.

- რა ჯექ რასელიო, რას ამბობდი?

მარდა მიხვდა, აზრი არ ჰქონდა ახლა ამ თემაზე ლაპარაკს. ქმრის მოსვლამდე უნდა მოეცადა, მერე კი ყველაფერს აუხსნიდა და ქმარიც შეეცდებოდა მდგომარეობაში გარკვეულიყო.

- არაფერს, - უპასუხა მარდამ, - მერე გეტყვი.

- მაპატიე, - უთხრა ქმარმა, - ნამდვილად არა მცალია, თუ ლინჯები არ გშველის, ვინმეს უთხარი, მომვლელებს ან მნეს.

- კარგი, - უპასუხა ქალმა, - კარგი.

მარდამ ყურმილი დაკიდა, ტელეფონის აპარატი გადადგა და ჯიმს რომ დარჩა, ის გაზეთი აიღო. მარდამ სიხარულით აღმოაჩინა, რომ კითხვა თვალებს არ უზიანებდა. ლურჯი ლინჯებიც სწორად აჩვენებდნენ, რადგან ქალებისა და მამა-

კაცების ფოტოები ნორმალურად გამოიყურებოდა, მექორწინე წყვილები, სოციალური მოვლენები, დებიუტანტები, ყველაფერი ჩვეულებრივი იყო. მხოლოდ აქ, საავადმყოფოში და გარეთ, ქუჩაში ჩანდნენ ადამიანები სხვანაირი.

შუადღე კარგახანს გადასული იყო, მნე რომ შემოვიდა. ის რომ მნე იყო, მარდა მისი ტანსაცმლით მიხვდა. ქალს ახლა საკვებით ბუნებრივად მოეჩვენა ის, რომ შემოსულს ცხვრის თავი ება.

- იმედი მაქვს, საკმაოდ დამშვიდებული ბრძანდებით, მისის უესტ.

ფრთხილი დაკითხვის კილო გაისმა მის ხმაში - დაეჭვებულ ბლავილში.

- დიახ, გმადლობთ.

მარდა უესტიც ფრთხილად ლაპარაკობდა. არ იყო საჭირო შეშფოთება. რაოდენ დიდი შეთქმულებაც არ უნდა ყოფილიყო, მაინც აჯობებდა, თუ არ გააღიზიანებდა ცხვარს.

- ლინზებს კარგად ხმარობთ?

- ძალიან კარგად.

- ძალზე მოხარული ვარ, მეტად რთული ოპერაცია იყო და თქვენც ასე კარგად გაუძელით ლოდინს.

„აჰა, მეპირფერება, - გაიფიქრა ავადმყოფმა, - ეჭვი არ არის, ეს პირფერობაც იმ თამაშის ნაწილია“.

- მისტერ გრივზმა თქვა, რამდენიმე დღეში მუდმივ ლინზებს ჩაუუსვამო.

- მეც ასე მითხრა.

- ალბათ გული გწყდებათ, ფერს რომ ვერ არჩევთ, არა?

- რასაც ვხედავ, ისიც დიდ შევებას მანიჭებს.

ეს რეპლიკა მანამდე წამოსცდა სანამ გაიზარებდა რამეს. მნემ კაბა შეისწორა. „რომ იცოდნე, რას ჰგავხარ, თანაც ზონარი რომ შეგიბამს მაგ ცხვრის კისერზე, მაშინ მიხვდებოდი, რასაც ვგულისხმობ, - გაიფიქრა ქალმა.

• - მისის უესტ, - მნე ეტყობა უხერხულობას გრძნობდა, ამიტომ მიიბრუნა ცხვრის თავი, - მისის უესტ, იმედი მაქვს,

არ გეწყინებათ, რის თქმასაც ახლა ვაპირებ. ჩვენი მომვლელები ძალიან კარგად მუშაობენ და ჩვენც ძალიან ვამაყოფთ მათით. ისინი, როგორც თვითონვე მოგეხსენებათ, ბევრს შრომობენ და ნამდვილად უხერხულია მათი დაცინვა. მე მაინც მგონია, რომ თქვენ მხოლოდ ეხუმრეთ მათ.

ბეე... ბეე... ბლავილად ისმოდა მისი ხმა. მარდამ მაგრად მოკუმა ტუჩები.

- ამას იმიტომ მეუბნებით, მომვლელ სვიიტინგს კნუტი რომ ეუწოდე?

- მე არ ვიცი, რა უწოდეთ, მისის უესტ, ერთი კია, იგი საკმაოდ ნაწყენი და ატირებული მოვიდა ჩემთან.

„უნდა გეთქვა აკნავლებულიო, - გაიფიქრა მარდამ, კნავილითა და ფხაჭნით მოვიდოდა, მისი პატარა მარჯვე თათები ხომ ნამდვილი ბრჭყალებია“.

- ეს აღარ განმეორდება.

მარდამ გადაწყვიტა აღარაფერი ეთქვა, მისი ბრალი სულაც არ იყო, რომ გამრუდებული ლინჯები ჩაუსვეს, არც ამგვარი ოინბაზობის ატანის სურვილი ჰქონია.

- ალბათ ძალზე ძვირი ჯდება ასეთი სააკადემოფოს შენახვა, - გააგრძელა ქალმა.

- რა თქმა უნდა, - უპასუხა მნემ, ანუ ცხვარმა, - მაგრამ საქმეს დიდად გვიიოლებს ჩვენი მომსახურე პერსონალისა და აკადემოფების შესანიშნავი ურთიერთდამოკიდებულება.

ეს შენიშვნა მარდას გულში მოსახვედრად იყო გამიზნული. ცხვარიც კი თავს ესხმოდა.

- მნევ, - მიმართა მარდა უესტმა, - მოდით, გულახდილნი ვიყოთ ერთმანეთთან, რა მიზანი აქვს ყოველივე ამას?

- რას, მისის უესტ?

- ამ ოინბაზობას, ამ ნიღბებს, - როგორც იქნა, თქვა საოქმელი. თავისი მოსაზრების განსამტკიცებლად მარდამ მნეს ქულზე მიუთითა, - აი, თუნდაც, ეს, რატომ იკეთებთ ნიღბებზე ასეთ წვრილმანებს? ეს ხომ სასაცილოც არ არის?

სიჩუმე ჩამოვარდა, მნემ, რომელიც საუბრის გაგრძელებას

აპირებდა, ზრი შეიცვალა, წამოდგა და ნელა გაემართა კარისაკენ.

- ჩვენ, წმინდა ჰილდას პანსიონში აღზრდილები, ძალზე ვამაყობთ ჩვენი ემბლემებით, - თქვა მან, - მისის უესტ, იმედი მაქვს, აქედან რომ წაბრძანდებით რამდენიმე დღეში, უკან გაცილებით დიდი მადლიერების გრძნობით მოიხედავთ.

იგი ოთახიდან გავიდა. მარდა უესტმა ის გაზეთი აიღო, წელან რომ მოისროლა. ისევ გაურკვეველი დარჩა ყველაფერი. ქალმა თვალები დახუჭა, მერე გაახილა, მერე ისევ დახუჭა. სკამი რომ სოკოდ გადაქცეულიყო, ანდა მაგიდა თივის ზვინად, მაშინ ლინზებს დაბრალდებოდა ყველაფერი. მხოლოდ ადამიანები რატომ იცვლებოდნენ? რა დაემართათ? ჩაი რომ შემოუტანეს, თვალი არ გაუხელია. არც მაშინ გაახილა, ვიდაცის ხმამ ტკბილად რომ ამცნო, ყვავილები მოგართვესო. დღელოდა, როდის დატოვებდა ოთახს ხმის პატრონი. წითელი მიხაკები მოეტანათ, ჩვეულებრივი წითელი მიხაკები, სუნიც მშვენიერი ჰქონდა. პონისთავიანი მომკლელი ყვავილების წყალში ჩასადებად შემოვიდა. მარდა არ გაუღიზიანებია მის გარეგნობას. ბოლოს და ბოლოს ეს იყო პატარა წესიერი პონი, შუბლზე თეთრი ვარსკვლავით. რინგზე რომ გამოსულიყო, ნამდვილად გაიმარჯვებდა.

- გმადლობთ, - გაიღიმა მარდა უესტმა.

ეს უცნაური დღე უსასრულოდ გაგრძელდა და ქალი ახლა მოუთმენლად ელოდა რვა საათის შესრულებას. დაიბანა, ღამის პერანგი გამოიცვალა და თმა დაივარცხნა. მერე ფარდები დაუშვა და მაგიდის ნათურა აანთო. უცნაური მოუსვენრობა დაეუფლა. ამ მშოფთვარე დღეს რამდენჯერმე გაახსენდა მომკლელი ენსელი, ძვირფასი, ნუგეშისმცემელი, მომაჯადოებელი მომკლელი ენსელი, რომელიც იმ ღამეს სამორიგოდ უნდა მოსულიყო. მასაც თუ ეკეთებოდა ნილაბი, მარდა მივიდოდა მასთან, ხელებს მხრებზე დააწყობდა, მერე მის ნილაბს ორივე ხელში მოიქცევდა და ეტყოდა, - აბა, ახლავე მოიცილეთ ეს საძაგლობა, ვერ მომატყუებთ. მაგრამ თუ ლინზების ბრალი

იყო ყოველივე, მაშინ როგორღა აუხსნიდა თავის მდგომარეობას?

მარდა ტუალეტის მაგიდასთან იჯდა და რაღაც საცხს ისვამდა სახეზე. კარი ისე გაიღო, არ გაუგია, მხოლოდ კარგად ნაცნობი ნაზი და შემპარავი ხმა შემოესმა, - ადრე მინდოდა მოსვლა, მაგრამ ვერ გავბედე, არ მინდოდა, არასერიოზულად ჩაგეთვალეთ, - და სარკეში აირეკლა გველის მოგრძო თავი, მოქანავე კისერი და წვეტიანი ენა, რომელსაც ღროღადრო ასავსავებდა. გველი მის ზურგს უკან იდგა.

მარდა უესტი არ განძრეულა. ანგარიშმიუცემლად განაგრძო ლოყაზე საცხის წასმა. გველი მოუსვენრად იყო, ბრუნავდა, იკლაკნებოდა, თითქოსდა ამოწმებდა საცხის ქილებს, სუნამოსა და ფხენილებს.

- როგორი გრძნობაა საკუთარი თავის ხელახლა დანახვა?

მომვლელი ენსელის ხმა, ამ თავიდან რომ გამოდიოდა, გროტესკულიც იყო და საშინელიც, ლაპარაკის დროს მისი მოძრავი ენა შემადრწუნებლად სავსავებდა. მარდა უესტმა გულისრევა იგრძნო, ყელში რაღაც მოაწვა და უეცრად მართლა აერია გული. შებარბაცდა, მომვლელის მტკიცე ხელებმა ძლიერად ჩაბლუჯეს. ქალი გაჭირვებით გაემართა ლოგინისაკენ. იწვა და თვალეები დაეხუჭა, გული აღარ ერეოდა.

საბრალოვ, რა დაგალევინეს, ხომ დამამშვიდებელი წამალი იყო? თქვენი ავადმყოფობის ისტორიაში ვნახე.

ეს სიკეთით სავსე ხმა, ასე მშვიდი და წყნარი შეიძლება ჰქონოდა მხოლოდ მას, ვისაც კარგად ესმოდა მარდასი. ავადმყოფი თვალს არ ახელდა, ვერ ბედავდა, იწვა საწოლზე და იცდიდა.

- ძალიან გადაიღალეთ, დღეს პირველი დღეა და უფრო მშვიდად უნდა ჰყოლოდით. მნახველები გყავდათ?

- არა.

- მითუმეტეს, კარგად უნდა დაგესვენათ. ძალზე ფერმკრთალი ხართ. მისტერ უესტმა ასეთ მდგომარეობაში არ უნდა გნახოთ, ლამის დავურეკო და ვთხოვო, დღეს არ მოვიდეს.

არა! ძალიან გთხოვთ... მე მისი ნახვა მინდა, უნდა

ვნახო!

შიშმა ისევ გაახელინა თვალი, მაგრამ იმავე წამს ისევ დაეუფლა გულისრევის გრძობა, რადგან გველის თავი ადრინდელზე მეტად ამოზიდულიყო მომვლელის საყელოდან. მარდამ პირველად ახლა დაინახა მისი ქინძისთავისოდენა ბოროტი თვალები და ხრახნივით დახვეული კისერი. კივილი რომ ჩაეხშო, სასოწარეკვეთილმა ქალმა სწრაფად აიფარა პირზე ხელი.

მომვლელი ენსელის შეწუხებული ხმა ჩაესმა:

- რაღაცამ ძალიან გაწყინათ, ეს დამამშვიდებლის ბრალი არ უნდა იყოს, ადრეც ხომ ბევრჯერ დაგიღვევიათ. სადილად რა გქონდათ დღეს?

- შებოლილი თევზი, არ მშიოდა.

- ნეტავ ახალი თუ იყო, ვნახავ, სხვასაც ხომ არავის აწყინა? წყნარად იწექით, ძვირფასო, და ნურაფერზე იღელვებთ.

კარი ფრთხილად გაიღო და ისევ დაიხურა. მარდა უესტი არ დაემორჩილა მომვლელის დარიგებას და საწოლიდან გადმოვიდა. პირველივე იარაღი, რაც ხელთ მოხვდა, ფრჩხილების მაკრატელი იყო, აიღო, მერე ისევ დაწვა და მაკრატელი ზეწრის ქვეშ დამალა. გული აჩქარებით უცემდა, ელვის უსწრაფესად შეეცვალა გრძობები. ახლა სრულიად დარწმუნდა, რომ ყველაფერი, რაც ხდებოდა, სინამდვილე იყო. ბოროტ ძალას მოეცვა საავადმყოფო და მისი მკვიდრნი: მომვლელები, მნე, ექიმები, მისი ქირურგი, ყოველი მათგანი გარეული იყო ამ ამბავში, ყველანი მონაწილენი იყვნენ რაღაც უდიდესი დანაშაულისა, რომლის მიზანიც გაურკვეველი იყო. აქ, აფფერ ვოლტინგ სტრიტზე საძაგელი შეთქმულება მზადდებოდა და მარდა უესტი ამ თამაშში ერთ-ერთი პაიკი იყო. თუ დასჭირდებოდათ, იარაღადაც კი გამოიყენებდნენ.

ერთი რამ ნამდვილად იცოდა, არავის უნდა გაეგო ქალის ეჭვის შესახებ. მომვლელ ენსელსაც ძველებურად უნდა მოქცეოდა. ფეხის ერთი დასხლტომა და, წასული იყო მისი საქმე. თავი ისე უნდა მოეჩვენებინა, ვითომ უკეთ იყო. გულისრევას არ

უნდა დაეძლია, თორემ მომვლელი ენსელი მისკენ დაიხრებოდა თავისი გველის თავითა და საესავა ენით.

კარი გაიღო, ენსელი დაბრუნდა. მარდა უესტმა საბნის ქვეშ ხელები მომუშტა, მერე თავს ძალა დაატანა და გაიღიმა.

- რა ცუდი ვარ, - თქვა მან, - თავბრუ დამეხვა, ახლა უკეთ ვარ.

სრიალა გველს ხელში ბოთლი ეჭირა. იგი პირსაბანთან მივიდა, წამლის ჭიქა აიღო და სამი წვეთი დაასხა.

- ეს ყველაფერს მოაგვარებს, მისის უესტი, - უთხრა მან და ავადმყოფი ისევ შებოჭა შიშმა, რადგან მუქარად ჩაესმა ეს სიტყვები. „ეს ყველაფერს მოაგვარებსო“, რას მოაგვარებს? იქნებ მის სიკვდილს? ხსნარს ფერი არ ჰქონდა, მაგრამ ეს ჯერ კიდევ არაფერს ნიშნავდა. მარდამ გამოწვდილი წამლიანი ჭიქა გამოართვა და თან იეშმაკა:

- სუფთა ცხვირსახოცს ხომ ვერ მომიძებნით კარადაში?

- რა თქმა უნდა!

გველმა თავი როგორც კი მიაბრუნა, მარდა უესტმა ჭიქაში მდგარი სითხე იატაკზე დააქცია და მოჯადოებულებით მიატყერდა მოქანავე თავს, კარადაში რომ ეძებდა ცხვირსახოცს. გველი საწოლს მიუახლოვდა. მარდას სუნთქვა შეეკრა, ახლად შენიშნა, რომ მისი კისერი ისეთი გლუვი და პრიალა სულაც არ იყო, პირველად რომ მოეჩვენა, კანი ქერცლსა და ზოლებს დაეფარა მთლიანად. უცნაური კი იყო, მაგრამ მომვლელს ქუდი უშნოდ სულაც არ ეხურა, ისე შეუფერებლად არ წამოესკუპებინა თავზე, როგორც კნუტს, ცხვარს ან ძროხას. ქალმა ცხვირსახოცი გამოართვა.

- მე თქვენ მამუფოთებთ ასეთი დაჟინებული მზერით, - გველის ხმა მოესმა, - ჩემი ფიქრების გამოცნობას ხომ არ ცდილობთ?

მარდა უესტმა არ უპასუხა შეკითხვას, რომელსაც შესაძლოა მახეში გაეხა იგი.

- მითხარით, - განაგრძო ხმამ, - იმედი ხომ არ გაგიცრუეთ? ისე გამოვიყურები, როგორც გყავდით წარმოდგენილი?

ისევ მახე. მარდა ფრთხილად უნდა ყოფილიყო.

- მგონი კი, - თქვა ქალმა გაუბედავად, - მაგრამ ქუდი მიშლის, თქვენს თმას ვერ ვხედავ.

მომვლელმა ენსელმა გაიცინა იმ ხმადაბალი, რბილი სიცილით, ასე დამატყვევებელი რომ ეჩვენებოდა მარდას თავისი სიბრძავეის გრძელი კვირების მანძილზე. მომვლელმა ხელები ასწია და იმავე წუთს მთლიანად გამოჩნდა გველგესლას სამკუთხა თავი.

- მოგწონთ? - იკითხა მან.

მარდა უესტი ბალიშს გაეკრა, კიდევ ერთხელ დაატანა თავს ძალა და გაიღიმა.

- მშვენიერია, - თქვა მან, - ნამდვილად მშვენიერი.

ქუდი თავის ადგილს დაუბრუნდა, კისერი დაეხვა და საყელოში ჩაიმალა. მომვლელმა ავადმყოფს ჭიქა გამოართვა და ისევ პირსაბანზე დადგა. მან ყველაფერი არ იცოდა.

- შინ რომ წამოგყვებით, სამსახურის ფორმას აღარ ჩაიცვამ, თუ თქვენ არ გენდომებათ. იქ თქვენ ჩემი ერთადერთი პაციენტი იქნებით, მე კი თქვენი პირადი მომვლელი მთელი კვირის მანძილზე.

მარდა უესტს უეცრად გააცია. მთელი დღის დეღვაში ეს ამბავი სრულიად დავიწყებოდა. მომვლელი ერთი კვირა მის ოჯახში უნდა ყოფილიყო და ეს უკვე გადაწყვეტილი ჰქონდათ. ახლა მთავარი იყო, შიში არ გამოეხატა. თავი ისე უნდა დაეჭირა, ვითომ ყველაფერი ძველებურად რჩებოდა. და მერე, ჯიში რომ მოვიდოდა, ქალი მას ყველაფერს უამბობდა. თუ ქმარი გველს თავს ვერ დაინახავდა (სავსებით შესაძლებელი იყო, ასეც მომხდარიყო, რადგან ქალის ასეთი ზემხედველობა შესაძლოა ლინზეებით ყოფილიყო გამოწვეული), იმას მაინც უმალ მიხვდებოდა, რატომ აღარ ენდობოდა მარდა მომვლელ ენსელს და რატომ ვერ აიტანდა თავის სახლში მის ყოფნას. ძველი გეგმა უნდა შეცვლილიყო. მარდას აღარ სურდა მომვლელი, მას ქმართან განმარტობა უნდოდა საკუთარ ოჯახში.

წინ, მაგიდამდე ტელეფონმა დარეკა. მარდა ყურმილს ისე

დასწვდა, თითქოს შუელას ელოდო მისგან. ქმარი ურეკავდა.

- მაპატიე დაგვიანებისათვის, - უთხრა ჯიმმა, - ახლავე ჩაჭტები ტაქსში და უმალ შენთან გავჩნდები. ვეჭილმა დამაკავა აქამდე.

- ვეჭილმა?

- კი, ფორბსი და მეღვილი თუ გახსოვს, თანხის მინდობილობის შესახებ.

ქალს აღარ ახსოვდა. ოპერაციამდე ბევრს კამათობდნენ ფინანსურ საკითხებზე, ბევრჯერ უთანხმოებაც მოსვლიათ, მერე კი ჯიმმა მთელი ბიზნესი ფორბსის და მეღვილის ხალხს ჩაუგდო ხელში.

- კი, მახსოვს, მოაგვარე?

- მგონი კი. მოვალ და ყველაფერს გეტყვი.

ჯიმმა ყურმილი დადო. მარდამ ზემოთ აიხედა, გველი მას მისჩერებოდა. „ეჭვიც არ მეპარება, - გაიფიქრა მარდა უესტმა, - ეჭვიც არ მეპარება, რომ ძალიან გინდა გაიგო, რას ველაპარაკებოდით ერთმანეთს“.

- უნდა დამპირდეთ, რომ ძალიან არ აღელდებით, როცა მისტერ უესტი მოვა, - მომვლელი ენსელი იღგა და ხელი კარის სახელურზე ეკიდა.

- მე არ ვღელავ, უბრალოდ, ძალიან მინდა მისი ნახვა, ეს არის და ეს.

- ძალზე აწითლებული ხართ.

- აქ ცხელა და იმიტომ!

დახვეული კისერი ზევით აიწელა და ფანჯრისაკენ მიბრუნდა. მარდა უესტმა გველს მოუსვენრობა შეატყო. ქვეწარმავალმა ნამდვილად რაღაც იყნოსა, მან იცოდა, არ შეიძლება ვერ მიმხედარიყო, რომ მასსა და ავადმყოფს შორის ურთიერთობა შეიცვალა.

- ფანჯარას ოდნავ გამოვაღებ.

„შენ რომ ტანიც გველისა გქონდეს, ნამდვილად რამენაირად დაგისხლტებოდი ხელიდან, მაგრამ ყელზე რომ შემომხვეოდი და დაგეხრჩვე?“

გველმა ფანჯარა გამოაღო, მერე ცოტა ხანს შეიცადა, იქნებ ავადმყოფმა ერთი-ორი სამადლობელი სიტყვა მითხრასო, თან კისერს აყელყელავებდა. მერე კისერი ისევ ჩაძვრა საყელოში, ენა უფრო სწრაფად ასაესაედა, მომვლელი ენსელი ოთახიდან გასრიალდა.

მარდა უესტი ქუჩიდან ტაქსის ხმას ელოდა. იქნებ დაეყოლიებინა ჯიმი ღამე საავადმყოფოში დარჩენილიყო. თუ ქალი თავის შიშს, თავის შეშფოთებას აუხსნიდა ქმარს, იგი, რა თქმა უნდა, ყველაფერს მიხვდებოდა. მარდა უმაღლესი შეატყობდა ჯიმს, თუკი ის რაიმე ხიფათს იგრძნობდა. ქალი ზარს დაურეკავდა მომვლელ ენსელს, ვითომ რაღაცის შეკითხვა უნდოდა. მომვლელი რომ შემოვიდოდა, ქმრის გამომეტყველებით, მისი ხმის კილოთი გამოიცნობდა, ხედავდა თუ არა ჯიმი იგივეს, რასაც თვითონ.

ტაქსი, როგორც იქნა, მოვიდა. მარდამ მანქანის კარის ჯახუნე გაიგონა, მალე ჯიმის ნაბიჯების ხმაც გაისმა. ტაქსი წავიდა. ჯიმი ალბათ ლიფტით ამოვიდოდა. გულმა ძალუმაღლ დაუწყო ძგერა. კარს მიაჩერდა. ჯერ ფეხის ხმა გაიგონა, მერე ლაპარაკიც მოესმა, მისი ქმარი, შესაძლოა, გველს ელაპარაკებოდა. მარდა მალე გაიგებდა, ნახა თუ არა ჯიმმა გველს თავი. კაცი ან სანახაობით შეძრწუნებული შემოვიდოდა, ანდა სიცილით გამოაცხადებდა, რომ ეს ყველაფერი ხუმრობა იყო. რატომ არ ჩქარობდა? რატომ აყოვნებდა? ან ჩუმაღლ რატომ საუბრობდნენ?

კარი გაიღო. ჯერ ნაცნობი ქოლგა და ცილინდრი გამოჩნდა, შემდეგ ახოვანი ფიგურა და უცებ... ღმერთო, ან... ჯიმი მაინც არა! ნუთუ ჯიმიც აიძულეს ნიღაბი გაეკეთებინა, ნუთუ ისიც ჩაითრიეს დემონების, თვალთმაქცების წრეში... ჯიმს სვავის თავი ება. ქალი არ ცდებოდა. სვავს დაბინდული თვალები ჰქონდა, ნისკარტზე სისხლი ეცხო და ზედ ხორცის ნაფლეთები შერჩენოდა. მარდა ხმაჩავარდნილი, ზარდაცემული იწვა. კაცმა ქოლგა კუთხეში მიაყუდა, ქუდი და გადაკეცილი პალტო იქვე დადო.

- მგონი კარგად არ უნდა იყო, - კაცმა სვავის თავი ქალისაკენ მიაბრუნა და მიაჩერდა, - შეუძლოდ ხარ? თავს დიდხანს არ შეგაწყენ. ერთი კარგი ძილი ამაღამ გამოაკეთებს.

ქალს ენა ჩავარდნოდა და ვერაფერს პასუხობდა. ქმარი რომ საწოლთან მივიდა და საკოცნელად დაიხარა, არც განძრეულა. სვავს წვეტიანი ნისკარტი ჰქონდა.

- მომვლელი ენსელი ამბობს, ასეთი რამ ხდება ხოლმეო. ეს არის ხელახლა დანახვის უეცარი ელდა. ადამიანებზე სხვადასხვანაირად მოქმედებს. მომვლელმა თქვა, შინ რომ წავიყვანო, უკეთესად გახდებაო.

„წამიყვანენ... მომვლელი ენსელი და ჯიმი“, - შეთანხმება ისევ ძალაში რჩებოდა.

- არ ვიცი, - ძლივს გასაგონად თქვა ქალმა, - მინდა კი მომვლელის წამოყვანა?

- როგორ, მომვლელი ენსელი არ გინდა? - შეშფოთდა ქმარი, - შენ თვითონ არ შესთავაზე წამოსვლა? ასე უეცრად გადათქმა არ შეიძლება.

პასუხის დრო აღარ იყო. მარდას ზარი არ დაურეკავს, ისე შემოვიდა ოთახში მომვლელი და ყავას ხომ არ ინებებთ, მისტერ უესტ-ო, იკითხა. ენსელი საღამოობით ყოველთვის სთავაზობდა ხოლმე ჯიმს ყავას, მაგრამ ამ საღამოს ეს შეთავაზება უცნაურად უღერდა, თითქოს ამ საკითხზე გარეთვე შეთანხმდნენო.

- გმადლობთ, სიამოვნებით, მგონი, აღარ აპირებთ ჩვენთან წამოსვლას, - მიუტრიალდა სვავი გველს. გველის თავი ამოიკლაკნა. მარდა უესტი უყურებდა მის მოძრავ ენას, მამაკაცის მხრებში მოკუნტულ სვავის თავს, და უცებ გაახსენდა, რომ მომვლელის შინ წაყვანა მხოლოდ მისი იდეა არ იყო, ახლად მოაგონდა, რომ თვითონ მომვლელმა ენსელმა შესთავაზა გაყოლა. ეს კი სწორედ იმ საღამოს მოხდა, ჯიმი რომ მღვიდო ბევრი იზუმრა და ბევრიც აცინა თვალებზეხვეული, ბედნიერი ცოლი. ახლა, როცა ამ სრიალა გველგესლას ბრტყელ ქუდში ჩამალულ თავს უცქერდა, მან უკვე კარგად იცოდა, რად უნდოდა მომვლელ

ენსელს მათთან წასვლა, ისიც კარგად იცოდა, რატომ არ იყო წინააღმდეგი ჯიმი და მაშინვე რატომ მიიღო და მოიწონა ეს წინადადება.

სვაემა სისხლიანი ნისკარტი დააღო:

- თქვენ ხომ არ იჩხუბეთ?

- რას ბრძანებთ! - გველს კისერი დაეკლაკნა, გვერდულად შეხედა სვაეს და დაუმატა, - მისის უესტი ცოტა გადაიღალა ამ საღამოს, დღეს გამოსაცდელი დღე ჰქონდა, ასე არ არის, ძვირფასო?

.როგორ ეპასუხა? არავის უნდა სცოდნოდა რამე, არც სვაეს, არც გველს, არც მის ირგვლივ, მის სიახლოვეს მყოფ საშინელ მხეცებს უნდა ეგრძნოთ რამე, არც არასოდეს უნდა გაეგოთ ქალის ფიქრები.

ის ორნი, ერთმანეთისადმი სიმპათიით განმსჭვალულნი, უსიტყვოდ საუბრობდნენ, ეს კი, როგორც მარდა ხვდებოდა, ყველაზე საშიში რამ იყო, რამეთუ, ცხოველებს, ფრინველებს და ქვეწარმავლებს სულაც არ სჭირდებოდათ სიტყვების რახარუბი, ისინი მოძრაობებითა და მზერით აგებინებდნენ ერთმანეთს ყველაფერს. იქნებ არც გაემეტებინათ ქალი. სწარელი შიშის მიუხედავად, მარდას მაინც უნდოდა ეცოცხლა.

- ახლა არ შეგაწუხებ ამ საბუთებით, - უთხრა სვაემა, - სულაც არ არის საჩქარო, შინაც შეიძლება მოაწერო ხელი.

- რა საბუთებით?

თვალს თუ არ გაახელდა, აღარც სვაეის თავის დანახვა დასჭირდებოდა, ხმა კი ჯიმისა იყო, მყარი და დამაჯერებელი.

- მინდობილობის თანხის ფურცლებია, „ფორბსი და მელვილმა“ მომცა, თანაც საფინანსო ფონდის თანადირექტორობა შემომთავაზეს.

ეს სიტყვები ქალს გულში მოხვდა და მეხსიერების ის ძაფი შეარხა, ოპერაციამდელ დღეებს რომ უკავშირდებოდა; ყოველივე ამას მის თვალებთან ჰქონდა რაღაც კავშირი. თუ ოპერაცია წარმატებით არ დამთავრდებოდა, ამ ქალღმერთის დამოწმებაშიც შეეშლებოდა ხელი.

- კი მაგრამ, რატომ? - იკითხა მარდამ გაბზარული ხმით, - ბოლოს და ბოლოს ეს ხომ ჩემი ფულია?

კაცმა გაიცინა, მარდა ამ ხმისაკენ მიტრიალდა და მზერით ღია ნისკარტს წააწყდა. ნისკარტი საოცრად ჰგავდა მახეს, რომელიც უცებ დაიხურა.

- რა თქმა უნდა, შენია, - უპასუხა ქმარმა, - მთავარი ეს არ არის, საქმე ისაა, რომ თუ ავად გახდები, ან სადმე წახვალ, უფლება მექნება შენს მაგიერ მოვაწერო ხელი.

მარდა უესტმა გველს შეხედა. გველი შეგნებულად ჩაიგრავნა საყელოში და კარისაკენ გასრიალდა.

- დიდხანს ნუ დარჩებით, მისტერ უესტ, - წაილულულდა მომვლელმა ენსელმა, ჩვენმა ავადმყოფმა ამაღამ კარგად უნდა დაისვენოს.

იგი ოთახიდან გაიკლაკნა და მარდა უესტი მარტო დატოვა თავის სვავ ქმართან.

- არც სადმე წასვლას ვაპირებ და არც ავად გახდომას, - თქვა ქალმა.

- ნამდვილად ასეც იქნება, ახლა ამისი ღრო არ არის, უბრალოდ, ეს ყმაწვილები ყოველთვის ფრთხილობენ. მაგრამ მე ახლა ამით არ დაგლლი.

ნუთუ შესაძლებელი იყო, ასე საოცრად შეცვლოდა კაცს ხმა? ხოლო ხელი, პალტოს ჯიბეში რომ ტენიდა საბუთებს, კლანჭებად გადაქცეოდა. შეიძლება უფრო დიდი საშინელებაც მომხდარიყო, სხეულებიც შეცვლოდათ ამ ნახევრად ცხოველებს: ხელ-ფეხი ფრთებად, ბრჭყალებად, ჩლიქებად, ტორებად ქცეოდათ და აღარაფერი დარჩენოდათ ადამიანისა. საბოლოოდ, ადამიანურ ხმასაც რომ დაკარგავდნენ, ქალი ყოველგვარი იმედისაგან დაიცლებოდა. ირგვლივ ყოველივე ჯუნგლებად გადაიქცეოდა, უამრავი ყელიდან ამოსული ათასნაირი ღრიანცელი და ყშილი გააყრუებდა მიდამოს.

- შენ რა, საბოლოოდ თქვი უარი მომვლელი ენსელის წამოყვანაზე? - ჰკითხა ჯიმმა.

მარდა ჩუმად უცქერდა სვავს, რომელიც ფრჩხილებს იქნიდა.

ჯიბი ქლიბს მუდამ ჯიბით ატარებდა, მარდამ არასოდეს მოუქცევია ამისთვის ყურადღება, რადგან ჯიმისათვის ქლიბიც ისეთივე განუყრელი საგანი იყო, როგორც ავტოკალამი ანდა ჩიბუხი. ახლა უკვე სხვანაირად შეხედა მას ქალმა. სევას თავისი მსხვერპლის გასაფატრად სჭირდებოდა ბასრი კლანჭები.

- არ ვიცი, - უპასუხა მარდამ, უზროდ მიმაჩნია მომვლელის შინ წაყვანა ახლა, როცა უკვე ვხედავ.

ქმარმა მაშინვე არ უპასუხა. თავი ღრმად ჩაიძირა მხრებში. სამსახურის შავ სამოსში გამოწყობილი იგი ახლა დაბუდებულ, ბუმბულაშლილ დიდ ფრინველს ჰგავდა.

- შენ მოვალე ხარ, თავიდან ცოტა ღმობიერად მოექცე. მე ვთვლი, რომ არ უნდა გადაეუხვიოთ ჩვენს განზრახვას. ბოლოს და ბოლოს, თუ არ გამოგვადგა, ყოველთვის შეგვეძლება უკან დავაბრუნოთ.

- ალბათ, - დაემორჩილა ცოლი.

მარდა ცდილობდა გაეხსენებინა ვინმე, ვისაც შეეძლო ნდობოდა. მისი ოჯახი სხვადასხვა მხარეს გაფანტულიყო. ცოლიანი ძმა სამხრეთ აფრიკაში ცხოვრობდა, მეგობრები-ლონდონში იყვნენ, არავინ იყო ახლოს, რომ თავისი წუხილი გაეზიარებინა, სრულად არავინ. ვერავენს ეტყოდა, რომ მისი მომვლელი გველად გადაიქცა, ქმარი კი - სევად. ყოველგვარი იმედისაგან განიძარცვა. დაწყვევლილივით ჯოჯოხეთში იწვოდა. მარტოღმარტო, ცივი გონებით სჯიდა, რომ მის ირგვლივ მტრობა და ბოროტება სუფევდა.

- ამ საღამოს რას იზამ? - ჰკითხა ქალმა მშვიდად.

ალბათ კლუბში ვისადილებ, - უპასუხა ქმარმა, - ძალიან ერთფეროვანი ხდება ყველაფერი. ორი-სამი დღეც და, მაღლობა ღმერთს, ისევ შინ იქნები.

კი, მაგრამ, გინდ შინ ყოფილა და გინდ ისევ აქ, სევათან და გველთან ერთად. შინ უფრო მეტად არ მოექცევა მათ ტყვეობაში, ვიდრე აქ არის?

- გრივზმა ნამდვილად ზუთშაბათი გითხრა? - ჰკითხა ქალმა.

- ამ დღემ რომ დამირეკა, ასე მითხრა. მერე სხვა ლინზებს

ჩაგიდგამენ, ისეთებს, ფერსაც რომ დაინახავ.

ისეთებს, სხეულებსაც რომ დაანახვებს ქალს, ამ პირუტყვების სხეულებს. ლურჯი ლინჯები კი მხოლოდ თავებს აჩენდნენ, ისინი ქალის გამოცდის პირველი ხერხი იყო. თვითონ ქირურგი გრივზიც, ბუნებრივია, ყოველივე ამაში მონაწილეობდა! უფრო მეტიც, იგი ამ შეთქმულებას ხელმძღვანელობდა, შესაძლოა, მოსყიდულიც იყო. მარდა ცდილობდა გაეხსენებინა, ვინ ურჩია პირველად ოპერაციის გაკეთება. ოჯახის ექიმმა ხომ არა, მას შემდეგ ჯიშმა და მან რომ ჩუმად ისაუბრეს? ხომ ორივე ერთად მივიდა ქალთან და უთხრა, რომ ოპერაცია იყო მხედველობის გადარჩენის ერთადერთი საშუალება? შეთქმულებას ფესვები წარსულში ჰქონდა გადგმული, თვეების, შესაძლოა წლების მანძილზე მზადდებოდა, მაგრამ, ღმერთო, ძლიერო, რა მიზნით? გახელებული ქალი მთელი არსებით ცდილობდა გაეხსენებინა რაიმე მზერა, ნიშანი ან სიტყვა, რომელიც შეაღწევიანებდა მისი პიროვნებისა თუ ფსიქიკის წინააღმდეგ მიმართულ ამ საშინელ შეთქმულებაში.

- საკმაოდ დაუსტებელი ჩანხარ, - უთხრა უეცრად ქმარმა, - მომვლელ ენსელს ხომ არ დაუქმასო?

- არა!.. - ლამის დაიყვირა ქალმა.

- მგონი ჯობია წავიდე, მომვლელმა მითხრა, დიდხანს ნუ დარჩებიო.

კაცი სკამიდან წამოდგა, მძიმე, ბუმბულაშლილი სხეული აიტანა, ცოლისაკენ რომ დაიხარა საკოცნელად, ქალმა თვალები დახუჭა.

- აბა, კარგად გამოიძინე, ჩემო საყვარელო, საბრალოვ, და მშვიდად იყავი.

მიუხედავად შიშისა, ქალმა იგრძნო, როგორ ჩაებლაუჭა ქმრის ხელს.

- რა მოგივიდა? - ჰკითხა ქმარმა.

მარდას ახლა კარგად ნაცნობი კოცნა უფრო აღუდგენდა ძალას, ვიდრე სუკის გამგმირავი, სისხლიანი ნისკარტის ჩხვლეტა.

ქმარი რომ წავიდა, მარდა ბალიშზე დაემხო და აქვითინდა.

- რა ვიღონო? - გმინავდა, - რა ვიღონო?

კარი ისევ გაიღო. ქალმა სწრაფად აიფარა პირზე ხელი. არავის უნდა გაეგო მისი ხმა, არ უნდა ენახა მისი ტირილი. ძალა მოიკრიბა და თავი შეიკავა.

- როგორ ბრძანდებით, მისის უესტ?

საწოლის ბოლოში გველი და მათი ოჯახის ექიმი იდგნენ. მარდამ ყოველთვის მოსწონდა ეს სასიამოვნო ახალგაზრდა კაცი. თუმცა სხვებივით მასაც ცხოველის თავი ება, ქალს მისი არ შეშინებია. ექიმს აბერდინის-ძალის თავი ჰქონდა. იგი ყავისფერი თვალებით ზვერაჟდა ქალს. დიდი ხნის წინათ, ბავშვობაში მარდამ ასეთივე ძალლი ჰყავდა.

- შეიძლება ცალკე გესაუბროთ? - მიმართა ქალმა.

- რა თქმა უნდა! მომვლელი, გთხოვთ, დაგეტოვოთ, - მან კარისკენ გაიქნია თავი. მომვლელი გავიდა. მარდა უესტი ლოგინზე წამოჯდა და ხელები ერთმანეთს გადააჭდო.

- ალბათ სულელად მოგეჩვენებით, - დაიწყო მარდამ, - მაგრამ ყველაფერი ლინზების ბრალია. კერაფრით შევეგუე.

სანდო აბერდინი ქალს მიუახლოვდა, თან თავს თანაგრძნობით იქნედა.

- ძალიან ვწუხვარ, - მიუგო მან, - ხომ არ გტკივათ?

- არა, - უპასუხა მარდამ, - მე მათ ვერც კი ვგრძნობ, ერთია მხოლოდ, ყველას უცნაური სახით ვხედავ.

- სწორედ ეგ დანიშნულება აქვთ ამ ლინზებს. ისინი ფერს არ გაჩვენებენ, - აბერდინის ხმა ხალისიანად, მეგობრულად ჟღერდა, - თვალები ისე დიდხანს გქონდათ ახვეული, რომ ხელახლა დანახვა ერთგვარი ელდაა თქვენთვის. ნუ გავიწყლებათ, რომ მაინცდამაინც არ მოფრთხილებხართ ლინზებს, თვალის-უკანა ნერვები კი ჯერ ისევ ნაზია.

- ნამდვილად, - თქვა ქალმა, - ექიმის ხმამ, მისმა თავმაც კი რალაცნაირად რწმენა შემატა, - თქვენ თუ იცნობთ ადამიანებს, ასეთივე ოპერაცია რომ აქვთ გადატანილი?

- რამდენსაც გნებავთ. ერთი-ორ დღეში კერკეტი კაკალივით იქნებით, - ექიმი მხარზე მოეფერა ქალს. მეტად კეთილი,

რისკიანი, სიცოცხლით სავესე ძალი იყო, - ძალიან ჰგავდა მარდას ძალს-ანგუსს, დიდი ხნის წინ რომ მომკვდარიყო.

- უფრო მეტსაც გეტყვით, - განაგრძო მან, - მხედველობა აღრინდელზე მეტად გაგუმჯობესდებათ. თანდათან უფრო უკეთ დაინახავთ. ერთმა პაციენტმა ისიც კი მითხრა, - ასე მგონია, მთელი ცხოვრება სათვალე მეკეთა და მხოლოდ ოპერაციის შემდეგ დავინახე ჩემი მეგობრები და ოჯახის წევრები ისეთები, როგორებიც სინამდვილეში ყოფილანო.

- როგორებიც სინამდვილეში ყოფილანო, - გაიმეორა მარდამ.

- ზუსტად ასე თქვა. ის ქალი ძალზე ცუდად ხედავდა, ყოველთვის ეგონა, ჩემს ქმარს ყავისფერი თმა აქვსო, მაგრამ წითელი კი ჰქონია, თანაც ღია წითელი. წარმოიდგინეთ, როგორი მოულოდნელობაა, მაგრამ მაინც კმაყოფილი დარჩა.

აბერდინი საწოლს მოსცილდა, სტეტოსკოპი რამდენჯერმე რბილად მიირტყა ჟაკეტზე და თავისივე ნათქვამის დასადასტურებლად თავი დააქნია.

- მისტერ გრივზმა ნამდვილი სასწაული მოახდინა, დამერწმუნეთ! მან შეძლო გაემაგრებინა ნერვი, რომელიც მკვდარი ეგონა. ეს ნერვი ადრე არაფერში გადგებოდათ, ფუნქცია ჰქონდა დაკარგული. ჰოდა, ვინ იცის, მისის უესტ, თქვენ იქნებ ახალი ფურცელიც კი ჩაწერეთ მედიცინის ისტორიაში. ყველა შემთხვევაში, ახლა კარგად უნდა გამოიძინოთ, ბედნიერებას გისურვებთ! აბა, ხვალ დილაზე, ღამე მშვიდობისა! - იგი სწრაფი ნაბიჯით გავიდა ოთახიდან. მარდამ გაიგონა, როგორ გამოეთხოვა მომვლელ ენსელს და გაუყვა ღერეფანს.

ღამამშვიდებელმა სიტყვებმა გააღიზიანა. ერთის მხრივ, ამ სიტყვებს შვება უნდა მოეტანა ქალისათვის, რადგან ექიმის განმარტებით, მის წინააღმდეგ არაკითარი შეთქმულება არ მზადდებოდა. თუკი მის წინამორბედ ავადმყოფ ქალს ოპერაციის შედეგად ფერის აღქმის გრძნობა გაუმძაფრდა, სამაგიეროდ, მას ზემხედველობა დაეწყო. ქალი ისევ და ისევ იმეორებდა ექიმის ნათქვამს, მარდა უესტს შეეძლო იმ სახით დაენახა ადამიანები, როგორებიც სინამდვილეში იყვნენ. ისინი კი, ვინც მარდას

უყვარდა და ვისაც ენდობოდა, ერთი სვავი იყო, ხოლო მეორე-გველი.

კარი გაიღო, მომვლელმა ენსელმა დამამშვიდებელი აბი შემოიტანა.

- მზად ხართ დასაძინებლად, მისის უესტ?

- დიახ, გმადლობთ.

შესაძლოა არავითარი შეთქმულება არც იყო. ასე რომ ყოფილიყო, ყველა იმედი, ყოველგვარი რწმენა დაეღუპებოდა.

- დამიტოვეთ წამალიცა და წყალიც. მე თვითონ დავვლევ მოგვიანებით.

მარდა თვალს ადევნებდა გველს, მან ჭიქა ქალის წინ, მაგიდაზე დადგა და ზეწარი გაუსწორა. მოქანავე კისერი უფრო მიუახლოვდა ავადმყოფს და უცებ, გველის ბოროტმა თვალეზმა დაინახეს ბალიშის ქვეშ ნახევრად დამალული ფრჩხილების მაკრატელი.

- რა გაქვთ მანდ? - გველმა ენა აასაქსავა და მაკრატელს მიწვდა. - არაფერი გაიჭრათ, უსაფრთხოებისათვის სხვაგან დავდებ მაკრატელს, კარგი?

მომვლელმა ენსელმა, რომელიც მიუხვდა მარდა უესტს განზრახვას, ეს ერთადერთი იარაღი ტუალეტის მაგიდის მაგიერ ჯიბეში ჩაიღო. მას უნდოდა ავადმყოფი სრულიად განიარაღებული დაეტოვებინა.

- აბა, არ დაგავიწყდეთ, თუ რამე დაგჭირდათ, ზარი დამირეკეთ.

- არ დამავიწყდება!

ერთ დროს საოცრად ალერსიანი ხმა ახლა მეტისმეტად ყალბად და შემპარავად ჟღერდა. „რა მატყუარაა ყური, როგორ აყალბებსო სიმართლეს“, - გაიფიქრა მარდა უესტმა და ახლა პირველად შეიგრძნო ის იღუმალის ძალა, რომელსაც შეეძლო სიყალბიდან სიმართლე გამოეჩინა, ხოლო ბოროტიდან-კეთილი.

- ღამე მშვიდობისა, მისის უესტ.

- ღამე მშვიდობისა.

იწვა, მაგრამ ძილი არ ეკარებოდა. მის წინ საათი წიკწი-

კება, გარეთ, ქუჩიდან ტრანსპორტის ნაცნობი ხმა შემოდის. მარდამ თავისი ჩანაფიქრის განხორციელება გადაწყვიტა. თერთმეტ საათამდე დაიცადა. იცოდა, ერთ საათში ყველა ავადმყოფი დაიძინებდა. მერე შუქი ჩააქრო. ამით მოატყუებდა გველს, თუკი ის ჩუმად შეიჭვრიტებოდა პალატის კარში დატანებული სარკმლიდან. გველი დარწმუნდებოდა, რომ მარდამ ეძინა. მარდა ლოგინიდან უხმაუროდ გადმოვიდა, კარადიდან ტანსაცმელი გამოიღო და ჩაცმა დაიწყო. ჩაიცვა პალტო, ფეხსაცმელები და თავზე შარფი მოიხვია. გაემზადა, კართან მივიდა და ფრთხილად – გადაატრიალა სახელური. დერეფანში სიწყნარე იყო. ქალი ერთხანს უძრავად იდგა, მერე ფრთხილადვე გადააბიჯა ზღურბლს და მარცხნივ გაიხედა, მომვლელის სამორიგეოსაკენ. გველი თავის ადგილზე იყო, და წიგნს ჩასცქეროდა. ჭერიდან წამოსული სინათლე პირდაპირ ანათებდა მომვლელს. მარდა არ შემცდარა. მას ეცვა გაქათქათებული ხალათი თეთრი გახამებული გულისპირითა და საყელოთი. საყელოდან კი ამოზრდილიყო გველის დაკლაკნილი კისერი, გრძელი და ბრტყელი ბოროტი თავი.

მარდა მცირე ხნით შეყოვნდა. იგი მზად იყო საათობით ეცადა. მალე მოესმა ხმა, რომელსაც ელოდა. რომელიდაც ავადმყოფმა დარეკა ზარი. გველმა წიგნიდან თავი აიღო და კედელზე წითელი შუქი შეამოწმა, მერე მანუეტები შეიკრა, დერეფანში, პაციენტის ოთახისაკენ გასრიალდა, კარზე დაუკაკუნა და შევიდა. მარდამ დრო იხელთა, მაშინვე გამოვიდა პალატიდან და კიბისაკენ გაემართა. ჩამიჩუმი არსაიდან ისმოდა. ფრთხილად მიაყურადა და ფეხაკრეფით დაეშვა ქვემოთ. კიბის ოთხი საქცევი, ოთხი სართული ჰქონდა ჩასასვლელი. ბედნიერება ის იყო, რომ ჯიბურიდან, სადაც ღამის მორიგე იჯდა ხოლმე, კიბე არ ჩანდა.

ქვემოთ მთავარ შესასვლელში შუქი მქრქალად ანათებდა. კიბის ბოლო საფეხურთან შედგა, რომ დარწმუნებულიყო, ვინმე ხომ არ უთვალთვალებდა. ღამის დარაჯის ზურგს ჰკიდა თვალი, მერხზე დახრილს თავი არ უჩანდა, მაგრამ როდესაც გასწორდა, ქალმა თევზის ფართო სახე დაინახა. მარდამ მხრები აიჩეჩა, შიში არც კი გაჰკარებია. გაბედულად გაემართა გამსვლელისაკენ.

თევზი მას უცქერდა.

- გნებავთ რამე, ქალბატონო? - ჰკითხა მან. თევზი ისეთი სულელი აღმოჩნდა, მარდა რომ ელთდა. ქალმა თავი გაიქნია.

- გარეთ გავდივარ, ღამე მშვიდობისა, - უთხრა, გვერდი აუარა ღარაჯს და გზა გააგრძელა, მოქანავე კარში გავიდა და ქუჩაში გამავალ კიბეებზე დაეშვა. სწრაფად გაუხვია მარცხნივ, ქუჩის ბოლოში ტაქსი დაინახა და ხელისაწვეით დაუძახა. ტაქსმა სვლა შეანელა და დაელოდა. მანქანას რომ მიუახლოვდა, საჭესთან ჯმუხი, შავი მაიმუნის სახიანი მძღოლი დაინახა. მაიმუნმა სწრაფად გაუცინა. მარდას ალღომ უკარნახა, არ ჩამჯდარიყო მანქანაში.

- მაპატიეთ, - უთხრა ქალმა, - შევცდი.

მაიმუნს ღმეჭა წაეშალა სახიდან.

- ჯერ გადაწყვიტეთ, რა გინდათ, ქალბატონო, - დაუყვირა მარდას, მერე გაზს დააწვა და გვერდზე გაუხვია.

მარდამ გზა გააგრძელა, მან ჯერ მარჯვნივ გაუხვია, მერე მარცხნივ, მერე ისევ მარჯვნივ და შორს განათებული ოქსფორდ-სტრიტი დაინახა. ნაბიჯს აუჩქარა. მაგნიტივით იზიდავდა ტრანსპორტიც, ერთადერთ მხსნელად რომ ეგულეობდა, შორეული სინათლეებიც, ასევე შორს მყოფი ქალები და კაცებიც. ოქსფორდ სტრიტს რომ მიუახლოვდა, მოულოდნელად შედგა. წამით დაფიქრდა, სად წასულიყო, ვისთვის ეთხოვა თავშესაფარი და ისევ დაეუფლა მარტოობის გრძნობა, არავინ ჰყავდა, ვერავინ დაეხმარებოდა, ვერც აგერ, მის წინ მიმავალი წყვილი შეიფარებდა - გომბეშოსთავიანი შავი ფიგურა ხელკავით რომ მისდევდა პანტერას, ვერც კუთხეში მდგარი ბაბუნის თავიანი პოლიციელი, რომელსაც კეკლუცი გოჭისთავიანი ქალი ელაპარაკებოდა. ყველას დაჰკარგოდა ადამიანის სახე. ვის მინდობოდა? კაცს ორიოდ ნაბიჯის დაშორებით რომ მოჰყვებოდა, ჯიმივით სვავის თავი ჰქონდა. მოპირდაპირე ტროტუარზეც დადიოდნენ სვავები. მისკენ მომავალი მოცინარი კაცი კი ტურა იყო.

მარდა მოტრიალდა და გაიქცა. მირბოდა ქალი, ეჯახებოდა მათ - ტურებს, აფთრებს, სვავებს, ძაღლებს. მთელი ქვეყანა ამ

ცხოველებს ეკუთვნოდათ, ადამიანისმაგვარი აღარავინ დარჩენილიყო. ქალი გარბოდა, ისინი თვალს აყოლებდნენ, ჩერდებოდნენ და უცქერდნენ, ერთმანეთს ახელებდნენ მისკენ, ღმუროდნენ, ყფუნდნენ, მისდევდნენ. ქალს მათი ფეხისხმა ესმოდა, მათგან დევნილი ქუჩის ბოლოსაკენ გარბოდა. ღამე სიბნელითა და ჩრდილებით გაჟსილიყო, შუქსაც ვეღარსად ხედავდა, სრულიად მარტო იყო ნადირთა გარემოცვაში.

\*\*\*

- ძალიან წყნარად იწექით, მისის უესტ, მხოლოდ ერთი პატარა ჩხელეტა, არაფერს გატკენთ.

ქალმა იცნო ქირურგის-მისტერ გრივზის ხმა და გონებაში ბუნდოვნად გაუელვა იმ აზრმა, რომ ისევ „მათ“ ჩაუვარდა ხელში, ისევ საავადმყოფოში დააბრუნეს, მაგრამ ამას უკვე აღარავითარი მნიშვნელობა არ ჰქონდა. მარდასთვის ახლა სულერთი იყო, აქ იქნებოდა თუ სხვაგან. ბოლოს და ბოლოს საავადმყოფოს ცხოველთა თავებს იცნობდა მაინც. თვალები ხელახლა შეეხვიათ და დიდად მადლობელი იყო ამისთვის. რა მადლიანად ბნელოდა, ღამეული ბოროტება გამქრალიყო.

- მისის უესტ, ვფიქრობ, თქვენი წამება დამთავრდა. ეს ლინჯები არც რამეს გატკენთ და აღარც შეგაცბუნებთ. ქვეყნიერებას ისევ ფერებში იხილავთ.

სახვევები თანდათან თხელდებოდა, ფენა-ფენა აცლიდნენ. და უცებ ყველაფერი განათდა. გათენებულყო, ზემოდან მისტერ გრივზის სახე დაჰლიმოდა. გრივზს გვერდით ჩასუქებული, ხალისიანი მომვლელი ედგა.

- თქვენი ნიღბები სადღაა? - იკითხა ქალმა.

- ნიღბები არ გვჭირდება ასეთი პატარა სამუშაოსათვის, - უპასუხა ქირურგმა. ჩვენ მხოლოდ დროებითი ლინჯები ამოგაცალეთ. ასე უკეთესია, არა?

ქალმა მზერა ფრთხილად მიმოატარა ოთახში. თავს ისევ კარგად გრძნობდა. აგერ, კონტურებიც გამოიკვეთა, იქ იდგა ტანსაცმლის კარადა, ტუალეტის მაგიდა, ყვავილებიანი ლარნაკი.

ყველაფერს ბუნებრივი ფერი ჰქონდა, ბუნდოვანება გამქრალიყო. მას ვერავინ დაარწმუნებდა, რომ რაც გადახდა, ყველაფერი სიზმარი იყო. თავშალი, წუხელ, გაპარვის წინ რომ მოიხვია თავზე, იქვე, სკამზე იდო.

- რაღაც დამემართა, არა? - იკითხა მარდამ, - მგონი გაქცევა ვცადე.

მომვლელმა ქირურგს შეხედა. მან თავი დაუქნია.

- დიახ, ასე იყო, და გულახდილად რომ გითხრათ, ვერც გაგამტყუნებთ. დამნაშავე მე ვარ. ის ლინზები, გუშინ რომ ჩაგიდგით, პატარა ნერვს დასწოლია და ამ დაწოლამ წონასწორობა დაგაკარგვინათ. ახლა ყველაფერი დამთავრდა.

ქირურგი დამაჯერებლად უღიმოდა. უსაზღვრო სითბოთი დასცქეროდა მას დიდი, თბილი თვალები მომვლელი ბრენდისა, რა თქმა უნდა, ნამდვილად მომვლელი ბრენდისა.

- ეს საშინელება იყო, - თქვა ავადმყოფმა, - ვერც კი აგინსნით, რა საშინელება იყო.

- ნურც ეცდებით, - უპასუხა მისტერ გრივზმა, - პირობას გაძლევთ, ასეთი რამ აღარ განმეორდება.

კარი გაიღო და ოჯახის ახალგაზრდა ექიმი შემოვიდა, იღიმებოდა.

- ავადმყოფი სრულიად განიკურნა? - იკითხა მან.

- ვფიქრობ, რომ ასეა, - უპასუხა ქირურგმა, - თქვენ რას იტყვით მისის უესტ?

მარდა უესტი ყურადღებით ათვალიერებდა სამივეს, მისტერ გრივზს, ოჯახის ექიმსა და მომვლელ ბრენდს და უკვირდა, რომელ დანიანებულ, მთრთოლვარე ქსოვილს შეეძლო ასე გარდაექმნა ცხოველებად ეს სამი ადამიანი, რომელმა უჯრედმა განაპირობა ამგვარი წარმოსახვა.

- მე თქვენ ძაღლები მეგონეთ, - თქვა ქალმა, - მისტერ გრივზ, თქვენ მონადირე ტერიერი, თქვენ კი - აბერდინი.

ოჯახის ექიმმა სტეტოსკოპი მოისინჯა და გაიცინა:

- ვარ კიდევაც, - უპასუხა მან, - აბერდინი ხომ ჩემი მშობლიური ქალაქია, არ შემცდარხართ, მისის უესტ, გილოცავთ.

მარდა უესტი სიცილში არ აპყვა.

- თქვენ კიდევ რა გიშავთ, - გააგრძელა ქალმა, - სხვები უარესები მეჩვენენ. ოგი მომვლელ ბრენდს მიუბრუნდა:

- აი, თქვენ, პროხა მეგონეთ, კეთილი პროხა, ოლონდ, მეტისმეტად წაწვეტებული რქები კი გქონდათ.

ახლა უკვე მისტერ გრივზს გაეცინა.

- ხედავთ, მომვლელი, - მიმართა ბრენდს, - მეც ხომ ხშირად გეუბნებით, საძოვარზე უნდა გაგოშვით კაცმა და ზიზილა მოგაძოვინოთ.

მომვლელ ბრენდს არ სწყენია. მან ავადმყოფს ბალიში გაუსწორა და გაიღიმა.

- ჩვენ დროდადრო სასაცილო სახელებსაც გვარქმევენ ხოლმე, რას იზამ, ესეც ჩვენს საქმიანობაში შედის.

ექიმები სიცილით წავიდნენ კარისაკენ. მარდა უესტმა ნორმალური გარემო იგრძნო, დაძაბულობაც მოეხსნა და იკითხა:

- ვინ მომძებნა? რა მოხდა? უკან ვინ მომიყვანა?

კართან მისული მისტერ გრივზი ქალისაკენ შემობრუნდა.

- კიდევ კარგი, შორს არ წასულხართ, მისის უესტ, თორემ ახლა აქ არ იქნებოდით. კარისკაცი გამოგყვით უკან.

- ახლა ყველაფერი დამთავრებულია, - უთხრა ოჯახის ექიმმა. - ყოველივე ხუთ წუთში მოხდა. თქვენ მშვიდობიანად დაგაბრუნეს საწოლში მანამდე, სანამ რამე შეგემთხვეოდათ. მეც აქ ვიყავი, ასე იყო ეს. ყველაზე თავზარდაცემული მომვლელი ენსელი იყო, რომელმაც საწოლში ვეღარ გიხილათ.

მომვლელი ენსელი... წუხანდელი მოვლენები არცთუ იოლი დასაეწიყებელი იყო.

- ახლა არ გკითხვართ, ჩვენი პატარა ვარსკვლავიც რომელიმე ცხოველად მომეჩვენაო, - გაუღიმა ოჯახის ექიმმა.

მარდა უესტმა იგრძნო, როგორ გაწითლდა. ახლა ტყუილებიც დასჭირდებოდა.

- არა, - თქვა ქალმა, - რა თქმა უნდა, არა.

- მომვლელი ენსელი ახლა აქ არის, - უთხრა ბრენდმა, - ისე დელავდა, რომ სამუშაოს დამთავრების შემდეგ დასაძინებლად

არ წასულა. ხომ არაფერს ეტყოდით?

უსიამოვნო სიფრთხილემ შებოჭა ავადმყოფი. ნეტავ რა უთხრა ენსელს წუხელ იმ პანიკისა და ნერვული ავადმყოფობის უამს? სანამ მარდა რამის თქმას მოახერხებდა, ოჯახის ექიმმა კარი გამოაღო და ღერეუფანში ენსელს გასძახა:

- მისის უესტს უნდა დილა მშვიდობისა გისურვოთ, - იგი მთელი სახით ილიმებოდა. მისტერ გრივზმა. ქალს ხელი დაუქნია და გავიდა, მომვლელი ბრენდიც მას გაჰყვა. ოჯახის ექიმმა სტეტოსკოპი დაუქნია გამოსამშვიდობებლად, მერე ხუმრობით თავმოდრეკილი გვერდზე მიდგა და კედელს აეკრა, მომვლელი ენსელი რომ შემოეშვა. მარდა უესტი ენსელს მიაჩერდა, მერე გაუბედავად გაიღიმა და ხელი გაუწოდა:

- ძალიან ვწუხვარ: - მიმართა, - უნდა მაპატიოთ!

როგორ შეეძლო გველად მოსჩვენებოდა ენსელი. მომვლელს თავლისფერი თვალები და, ღია ზეთისხილისფერი კანი ჰქონდა, გახამებული ქუდის ქვეშ შავი, ლამაზად დავარცხნილი თმა მოუჩანდა, წყნარად და თანამგრძნობად ილიმებოდა.

- გაპატიოთ, მისის უესტ, - ჰკითხა მან, - რა უნდა გაპატიოთ? თქვენ ისეთი განსაცდელი გამოიარეთ!

მომვლელმა და ავადმყოფმა ხელები ჩაჰკიდეს ერთმანეთს და გაუღიმეს. და მარდა უესტმა ღმერთს მადლობა შესწირა ამხელა შეებისათვის და კიდევ იმისათვის, რომ ხელახლა და-ნახვითა და ახლის შეცნობით მთლად მოსცილდა ეჭვის ტვირთი და სასოწარკვეთა.

- მე მაინც ვერ გამიგია რა მოხდა, - თქვა მარდამ, თან ხელს არ უშვებდა მომვლელს. მისტერ გრივზი შეეცადა აეხსნა ჩემთვის, რაღაც ნერვის ბრალიაო.

მომვლელმა კარს გახედა.

- მან თვითონაც არ იცის, - წაიჩურჩულა, - და მეტს ვერც ვერაფერს იტყვის, რადგან გაუჭირდება. უბრალოდ ძალიან ღრმად ჩასვა ლინზები, ნერვთან ძალიან ახლოს, ეს არის და ეს. კიდევ კარგი, ცოცხალი რომ გადარჩით.

მომვლელი ზემოდან დასცქეროდა ავადმყოფს, თვალები უღი-

მოდა, საოცრად ლამაზი და ალერსიანი იყო.

- ამაზე ნულარ იფიქრებთ, - უთხრა მარდას, ამ წუთიდან ბედნიერი უნდა იყოთ, ხომ მპირდებით?

- გპირდებით, - უპასუხა მარდა უესტმა.

ტელეფონი დაირეკა. მომვლელმა ენსელმა ქალს ხელი გაუშვა და ყურმილი აიღო.

- ხომ ხვდებით, ვინ იქნება, თქვენი საცოდავი მეუღლე. - მან ყურმილი მარდა უესტს გადასცა.

- ჯიმ... ჯიმ, შენა ხარ?

საყვარელი, აღელვებული ხმა მოესმა ყურმილიდან.

- ხომ კარგად ხარ? - ჰკითხა ქმარმა, - ორჯერ მივმართე მნეს შენს შესახებ, შემპირდა, გაგაგებინო. რა ჯანლაბა მოხდა?

მარდა უესტმა გაიღიმა და მომვლელს მიაწოდა ყურმილი.

- თქვენ უთხარით, - სთხოვა ქალმა.

მომვლელმა ენსელმა ყურმილი გამოართვა. მუქი და გლუვი კანიანი ხელი ჰქონდა, ფრჩხილებზე ღია ვარდისფერი ლაქი უელავდა.

- თქვენ ბრძანდებით, მისტერ უესტ? - დაელაპარაკა მომვლელი, - ჩვენმა ავადმყოფმა ძალიან შეგვაშინა, არა? - მან გაიღიმა და ლოგინში მწოლიარე ქალს თავი დაუქნია. - ნულარ ინერვიულებთ. მისტერ გრივზმა ღინზეები შეუცვალა. ძველები ნერვს ებჯინებოდნენ. ახლა ყველაფერი კარგადაა. მშვენივრად ხელაჯს. დიახ, მისტერ გრივზი ხვალ შინ წასვლის ნებას გვრთავს.

სიყვარულით შთაგონებული ხმა მუქი თვალების ნაზ ელფერს შეერწყა. მარდა უესტი კიდევ ერთხელ მიწვდა ყურმილს.

- ჯიმ, მე საშინელი ღამე მქონდა, - დაიწყო ქალმა, - მხოლოდ ახლა ვიწყებ ამის გაცნობიერებას, ნერვი ტვინში...

- მესმის შენი, რა საშინელებაა. მადლობა ღმერთს, გაიგეს მიზეზი. იმ გრივზს კარგად ვერ სცოდნია თავისი საქმე.

- ეს აღარ განმეორდება, - უთხრა ქალმა, - ახლა კარგი ღინზეები მაქვს, ეს აღარ განმეორდება.

- ჯობდა საერთოდ არ მომხდარიყო, რამე რომ დაგმართოდა, სამართალში მივცემდი. ისე, როგორ გრძნობ თავს?

- მშვენივრად, ოდნავ გაოგნებული ვარ, ისე კი, მშვენივრად.  
 - კარგი გოგო ხარ, არაფერზე აღელდე. მე გვიან მოვალ.  
 ჯიშის ხმა მიწყდა. მარდა უესტმა ენსელს მიაწოდა ყურმი-  
 ლი, მან კი ტელეფონის აპარატზე დადო.

- მისტერ გრივზმა ნამდვილად გითხრათ, რომ ხვალ შემიძლია  
 შინ წასვლა? - იკითხა ქალმა.

- ნამდვილად, თუ კარგად მოიქცევით, - მომვლელმა ენსელმა  
 გაიღიმა და ხელზე მოეფერა ავადმყოფს, - დარწმუნებული  
 ხართ, რომ ისევ გინდათ ჩემი წაყვანა.

- როგორ არა, - უპასუხა მარდა უესტმა, - ჩვენ ხომ უკვე  
 შევთანხმდით.

ქალი ლოგინზე წამოჯდა. მზე უხვად შემოიღვარა ფან-  
 ჯრიდან, შუქი მიმოაფრქვია ვარდებს, შროშანებს და მაღალ-  
 ღეროიან ზამბახებს. ქუჩიდან შემოჭრილი ტრანსპორტის ხმაური  
 ახლა საოცრად ახლობლად და სასიამოვნოდ ეჩვენებოდა. ქალი  
 ფიქრობდა თავის ბაღზე, მას რომ ელოდა, თავის საწოლ ოთახზე,  
 თავის სამფლობელოზე და იმ ყოველდღიურ საქმიანობაზე,  
 აღდგენილი მხედველობით რომ შეუდგებოდა. გასული თვეების  
 შიში და მღელვარება საშუაამოდ გამქრალიყო.

- ამქვეყნად ყველაზე დიდი სიმდიდრე მხედველობაა, ახლავ  
 მივხვდი, - უთხრა ქალმა მომვლელ ენსელს, - წარმოდგენილი  
 მაქვს, რამდენს დაკარგავდი.

გულხელდაკრეფილმა მომვლელმა ენსელმა თანაგრძნობის  
 ნიშნად თავი დაუქნია.

- თქვენ სასწაულებრივად დაიბრუნეთ მხედველობა, ახლა  
 აღარასოდეს დაკარგავთ.

იგი კარისაკენ გაემართა.

- მე ახლა გავიქცევი და ცოტას დავისვენებ, უკვე მშვიდად  
 ვარ, ყველაფერი კარგად რომ არის და დაძინებასაც შეეძლებ.  
 რამე ხომ არ გნებავთ?

- მომაწოდეთ ჩემი სახის საცხი და პუდრი, - სთხოვა  
 ავადმყოფმა, - და კიდევ პომადა, ჯაგრისი და სავარცხელი.

მომვლელმა ენსელმა ტუალეტის მაგიდიდან ყველაფერი

აიღო და საწოლთან ახლოს დაუწყო, რომ ადვილად მიწვდომოდა. მერე პატარა სარკე და სუნამოს ბოთლიც მიუტანა, თანაც ახლობლური ღიმილით დაწნოსა საცობი - ღიღებულა, - წაილულ-ლულა, - მისტერ უესტმა რომ მოგიტანათ, ის არის, არა?

„ნამდვილად გამომადგება მომვლელი ენსელი“, - გაიფიქრა მარდა უესტმა. ქალი ოცნებაში ხედავდა, როგორ მორთავდა პატარა სასტუმრო ოთახს ყვავილებით, შეარჩევდა კარგ წიგნებს, ჩართავდა პატარა რადიოს, რომ დაღლილი მომვლელი ენსელი გაერთო.

- რვა საათზე თქვენთან ვიქნები.

ეს ნაცნობი სიტყვები კვირების განმავლობაში ყოველდღე ესმოდა მარდას, მრავალჯერ მოსმენილ საყვარელ მელოდიად ხშიანდებოდა და საბოლოოდ იმ პიროვნებაში ხორციელდებოდა, ვინც მუდამ იღიმებოდა და ვისი თვალებიც მეგობრობასა და ერთგულებას ჰპირდებოდნენ.

- საღამომდე.

კარი დაიხურა. მომვლელი ენსელი წავიდა. კლინიკის ყოველდღიური საქმიანობა, წინა ღამის ნერვული აღზნებით რომ დარღვეულიყო, კვლავ კალაპოტში ჩადგა. სიბნელე სინათლემ შეცვალა, არარაობა - სიცოცხლემ.

მარდა უესტმა სუნამოს ბოთლს საცობი მოხსნა და ყურს უკან წაისვა. ჰაერი სურნელით გაიჟლინთა და თბილ, ნათელ დღეს შეერწყა. ქალმა სარკე აიღო და შიგ ჩაიხედა. ოთახში არაფერი შეცვლილა. ქუჩის ხმაური ისევ იჭრებოდა გარედან. მალე ოთახის დასასუფთავებლად შემოვიდა პატარა დამლაგებელი, გუშინ რომ სინდიოფალად მოეჩვენა. „დილა მშვიდობისაო“, - თქვა, მაგრამ ავადმყოფმა არ უპასუხა, ალბათ დაღლილობის გამო. დამლაგებელმა დაასუფთავა ოთახი და გავიდა.

მარდა უესტმა აიღო სარკე და კიდევ ერთხელ ჩაიხედა შიგ. არა, იგი არ შემცდარა. სარკიდან სამსხვერპლოდ განწირული შვლის მფრთხალი თვალები შემოჰყურებდნენ, შეშინებული ირმის თავი მოკრძალებით დახრილიყო.

## დიდებული ქალბატონი

ევროპის სამხრეთით მდებარე რონდას სამთავრო დიდი ხანია, რაც რესპუბლიკა გახდა. ეს იყო უკანასკნელი ქვეყანა, რომელმაც განსაკუთრებულად სისხლიანი რევოლუციის გზით გადაყარა მონარქიული რეჟიმის ბორკილები. ქვეყნის ერთ-მმართველური ძალაუფლება, რომელიც შეიღი ასეული წელი ერთსა და იმავე გვარს ეპყრა და იმჟამად დიდი ჰერცოგი განაგებდა, უეცრად ერთობ განსწავლული მთავრობის - სახალხო ფრონტის, ანდა, როგორც მას შემოკლებით ეძახდნენ, - ს.ფ.-ს ხელში გადავიდა. საქმოსნობისა და კომუნისმის ამ გაერთიანებული ორგანიზაციის უსასტიკესმა ქმედებამ შეძრა მთელი დასავლური სამყარო. იმ ქვეყნებს, რომლებსაც ჯერ კიდევ დიდი ხნის წინათ ევროპოთ წითელი საფრთხე, მიზანდასახულად ჩაესხათ უკანასკნელი მონარქები უზარმაზარ საოკეანო ლაინერში და უსასრულო კრუიზში გაეგზავნათ. ბედნიერად ცხოვრობდნენ იმ გემში დიდებულები, თავს ირთობდნენ პატარ-პატარა ინტრიგებით, ერთმანეთზე ქორწინდებოდნენ და სამტროდაც აღარასოდეს დაღირებიან ევროპის თავისუფალ ხალხებს.

რევოლუცია ელდასავით დაატყდა თავს რონდას, რადგანაც ეს ქვეყანა კარგა ხნის მანძილზე მარტო დემოკრატიული წყობის ასპარეზს კი არ წარმოადგენდა, არამედ ტურისტების საყვარელი გასართობი ადგილიც იყო. ასეთი ლტოლვა აქაურობისაკენ განპირობებული იყო საკვებით გასაგები მიზეზებით. ტერიტორიის სიმცირე სწორედაც რომ გამოარჩევდა რონდას სხვა ქვეყნებისაგან. უფრო მეტიც, თუმცაღა ერთი ციციქნა იყო, მაინც, რა უნდა გენატრა, აქ რომ არ მოიძებნებოდა. მისი ერთადერთი მთა-რონდერპოფი თორმეტი ათასი ფუტის სიმაღლეზე აღმართულიყო და ოთხივე მხრიდან შეიძლებოდა მწვერვალზე ასვლა. მთის ქვედა კალთები მთელს ევროპაში უბადლო იყო სათხილამურო სპორტისათვის. ქვეყნის მთავარი სანაოსნო მდინარის-რონდაქვივერის ქვედა განშტოებანი აქა-იქ მიმოფანტული

პაწაწინა კუნძულებით იყო დამშვენებული. ყოველი კუნძული თავს იწონებდა წარმტაცი სანაპიროებითა და კაზინოებით, რომლებიც თბილ სეზონზე უამრავ ტურისტს იზიდავდა. ახლა მის სასწაულებრივ წყაროებს არ იკითხავენ?!

ეს სახელგანთქმული წყაროები ღედაქალაქის უკან, მთაში მოედინებოდა და საუკუნეთა მანძილზე გამეფებული გვარისათვის ფასდაუდებელ საგანძურს წარმოადგენდა. მათ არაჩვეულებრივი, უნიკალური თვისებები გააჩნდათ. საქმე ისაა, რომ მხოლოდ მონარქისათვის ცნობილ რეცეპტთან შერეული ეს წყლები მარადიული სიჭაბუკის მინიჭების უნარს იძენდნენ. ყოველი დიდი ჰერცოგი მხოლოდ სიკვდილის წინ უმხელდა თავის მემკვიდრეს საიდუმლო რეცეპტს შემადგენლობას. აქაური მონარქები უმალ თავს შეაკლავდნენ მტერს და საიდუმლოს კი არ გაანდობდნენ, მაგრამ ისე რომ მომხდარიყო, ვერ მოესწროთ მემკვიდრისათვის ამ ცოდნის გადაცემა, რონდას წყაროები მაინც იყო საწინდარი იმისა, რომ დიდი მთავრები ყოველგვარი ნაოჭისა და ჭადარის გარეშე ჩავიდოდნენ საფლავში.

როგორც ვთქვი, რეცეპტი მხოლოდ მმართველმა ჰერცოგმა იცოდა და მხოლოდ თვითონ სარგებლობდა მისი სიკეთით. ბუნებრივი წყაროები კი ხამთავროში ჩამოსულ ნებისმიერ სტუმარს შეეძლო დაეღია. წყალი მათზე საოცრად მაცოცხლებელ ზეგავლენას ახდენდა. რევოლუციამდე მართლაცდა განუწყვეტელ ნაკადად მოედინებოდნენ უცხოელები 'რონდაში. მსოფლიოს ყოველი მხრიდან ჩამოდრიოდნენ ადამიანები, რომელთაც სურდათ, თავისი ერთფეროვანი ყოფის მანძილზე ერთხელ მაინც ზიარებოდნენ სიცოცხლის ელექსირს, ეს წყლები რომ შეიცავდა.

ძნელია, სიტყვებით გამოხატო ის უდიდესი სიკეთე, რაც კი რონდას გაუმეტებია ჩამოსულთათვის. შინ დაბრუნებული უცხოელები სხვებისაგან იოლად გამოირჩეოდნენ, - მზემოკიდებული კანი განსაკუთრებით უბზინავდათ, მეოცნებე თვალები არაამქვეყნიური სხივით უელავდათ, ეხარებოდნენ იმ ცხოვრებას, ადრე მეტად უხალისოდ რომ ატარებდნენ. „მას, ვინც რონდას სწვევია, თვით ღმერთი უზილავსო“, - ასეთი კარგად ცნობილი გამოთქმაც არსებობდა. ნამდვილად სხვანაირები

ხდებოდნენ ტურისტები, მხრებსაც სხვაგვარად იჩენდნენ და უზრუნველადაც ამოქნარებდნენ. მათ, ვისაც ზამთრის ან ზაფხულის შვეებულება იქ, „საზღვარგზრეთ“ გაეტარებინა, სახეები გაცისკროვნებული ჰქონდათ ჯადოსნური ღიმილით, რაც აშკარად მეტყველებდა „იმ სხვა სამყაროს“ ინტიმურობასა და უთქმელ საიდუმლოზე და რომელიც ასე ძნელი გასაგები იყო შინ დარჩენილთათვის.

დროთა განმავლობაში შთაბეჭდილებები რაღა თქმა უნდა, ფერმკრთალდებოდა, ფაბრიკის დანგა მუშას ითხოვდა, სამსახური-ხელმძღვანელს, ლაბორატორია - ქიმიკოსს; მაგრამ ზოგჯერ, თავისუფალ დროს, რონდაში ნამყოფი ადამიანები ოცნებით ისევ იქ მოგზაურობდნენ, იგონებდნენ მაღალი მთის ყინულივით ცივ წყაროებს, მღინარეში მიმოფანტულ პაწაწინა კუნძულებს, რონდას დედაქალაქის დიდებულ მოედანზე განლაგებულ კაფეებს. ეს მშვენიერი მოედანი იმით გამოირჩეოდა, რომ დიდი მთავრის სასახლის წინ იყო გადაშლილი. დიდებული სასახლე ახლა მუზეუმი, ისეთივე დამყაყებელი, როგორც რევოლუციის ყველა სხვა „მონაპოვარი“.

წინათ კი, სასახლეს ლურჯ მოოქროვილ სამოსში გამოწყობილი დიდებული მხედრიონი დარაჯობდა, სამეფო ალაში ფლაგ-შტოკში ამაყად ფრიალებდა, მასზე გამოსახული იყო თეთრ მინდორზე მოლივლივე სიცოცხლის წყარო. სამეფო ორკესტრი საამოდ აჟღერებდა დამატყვევებელ რონდულ ხალხურ ჰანგებს, რომლებიც ერთნაირად წააგავდა ბოშურ მელოდიასაც და სასულიერო ჰიმნსაც. ნასადილევს ტურისტები მოედანზე სხდებოდნენ და ელოდნენ დიდი ჰერცოგის გამოჩენის რიტუალს. მონარქი მიმწუხრის ჟამს გამოდიოდა აივანზე. მისთვის, ვისაც დალაშქრული ჰქონდა რონდერპოფი, ვისაც რონდაქეივერში ეცურავა, ანდა, მაცოცხლებელი წყარო შეესვა, მთავრის გამოჩენის რიტუალი ერთგვარ განსახიერებას წარმოადგენდა ყველა იმ სიამისა, რაც ამ ქვეყანაში განეცადა. ერთი კია, სტუმარმა უკვე აღარ უწყოდა, ირონიულად შეეხედა ყოველივე ამისათვის თუ აღფრთოვანებულიყო. ღვინით ცოტათი გაბრუებული, (რონდას ყურძნისაგან დაყენებული ღვინო მაგარი იყო და მშრალი), ცოტა ზედმეტად

გამაძღარი რონდაქვივერის თევზის მსუყე ხორციტ, ცოტათი სვედიანი, მოგონებების აღმძერელი ბოშურ-სასულიერო მელოდიის ზეგავლენით რომ იყო გამოწვეული, უცხოელი, როგორი თავდაჭერილიც უნდა ყოფილიყო, მაინც იკებოდა რაღაც ამაღლებულის ხილვის სურვილით. მართალია, სხვაც ბევრი იყო განსაკვიფრებელი რონდაში, მაგრამ სტუმარი მაინც უთუოდ ესწრებოდა ამ სანახაობას.

ირველიც სიჩუმე სუფევდა. მოედანი მკრთალად იყო განათებული. სამეფო ორკესტრი ნელიად იწყებდა ეროვნულ ჰიმნს, რომლის პირველი სტრიქონები უხეშად ასე ითარგმნებოდა: „მე ვარ ის, რასაც თქვენ ეძიებთ, მე ვარ წყარო სიცოცხლისა“. მერე სასახლის ფანჯრები იღებოდა და აივანზე თეთრ სამოსში გამოწყობილი მონარქი გამოჩნდებოდა. იმავე წუთს სასახლის კოშიდან ოცნების სიბზოლოდ დასახულ ღამურებსა თუ მფრინავი თაგვების გუნდს გამოუშვებდნენ. ეს გამაოგნებელი სანახაობა ულამაზესი შთაბეჭდილებით აქსებდა მნახველს. ღამის არსებანი ბრმად დაფრინავდნენ და ფართე კამარას კრავდნენ ზუსტად დიდი მთავრის მბრწყინავი თავის ზემოთ (რონდას მთავრებს, ყველას ოქროსფერი თმა ჰქონდა), სიჩუმეს მხოლოდ აუარება პაწია ფრთის ტყლამუნი არღვევდა. დიდი ჰერცოგი გაუნძრევლად იდგა აივანზე, რომელიც თაღისებურად იყო განათებული. ნათურები არ ჩანდა, ისინი ოსტატურად ჩაემალათ ბალუსტრადის ქვათა წყობაში. მონარქის თეთრ სამოსელზე ერთადერთი განსხვავებული ფერი წითელლენტიანი ორდენი იყო. მთავარი შორიდანაც კი მომხიბლავი ჩანდა. თვით ყველაზე უფრო გულგრილი რესპუბლიკური წყობის ქვეყნიდან ჩამოსულ ტურისტსაც კი შეუგუბდებოდა სული მის დანახვაზე. ერთი ცნობილი საზღვარგარეთელი ჟურნალისტი წერდა. - „რონდას ჰერცოგი, გამოჩენისთანავე, ყველაზე დათრგუნულ ადამიანსაც კი განუმტკიცებს ხოლმე თავისი მხრიდან მფარველობის რწმენასო, - და იქვე აღნიშნავდა, - სასურველია, ეს რწმენა ამ ადამიანებისავე უსაფრთხოების გულისათვის ჩაშობილ იქნასო“.

იმ ბედნიერ მაყურებელთათვის, რომელნიც სასახლესთან ახლოს მოკალათების ღირსნი გამხდარიყვნენ და რომელთაც

თადიდან უხვად ეფრქვეოდათ ულამაზესი შუქის ნაკადი, ერთობ უჩვეულო იყო ის, რომ ეს ღამეული სანახაობანი ყოველთვის უდიდესი სიზუსტით სრულდებოდა და დიდი პერცოგიც მუდამ სასწაულებრივი სიჭაბუკით ბრწყინავდა. მართლაც, სულის შემგუბველი იყო ის გასხივოსნებული არსება, რომელიც ხმლის ვადაზე ხელებდაწყობილი მარტოდმარტო იდგა აივანზე. ზოგჯერ, შეიძლება რომელიმე მოქილიკეს გვერდით მყოფისათვის გადაეჩურჩულებინა კიდევაც, - „მონარქი უკვე ოთხმოცდაათისა მანც არის და წლების განმავლობაში ერთნაირად იქცევა, მაშინაც ამგვარად გამოდიოდა ხოლმე, როცა ბევრი აქ მყოფი ჯერ დაბადებულაც არ იყო“, - მაგრამ ასეთ გესლიან ნათქვამს ალბათ ყურს არავენ ათხოვებდა და უპასუხოდაც დატოვებდა. აივანზე გამოსული მონარქი კი მნახველისათვის ყოველთვის იყო განსახიერება იმ სულ პირველი პრინცისა, რომელიც რონდელ ხალხს მოველინა რონდაქვივერის წყალდიდობის შემდეგ. ეს მოხდა შუა საუკუნეებში, წყალდიდობამ წალეკა რონდას მოსახლეობის სამი მეოთხედი. როგორც მემატთანე აღნიშნავს: „ოდეს დაცხრნენ წყალნი, გარდა წყაროთა, მათთაგან ჩამომდინარეთა, მოვიდა პრინცი იგი და მოიტანა ფიალა უკვდავებისა და გამეფდა ხალხსა ზედა“.

თანამედროვე ისტორიკოსები, რა თქმა უნდა, სისულელედ მიიჩნევენ ყოველივე ამას და ცდილობენ დაამტკიცონ, სულ პირველი მონარქი სასწაულებრივად მოვლენილი ვინმე კი არა, მხოლოდ უბრალო მწყემსი იყო. ის თურმე სტიქიური უბედურების მერე აღზევდა, რადგან შეძლო გაემხნევებინა გატანჯული და სასოწარკვეთილი ხალხი, ვინც წყალდიდობას გადაურჩა. ასეა თუ ისე, ლეგენდები არ კვდებიან და ახლაც კი, რესპუბლიკის არსებობის ამდენი წლის მანძილზე, მოხუცები ისევ სათუთად ინახავენ პატარა რელიქვიებს, რომლებიც, როგორც ისინი ჩურჩულებენ, უკანასკნელ დიდ პერცოგს საკუთარი ხელით უკურთხებიან. ეს კი მანამდე მომხდარა, სანამ რევოლუციონერები სასახლის მოედანზე ჩამოკიდებდნენ. მაგრამ მე მოვლენებს ვაგუსწარი...

როგორც უკვე შეიტყვეთ, რონდა იყო ქვეყანა, სადაც

უხვად მოიპოვებოდა სიამენი ამა სოფლისანი, ჯანსაღი სული და უდიდესი სიმშვიდე. იქ პოულობდა კაცი თავის გულმსწორს. ბევრი დაწერილა რონდელ ქალებზე. ისინი არიან, უფრო სწორად, იყვნენ ციყვებივით მორცხვები, გაზელებივით ლამაზები და ეტრუსკული ქანდაკებებივით ტურფანი. არცერთ უცხოელ მამაკაცს არ რგებია წილად ბედნიერება, იქაური ქალი მოეყვანა ცოლად. ქვეყნის გარეთ ქორწინება იკრძალებოდა, მაგრამ სატრფიალო კავშირებს არ გაუზობდნენ. ის ბედნიერი ტურისტები, რომლებიც ასეთ სარისკო სიყვარულს იგემებდნენ და გადაურჩებოდნენ ქალის განრისხებული მამის, ძმის ან ქმრისაგან სიკვდილს, თავის ცივილიზებულ ქვეყანაში დაბრუნებულნი იფიცებოდნენ, სიცოცხლის ბოლო წუთებამდე გაგეყვება რონდელი ქალების მკლავებში წოლისა და მათი არაჩვეულებრივად მათრობელა აღერსის განცდაო.

რელიგია, როგორც ასეთი, რონდას არ ჰქონდა. იმისი თქმა მინდა, რომ აქაურებს არ გააჩნდათ რაიმე დოგმა ან სალოცავი. რონდელები თაყვანს სცემდნენ ამ ქვეყნის სასწაულებრივ წყაროებს და მარადიული სიჭაბუკის რეცეპტის საიდუმლოს, რომელიც მხოლოდ დიდმა ჰერცოგმა იცოდა. სხვა რამ, ადგილი თუ უმაღლესი სამღვდლოება, სათაყვანო საგნად არც არასოდეს გაუხდიათ. უფრო მეტიც, რონდულ ენაში, რომელიც ფრანგულბერძნულივით ჟღერდა, ღმერთის აღმნიშვნელი სიტყვა საერთოდ არ არსებობდა.

ძალზე სამწუხაროა, რომ აგრერივად შეიცვალა ყველაფერი. რონდა ახლა რესპუბლიკაა. უამრავი დასავლური სიტყვა შეიპარა ადგილობრივ მეტყველებასში, მაგალითად, როგორცაა „უიკენდი“, „კოკა-კოლა“ და სხვ. ქორწინების შემზღუდავი ბარიერიც დაინგრა. რონდელ გოგონებს ახლა ბროდვეისა თუ პიკადილიზზეც შეხვდებით და ძნელადღა გამოარჩევთ სხვა თანატოლებისაგან. ამ ქვეყნის ისეთი ძველებური წეს-ჩვეულებანი, როგორცაა ბარჯით თევზის ჭერა, ჩანჩქერიდან ხტომა, ცეკვები თოვლში, - ჩაკვდა და აღარ არსებობს. ერთადერთი, რაც არ წამხდარა, არის მისი რელიეფი-მაღალი მთა და დაკლაკნილი მდინარე. და კიდევ, უცვლელად კიაფობს რონდას გამჭვირვალე გამონაშუქი,

რომელიც არასოდეს იბინდება, არც იღრუბლება და საოცრად ჰგავს წმინდა აქვამარინის ქვის ბზინვას. ამ შუქის დანახვა უკვე ცაში აჭრილი და ქვეყნის საზღვრიდან კარგა შორს გაფრენილი თვითმფრინავიდანაც შეიძლება. აქ ახლა აეროპორტიცაა, რევოლუციის შემდეგ მალევე ააშენეს.

მართალია, ბევრი რამ შეიცვალა რონდაში, მაგრამ უცხოელი ახლაც სინანულის გრძნობით ტოვებს ხოლმე ამ ქვეყანას, - სანამ გაემგზავრება, უკანასკნელად კიდევ იგემებს „რიცოს“, აქაურ ტკბილ ლიქიორს, უკანასკნელად დაყნოსავს როვლეულებს, - მათრობელა სურნელის ყვავილს, რომლის ოქროსფერი ფურცლებიც ზაფხულის მიწურულს მორთავენ ხოლმე ქუჩებს, უკანასკნელად დაუქნევს ხელს რონდაქვივერში მოცურავე ბრინჯაოსფერ არსებას და აეროპორტის უღიმღამო გასასვლელში მდგარი მალე მიაშურებს აღმოსავლეთსა თუ დასავლეთს. ჩვეულ საქმიანობას დაუბრუნდება, რომ რამე შესძინოს თავის ოჯახსა თუ ახლობლებს. ემშვიდობება აწ უკვე აუსრულებელი სურვილების ქვეყანას, ემშვიდობება ჩონდას.

დღესდღეობით, დედაქალაქში, ყველაზე გულსმომკვლელი, გარდა აწ უკვე მუზეუმად გადაქცეული სასახლისა, არის იმ სასახლის ყოფილი მკვიდრი, სამეფო ჯვარის უკანასკნელი წარმომადგენლის ხილვა. მას ახლაც დიდებულ ქალბატონს ეძახიან. თუ რატომ არ დააკლეს ისიც თავის ძმას, - დიდ მთავარს, ამას ქვემოთ გაიგებთ. ის არის ერთადერთი ადამიანი, ვინც ამჟამად იცის მარადიული სიჭაბუკის საიდუმლო. ძმამ მას სიკვდილის წინ გაანდო რეცეპტის შემადგენლობა. ქალბატონს არავისთვის გაუმხელია და, ნამდვილად, საფლავშიაც თან ჩაიტანს. რევოლუციონერებმა ყოველი ღონე იხმარეს, დააპატიმრეს, აწამეს, გადაასახლეს, წამლებითაც სცადეს ზემოქმედება მის ტვინზე, მაგრამ ამოდ, ვერანაირმა ტანჯვამ ვერ აიძულა ქალი გაეთქვა საიდუმლო.

დიდებული ქალბატონი ახლა ოთხმოცი წლისა მინც იქნება. ერთხანს ძალზე დასუსტდა, არ ეგონათ ექიმებს ზამთარს თუ გაატანდა. მაგრამ ეს ქალი იშვიათი ჯიშისაა და ჯერ კიდევ ძალუძს უიმედოთა დამარცხება. როგორც ძველად, ახლაც ულა-

მახესი გოგოა მთელს რესპუბლიკაში. გოგო შემთხვევით არ მითქვამს, საქმე ის არის, რომ მიუხედავად წლების სიმძიმისა, დიდებული ქალბატონი გარეგნულადაც და გულითაც ნამდვილად გოგოს ჰგავს. სრულიადაც არ შესცვლია ოქროსფერი თმა, წყლიანი თვალები, მოხდენილი და განუმეორებელი მიხრამოხრა, ასე ძალიან რომ ხიბლავდა აწ უკვე გარდაცვლილ, იმ ავადსახსენებელ „დიდი დანების ღამით“ დახოცილ მის თანამედროვეებს. იგი დღესაც ცეკვავს ხალხურ მელოდიებზე, ოღონდ, ახლა უკვე ერთი რონდიფის (ფულის ერთეულია რონდაში, დაახლოებით უთანაბრდება ერთი დოლარის ღირებულებას) ფასად. ჩვენთვის, ვინც მომსწრენი ვართ მისი ზეობის, ხალხის უსახლგრო თაყვანისცემისა მის მიმართ (უფრო მეტსაც გეტყვით, მასაც საოცრად უყვარდა თავისი ხალხი), ვისაც გვახსოვს, თუ როგორ მფარველობდა ხელოვნებას, როგორ ეტრფოდა თავის ბიძაშვილ ენტონს, რომელმაც სერიოზული მნიშვნელობა არც კი მიანიჭა რევოლუციური ვნებების გამძაფრებას თავის ქვეყანაში... სწორედ ჩვენთვის, ვისაც ის ყველაფერი გეიხილავს და გაგივიგია, სანახავად საზარელია და გულსაკლავი რონდას დიდებული ქალბატონის-პაულას ცეკვა-თამაში ლუქმა-პურის საშოვნელად და ტურისტების გასართობად. წინათ კი ყველაფერი სხვაგვარად იყო. ჩვენს მეხსიერებას არ შორდება აივნის დღეები და მფრინავი თავგები.

ჰოდა... თუ მეტისმეტად არ დაგვალეთ, (ისე კი, გახსოვდეთ, ქვეყნის საისტორიო წიგნებში, რომლებსაც სტუდენტები წარსულის გათვალისწინების მიზნით გადაწერენ ხოლმე მომავალი თაობებისათვის, წერილმანი დეტალები არ არის შეტანილი), შევეცდები, რაც შეიძლება მოკლედ გიამბოთ, თუ როგორ დაეცა ევროპის უკანასკნელი სამთავრო, როგორ გახდა რონდა რესპუბლიკა და ამ მოვლენების დასაწყისში როგორ მოიცვა ხალხი მოუსვენრობამ ნაწილობრივ იმ გაუგებრობის გამო, რომ დიდებული ქალბატონი უმაღლესი კეთილდღეობიდან ასე ძირს დაეშვა და ახლა სასახლის მოედანზე დაკუნტრუმებს პატივყარილი და განადგურებული.

მოდით, რონდას ისტორიას გადაჭედოთ პირველი მოსახლეობა კრეტელები და გალები იყვნენ; ერთნი აზოვის ზღვით შემოვიდნენ ამ მიწა-წყალზე, მეორენი-ხმელეთით. შემდგომში მათ რომაული სისხლიც შეერია. მერე კი, როგორც უკვე იცით. მეთოთხმეტე საუკუნის დასაწყისში მოვარდნილმა ღვარცოფმა აქაურ მკვიდრთა სამი მეოთხედი გადაწყვიტა. სულ პირველმა მონარქმა აღადგინა წესრიგი, თავიდან აღაშენა სატახტო ქალაქი, მიხედა მიწას, დათესა მოსავალი, დარგო ვაზი, - მოკლედ, სასოწარკვეთილ ხალხს ცხოვრების ხალისი დაუბრუნა.

ამ თავდადებულ საქმიანობაში მას დიდად ეხმარებოდა წყაროს წყლები. სწორედ მათგან მზადდებოდა მარადიული სიჭაბუკის წამალი, რომლის საიდუმლოსაც მხოლოდ დიდი პერცოგი ფლობდა. მაგრამ საიდუმლო რეცეპტის გარეშეც შეიცავდნენ აქაური წყლები სასწაულებრივ თვისებებს. ვინც კი დაღვედა, უმალ გასაოცარი სიხალისით ივსებოდა; ისეთი შეგრძნებები ეუფლებოდა, სქესობრივად ახლადმომწიფებულ ყმაწვილს რომ ემართება ხოლმე, უფრო სწორი იქნება თუ ვიტყვი, რომ ეს იყო აღმაფრენის ხელახალი განცდა. ბავშვს, რომელმაც არ იცის შიში მშობლებისა და მასწავლებლების წინაშე, დილაობით აღვიძებს ხოლმე დაუძლეველი სურვილი, რაც შეიძლება სწრაფად წამოხტეს საწოლიდან და მზეზე გაეარდეს ფეხშიშველი, მაგრამ მალევე უნდა დაიოკოს ეს სურვილი, რადგანაც დღე, რომელიც ახლად თენდება, ხომ მისთვის თენდება! სწორედ ასეთი სიხარულის განახლებული განცდის მინიჭების უნარი შესწევდათ რონდას წყაროებს.

ასეთი შეგრძნებები არავითარ შემთხვევაში არ იყო მოჩვენებითი, როგორც ამას სკეპტიკოსები განმარტავდნენ ხოლმე ზოგჯერ. ახლა თანამედროვე მეცნიერებმა უკვე იციან, რომ ქიმიური რეაქციების საშუალებით შესაძლებელია შინაგანი სეკრეციის ჯირკვლების ბუნებრივი ნივთიერებებით გამდიდრება და სწორედ ამის გამოა, რომ ბოთლებში ჩამოსხმული აქაური

წყლების რეალიზაცია წარმოადგენს რონდას მრეწველობის ძირითად დარგს. ყოველწლიურად ოთხმოც პროცენტზე მეტ პროდუქციას ყიდულობს შეერთებული შტატები. წინათ კი, როცა მრეწველობა მარტო დიდი ჰერცოგის საკუთრებას წარმოადგენდა, ბოთლებში ჩამოსხმულ წყაროს წყლებს მხოლოდ სტუმრად ჩამოსულ უცხოელებზე ყიდნენ. დანაკარგი უსაზღვროდ დიდი უნდა ყოფილიყო, თუ წარმოვიდგენთ იმას, რომ წყარო რონდერპოფის გამოქვაბულში იღებდა სათავეს და ცხრა ათასი ფუტის სიმაღლიდან გადმოქქუხდა ჩანჩქერად. მაშინ, როდესაც მთელი ეს ენერგია საესებით შეიძლებოდა გადაღლილი ამერიკელების ვენებში შეწოვილიყო, ის სრულიად უმიზნოდ გადმოედინებოდა შიშველ კლდეებზე, იფანტებოდა ჰაერში, დაბლა, გადაშლილ მინდვრებზე ეშვებოდა, აპოხიერებდა ისედაც მდიდარ დედამიწას და ამოქყავდა ოქროსფერი როვლეულა ყვავილები.

რონდელები, რა თქმა უნდა, დაბადებიდანვე, დედის რძესთან ერთად სვამდნენ ამ წყლებს, სწორედ ამიტომ იყვნენ ასე ლამაზები, სიცოცხლით სავსენი და ხალისიანნი, სწორედ ამის გამო იყო მათთვის უცხო ცუდი ზნე და ამბიციები. ისტორიკოსთა ნაშრომებიდანაც კარგად ჩანს, თუ რა შორს იდგნენ პატივმოყვარეობისაგან ეს ადამიანები, რარიგ შექზაროდნენ სიცოცხლეს. ცნობილ რონდელ პოეტს - ოლდოს ასეთი რამ აქვს ნათქვამი: „რატომ უნდა მოვკლათ ვინმე, თუკი ასე გვიყვარს ერთმანეთი? რატომ უნდა ვიტიროთ, თუკი ბედნიერები ვართ? რატომ უნდა გადალაზოს რონდელმა რონდერპოფი და გაემგზავროს სხვა ქვეყნებში, იქ, სადაც მუდამ რაღაც ჭირი და ავადმყოფობა გავრცელებული, სადაც ამდენი სიღარიბე და ომია? რატომ უნდა გადაცუროს რონდაქვივერი და გადავიდეს იქ, სადაც ხალხი ჯოგოვით ცხოვრობს და ერთობა, სადაც ერთი სული აქვთ, როგორმე საკუთარ მეზობლებზე უკეთ მოიწყონ ცხოვრება?“

რონდელებს ამგვარი რამეებისაკენ არ უქრით გონება. ამ ხალხმა უკვე გადაიტანა საშინელი წყალდიდობა, რომელმაც პირისაგან მიწისა აღგავა მისი წინაპრები. რა ვიცი, იქნებ რონდაქვივერი ისევ ადიდდეს, და მაშინ ხომ არც მათ დაეყრებათ სიკეთე! მაგრამ, სანამ ასეთი დღე დაუდგებოდეთ, ვაცალოთ ამ

ხალხს ცხოვრებით დატკობა, ცეკვა, ოცნება, ვაცალოთ, ბარჯით დაიჭირონ მხტუნავი თევზები რონდაქვივერში, ვაცალოთ, იჭყუმპალაონ რონდერჰოფის წყლებში, შეაგროვონ ოქროსფურცლება როვლულა, დაწურონ ყურძენი, ვაცალოთ, ელოლიავონ და გაუფრთხილდნენ მარად ჭაბუკ პრინცს, რომელიც კედება, მაგრამ ისევ იბადება ხელახლა!“ - აი, უხეში თარგმანი იმისა, რაც თქვა ოლდომ. რონდული ენა ერთობ რთულია და მისი ილიომები დიდად განსხვავდება ევროპული ენებისაგან.

წყალდიდობის შემდგომი პერიოდიდან მოყოლებული, საუკუნეთა მანძილზე ბევრი არაფერი შეცვლილა რონდაში, პერცოგს პერცოგი ცვლიდა და არავინ უწყოდა, რა ასაკისა იყო მმართველი მონარქი თუ მისი მემკვიდრე. თუკი პერცოგი ავად გახდებოდა, ანდა რამე შეემთხვეოდა, მოსახლეობა უმაღლეებდა ამ ამბავს. ანკი რა იყო დასამალი? ადამიანებს უნდა სცოდნოდათ, რა ხდებოდა ქვეყანაში. მოსახლეობა სასახლის კარიბჭესთან გამოკრული ოფიციალური განცხადებიდან იგებდა დიდი პერცოგის გარდაცვალებასაც და მის ხელახალ სიცოცხლესაც, რამეთუ ახალ მონარქში გრძელდებოდა გარდაცვლილის სიცოცხლე. აი, რას შეიძლება ვუწოდოთ რელიგია. თერსოფისტები კი თავის მხრივ ამტკიცებდნენ, თითქოსდა რელიგია იყო ის, რომ დიდი პერცოგი წარმოადგენდა გაზაფხულის სიმბოლოს. ასეა თუ ისე, რელიგიას დავარქმევთ თუ ტრადიციას, რონდელებისათვის ყოვლად მისაღები კი იყო. მათ უხაროდათ, რომ მარადიული სიჭაბუკის საიდუმლოს დიდი პერცოგი უსათუოდ გადასცემდა თავის მემკვიდრეს, აღფრთოვანებულნი იყვნენ მონარქის თვალწარმტაცი სილამაზით, მისი თეთრი სამოსით. მათ სასახლის მცველთა მოელვარე ქარქაშებიც ძლიერ მოსწონდათ.

მონარქი არასოდეს ჩარეულა თანამემამულეთა ნებასურვილში და ბუნებრივია, არც მათ ცხოვრებაში. მას შემდეგ, რაც მოსახლეობამ დაიწყო მიწის დამუშავება, მოსავლის აღება და საკმაო სარჩოც დააგროვა, (ხალხს ძალზე ცოტა ჰყოფნიდა, რადგან საკმარისად ჰქონდა თევზიც და ფრინველიც, ბოსტნეულიც და ხილიც, ღვინოც და ლიქიორიც), არავითარი კანონის გატარება აღარ გახდა საჭირო. ქორწინების კანონიც დაუქ

წერლად არსებობდა და არც ვინმეს უფიქრია მისი დარღვევა. აბა, ვინ იქორწინებდა უცხოელ ქალზე, ანდა რომელი რონდელი მანდილოსანი აიყვანდა ხელში ვილაც გადამთიელისაგან გაჩენილ მოკლეკიდურებიან და ღონღლო ბავშვს? ნამდვილად განსასჯელია ის ფაქტი, რომ რონდელები ერთმანეთზე ქორწინდებოდნენ და ერთი ციცქნა ქვეყანა, ასე, დაახლოებით კორნუოლის ხელა, ერთიანად ნათესავეებით იყო დასახლებული. ამას ვერავენ უარყოფს. მათ, ვინც წინათ კარგად იცნობდა რონდას, იცოდნენ რომ ბევრ ძმას შეურთავს საკუთარი და ცოლად, მაგრამ ამაზე ერთხელაც არ დასცდენიათ სიტყვა. ამგვარი შეუღლებების შედეგი კი ფრიად სასიკეთო იყო იმ თვალსაზრისით, რომ ასეთ აღრევას შთამომავლობისათვის ფიზიკურად თუ გონებრივად არავითარი ზიანი არ მოუტანია. რონდაში ძალზე ცოტა იდიოტი იყო. როგორც ისტორიკოსები აღნიშნავენ, სწორედ შიდა ქორწინებებს მოსდევდა ის, რომ რონდელები არასოდეს ყოფილან პატივმოყვარენი, არასოდეს ჰქონიათ დიდი მოთხოვნილებები და არც ომებისადმი მიდრეკილება გამოუმუღავენებიათ ოდესმე.

„რატომ უნდა ვიბრძოლოთ, თუკი არაფერი გვაქვს გასაყოფი? - აცხადებდა ოლდო, - რად მოვიპარო, თუკი საფულე სავსე მაქვს? რატომ მოვიტაცო უცხო ქალი, თუკი ჩემივე დაი არის ჩემი საცოლე?!“ რა თქმა უნდა, ასეთი მსჯელობა ერთობ გამაოგნებელია და არც არის გასაკვირი, რომ ამ დამათრობელი გრძნობებით სავსე და მორალის პრინციპებიდან დაცლილ ქვეყანაში ჩამოსულ ბევრ უცხოელსაც მეტად აღაშფოთებდა. მაგრამ მიუხედავად აქაური წესების განსჯა-გააიციხვისა, სტუმარი საბოლოოდ მაინც მარცხდებოდა, რამეთუ, ფარ-ხმალს ყრიდა და მუხლს იყრიდა სილაამზის წინაშე, ხოლო თავისი შვებულების ბოლოს კი, როცა უკვე გასინჯული ჰქონდა წყაროს წყლის გემო, აზრიც ეცვლებოდა და ამ ქვეყნის რჯულზეც მოექცეოდა ხოლმე. სწორედ რონდაში ეზიარებოდა იგი სიცოცხლის ჭეშმარიტ არსს - თავგანწირვის ნიჭსა და ჰედონიზმს ანუ გონებისა და სხეულის სრულყოფილ ჰარმონიას. დასაქვლეთის სამყაროში მცხოვრები ადამიანისათვის ტრაგედიას წარმოადგენს ის უამრავი კანონი, რომელიც აგრერივად ზღუდავს მას და ახარბებს

ყოველგვარ სიამოვნებას. ეს კი მეტისმეტად მიუტყევებელი ცოდვაა. იმ ქვეყნებში კაცი მუდამ უნდა ისწრაფოდეს რაღაც უხილავი მიზნისაკენ, ეს მიზანი შეიძლება იყოს მატერიალური კეთილდღეობაც, უწმინდესი და უძლიერესი ღმერთიც და რაიმე საბრძოლო იარაღიც, რომელიც მას სამყაროს განმგებლად აქცევს. რაც უფრო მეტი იცის ამ ჰიროვნებამ, მით უფრო მოუსვენარი და მომხვეჭი ხდება, უფრო დიდ პრეტენზიებს აცხადებს იმ თბილი ტალახის მიმართ, რისგანაც შექმნილა და რაღაც უნდა იქცეს. უჩნდება დაუოკებელი სურვილი, გაამწაროს და დათრგუნოს თავისივე მოძვე. სწორედ ასეთი დაუკმაყოფილებლობის შხამმა შეაღწია რონდასიც. ამ ფაქტს კი დიდად შეუწყო ხელი როგორც უცხო ქვეყნებთან ურთიერთობამ, ასევე, რევოლუციის ორი ლიდერის - მარკოსა და გრანდოსის მეცადინეობამ, რამაც, ვაი, რომ საბოლოოდ მოწამლა ეს მშვენიერი ქვეყანა.

აღბათ იკითხავთ, რამ გაარევოლუციონერაო ეს ორი რონდელი? სხვასაც ხომ ბევრს უმოგზაურია საზღვრგარეთ, უკან კი უვნებლად დაბრუნებულა. განა რამ აიძულა მარკოი და გრანდოსი რონდას დამხობის სურვილი გასჩენოდათ, იმ რონდასი, სადაც შეიღი საუკუნის მანძილზე ფაქტიურად არაფერი შეცვლილა?

ყოველივე მოხდა მეტად მარტივი მიზეზის გამო. საქმე ის არის, რომ მარკოი ოიდიპოსივით უბედური დაიბადა. საცოდავს დაგრეხილი ფეხები დაჰყვა და საკუთარ მშობლებს ვერაფრით აპატია თავისი სიმანხინჯე, სამუდამოდ შეიძულა იმის გამო, რომ ლამაზი არ გააჩინეს. ბავშვი, რომელსაც არ შეუძლია შეუნდოს მშობლებს, არც თავის სამშობლოს დაინდობს ოდესმე. მარკოი იზრდებოდა ერთადერთი სურვილით შთაგონებული, - რაც შეიძლება მეტად დაემანხინჯებინა თავისი ქვეყანა. გრანდოსი ხარბი იყო დაბადებიდანვე. მასზე ამაზობდნენ უცხო ჯიშისააო, - ვითომდაც დედამისს, არც კი ღირს ამისი გახსენება, მაგრამ, სასიყვარულო კავშირი ჰქონოდა. ზღვის გაღმელ მოგზაურთან, რომელიც შემდგომ თურმე მეტისმეტად ტრაბახობდა ამ ნადავლით. ასე იყო თუ ისე, გრანდოსმა მემკვიდრეობად მიიღო ანგარებიანი ბუნება და ცინცხალი გონება. სკოლაში (რონდელი ბავშვები

ერთნაირ განათლებას იღებდნენ, მხოლოდ სამეფო გვარის ყმაწვილებს ასწავლიდნენ ცალკე, გრანდოსი პირველი მოწაფე იყო, ხშირად მასწავლებლებზე მეტიც იცოდა. ამან კი საკუთარ თავზე ერთობ დიდი წარმოდგენა შეუქმნა. ბავშვი, ვინც საკუთარ მასწავლებელზე მეტი იცის, რა თქმა უნდა, თვით პრინცსაც გაეჯიბრება ცოდნაში და საბოლოოდ თავის თავს იმ საზოგადოებაზე მაღლა დააყენებს, რომლის წიაღშიაც დაიბადა.

ეს ორი ბიჭი დამეგობრდა. მათ ერთად გადალახეს რონდას საზღვარი და ევროპაში იმოგზაურეს. ექვსი თვის შემდეგ შინ დაბრუნებულებმა თან მოიტანეს დაუქმყოფილებლობის ჯერ გაუცნობიერებელი გრძობა. ისინი მზად იყვნენ დაენგრიათ სამყარო. გრანდოსმა თევზის დამუშავების მრეწველობას მიჰყო ხელი. ამ ფრიად განათლებულმა კაცმა განიზრახა, რონდაქვივერის თევზი, რონდელეების ძირითადი და უგემრიელესი საკვები, სხვადასხვაგვარად გამოეყენებინა. კერძოდ, თევზის სიბრტყეზე გახლეჩილ ხერხემალს, ქალის ბიუსჰალტერს რომ წააგავდა, ფორმას დაუხვეწდა და ისე გაყიდდა, ხოლო ქონისა და ოქროსფერი რეველუელასაგან დაამზადებდა მკვებაე მალამოს უხეში და მობერებული კანისათვის.

გარნდოსმა წამოიწყო საექსპორტო ბიზნესი. პროდუქციას დასავლეთის ყველა ქვეყანაში გზავნიდა. მალე მთელს რონდამი უმდიდრესი კაცი გახდა. რონდელი მანდილოსნებიც კი აცთუნა გაზეთში მის მიერ გამოქვეყნებულმა საკუთარი პროდუქციის რეკლამამ. აქაურ ქალებს, ვისაც არასოდეს სცმიათ ლიფები და არც სილამაზის მალამო უხმარიათ ოდესმე, აეკვიატათ აზრი, - ჩვენს ბედნიერ ცხოვრებას მხოლოდ ეს საგნები აკლდა და სხვა არაფერი.

მარკოსი იმდენად სძულდა ყველაფერი, რაც თავის მშობლებთან იყო დაკავშირებული და მათ შორის იმ მშობლების საყვარელი ვენახიც კი, რომ მეურნეობაში ბედი არც უცდია. იგი ჟურნალისტი გახდა. მალე გაზეთ „როდას უწყებებს“ მთავარი რედაქტორის ადგილსაც გამოჰკრა ხელი. დაარსების დღიდან ამ გაზეთში ძირითადად იბეჭდებოდა ყოველდღიური ახალი ამბები და ცნობები სოფლის მეურნეობისა თუ ვაჭრობის შესახებ,

ხოლო კვირაში სამჯერ ხელოვნების სიახლეებსაც იგებდა მკითხველი. ხალხს ჩვეულებად ჰქონდა, გაზეთი სადმე ბუნების წიაღში ან კაფეებში შუადღისას, დასვენების უამხ წაეკითხა. მარკოიმ შეცვალა ეს ჩვევები. ახალ ამბებს ისევ ბეჭდავდა, მაგრამ გონებამახვილურად ახერხებდა თავის სასარგებლოდ გადაეკეთებინა, - დასცინოდა ძველ ტრადიციებს, ისეთებს, როგორებიცაა ყურძნის დაწურვა (ამით შურს იძიებდა საკუთარ მშობლებზე), ბარჯით თევზის ჭერა (ამას გრანდოსის სასარგებლოდ აკეთებდა, რადგან ბარჯი თევზს ხერხემალს უზიანებდა და ამით საექსპორტო ბიზნესსაც ვნებდა), მაგრამ მას უფრო სხვა აზრი აწუხებდა, - მარკოი ყოველგვარი სილამაზის განადგურების მოსურნე იყო. იგი რონდელი მოხუცების გრძნობებსაც შეურაცხყოფდა, რადგან სწორედ ხანშიშესულ ხალხს ჰქონდა საყვარელ ჩვევად გადაქცეული გაზაფხულზე ყვავილების შეგროვება და სახლების, დედაქალაქისა და სასახლის მოკაზმვა. ამ ყოველად უცოდველ გართობასაც ვერ იტანდა მარკოი, განზრახული ჰქონდა, ბოლო მოეღო ყველაფრისათვის, რაც თვითონ არ მოსწონდა. გრანდოსი მისი თანამოაზრე იყო, მაგრამ იმიტომ კი არა, თითქოს მასაც სძულდა რონდას წეს-ჩვეულებები, უფრო იმის გამო, რომ ძველის დანგრევა მეტად გაფურჩქნიდა მის საეკონომიკურ ბიზნესს, მეტად გაამდიდრებდა და გააბატონებდა თავის თანამემამულეებზე.

ახალგაზრდა რონდელები თანდათან ეგუებოდნენ ახალ ღირებულებებს, რასაც თითქმის ყოველდღე ეცნობოდნენ პრესაში. გაზეთი გარეგნულადაც ეშმაკურად იყო შეცვლილი. ის უკვე შუადღით კი აღარ გამოდიოდა, რომ მოსახლეობას შესვენების დროს გადაეველო თვალი და მალევე დაეიწყებოდა, არამედ საღამოს, მზის ჩასვლისას იყიდებოდა სასახლის მოედანსა და გარეუბნებში. დაბინდებისას, როცა რონდელი უდარდელად წრუპავს თავის „რიცოს“ და უფრო მგრძობიარე ხდება, ვიდრე დღისით, ძალზე იოლია მისი მოტყუება. ასე, რომ ეფექტი ფრიად თვალსაჩინო იყო. ახალგაზრდა რონდელები, რომლებიც აქამდე მხოლოდ ზამთარ-ზაფხულ გართობასა და სიყვარულობა-ნაზე ფიქრობდნენ, ახლა ცხოვრებისეულ პრობლემებზეც

დაფიქრდნენ.

„ხომ ვითმინეთ აბუჩად აგდება შვიდი საუკუნის მანძილზე, - წერდა მარკოი, - რონდა მხოლოდ სულელუბისათვის განდა სამოთხე. ვინც კი საზღვარგარეთ ყოფილა, დამერწმუნება, რომ ჭეშმარიტი ცხოვრება იქ, ჩვენი საზღვრების გარეთ არსებობს, სწორედ იქ არის ახლის აღმოჩენისა და პროგრესის სამყარო. რონდელებს დიდხანს კვებავდნენ ტყუილებით. ჩვენი განსაკუთრებულიობა ის არის, რომ იდუოტები კაროთ, მთელს განათლებულ კცობრიობას ვძულვართ“.

არ არსებობს ქვეყნად ადამიანი, ვინც შეეგუება შრს, რომ სულელი დაუძახონ. დაცინვა სირცხვილს ბადებს მასში და ეჭვებით ადაეებს. ასე დაემართა აქაურ ახალგაზრდობასაც. ერთ დროს ბეჯით ყმაწვილებს გული აუცრუვდათ თავის საქმიანობაზე, რადგან საკუთარი ღირსებაშელახული ეჩვენათ.

ამ დროს კი მარკოი უფრო აღვიკვებდა უნდობლობას:

„ვინც ფეხით წურავს ყურძენს, თავის თავს აჭყლეტს მიწას, ხოლო ვინც მიწას ხნავს, თავისთვის ითხრის საფლავს“-ო.

ეს კაცი წაიპოეტებდა კიდევაც, იგი საკმაო ირონიით ახერხებდა ოლდოს ფილოსოფიის დამახინჯებას.

„ძალ-ღონით სახსე ახალგაზრდობა რატომ უნდა დავეთრგუნეთ მთავრობას ისე რომ ჩაეხშო ჩვენთვის აზრები. ნებისმიერ ჩვენთაგანს შესწევდა უნარი ემართა ქვეყანა, ამის სანაცვლოდ კი ვიღაც სხვა ბატონობდა. უკვდავებას, რომელსაც შეუძლია მსოფლიო მბრძანებლებად გვაქციოს, ტყუილებითა და ხრიკებით ფლობს მხოლოდ ერთი კაცი და ისიც იმიტომ, რომ მხოლოდ მან იცის რაღაც ქიმიური საიდუმლო“.

მარკომ ეს დაწერა საგაზაფხულო დღესასწაულის დღეებში, ხოლო როდესაც ნაზა და დარწმუნდა, გაზეთის ნომრებმა რონდას ყოველ ოჯახში შეადწიესო, ეჭვი აღარ შეჰპარკია, რომ ამ ქვეყნის მცხოვრებთა პატარ-პატარა სამყაროები უოუოდ შეიცვლებოდა.

- მართალს წერს, ხომ იცი, ეუბნებოდა ერთი კაცი მეორეს, - ჩვენს საკმაოდ უდარდელად კცხოვრობდით, საუკუნეთა მანძილზე გულხელდაკრეყილები ვისხედით და მოწყალებასავით

ვილებდით, რასაც გადმოგვიგდებდნენ.

- ნახე, რა წერია აქ, - ეუბნებოდა ერთი ქალი მეორეს, - წყაროს წყლები სხვა ხალხებსაც უნდა გაეუნაწილოთო, სწორიც არის, არავის უნდა დაბერება, წყლები ჩვენ საკმაოზე ბევრი გვაქვს.

თქმით კი ამბობდნენ, მაგრამ არავის ჰყოფნიდა იმდენი თავხედობა, პირველს შეეცნა დიდი ჰერცოგისათვის. ერთი კია, მოსახლეობაში კრიტიკული განწყობილება სუფევდა, ხალხმა ირწმუნა, გვატყუებენ და გვორგუნავენ და ამის გამო მთელი მსოფლიო დაგვეცინისო. სწორედ ამ განწყობილების მიზეზით საგაზაფხულო ფესტივალს მოაკლდა ჩვეული მხიარულება.

მარკოი კი თავისას განაგრძობდა:

„ეს არაფრის მაქნისი კვირტები რონდელი მშრომელი ხალხის მიერ მხოლოდ იმიტომ იკრიფება, რომ უფროს თაობას ასიაბოვნონ და პატივმოყვარეობა დაუკმაყოფილონ ერთადერთ კაცს - ჰერცოგს, მაშინ, როდესაც შეგვეძლო ყვავილის გული გამოგვეწურა, დაგვეჭყლიტა და ჩვენს სასარგებლოდ, ჩვენივე გამდიდრებისათვის გამოგვეყენებინა. რონდას რესურსები უნდა დამუშავდეს, გაიყიდოს და ჩვენც მოგვხმარდეს და მთელს კაცობრიობასაც“.

ნამდვილად დასაბუთებული ლოგიკა იყო. ხალხმა ჩუმ - ჩუმად დაიწყო ლაპარაკი, თუ როგორ ფუჭად იფლანგებოდა მთელი სიმდიდრე - ოქროსფერი კვირტები თუ გადმომქუხარი წყაროები, თუ როგორ მიცურავდნენ ლაღად რონდაქვივერიდან ზღვისაკენ დაუჭერელი თევზები, რომელთა ხერხემალიც მხოლოდ რონდელი ქალების მკერდებს ამშვენებდა, და როგორც გაზეთიდან იცოდნენ ამის გამო შეიძულებდათ და დასცინებდათ მთელი სამყარო.

იმ დამეს, პირველად რონდა ისტორიაში, დიდი მთავრის გამოჩენისას სიჩუმე გამეფებულიყო სასახლის მოედანზე.

- რა უფლება აქვს, იმეფოს ჩვენზე, - დაიჩურჩულა იქ მყოფმა რომელიღაც ბიჭმა, - ისიც ხომ ჩვენსავით სისხლისა და ხორცისაგანაა შექმნილი. რითია ჩვენზე უკეთესი, მარადიულ სიჭაბუკეს ხომ მხოლოდ ელექსირი უნარჩუნებს?

- ამბობენ, ჩურჩულითვე თქვა იმ ბიჭის თანმხლებმა გოგომ, - სხვა საიდუმლოებსაც ფლობსო. თურმე ისეთი წამალი იცის, მარტო სიჭაბუკეს კი არა, სიყვარულსაც რომ ახანგრძლივებს“.

აი, ასე აღმოცენდა შური, რომელიც მარკომ და გრანდოსმა დათესეს. უცხოელმა ტურისტებმა უმალ შეიტყვეს რონდელის განწყობილება. ისინი ხედავდნენ იმ გაღიზიანებასა და ბრანსისაგან აფეთქებას, რაც სრულიად არ შეეფერებოდა აქაურთა მშვენიერ გარეგნობას. რონდელებმა, იმის მაგიერ, რომ მსოფლიოსათვის თავისი ეროვნული წეს-ჩვეულებანი პირველყოფილი მომხიბვლელით ეჩვენებინათ, ისტორიაში პირველად დაიწყეს მობოდიშება საკუთარ „ნაკლოვანებათ“ გამო. ამ ქვეყნისათვის ისეთ უცხო სიტყვებს, როგორებიცაა „დათრგუნვა“, „ჩამორჩენა“, „არაპროგრესული“, რონდელები ერთგვარი მორიდებით წარმოთქვამდნენ, ხოლო არცთუ დიდად ალღოიანი უცხოელები ამ ხალხის მინაწერი უკმაყოფილების ცეცხლზე ნავთს ასხამდნენ, როდესაც მათ „კოლორიტულებსა“ და „ახირებულებს“ უწოდებდნენ.

- მომეცი ერთი წელიწადი, - უთქვამს მარკოს მეგობრისათვის, - მომეცი ერთი წელიწადი და მარტო დაცინვითაც კი დაეამხობ მთავრობასო.

გრანდოსს ჭკუაში დასჯდომია ეს ამბავი. ერთ წელიწადში იგი ხელშეკრულებას დაუდებდა მეთევზეებს და ისინიც რონდაქეივერში დაჭერილი თევზების ხერხემლითა და ქონით მოამარაგებდნენ, ხოლო იმავე წლის ბოლოს კი გაურიგდებოდა მოზარდებს, რათა მისთვის მოეკრიფათ და ჩაებარებინათ როვლევულას ფურცლებგაცლილი გულები, რომლის ესენციასაც სუნამოდ გადაამუშავებდა და შეერთებულ შტატებში გაყიდდა. ამგვარად, გრანდოსი და მარკო - მეწარმე და ჟურნალისტი შეკავშირდნენ. ახლა მათ უნდა განესაზღვრათ რონდელი ხალხის ბედი.

- დაიმასსოვრე, - უთხრა გრანდოსმა მარკოს, - ერთად თუ ვიქნებით, ვერავინ მოგვერევა, ცალ-ცალკე კი დაგვამარცხებენ. შენ თუ გაზეთიდაან დაძვინებდი თავს, მაშინ მთელს ჩემს საქონელს საზღვარგარეთ ძვირად გაყვიდი. ამას კი ის მოჰყვება, რომ ჩვენი ქვეყნის ბუნებრივი სიმდიდრენი უცხოელებს

მოიხიდავს, ისინი აქ დასახლდებიან, რონდა ევროპის სხვა სახელმწიფოებში გაითქვიფება და ეს შენ ყოველგვარ ავტორიტეტსა და გავლენას დაგაკარგვინებს.

- შენც ნუ დაგავიწყდება, - უპასუხა მარკომ, - რომ თუ ჩემს პოლიტიკას გაემიჯნები, და შენი წარმოების წილში არ შემიყვან, რესპუბლიკის მთელ ახალგაზრდობას აგიმხედრებ.

- რესპუბლიკის? - გაუკვირდა გრანდოსს და წარბი აზიდა.

- დიახ, რესპუბლიკის, - მეტი დამაჯერებლობისათვის თავი დაუქნია მარკომ.

- შეიდი საუკუნეა არსებობს სამთავრო, - ფრთა გაშალა გრანდოსმა.

- მე შეიდ დღეში დავანგრევ, - თქვა მარკომ.

ეს საუბარი რევოლუციის არცერთ ღოკუმენტურ მასალაში არ არის დაფიქსირებული, ერთი კია, ხალხმა იცნა ამის შესახებ.

- დიდი პერცოგი? - ჩაფიქრდა გრანდოსი, - რა ვუყოთ ამ უკვდავ არსებას?

- ის, რაც ოქროსფერ ყვავილს ვუყავით, - უპასუხა მარკომ, - უნდა გავსრისოთ!

- რომ გავკექცეს? - ჩაეკითხა გრანდოსი, - ხომ შეიძლება, თავისიანებთან ერთად გავკეპაროს ქვეყნიდან იმ სულელური გემით?

დიდი პერცოგი ამას არასოდეს იზამს, - დაამშვიდა მარკოსი, შენ გავიწყდება ჩვენი ქვეყნის ისტორია. ყოველ მარადჭაბუკ პერცოგს სამშობლოსათვის შესაწირ ზვარაკად მიაჩნია თავი.

- იმ სულ პირველი პერცოგის ამბავი მოგონილია, განმარტა გრანდოსმა.

- მართალი ხარ, - დაეთანხმა მეგობარი, - მაგრამ ყოველ მოგონილ ამბავში ხომ ჭეშმარიტების მარცვალიც ძევს.

- ასეთ შემთხვევაში, სამეფო ოჯახის წევრიც კი არ უნდა დარჩეს ცოცხალი! - დაასკვნა გრანდოსმა.

- არა, - თქვა მარკომ, - ერთი მათგანი უნდა გადარჩეს, მაგრამ არა როგორც კერპი, რისიც შენ ასე გეშინია, არამედ, როგორც ცოცხალი საფრთხობელა. რონდელეები უნდა მივაჩიოთ

რადაც-რადაცების უარყოფას’.

მარკომ მეორე დღიდანვე დაიწყო თავისი ჩანაფიქრის განხორციელება. ეს კამპანია მთელ წელიწადს, საგაზაფხულო დღესასწაულებამდე გრძელდებოდა. მარკო მიზანდასახულად ცდილობდა თავისი გაზეთის ფურცლებიდან შეეღება დიდი პერცოგის ავტორიტეტი და წარმატებასაც აღწევდა. რონდელები გაუცნობიერებლად იქონიებოდნენ ამ საწამლაკით. კერპი სამიზნედ იყო გადაქცეული და ყოველგვარ გაულენას ჰკარგავდა ხალხზე. შეტევა დიდებული ქალბატონით, პერცოგის დით დაიწყო. უმშვენიერეს ქალთა შორის, მტერი არასოდეს ჰყოლია. მას რონდას ყვავილს ეძახდნენ. მარკომ მიზნად დაისახა მისი ზნეობრივი და ფიზიკური დაკნინება. მიაღწია თუ არა საწადელს, ამას მოგვიანებით შეიტყობთ, თუკი კვლავ დაგაინტერესებთ ეს ამბავი.

მარკო რა ბოროტი კაცი ყოფილა! - იტყვით თქვენ.

სისულეა, იგი ხომ მხოლოდ იდეოლოგი გახლდათ.

### 3.

დიდი პერცოგი რამდენიმე წლით უფროსი იყო თავის დაზე, ზუსტად რამდენით, ვერავინ იტყვოდა. სამეფო ოჯახის ყველა საბუთი „დიდი დანების დამეს“ დაიწვა. ასეა თუ ისე, მათ წლოვანებაში სხვაობა ოცდაათ წელზე ბევრად მეტი უნდა ყოფილიყო. დიდი პერცოგების დაბადების თარიღები სასახლის არქივში ინახებოდა, ხალხს კი სრულიადაც არ აინტერესებდა მათი გაგება. აქაურებისათვის კმაროდა იმისი ცოდნა, რომ მონარქი უკვდავი იყო, მისი სული მისსავე მემკვიდრეებში გრძელდებოდა და ცოცხლობდა. არსებითად, ყველა პერცოგი ერთნაირი იყო საუკუნეთა მანძილზე და დროის ფაქტორს აქ მნიშვნელობა არ ჰქონდა. შესაძლოა, დიდებული ქალბატონი პაულა სრულიადაც არ იყო პერცოგის და, შესაძლოა, მონარქს შეილიშვილადაც ეკუთვნოდა. მხედველობაში უნდა იქონიოთ ის გარემოებაც, რომ ეს ნათესაობა სულიერი უფრო გახლდათ. ისე კი, პაულას ძარღვებში ჭეშმარიტად მეფური სისხლი ჩქეფდა და დაბადები-

დანვე ჰერცოგის დად იწოდებოდა.

საზღვარგარეთელები ყოველთვის ერთგვარი ეჭვით უცქერდნენ რონდას სამეფო ოჯახს. ძალზე აინტერესებდათ, თუ რას საქმიანობდნენ ისინი საუკუნეთა მანძილზე სასახლის კედლებში, (ნამდვილად ერთ რამედ ღირდა, ამ საქვეყნოდ განთქმული ლამაზი გვარისათვის თვალის შეველება), როგორ ერთობოდნენ რონდერპოფის აგარაკსა თუ რონდაქვივერის პაწია კუნძულებზე ზამთარ-ზაფხულს, რითი იყვნენ დაკავებულნი მთელ დღეს, იღლეობდნენ კი ოდესმე? მათი შიდა ქორწინებები ხომ მთლად აოგნებდა ტურისტებს! უცხოელებს ისიც აინტერესებდათ, როგორი იყო ამ ქვეყნის საერთაშორისო ურთიერთობები, ერთ ადგილზე ხომ არ იყო გაყინული და მხოლოდ ფუჭი ცერემონიებით ხომ არ იფარგლებოდა? ასეთ შეკითხვებზე რონდელები იღიმებოდნენ და პასუხობდნენ:

- სიმართლე გითხრათ, არაფერი ვიცით, ვიცით მხოლოდ ის, რომ სამეფო ოჯახში ჩვენსავით ბედნიერად ცხოვრობენ, ანდა, რატომ არ უნდა იყვნენ ბედნიერნი?

მართლაცდა, რატომაც არ უნდა ყოფილიყვნენ ბედნიერნი? რონდელებისაგან განსხვავებით, სხვა ხალხებს, (ეგულისხმობ ვეროპისა და შეერთებული შტატების მოსახლეობას, ეგრეთ წოდებულ „ცივილიზებულ“ ერებს) არ ესმოდათ, რა იყო ბედნიერება. ისინი ვერ იგებდნენ იმას, რომ რონდელი ქალი იქნებოდა თუ კაცი, კაფეს მფლობელი თუ მევენახე, სათევზაო ნავის პატრონი, სასახლის მკვიდრი პატარა პრინცი თუ პრინცესა, რატომ იყვნენ ყოველთვის კმაყოფილი თავისი ბედით და რატომ უყვარდათ ასე სიცოცხლე. ეს კი მართლაც ასე იყო, მათ ნამდვილად საოცრად უყვარდათ სიცოცხლე. ხშირად გამიგონია უცხოელებისაგან:

- რონდელების ცხოვრება არ არის ნორმალური, მათ წარმოდგენაც არა აქვთ, როგორ ვითარდება მსოფლიო ყოველდღიურად...

აბა, ჩაუკვირდით, ხედავთ, როგორი დაუძლეველი შური გამოსჭვივის მათ ზრებში? რონდელებს მსოფლიო განვითარებაზე არც ჰქონდათ წარმოდგენა და არც აინტერესებდათ. ისინი

უბრალოდ ბედნიერები იყვნენ, ეს იყო და ეს. თუ სხვა ქვეყნების ხალხებს ერჩივნათ ცათამბჯენებსა თუ ხელოვნულად მოწყობილ ქოხებში საცხოვრებლად მოხროვილიყვნენ და მერე თუნდაც შუაზე გამსკდარიყვნენ, ეს მხოლოდ მათი საქმე იყო, როგორც უნდოდათ ისე მოქცეულიყვნენ, Tandos pisos - ამბობდნენ ასეთ დროს რონდელეები და ითარგმნება როგორც ერთი მაგათაც მოსცლიათო.

დაკუბრუნდეთ სამეფო ოჯახს. ისინი ისევე ქორწინდებოდნენ ერთმანეთში, როგორც ჩვეულებრივი რონდელეები. ბიძაშვილი ბიძაშვილს ირთავდა, უფრო ახლობლებიც უღლდებოდნენ. ისეთი სიფაქიზით ეპყრობოდნენ სულიერ ცხოვრებას, რომ ქვენა ინტიმურ ურთიერთობებს იშვიათად მიმართავდნენ, ისიც იმიტომ, რომ ტახტის მემკვიდრე გაეჩინათ. დიდი ხალხმრავლობა არასოდეს ყოფილა სასახლეში, რადგან სრულიადაც არ იყო ბევრი შთამომავლის ყოლის საჭიროება. რაც შეეხება ტურისტების დაინტერესებას, იღლებიან თუ არა ოდესმეო, ასე ეუბანსუხებდი:

შეუძლებელია დაგდალოს რამემ, თუკი ბედნიერი ხარ!

რონდას სამეფო ოჯახის წევრები ძირითადად პოეტები, მხატვრები, მუსიკოსები, მოთხილამურეები, მოჯირითეები, მყვინთაეები და მებაღეები იყვნენ. სწავლობდნენ ყველაფერს, რასაც შეეძლო სიამოვნება მიენიჭებინა მათთვის. მათ შორის არასოდეს ყოფილა შეჯიბრი და ამრიგად არც შური. როგორც შევიტყვე, არც ამის შესახებ არსებობს რაიმე საბუთი. ყოველ საღამოს დიდი ჰერცოგი ჩვეულებისამებრ გამობრძანდებოდა ხოლმე აივანზე, ხალხსაც მეტი არა უნდოდა რა. ჰერცოგი იყო ერთადერთი მფლობელი არამარტო ელექსირისა, რასაც საკუთარი რეცეპტით ამზადებდა, არამედ იმ წყაროებისაც, სამეფო ოჯახის კუთვნილ გამოქვაბულში რომ იღებდნენ სათავეს. დიდ მთავარს იქ დასაქმებული ჰყავდა მთიელები, რომლებიც საკუთარ მამებს ბავშობიდანვე ჰერცოგის სამსახურად დაემოძღვრათ. აი, სწორედ ამ გამოქვაბულის ხელში ჩაგდება წარმოადგენდა გრანდოსის სანუკვარ მიზანს.

სამეფო ოჯახში გაუზრდელი და გუუნათლებელი არავინ

ყოფილა. სასახლის ბიბლიოთეკას (რამხელა დანაშაული იყო იმ უნიკალური წიგნების დაწვა), ყოველი პრინცი საუკუნეთა მანძილზე თავის მხრივ ახალი წიგნებით ავსებდა და ამდიდრებდა. ახალგაზრდა პრინციებისა თუ პრინციესების განათლების დონე თვით ფრანგ პროფესორსაც კი განაცვიფრებდა.

დიდებული ქალბატონი პაულა რონდას ყველა პრინცი-სასაგან გამოირჩეოდა ნიჭიერებით, ხუთი ენა იცოდა, უკრავდა ფორტეპიანოზე, შესანიშნავად მღეროდა. ერთხელ, თურმე ცნობილ ინგლისელ კოლექციონერს ხელთ ჩაუვარდა ბრინჯაოს ბიუსტი, რომელიც შემთხვევით გადარჩენოდა „დიდი დანების დამის“ უბედურ და დამაქცეველ მოვლენებს. იმ კოლექციონერის აზრით, ბრინჯაოს თავი გენიოსის მიერ უნდა ყოფილიყო შექმნილი. ხალხს კი სჯეროდა, ქანდაკი დიდებული ქალბატონის ნამუშევარიყო. პაულა სხვა რონდელებივით სრიალებდა თხილამურებით, მათსავით ცურავდა წყალში და ჯირითობდა, მაგრამ ამ მეფური სისხლის ასულს მაინც ჰქონდა ერთი განსაკუთრებული თვისება, შეეძლო შთაგონებით აენთო ყოველი ადამიანი და მისთვის თავი შეეყვარებინა. პაულა საოცრად უყვარდა ხალხს, ჯერ იმიტომ, რომ როგორც ამბობდნენ, ობოლი იყო, მშობლები თურმე ადრე დახოცვია, დედა მასზე მშობიარობას გადაჰყოლია, მალე მამაც გარდაცვლია, მეორეც - დიდი ჰერცოგი, მისი ძმა (თუკი ნამდვილად ძმა იყო), რომელსაც ცოლი არ ჰყავდა, განსაკუთრებულად ელოლიავებოდა პატარა გოგოს. პაულას დაბადება დიდი ჰერცოგის მონარქად კურთხევას დამთხვევია. იმ დროს სასახლეში სხვა პატარა ბავშვი არ იყო, მოზარდი თაობა უკვე წამოზრდილიყო და ოჯახსაც მოჰკიდებოდა. პაულა, დიდი ჰერცოგის წინამორბედის შთამომავალი, პირველი ბავშვი იყო, რომელიც ბოლო თხუთმეტი წლის განმავლობაში დაიბადა სასახლეში.

ხალხმა თანდათან შეიტყო მისი არსებობა: ერთხელ თურმე ძიძა დაუნახავთ ფანჯრიდან ჩვილი ბავშვით ხელში, ერთხელაც, ვიღაც ბიჭს, რომელიც სამეფო ბაღში როვლეულას აგროვებდა, საბავშვო ეტლი უნახავს იქვე. ამბავს ამბავი მოჰყვა. ბევრჯერ უხილავთ ოქროსფერთმიანი გოგონა რონდერჰოფის კალთებზე

თხილამურებით მოსრიალე, ისიც დაუნახავთ, როგორ ყვინთავდა რონდაქვივერში. უფრო ინტიმურ გარემოშიც ჰყავდათ ნანახი, აივანზე გამოსვლის წინ თურმე ხელჩაკიდებული მისდევდა დიდ ჰერცოგს პატარა გოგონა. უკვე ყველამ იცოდა, რომ დიდი მთავრის დაია, პატარა ქალბატონი სასახლეში დაბადებული ბოლო ბავშვი იყო.

რაც დრო გადიოდა და პაულა ქალდებოდა, მატულობდა ლეგენდები და მითები მასზე. მუდამ გულკეთილსა და მხიარულ ქალბატონზე უამრავ დაუჯერებელ ამბავს უამბობდნენ რონდელეები ერთმანეთს. ყვებოდნენ როგორ გადმოხტა თურმე პაულა რონდერპოფის ჩანჩქერის ყველაზე საშიში ადგილიდან და რომ ასეთ ნახტომს მხოლოდ გამოცდილი სპორტსმენი თუ გაბედავდა, როგორ ჩამორეკა ერთხელ მთის ფერდობიდან ცხვარი და შეუსია ვენახებს, როგორ დაუგო მახე თევზებს რონდაქვივერის ზედა წელში, ისე, რომ ერთი მათგანიც ვერ გაუსხლტა და მერე როგორ მიმოფანტა თავისი ნადავლი სახნავ-სათეს მინდვრებზე, რითაც დიდად გააოგნა მეორე დღეს მოსავლის დასახედად მისული ფერმერები, როგორ დაწნა როვლეულა ყვავილები-საგან გვირგვინები და იმ გვირგვინებით მორთო სურათების გალერეაში მდგარი ქანდაკებები, როგორ შეიპარა ერთხელ ჰერცოგის ოთახში, თეთრი სამოსი დაუმალა და მანამდე არ გამოუჩინა, სანამ ცოტაოდენი სიჭაბუკის ელექსირი არ გამოსტყუა.

მთელს ამ ზღაპრებში შესაძლოა, ერთი სიტყვაც არ იყო მართალი, მაგრამ რონდელებს მაინც ძალზე მოსწონდათ ამისთანა ამბები. ყოველ ოჯახში ეკიდა დიდებული ქალბატონის გამოსახულებიანი მედალიონი. ცნობისმოყვარე ტურისტებს აქაურები აჩვენებდნენ ამ მედალიონს და დიდი სიამოვნებით ეუბნებოდნენ, - ეს ჩვენი დიდებული ქალბატონიაო, უბრალოდ კი არ აცნობდნენ, ქალბატონიაო, არამედ ჩვენიაო.

პაულა ყოველი რონდელი ბავშვის მფარველი იყო, (ეს დაახლოებით იგივეა, რაც ქრისტიანული ნათლიაა), იგი დაბადებისთანავე უგზავნიდა პატარებს ნაკურთხ წყალსა და ჭეთილ სურვილებს, ხოლო ქორწინების დრო რომ დაუდგებოდათ,

საჩუქრად მიართმევდა ხოლმე ძლიერმომქმედი ცვარ-ნამის ბროლს. ეს ჩვეულება ანგლო-საქსელ ტურისტებს სისაძაგლედ ეჩვენებოდათ, სამხრეთ ევროპელებს კი სასაცილოდაც არ ჰყოფნიდათ.

რამდენადაც დიდ ჰერცოგსა და მის დას საკმაოდ თბილი ურთიერთობა ჰქონდათ, რონდელებს ეგონათ, ერთ მშვენიერ დღეს დაქორწინდებიან რიდევეაცო. ეს ამბავი იმდენად ელდის მომგვრელი იყო უცხოელთათვის, რომ ევროპისა და ამერიკის ეკლესიების მიერ დაიწყო დიდი მოძრაობა რონდაში მოგზაურობის აკრძალვის თაობაზე. (მაგრამ ვერაფერს მიაღწიეს). ასეა თუ ისე, რევოლუციას რომ არ მოესწრო, პაულა უეჭველად ცოლად გაჰყვებოდა, თავის ბიძაშვილს - ენტონს, რომელიც პოეტიც იყო და ჩემპიონიც სათხილამურო სპორტში. სასახლის ერთი მსახური, ვინც სასწაულად გადარჩენოდა „დიდი დანების ღამეს“, შემდეგ ხალხს უამბობდა, თუ როგორ უყვარდათ ერთმანეთი პაულასა და ენტონს წლების მანძილზე.

მარკოიმ ეს ყველაფერი კარგად იცოდა. ჟურნალისტს ყველგან ჰყავდა დაგზავნილი ჯამუშები, თვით სასახლეშიც კი. კარგად უწყოდა, ქალბატონის ქორწინება საკუთარ ბიძაშვილთან თუ ჰერცოგთან იმის საწინდარი იქნებოდა, რომ ძალაუფლება ისევ სამეფო ოჯახს დარჩებოდა, ყოველ შემთხვევაში, მომდევნო თაობამდე მაინც. რონდელები დიდ მნიშვნელობას ანიჭებდნენ სატრფიალო ამბებს. საოცრად რომანტიულად გამოიყურებოდა ის ზრი, რომ ჰერცოგს თავისი მარადიული სიტყაბუკე ვინმეზე ზრუნვაში დაეხარჯა. თუმცა იქნებ არც კი სურდა პაულას შერთვა. ეს უკვე მისი საქმე იყო და რონდელებს არ ეხებოდა. ასეთ შემთხვევაში ჰერცოგი დალოცავდა ქალის ქორწინებას მისსავე გულის რჩეულთან და საბოლოოდ ყველაფერი კეთილად დასრულდებოდა. მარკოიმ ოსტატურად დაიწყო მოქმედება. მან თავის პროპაგანდას მანამდე მისცა გასაქანი, ვიდრე ასეთი ქორწინების შესაძლებლობა იქნებოდა.

სამეფო ოჯახის წინააღმდეგ გამლილი კამპანიის დაწყებისთანავე მარკოი „რონდას უწყებების“ ყოველდღიური ამბების სვეტში განუწყვეტლად აქვეყნებდა წერილებს დიდებული

ქალბატონის მოღვაწეობის შესახებ. ერთი შეხედვით, სტატიამი თითქოს არაფერი იყო ისეთი, რაც სამეფო გვარს ზიანს მიყენებდა, მაგრამ მინიშნებდა კი, რომ პაულასთან, რონდელთან ამ კერპთან დაკავშირებით ყველაფერი მაინც არ იყო წესრიგში.

გზნეთში ნათქვამი იყო, - დიდებული ქალბატონი ჩაფიქრებული და ფერმკრთალი გახდა, სევდიანი გასცქერის სასახლის ფანჯრებიდან უზრუნველ ხალხსო.

განა შესაძლებელი იყო, რომ ერთმანეთს გაუცხოებოდნენ ის და დიდი ჰერცოგი ანდა თვითონ პაულა გამიჯნოდა იმ ურთიერთობას, რაც სასახლის კანონების მიხედვით ეკისრებოდა?

„რონდას ყვაილი, - ბედავდა და აცხადებდა მარკოი, - რონდას ხალხის საკუთრებაა, რომ შეეძლოს, უბრალო ადამიანს გაჰყვებოდა ცოლად, მაგრამ სწორედ დრომოჭმული ტრადიციები უშლის ხელს. ჩვენი ქვეყნის ყველგან ლამაზი გოგო ვერასოდეს გახდება თავისუფალი“.

სინამდვილეში, იმ საღამოს, როცა „რონდას უწყებებში“ ეს განცხადება გამოქვეყნდა, დიდებული ქალბატონი თავის ბიძაშვილ ენტონთან ერთად რონდერპოფის პატარა აგარაკზე იმყოფებოდა. იმიტომ იყვნენ დროებით მარტონი, უკეთ რომ გაერკვიათ, რამდენად ძლიერად უყვარდათ ერთმანეთი და როგორ ეწყობოდნენ ხასიათებით. ხალხმა ეს ამბავი არ იცოდა და ამის გამო იყო, რომ დიდებული ქალბატონის ქალაქში არყოფნა (ის ყოველთვის ფანჯრიდან ესალმებოდა ხოლმე მოსახლეობას) თვალშისაცემი გახდა. რონდელეები დაეჭვდნენ, - შერისხული ან უფრო მეტიც, დატყვევებული ხომ არ ჰყავთო. მარკოიმ ჭორი გაავრცელა, თითქოს პაულა დიდ ჰერცოგს დაემწყვდია, რათა თავისი სურვილისათვის დაემორჩილებინა და მეუღლედ გაეხადა. თურმე ნუ იტყვით, ეს ამადლებული სულის ქალბატონი, რონდელეების საყვარელი არსება უნდა მოედრიკათ და სულიერად გაეტეხათ. ასეთმა ვითარებამ ცხელი კამათი გამოიწვია იმ დღეებში. მარკოისა და გრანდოსის მომხრეები დაბეჯითებით ავრცელებდნენ ამ ვერსიას.

- მუდამ ასე ყოფილა და ასეც უნდა გაგრძელდეს, ამბობდნენ ძველი ყაიდის ადამიანები, ძირითადად მთისა და

სოფლის მოსახლეობა, - დიდებული ქალბატონი უნდა დადინჯდეს და კიდევ ერთი მშვენიერი უკვდავი გაუჩინოს ჩვენს ქვეყანას. შერეული ქორწინება კარგს არაფერს მოგვიტანს, აბა, ევროპელებსა და ამერიკელებს შეხედეთ!

- კი, მაგრამ, რატომ უნდა ეუკრათ ხელი ბედნიერებაზე? - პასუხობდა ქალაქელი ინტელიგენცია, - რატომ არ უნდა შეეძლოს ქალბატონს, თავისუფლად აირჩიოს საბედო ჩვენს შორის? მაშ იმის ღირსნიც არა ვართ, რომ ოდნავ მაინც გავუთანაბრდეთ მის ნათესაობას? თუკი დიდი ქალბატონი რომელიმე ჩვენთაგანს ინდობებს, მივცეთ საშუალება, ამოგვიჩიოს.

- მერედა, ვინ გითხრათ, რომ რომელიმე თქვენგანი უნდობხართ? თავის მხრივ კითხულობდა სოფლის მოსახლეობა.

- ყველაც ამბობს, - არ ეპუებოდნენ „გონებადგზნებულები“. საღამო ხანზე შესმული „რიცო“ სისხლს უჩქევდა აქაურებს და უფრო დამაჯერებლად წარმოუსახავდა ამგვარ ზრებს. ახალგაზრდა კაცები ერთმანეთს დაჟინებული მხერით ათვალიერებდნენ იმის დასადგენად, თუ ვისთვის შეიძლებოდა გაემეტებინა ბედს ეს წყალობა. ვინ დაიპყრობდა „რონდელი ყვაილის“ გულს. ჭორები კი თანდთან მრავლდებოდა. ამბობდნენ, თითქოს რონდერ-პოფის მაღალ მთაზე თოვლში ცხვირსახოცი ეპოვოთ და შიგ პატარა ბარათი ყოფილიყოს წარწერით: „მომეშველეთო“. იმასაც ამბობდნენ, თითქოს სასახლის ფანჯრიდან გადმოგდებულ როვლეულა ყვაილის გულში ჩამალული ქალბატონისეული საყურე ენახათ. ერთხელ კი, ვითომდაც, დილაადრიან, არჩვზე ნადირობიდან შინ მიმავალ მონადირეთა წინაშე ჩამოვარდნილა დიდებული ქალბატონის მედალიონი, რომელზედაც ეწერა „მე შენ მიყვარხარ“, მაგრამ ვერც ერთ მათგანს ვერ გაეგო, ან საიდან ჩამოვარდა, ან ვინ იგულისხმებოდა ამ წარწერაში. აქაურებს საწუხარ-საფიქრალი გაუჩნდათ, - როგორ დავისხნათო დიდებული ქალბატონი, ნეტავ რომელ ჩვენგანზეაო შეყვარებული. გასაგებია, როგორ აელდებოდა ვნებები, როგორ თანდათან ითესებოდა რევოლუციის თესლი. აივანზე გამოსულ ჰერცოგს კი მხოლოდ სიჩუმე ხედებოდა. მოხუცებმაც კი აქციეს ზურგი. ამის შემდეგ მარკომ ტაქტიკა შეცვალა. მთელი კვირის

მანძილზე აღარაფერი დაუწერია დიდებულ ქალბატონზე. მან მკითხველის ყურადღება მიაპყრო წყაროს წყლებს ღირსებათა შეკვასებას. გზეთის ერთ მოწინავე სტატიამი ნათქვამი იყო: „ჩრდილო ევროპის მეცნიერებმა ამასწინათ შეამოწმეს რონდას წყაროები და აღიარეს, რომ ისინი შეიცავენ მინერალს, რომლის ტემპერატი ღირებულებაც დღემდე უცნობია რონდელი ხალხისათვის. იცის თუ არა ამის შესახებ დიდმა პერცოგმა, დანამდვილებით თქმა არ შეგვიძლია, მაგრამ მოვლენები გვიჩვენებენ, რომ იგი საკმაოდ კარგად უნდა ერკვეოდეს წყლების შემადგენლობაში. მეცნიერების ზრით, ეს მინერალები მხოლოდ სიცოცხლეს კი არა, სიყვარულსაც ახანგრძლივებენ და იმუნიტეტსაც აძლიერებენ დაავადებათა წინააღმდეგ. მეცნიერებმა აღმოაჩინეს გამოსაქვს იმის გამო, რომ ეს ქვირფასი წყლები მხოლოდ ერთი ადამიანის საკუთრებად უნდა დარჩეს“. შემდეგ სტატიამი ლაპარაკი იყო მინერალის ტექნიკურ დეტალებზე და მთავრდებოდა იმ ზრით, რომ სხვა ქვეყნების ხალხებსაც უნდა მისცემოდა ამ წყაროების გამოყენების საშუალება.

ხალხი სადამო ხანს, „როცოც“ წრუპვისას გაეცნო ამ სტატიას და კიდევ ერთხელ გაიყო ორად ხანში შესულებად და ახალგაზრდებად.

- ერთი რამ კია, ფროხილად დაიწყეს წინდახედულმა შუა ხნის ფერმერებმა და მკვებანსებმა, - დარწმუნებულნი უნდა ვიყოთ, რომ დიდი პერცოგის ხელში წყაროს წყლებს არავითარი საფრთხე არ დაემუქრება. ვინ იცის რა მოხდება, ვინმე სხვა რომ დაეპატრონოს. მინერალებთან ხუმრობა არ შეიძლება, მკერივი იქნება ის თუ თხვევადი, ხომ შეიძლება ისეთი თვისებაც გამოავლინოს, რომ ყველანი ნაწილ-ნაწილ დაგეშალოს.

- სწორედ ეგაა, წამოიძახეს გონებააღზნებულმა ქალაქელებმა, - ეს ამხელა ძალა ერთი კაცის ახირებასა და მორჩილებული. რა ვიცით, ბოროტებას ემსახურება თუ სიკეთეს? დიდ პერცოგს შეუძლია სიკვდილამდე შეინარჩუნოს სიჭაბუკე, ხომ ასეა? ჩვენ კი გავლევთ ამ წუთისოფელს, დავნაოჭდებით და დავიხრცებით, ვერც ვერასოდეს ვეზიარებით უკვდავებას.

- დიდი პერცოგიც ჩვენსავით კვდება, შეეპასუხა მათ უფროსი თაობა, ავადმყოფობა რომ დარევს ხელს, ისიც კვდება.

- ბოლოს და ბოლოს, - არ ცხრებოდა ახალგაზრდობა, - მან ხელში ჩაიგდო ყველაფერი, რაც კი მოინდომა, თავისი დის ჩათვლით. ისე კი საკითხავია, ნამდვილად მისი და არის თუ ძმისშვილიშვილი. რატომ უნდა ვუცქიროთ დოკლაპიებივით ყოველივე ამას ასეული წლების მანძილზე?

- იმიტომ, რომ თქვენ არ იცით, როგორ უნდა მოიხმაროთ ეს ღვთითობებულები მარადიული სიჭაბუკე, - წყნარად უპასუხა უფროსმა თაობამ.

- რატომაც არ ვიცით, - აყვირდნენ გოგო-ბიჭები, რატომაც არ ვიცით, იმან კი იცის?

გამუდმებით კამათობდნენ ამჟღე, იმდენი ცუდი ითქვა და გაკეთდა ჰერცოგის საწინააღმდეგოდ, საკითხავია, კიდეც რა შეიძლებოდა დაებრალებინათ მისთვის. დიდი მთავარი საღამოობით ჩვეულებისამებრ გამოდიოდა აივანზე. რას აკეთებდა იგი მთელი დღის განმავლობაში სასახლეში, არავინ იცოდა. იქნებ ტირანიც იყო და თავის ახალგაზრდა ნათესაებს აიძულებდა მის ნება-სურვილს დამორჩილებოდნენ, ან იქნებ ეს ურჩხული კლავდა კიდეც თავის ხანდაზმულ ახლობლებს, რათა მისი ასაკი არ გამოემქდავებინათ. ენახა კი ვინმეს გარდაცვლილთა საფლავები სასახლეში?! ვინ იცის, რა ბნელით მოცულ საქმეებს ჩადიოდა რონდერპოფის ციხე-სიმაგრის სხვენსა თუ სარდაფში, ანდა რონდაქვივერის კლდეებით შემოსაზღვრულ პაწია კუნძულებზე? რამდენნაირი სიუჟეტი ითხზებოდა, რამდენი შხამი ითხეოდა!

ჭორს ერთი თვისება აქვს, შეუძლია ყველაზე მხდალები მამაცებად აქციოს, ხოლო ყველაზე მშვიდნი კი დიდად შეაშფოთოს. მარკოი შორიდან უცქერდა თავის მიერ აგორებულ ჭორის შედეგს. ვინმე თუ ჰკითხავდა, რას ფიქრობ ყოველივე ამასეო, ვითომ არაფერ შუაში იყო, ისე პასუხობდა:

- მე მოვალე ვარ დავებჭლო ხალხის ნაფიქრი, თვითონ კი არავითარი ზრი არ გამაჩნიაო.

- „სასოწარკვეთილება გვიპყრობს“, - წერდა მეორე ლიდერი,

„როდესაც წარმოვიდგინეთ, რომ რონდას უნიკალური წყლები შესაძლოა, „შესაძლოა“-ს საგანგებოდ ვამბობთ, რადგან არა გვკონია ასეთი რამ მოხდეს, - ხალხს გვერდს ავლით გაიყიდოს უცხოეთში და საბოლოო ჯამში ხალხისავე წინააღმდეგ იქნეს გამოყენებული. დიდმა პერცოგმა რომ რონდას დატოვება განიზრახოს, განა წინ რამე დაუდგება? საიდუმლო რეცეპტსაც თან წაიღებს და უცხო ძალებს გადასცემს წყაროების მთელ სიმდიდრეს. ჩვენ რაღა გვეშველება, ვის ხელში ჩავცვივდებით? რონდელები საკუთარ ბედს თვითონ არ განაგებენ. უფსკრულს პირას ვდგავართ, ყოველ წუთს შეიძლება გამოგვეცალოს ნიადაგი და დავინთქათ. დროა, თვითონ რონდელი ხალხი გახდეს ამ წყაროების პატრონი, თორემ გვიან იქნება!“

აი, ამგვარად შეუერთდა გრანდოსი პერცოგის საწინააღმდეგოდ წამოწყებულ კამპანიას. მან „რონდას უწყებებს“ გაუგზავნა წერილი, სადაც აღშფოთებას გამოთქვამდა თავისი ფაბრიკის ერთ-ერთი საუკეთესო მუშის დაღუპვის გამო. ის უბედური დამხრჩვალნი ეპოვათ რონდაქვივერში, იმ ადგილას, სადაც თევზის ფხას ამუშავებდნენ. გვამს, რომელიც მდინარის შესართავთან გამორიყულიყო, მძიმე ქვა ჰქონდა მობმული. მატერიალურად საკმაოდ უზრუნველყოფილი ოჯახის უფროსი თავს ნამდვილად არ მოიკლავდა. ვის უნდა მოეწყო ეს ბინძური თამაში? ის უბედური თურმე წინა დღით ენახათ სასახლის ერთ-ერთ მსახურთან მოსაუბრე. სულ მალე ის მსახურიც გაქრა. იქნებ ეს ყველაფერი მოაწყო ხელისუფლებამ, (პერცოგის სახელს არც კი ახსენებდა), რომელსაც სურდა თვითონ ჩაეგდო ხელში ხალხისათვის ეგზომ დიდი სარგებლობის მომტანი ახლადდაწყობული თევზის მრეწველობა? რა უნდა ეღონა გრანდოსს? იქნებ მონარქს იმისი იმედი ჰქონდა, უსიტყვოდ დამითმობს მთელს მრეწველობასო, და თუკი უარს მიიღებდა, მუშას მოუკლავდა და ამით იძიებდა შურს?! მეტი რაღა უნდოდა ხელისუფლებას, წყაროები ხომ მას ეკუთვნოდა, მართალია, ეს საკმაოდ დიდი უსამართლობა იყო და საზიფათოც კი, მაგრამ განა გრანდოსი რამეში შესცილებია? მას თავისივე დაფუძნებული თევზის მრეწველობა ეხებოდა, თავისი საქმე ჰქონდა და ძველი ტრადიციები

არასოდეს გამოუყენებია რამეში. ახლა ის რჩევას ეკითხებოდა რონდელ ხალხს, როგორ მოქცეულიყო იმ შემთხვევაში, თუკი მის მიუძახელს კიდევ დაემუქრებოდა რაიმე საფრთხე.

აკეთიქებისთვის ერთობ ხელსაყრელი დრო გამოჩნდა. ეს წყაროს წყლები ხომ... აი, რა თქმა უნდა, დიდად მნიშვნელოვანი საქმე იყო და უნდა გაგრძელებულიყო კიდევაც მათზე მოხუცობა, მაგრამ ადამიანის დაღრჩობა, შესაძლოა განზრახ მკვლევლობაც, და ამასთანავე, თევზის მრეწველობისათვის საფრთხის შექმნაც არ იყო ხელწამოსაკრავი რამ. ქვეყნის ყოველი კუთხიდან მოაწყდა „რონდას უწყებებს“ წერილების ნაკადი. კითხულობდნენ, - თუკი თევზის მრეწველობას საფრთხე ემუქრებოდა, მამ როგორღა იქნება მევენახეობის საქმე? როგორღა განვითარდება ღვინით ვაჭრობა? რა ბედი ეწევათ კაფეებს? ნუთუ აქაური ხალხისათვის უსაფრთხოების იმედი აღარ არსებობდა?

გრანდოსი ყველა წერილს პასუხობდა, უმადლოდა ავტორებს იმ გულთბილი თანადგომისათვის, რაც ხელ-ფეხს უხსნიდა თავისუფალი მოქმედებისათვის და იქვე დასძენდა, რონდაქვიკერზე აგებულ ფაბრიკაში უკვე მცველები ჩაგაყენეო.

მცველები თევზის ფხის გადამამუშავებელი ფაბრიკის წინ... რონდაში სასახლის გარდა არაფერს ჰყოლია დარაჯი. მოხუცები ძალზე შეცბუნებულები იყვნენ, ახალგაზრდა თაობა კი ზეიმობდა.

- ვაჩვენებთ სეირს, - გაიძახოდნენ ისინი, - მათ აღარ შესწევთ უნარი დათრგუნონ ჩვენი უფლებები. გაუმარჯოს გრანდოსს, გაუმარჯოს ადამიანის თავისუფალ მოქმედებას თავისივე საკეთილდღეოდ!

„მათში“ რაღა თქმა უნდა, დიდ პერცოვს გულისხმობდნენ. „რონდას უწყებების“ კითხვით ჭკუაგადაბრუნებული ხალხი ერთხელაც კი არ დაფიქრებულა, რომ მონარქი არც ვინმეს დამუქრებია ოდესმე და არც ვინმე დაუღრჩვია, ოდნავაც არასოდეს დაინტერესებულა თევზის ხერხემლის წარმოებით, მხოლოდ ზოგჯერ თუ გაიხუმრებდა პაულასთან რონდელ ქალებზე, რომლებიც თევზის ხერხემლისაგან დამზადებულ აზღუდებს ხმარობდნენ.

მარკოიმ და გრანდოსმა მოაძწიფეს სასახლეში დეპუტაციის

გაგზავნის უამი, თვითონ კი განზე გადგენ. სასახლის ალაყაფს მიმდგარმა ახალგაზრდების ჯგუფმა პერცოვს შეუგზავნა პროტესტი, რომელსაც ხელს აწერდნენ ქალაქის თვალსაჩინო მოქალაქეთა შვილები. ისინი დიდი მთავრისაგან მოითხოვდნენ ოფიციალურ პასუხს.

პროტესტის ერთ პუნქტში ასეთი რამ იყო ნათქვამი:

„დიდმა პერცოვმა საჯაროდ უნდა განაცხადოს, რომ არაფრით შეზღუდავს რონდელი ხალხის უფლებებსა და თავისუფლებას და არც კი ეცდება, ოდესმე თავის ძალაუფლებას დაუქვემდებაროს თევზის მრეწველობა, რამეთუ სწორედ ამ დარგის საშუალებით მიადწევს რონდა უდიდეს განვითარებას და ბევრად გაუსწრებს ევროპის სხვა სახელმწიფოებს“. მეორე დღეს სასახლის ალაყაფზე გამოაკრეს მოკლე განაცხადი: „თუკი ვინმე ოდესმე ეცდება თევზის მრეწველობის მითვისებას, ანდა, თუკი რამეთი შეიბღალება ქვეყნის უძველესი წეს-ჩვეულებანი და რონდელი ხალხის თავისუფლება, ეს არ იქნება ჩადენილი დიდი პერცოვის მხრიდან“.

ახალგაზრდობა დაიბნა. იმდენად მოკლე და ორჭოფული იყო ეს განაცხადი, რომ თითქმის შეურაცხყოფას უდრიდა. გარდა ამისა, რას ნიშნავდა ასეთი პასუხი? სხვა ვინ, თუ არა დიდი პერცოვი, ეცდებოდა საკუთარი მიზნებისათვის დაექვემდებარებინა მრეწველობაცა და ხალხის უფლებებიც. ის მრავალფურცლიანი საპროტესტო მოთხოვნები ნუთუ ასეთ ორსიტყვიან პასუხს იმსახურებდა? „რონდას უწყებებმა“ არ დააყოვნა და მოხერხებულად მიანიშნა მკითხველს, ასეთი პასუხი ახალგაზრდა თაობისათვის სახეში სილის გარტყმას ნიშნავსო.

გაზეთის პირველსავე გვერდზე ამგვარი რამ ეწერა:

„დიდად პრივილეგირებულნი ისე ჩაბლაუჭებიან უკვე ყველგასულ სიმბოლოებს, თითქოს ეს იყოს მათი თავდაცვის ერთადერთი საშუალება. მისტიურ მნიშვნელობას ანიჭებენ პერცოვის სამოსს, მის აივანზე გამობრძანებას და შიდაქორწინებების რიტუალს. ამიერიდან, რონდელ ახალგაზრდობას ვეღარ მოატყუებენ. მოქმედების თავისუფლება ახლა ამ უკანასკნელთა ხელშია. მათ კი, ვისაც სურთ შეინარჩუნონ სიჭაბუქე და მომავალი  
6. დაჟნე დიუ გორიი

თაობებიც აზიარონ ამ საიდუმლოს, იციან, რომ მისი პასუხი რონდერპოფის გამოქვაბულშია, ხოლო გამოქვაბულის გასაღები კი სასახლის ლაბორატორიებში ძევეს“.

ეს უკვე აშკარა შეტევა იყო დიდ ჭერცოვზე. მეორე დღეს ამაზე კრინტიც აღარ დაძრულა, სამაგიეროდ, ყურადღება გამახვილდა სტატიიზე ბოტანიკის შესახებ. კერძოდ, იქ საუბარი იყო როვლეულაზე, რომელსაც თურმე ბრწყინვალეებისა და სურნელის დაკარგვის საფრთხე ემუქრებოდა, ამის გამომწვევე მიზეზად კი ასახელებდნენ რონდერპოფის კალთებიდან მიმდვრად გადმონამქრილ თოვლს, რაც, როგორც ერთ-ერთი ბოტანიკოსი ამტკიცებდა, რადიაქტიური ნაწილაკებით ყოფილა დაბინძურებული. იგი გამოჰკვეთდა იმ გარემოებას, რომ რონდერპოფის აღმოსავლეთ კალთების გაწმენდის მიზნით თოვლს დასავლეთ კალთები-საკენ ხვეტდნენ, რადგან აღმოსავლეთ კალთებს სამეფო ოჯახის წევრები სათხილამურო სპორტისა და წყალში ხტომისათვის იყენებენო.

„თოვლი ჩვეულებრივ აღმოსავლეთით მოდის, - განაგრძობდა ბოტანიკოსი, - მაგრამ რადგანაც განცხრომას უშლის ძლიერთ ამა ქვეყნისა, ამიტომ მთიელ გუშაგებს ნაბრძანები აქვთ მთელი ნამქერი დასავლეთ კალთებზე გადახვეტონ და ასე გაასუფთავონ სათხილამურო გზები. ეტყობა, დიდებულთათვის არც ის ნიშნავს არაფერს, რომ ნამქერით ყვავილები ზიანდება, და არც ის, რომ რადიაქტიურად დაბინძურებული თოვლი დაზარალებს რონდელ სოფლის მეურნეებს“.

ამ სტატიას მაშინვე გამოეხმაურა რონდას ერთ-ერთი ცნობილი ყვავილების შემგროვებელი. მისი აზრით, სწორედ თოვლი ანიჭებდა როვლეულას კვირტებს არაჩვეულებრივ თვისებებს და ამ მიზეზით იყო, რომ თოვლის სიუხვეს ეგზომ აფასებდნენ მამა-პაპანიც.

„რონდას უწყებებმა“ რა თქმა უნდა, უმაღლეს უპასუხა.

„სამწუხაროდ, - წერდა გაზეთი, - ამ სტრიქონების ავტორი და მისი წინაპრები ყალბ ტრადიციებზე აღიზარდნენ და ცრუ ინფორმაციას ფლობდნენ და ფლობენ ახლაც. თანამედროვე გამოკვლევები მოწმობენ, რომ თოვლს ზიანი მოაქვს ყვავილის

კვირტისათვის. გრანდოსის ფაბრიკის მუშებს, რომლებიც საექსპორტო მალამოს ამზადებენ როვლულასაგან, ხელის მტკვნები საშინლად გაღიზიანებული აქვთ და აწუხებთ ქავილი. ვმომბოთ, რომ დაავადება გამოწვეული უნდა იყოს რომელიღაც ნივთიერების შედეგად, რაც თავის მხრივ დაბინძურებულია რადი-აქტიური მტკვრით“.

გაზეთმა იქვე დაბეჭდა მეტად შემამფოთებელი ფოტო ადამიანის ეგზემიანი ხელის გამოსახულებით, თანაც აღნიშნა, თითქოს რონდერპოფის კალთებზე მოკრეფილი როვლვულას კოკრების დამუშავებისას ფაბრიკის ერთ მუშას დაავადებოდა და იმდენად ღაზიანდებოდა ხელები, რომ ვეღარც კი ხმარობდა.

მალე გრანდოსმაც გამოაქვეყნა განცხადება, სადაც ნათქვამი იყო, რადიაქტიური მტკვრით დაბინძურებული ყვავილისაგან დაცვის მიზნით ყოველ მუშას ხელთათმანებით უზრუნველყოფო.

ამ განცხადებასთან დაკავშირებით გაზეთი წერდა:

„რონდას მოსახლეობას შეუძლია იამაყოს, რომ ბოლოს და ბოლოს ერთი კაცი მაინც აღმოჩნდა ქვეყანაში, ვინც გულით მოეკიდა უბრალო ხალხის კეთილდღეობაზე ზრუნვას. ჩვენ კი გვეძლევა საშუალება, ღირსეული პატივი მივაგოთ გრანდოსს“.

სად იყო მთელი ამ ხნის განმავლობაში დიდებული ქალბატონი? იქნებ აღარავის ახსოვდა მისი არსებობა? მოგვიანებით, „დიდი დანების ღამეს“ გადარჩენილი სასახლის ერთ-ერთი მსახური, ვინც თავშესაფარი დასაველეთ ევროპაში ჰპოვა, მეგობრებს უამბობდა, თუ როგორ ხვდა პატივი აგარაკზე ხლებოდა და მომსახურებოდა დიდებულ ქალბატონსა და მის ბიძაშვილ ენტონს.

- მათზე უფრო ბედნიერი წყვილი არ დაბადებულა ქვეყანაზე, - ყვებოდა იგი, - რა გულწრფელად უყვარდათ ერთმანეთი! თხილამურებით დასრიალებდნენ რონდერპოფის კალთებზე, ცურავდნენ მთის წყლების აუზში, საღამოობით კი მე და მეორე მსახური, რომელიც იმ საბედისწერო ღამეს მოკლეს, ვუმაჰინძვლდებოდით რონდაქვივერის სათავეში დაჭერილი და როვლვულას ფოთლებში მოშუშული თევზით, ხოლო სასმელად მთის ფერდობზე გაშენებული ყურძნის წვენს მივართმევდით ხოლმე. დიდმა

პერცოგმა საკუთარი აგარაკი დაუთმოთ. საუცხოო ოთახებს ფანჯრები და აივნები აღმოსავლეთის მხრიდანაც ჰქონდათ და დასავლეთისაც, ისე, რომ მზის ჩასვლაც შეეძლოთ ეხილათ და მზის ამოსვლაც, მაგრამ საამისოდ არც კი მოუცლიათ.

მსახურის ნაამბობი რეკოლუციის შემდეგ ამერიკულ პრესაშიც დაიბეჭდა, მაგრამ მოხუცების გარდა არავინ დაიჯერა ეს ამბავი.

მარტის დასაწყისში დაბრუნდნენ სასახლეში დიდებული ქალბატონი და მისი ბიძაშვილი ენტონი და მაშინვე შეუდგნენ ქორწილისათვის მზადებას. აი, აქ შეცდა პაულა, არ უნდა წამოსულიყვნენ აგარაკიდან. მაგრამ ქალბატონს ისე მოსჭარბებოდა ბედნიერება, რომ სურდა რონდელი ხალხისათვისაც გაეზიარებინა თავისი განცდები. ფიქრადაც არ მოსვლია, რომ სულ მცირე დროში აგრერიგად შეიცვლებოდა მისი საყვარელი ხალხი. მოგვიანებით ხმებიც კი გაერცვლდა, თითქოს დიდ პერცოგს გაეფრთხილებინოს მოსალოდნელი საფრთხის თაობაზე, მაგრამ ქალს ყურად არ ეღოს მისი შეგონება, - მე ყოველთვის მიყვარდა ჩემი ხალხი და ისიც სიყვარულით მპასუხობდაო, - უთქვამს მისთვის, მერე კი სიყვარულისა და ბედნიერებისაგან გრძნობამოზღვავებულს ხელი ჩაუკიდია თავისი საქმროსათვის და სასახლის ზედა ფანჯრიდან დანახვებია რონდელებს. შინ დაბრუნებული პაულა ღიმილით უქნევდა ხელს და ესალმებოდა თანამემამულეებს. სასახლის წინ თავმოყრილი რონდელებისა და ტურისტებისათვის მოულოდნელი იყო დიდებული ქალბატონის გამოჩენა, რადგან ეს მშვენიერი არსება პატივყრილი და დატყვევებული ეგულებოდათ თავის ბიძაშვილ ენტონთან ერთად. პაულა მალევე მოსცილებია ფანჯარას და ჩრდილებში შემალულა, შესაძლოა, დიდმა პერცოგმაც გაიხმო. გაოცებული ხალხი აჩოჩქოლდა:

- მაშ არ დაუტყვევებიათ? - ჰკვირობდნენ ზოგიერთები, - აგერ, იქ იდგა და იღიმებოდა კიდევაც. რას ნიშნავს ყოველივე? მაშასადამე, მათ ნამდვილად ჰყვარებიათ ერთმანეთი.

ეს ამბავი უეჭველად თავზარს დასცემდა მარკოს, რადგანაც სწორედ იმ საღამოს მეგობრებთან ერთად სასახლის სკვერში

იყდა და „რივის“ ჩაის მიირთმევდა. „როცო“ ან სხვა ალკო-  
ჰოლურ სასმელს არასოდეს გაჰკარებია. „რივის“ ჩაი ბალა-  
ხებისაგან დამზადებული ნაყენი იყო და მეტად რგებდა ნაღვლის  
ბუშტს. გაქნილმა მარკომ არაფერი შეიმჩნია, მხოლოდ ჩაილიმა  
და ესლა თქვა:

- ეს ყველაფერი მათ გეგმაში შედის, აი, ნახათ, ხვალ  
განცხადებას თუ არ გამოაკრავენ სასახლის კედელზე.

მეორე დილას სასახლის კედელზე გამოკრულმა განცხადებამ  
მოკლედ აუწყა მოსახლეობას, რომ უახლოეს ხანში დანიშნული  
იყო დიდი ჰერცოგის საყვარელი დის - პაულასა და მისი  
ბიძაშვილის - ენტონის ქორწინება. ხოლო შუადღისათვის სასწრა-  
ფოდ გამოვიდა „რონდას უწყებების“ მორიგი ნომერი.

„რასაც ჩვენი გაზეთი წინასწარმეტყველებდა, გამართლდა“,  
- უზარმაზარი ასობით დაბეჭდილი ამ წინადადებით იწყებოდა  
პირველ გვერდზე მოთაქებული წერილი, - „რონდას ყვავილი“  
ძალდატანებით აიძულეს დამორჩილებოდა მათ სურვილს და  
თავისავე სისხლით ნათესავს მისთხოვებოდა. ამდენი ხნის ტყვეობამ  
სულიერად საბოლოოდ გატეხა ეს ულამაზესი და უმამაცესი  
ახალგაზრდა ქალი. მისი სანუკვარი ოცნება - უბრალო ადამიანს  
მისთხოვებოდა და თავი რონდელი ხალხისათვის მიეძღვნა,  
შეუბრალებლად და უხეშად იქნა ფეხქვეშ გათელილი. ვინ  
იცის, რა საშუალებებით აიძულეს პაულა დათანხმებოდა ამ  
ქორწინებაზე. ალბათ, სწორედ ამგვარ საშუალებებს მიმართავენ  
საუკუნეთა მანძილზე სამეფო ძალაუფლებას მიტმანნილი  
ფანატიკოსები საკუთარი ახალგაზრდა ნათესავების დასამორჩი-  
ლებლად. ენტონი, მომავალი სასიძო, რომელიც მონარქს ბავშვო-  
ბიდანვე გამორჩევით უყვარდა, ეჭვი არ არის, რომ გაურვიდა  
დიდ ჰერცოგს და საკუთარი საცოლის გაზიარების ფასად  
გაინაღდა კიდევაც მემკვიდრეობა. ასე დაკარგეს რონდელებმა  
დიდებული ქალბატონი, ასე მოსტაცეს პაულა უბრალო ხალხს“.

პირველად იმ დამით ატყდა არეულობა ქალაქში. შენობებს  
ცეცხლი წაუკიდეს, კაფეების ფანჯრები ჩაღწეეს, ხანში შესული  
ადამიანები, რომელნიც უწესრიგობის მომწყობთა დაოკებას ცდი-  
ლობდნენ, სცემეს. მხოლოდ სასახლეზე არ მიუტანიათ იერიში,

სამეფო გუშაგებმა პოსტი არ მიატოვეს. პირველად იმ ღამეს არ აჟღერდა სამეფო ორკესტრის მიერ ეროვნული ჰიმნი, არც ჰერცოგი გამოჩენილა აივანზე.

მეორე დილას სასახლის ალყაფთან მოჯარულმა პირქუშმა აღაძვიანებმა წაიკითხეს მცველების მიერ გამოკრული ცნობა, რომელიც დიდებული ქალბატონის ხელით იყო დაწერილი და იტყობინებოდა:

„მინდა რონდელმა ხალხმა იცოდეს, რომ მე მიყვარს ჩემი ბიძაშვილი ენტონი. ჩვენ უკვე გეკონდა ქორწილისწინა თაფლობის თვე, რაც, უსაზღვროდ ბედნიერი ხანა იყო ჩვენთვის, ხოლო ქორწილი, რომელსაც მალე გადავიხდით, ჩემივე სურვილით ხდება“.

ხალხი გაოგნებული მიშტერებოდა ამ ცნობას, აღარ იცოდნენ, დაეჯერებინათ თუ არა. მაგრამ მარკოისა და გრანდოსის მსტოვრებმა, ხალხში რომ მიმოფანტულიყვნენ, უმალ გაავრცელეს ახალი ტყუილები:

- წერილი მუქარით დააწერინეს პაულას. ქორწინებისწინა თაფლობის თვე არა, ჩემი ფეხები! იმ ჩემპიონია თუ რაღაცა ენტონის უფულებო პატიმარი იყო და რა უნდა ექნა. ის მთის აგარაკი უნდა დაიწვას და მიწასთან გასწორდეს.

„რონდას უწყებების“ შემდეგი ნომერი საღამოს გამოვიდა. მასში არც კი იყო ნახსენები პაულას მიერ დაწერილი ცნობა. მხოლოდ ერთ, წერილი შრიფტით დაბეჭდილ აბზაცში გაკერით იყო ნათქვამი შემდეგი:

„ჰერცოგის ასულმა პაულამ თანხმობა განუცხადა ენტონს ცოლად გაყოლაზე. ენტონი დიდ მთავართან ფრიად დაახლოებული პირია. ქორწინება შედგება უახლოეს მომავალში, შეიძლება უკვე შედგა კიდევ. რონდელმა ხალხმა თავად გამოიტანოს დასკვნები“.

გაზეთის ცენტრალური ნაწილი მთლიანად ეთმობოდა ეგზემის ეპიდემიას, რომელმაც თითქოს მთელი ძალით იფეთქა გრანდოსის ფაბრიკებში და ყვავილის დამამუშავებელთა გარდა თევზის ფხის გადამამუშავებელთა შორისაც გაავრცელდა, რომ თურმე ხელმძღვანელობა სერიოზულად შეშფოთდა და განკარგუ-

ლებს, გასცა, ამ ვითარების შესწავლამდე დახურულიყო ორივე საწარმო. გაზეთში დაბეჭდილი იყო გრანდოსის ფოტოც, რომელზეც იგი თავზე ეფერებოდა ყვავილის დამამუშავებლის ბავშვს და აწვდიდა ერთ წყვილ სამახსოვრო ხელთათმანს.

უცხოელებმა მეორე დღიდანვე აიკრეს გულა-ნაბადი. თანდათან დაცარიელდა რონდაქეივერის პაწია კუნძულებზე გაფანტული სასტუმროები.

- გვეშინია, ეგ ზემა ჩვენც არ ავიკიდოთ, გაგვაფრთხილეს, შეიძლება სწრაფად გავრცელდესო, - უკმაყოფილოდ აცხადებდნენ ერთნი, - ერთმა მეთევზემ დაგვარწმუნა, რომ რონდაქეივერის თევზი უკვე დასნებოვნებულია. ამ ყველაფრის მიზეზი მთიდან ჩამონადენი თოვლი ყოფილა.

- მეტად ცუდი ამბავი შეემთხვა თქვენს პაწია ქალბატონს, - ამბობდნენ მეორენი, უფრო რომანტიული სულის ტურისტები, - აიძულეს მისთხოვებოდა კაცს ვინც სასტიკად სძულდა. მართალია, თითქოს გაგიჟებით უყვარდა რომელიღაც კაფეს მუპატრონეო? აი, შეერთებულ შტატებში რომ ყოფილიყო, სრული უფლება ექნებოდა ცოლად გაჰყოლოდა თავის რჩეულს.

მარკოსა და გრანდოსის თანამოაზრენი მოედნენ აეროპორტსა და სასაზღვრო ზონებს.

- მამ მიემგზავრებით რონდადან? - ჩაუკრავდნენ ხოლმე სიტყვას მგზავრებს, გასაგებიცაა, აქ ათასგვარი განსაცდელი გემუქრებათ. დიდი პერცოვიც. საშინელ გუნებაზე ყოფილა თურმე. ჩვენმა ხალხმაც თუ გამოამჟღავნა თავისი უკმაყოფილება ამ იძულებითი ქორწინების გამო, ღმერთმა უწყის, რა ამბავს დაატრიალებს მონარქი.

- კი, მაგრამ რა ამბავი უნდა დაატრიალოს? - ეპასუხებოდნენ შედარებით კეთილად განწყობილი უცხოელები, - შეიარაღებული ძალა მას არა ჰყავს და მხოლოდ საჩვენებელი გამოსვლებისათვის მორთულ-მოკაზმულ მცველებს რა შეუძლიათ?

პირქუში იერის მსტოვრები უფრო ძაბავდნენ მდგომარეობას:

- თქვენ გაეიწყლებათ, რომ ის არის წყაროს წყლების მფლობელი. რომ გაბედოს და გზა მისცეს წყალს, ჩვენს ქვეყანას მთლიანად წალეკავს. ხვალ შეიძლება რონდა წყლის ქვეშაც

მოექცეს.

უცხოელებს ერთი სული ჰქონდათ სწრაფად გასცლოდნენ იქაურობას. თვითმფრინავები ვეღარ აუდიოდნენ მგზავრების გადაყვანას, ამიტომ ევროპის სხვადასხვა ქვეყნის ავიაკომპანიებმა შეცვალეს ფრენის ჩვეულებრივი გრაფიკი და დამატებით საგანგებო თვითმფრინავები გაგზავნეს რონდაში. შეერთებული შტატების საზღვაო ლაინერმა, რომელმაც ღუზა რონდაქვეყნის სათავეში ჩაუშვა, იმ ამერიკელ მოქალაქეებს ჩამოაკითხა, რომელთაც არ მიეცათ საშუალება თვითმფრინავით გაფრენილიყვნენ შინ. თავად რონდელი ხალხი ცდილობდა სიმშვიდე შეენარჩუნებინა, მაგრამ ახალმა ჭორმა მოსალოდნელი წარღვნის შესახებ ელვის უსწრაფესად რომ გავრცელდა პაწია სამთავროს ერთი ბოლოდან მეორეში, თავგზა აუბნია და ააფორიაქა მოსახლეობა.

ნუთუ მართლა ჩაიდნეს ამას ჰერცოგი? - ეკითხებოდნენ ერთმანეთს, - ნუთუ მართლა წაგვლეკავს?

ბარის მცხოვრებნი უსასოოდ და მღუმარედ აჰყურებდნენ ზემოთ, ათასობით ფუტის სიმაღლეზე აღმართულ რონდერპოფს, ხოლო მთიელები კი გამოდიოდნენ ქოხებიდან და აყურადებდნენ უზარმაზარი გამოქვაბულებიდან გადმომქუხარი ჩანჩქერების ხმაურს.

- ეს უბედურება მართლა რომ მოხდეს... რით ვუშველოთ თავს, ვინღა გადარჩება? - წუხდნენ ისინი.

რონდამ, სულელების ამ სამოთხემ პირველად მაშინ გაიგო, რა იყო შიში.

საჭიროა გავიზნოთ ის, რომ რევოლუციის მოხდენა უამრავმა მიზეზმა განაპირობა. მისი სულისჩამდგმელები რომ ვითომ განზე მყოფი მარკოი და გრანდოსი იყვნენ, ეს უდავოა, მაგრამ თვითონ ადამიანები, რომელთაც არანაკლები წვლილი მიუძღვოდათ, არ იღვნენ ერთ პოზიციაზე. ისინი დაყოფილნი იყვნენ ჯგუფებად საკუთარი ცხოვრების წესისა და ინტერესების შესაბამისად.

რომანტიკულად განწყობილი ყმაწვილკაცები, ძირითადად

ქალაქელები, დარწმუნებულნი იყვნენ, პერცოგის და პაულა ტრადიციების მსხვერპლი შეიქმნა და იძულებული გახდა დათანხმებოდა საძულველ ქორწინებასო. ისიც სჯეროდათ, რომ ქალის გული ეკუთვნოდა ერთ-ერთ მათგანს, კერძოდ რომელს, არავინ იცოდა. ხმები დადიოდა, თითქოს პაულას სატრფო რომელიღაც წარჩინებული მოქალაქის შვილი ყოფილიყო და ყმაწვილკაცებიდანაც არცერთი არ აპირებდა დაეთმო აზრი, რომ სწორედ თვითონ იყო დიდებული ქალბატონის რჩეული. ახალგაზრდებში მოღაღ იქცა იღუმალი და მწუხარე გამოხედვა, ღილაკილოში როვლეულა ყვაილის ტარება, ხოლო საღამოობით კი სასახლის მოედანზე ჯდომა, „რიცოს“ წრუქვა და სევდიანი მზერით სასახლის ფანჯრებისაკენ ყურება.

უფრო პრაქტიკული ხალხი-ძირითადად მრეწველობაში დასაქმებულნი, მეტად შეშფოთებულნი იყვნენ თევზის ქარხანაში მომუშავე ოსტატის უცნაური დაღრჩობითა და საერთოდ მუშებში გაერცელებული ეგ ზემის ეპიდემიის გამო. ეგ ზემა ნამდვილად გრანდოსის ფაბრიკებში გაჩნდა პირველად. მისი გამომწვევი მიზეზი კი მეტად მარტივი იყო, - საქმე ის არის, რომ აქაურ თევზს ბასრი ფხა ჰქონდა და შეიცავდა ნივთიერებას, რომელიც აღიზიანებდა ნაზ კანს. რაც შეეხება როვლულას, დამუშავებისას ისიც გამოჰყოფდა მომწამლავ წვეს და შესაბამისად მოქმედებდა ადამიანის კანზე. გრანდოსმა, ნებსით თუ უნებლიედ სწორედ ეს ორი ბუნებრივი წყარო აირჩია თავისი მრეწველობის გასავითარებლად და არ გაითვალისწინა ის გარემოება, რომ აქაური რესურსები თავისი განსაკუთრებული თვისებების გამო ვერ დაექვემდებარებოდა ფაბრიკულ დამუშავებას. ეს ფაქტი რონდელებს დროზე რომ გაეაზრებინათ, „Tandos pisos“-ო იტყოდნენ და აღარ წაეიდოდნენ სამუშაოდ იმ ფაბრიკებში. გრანდოსი გუმანით ხვდებოდა ყოველივე ამას, შესაძლოა ადრეც მშვენივრად იცოდა, მაგრამ მრეწველებს აქვთ ერთი თვისება, - ყურს წაუყრუებენ ხოლმე მოსალოდნელ სიძნელეებს, თუკი ეს სიძნე:

ლევები რალაცით მაინც შეზღუდავს მათ ფინანსებს.

ქვეყნის განვითარების მოსურნე რონდელთა ერთ ნაწილს დიდად აწუხებდა გზებითში ამოკითხული ცნობა, თითქოსდა მრეწველობა - რონდას განვითარების წყარო - იხურებოდა დიდი პერცოგის თავკერძობის გამო. მას ხომ ვითომდაც საკუთარი კონტროლისათვის ნებაედა დაექვემდებარებინა ყველაფერი. ეს „დამოუკიდებლად მოაზროვნე“ ადამიანები იმ დასკვნამდე მივიდნენ (რა თქმა უნდა, ისევ და ისევ გზეთის საშუალებით), რომ მათ თავისუფლებასაც ეშუქრებოდა საფრთხე. ხოლო რაც შეეხება შედარებით მარტივად მოაზროვნე ხალხს; გამუდმებულმა პროპაგანდამ წყალდიდობაზე, მოსავლისა და ვენახის გაჩანაგებაზე, პირუტყვისა და ხალხის ამოხოცვაზე, შეუქმნა საიმისო პირობები, რომ მხარი დაეჭირათ ნებისმიერი ხროვისათვის, ვინც კი უსაფრთხოებას დაჰპირდებოდათ.

წყალდიდობის საფრთხემ და იმ შიშმა, რომ განრისებული დიდი პერცოგი წყაროს წყლებით წალეკაედა მოსახლეობას, რონდელების უფროსი თაობაც რევოლუციონერებს მიაძხრო.

ახალგაზრდობის ამბოხების ძირითადი მიზეზი წყაროს წყლები იყო, ის წყლები, რომელთაც მარადიული სიჭაბუკის მინიჭების არაჩვეულებრივი თვისებები გააჩნდათ და რომლითაც მხოლოდ ერთადერთი პიროვნება, დიდი პერცოგი სარგებლობდა. თავისი მიზნის მიღწევის სიმბოლოდ ახალგაზრდებმა დიდებული ქალბატონი დასახეს. პაულას სახეში ხედავდნენ ისინი მშვენიერებას, რომელიც დამორჩილებული ჰყაედა მხეცს. მას მისტიროდნენ, ის წარმოადგენდა სხვადასხვა პრინციპის ადამიანთა შემაკავშირებელ ძალას. სრულიადაც არ იყო ძნელი იმის დანახვა, თუ უამრავი სხვადასხვა მრწამსი როგორ იყრიდა თავს ერთადერთ მიზანში - ჩამოეგდოთ და მოესპოთ დიდი პერცოგი.

საგზაფხულო დღესასწაული კარს იყო მომდგარი. რონდელები გუმანით გრძნობდნენ, რალაც რომ უნდა მომხდარიყო. მარტის პირველ რიცხვებში, როგორც იცოდა ხოლმე, თოვლის

საფარი რონდერპოფზე გაქრებოდა და ალბათ ეს თოვლი თან სხვა რამესაც გაიყოლებდა. დიდი ჰერცოგი, რომელსაც თავი ისე ეჭირა, თითქოს არაფერიც არ ხდებოდა მის ქვეყანაში, იქნებ აპირებდა უბედურება მოულოდნელად დაეტეხა თავისი ხალხისათვის?

მთელს რონდაში, მთასა თუ ბარში, რონდაქეივერის სანაპიროსა თუ რონდერპოფის კალთებზე, თვით დედაქალაქშიც კი იმართებოდა მიტინგები და შეკრებები. ჩურჩულებდა, სისინებდა, შფოთავდა თავშეყრილი ხალხი. სულიერი სიმშვიდე დარღვევით მოხუცებს, შეშინებულები სახლებში შეყუჟულიყვნენ და იმასღა ნატრობდნენ, - რაც მოსახდენია, მალე მოხდებოდესო, არც რამის ნახვა სურდათ და არც რამის გაგონება.

საგაზაფხულო დღესასწაულები რონდელეებისათვის ეროვნულ დღესასწაულს წარმოადგენდა. იმ დღეს ყოველთვის თბილი და მშვენიერი დარი: ადგა ხოლმე. სოფლის მოსახლეობას დედაქალაქში ჩამოქონდა საადრევი როველულა ყვავილები და ქუჩებსა და სასახლეს რთავდა. შუადღისას კი დედაქალაქიდან რამდენიმე მილით დაშორებულ სტადიონზე ათასგვარ ასპარეზობას აწყობდნენ.

საოცარია, ამქვეყნიურ წერილმანებსა და მოუსვენრობას როგორ ძალუძთ. უკვირან კრიზისული ვითარება.

წინასადღესადაც კი დღეებში უჩვეულოდ აცივდა, ხოლო ზეიმის წინა საღამოს გათოვდა კიდევ. მთელი დამე თოვდა და დილითაც არ შეჩერებულა. ახლადგადვიძებულ რონდელებს არემარე თეთრად გადაპენტილი დაუხვდათ. მზე არსად ჩანდა, ზეცა სველი საფარველივით გადაჭიმულიყო. უზარმაზარი, ადამიანის ხელსგულსოდენა ფიფქები ეფინებოდა სახეზე ცისკენ მზირალ ხალხს. თითქოს საკუთარი ავი განზრახვის დამალვა უნდაო, ისე გაეხვია თოვლს რონდა თავის თეთრ საბურველში.

- საგაზაფხულო დღესასწაულზე ამისთანა ამინდს არც მოესწრებივართ და არც გვსმენია, - უკვირდათ მოხუცებს, -

ნუთუ ახალგაზრდების ნათქვამი გამართლდა და დიდ პერცოგს ისევე ძალუძს განაგოს ამინდი, როგორც წყაროს წყლებს განაგებს? იქნებ სწორედ ეს უჩვეულო თოვია ჩვენი დაღუპვის მაწწყებელი?

იმ დღეს არც ყვავილები მოკრეფილა, არც ასპარეზობანი ჩატარებულა და არც ცეკვები გამართულა მთის ფერდობებსა თუ სასახლის მოედანზე. მერე იყო და, რონდერპოფის მაღალ კალთებზე დაკარგული ცხერის საძებნელად წასულმა რომელიღაც მწყემსმა ძლივს ჩამოაღწია თოვლში სოფელში და ამბავი ჩამოიტანა:

- ზეავი აპირებს ჩამოწოლას, მართალია, მე თვითონ არ დამინახავს, ისე მაბრმავებდა ფანტელები, მაგრამ მისი გრუბუნის კი გავიგონე, დროის დაკარგვა აღარ შეიძლება, თავს უნდა ეუშველოთ.

საუკუნეთა განმავლობაში რონდერპოფზე უთვალავჯერ ჩამოწოლილა ზამთრობით ზეავი, მაგრამ იმ წელიწადს კი განსაკუთრებული იყო ეს სტიქიური მოვლენა, რადგან მას პროპაგანდის სიმძიმე უფრო საშიშს ხდიდა. სოფლელები გამოექცნენ დაძრულ თოვლს და უსაფრთხოებისათვის დედაქალაქს მიამურეს. მათ თან გამოიყოლეს უამრავი ჭორი და გზადაგზა სულ უფრო მეტად გაეხვიდნენ სიყალბის საბურველში. რონდის მთელი მოსახლეობა უცქერდა სველ ცას, ჩაშლილ ეროვნულ დღესასწაულს და კიდევ უფრო იზღარბებოდა ჭორის ბადეში.

- დიდმა პერცოგმა გზა მისცა წყალს, დიდმა პერცოგმა მთები შესძრა! სოფლელთა ეს პრიმიტიული შიში ქალაქელებსაც გადაედოთ:

- დიდი პერცოგი გაპარულა, იმიტომაც მოიყვანა თოვლი, რომ ამხელა ფანტელებში ვერაფერი გაგვეჩნია და ვერ დაგვენახა, როგორ მოკურცხლავდა სამეფო ოჯახთან ერთად საზღვარგარეთ. სამშვიდობოს რომ გაიგულებენ თავს, მერე დაიტბორება რონდა!

ყველაზე მეტად შეშინებულებიყვნენ გრანდოსის ფაბრიკების მუშები.

- არ შეეხოთ, არ გაეკაროთ თოვლს, დასნებოვნებულია, მოწამლულია, - გაიძახოდნენ ისინი. არ წყდებოდა დედაქალაქისაკენ დაძრულ სოფელელთა ნაკადი, - გეიშველეთ, გადაგვარჩინეთ, თოვლი მოწამლული ყოფილა, - იმუდარებოდნენ.

მარკოი კი ამ დროს თავის სამყოფელში, „რონდას უწყებების“ რედაქციაში თანამზრახველებს დიდ დანებს ურიგებდა. ასეთ დანებს რონდელები ვენახის სასხლავად იყენებდნენ. ბაშვობაში მასაც ბევრჯერ სჭერია ხელში ეს იარაღი და მშვენიერად უწყოდა, როგორი მჭრელიც იყო. რამდენიმე კვირა მოანდომა მარკოიმ ვენახ-ვენახ სიარულს და მათ შეგროვებას.

• - დღეს „რონდას უწყებები“ არ გამოვა, უთხრა იმ საბედისწერო დღეს თანამზრახველებს, - ყველანი ქუჩებში გადით.

მერე თავს ძალა დაატანა, შენობის უკანა მხარეს მიყუჟულ ერთ პატარა ოთახში ჩაიკეტა და არავითარი მონაწილეობა აღარ მიუღია იმ მოვლენებში, რაც შემდგომ განვითარდა. იმ დღეს ლუკმა არ ჩაუდვია პირში, ყველა ტელეფონი გამორთო, დაჯდა და თოვლს დაუწყო ცქერა. მარკოი ხომ უბრალო იყო ამ საქმეში.

გრანდოსიც განზე გადგა, მაგრამ დიდის ამბით კი შეიფარა მთებიდან ჩამოხიზნული ლტოლვილები. კარგი მასპინძლობაც გაუწია, არ აკლებდა წვნიანსა და ღვინოს, ამარაგებდა თბილი ტანსაცმლით. როგორც შემდგომში აღნიშნავდნენ ლტოლვილები, ერთობ უცნაური კი იყო გრანდოსის ასეთი მზადყოფნა უბედური დღისათვის. ის არაჩვეულებრივი საზრიანობით განაგებდა სიტუაციას, მიზანმიმართულად უწევდა დახმარებას ადამიანებს, მზად ჰქონდა მათთვის წამლები და სახვევები, შეშინებულებს სათითაოდ ანუგეშებდა:

- შეინარჩუნეთ სიმშვიდე, მართალია, აღმაშფოთებლად გექცეოდნენ და საშინლად გიბნეოდნენ თავგზას, მაგრამ კვირ-

დებით, ყველაფერს მოვაგვარებთ. - ერთხელაც კი არ უხსენებია სასახლე ან დიდი ჰერცოგი. ამ ხნის განმავლობაში მან მხოლოდ ერთხელ დაურეკა მარკოს, სანამ ეს უკანასკნელი ყველა ტელეფონს გამორთავდა და ასეთი რამ უთხრა:

- ხალხს უნდა შთავაგონოთ, რომ სასახლეში შემავალი წყალსადენი რადიოაქტიური წყლით არის სავსე და ვითომ დიდი ჰერცოგის ნიშანზე ჭავლს მიუშვებენ სასახლის მოედანზე მდგომთ, და რომ წყლის პირველივე ნაკადი დათუთქავს, დააბრმავებს, დასწვავს ყველას, ვისაც კი მიეშხეფება.

მერე დაკიდა ყურმილი და უფრო დიდი მონდომებით შეუდგა საკვებისა და ტანსაცმლის დარიგებას დაზაფრული ლტოლვილებსათვის.

ასე იყო ეს ამბავი. ვერავინ იტყვის, - რეკოლუცია რომელიმე კერძო პირის მოწყობილიაო, თუმცადა, მარკოსა და გრანდოსს უზარმაზარი წვლილი მიუძღოდათ. მათის მეცადინეობით რონდელებს გაუღვივდათ საუკუნეთა მანძილზე გულის სიღრმეში დაბუდებული შიშის თესლი. მათ ეშინოდათ დიდთოვლობის, წყალდიდობის, ამოწყვეტისა და სწორედ ამ მიზეზებმა განაპირობა დიდი ჰერცოგისადმი სიძულვილი, იმ ჰერცოგისადმი, რომელიც თითქოსდა ყველაფრის ბატონ-პატრონი იყო. არანაკლებ მიზეზს წარმოადგენდა შურის ფაქტორიც. ეს შური მონარქის მარადიული სიჭაბუკით იყო გამოწვეული.

ალბათ გგონიათ, რონდელები ბოროტები იყვნენ? რა თქმა უნდა არა! ის, რასაც ეს ხალხი განიცდიდა, სრულიად ბუნებრივი გრძნობა იყო. აბა, რატომ უნდა ყოფილიყო ყველაფრის განმგებელი მხოლოდ ერთი პიროვნება? მხოლოდ მისი კუთვნილება რატომ უნდა ყოფილიყო მარადიული სიჭაბუკის ღვთითობიძებული მადლი? რატომ არ უნდა გაეზიარებინა ეს საუნჯე სხვებისათვისაც? საერთოდ, როდესაც ერთ რომელიმე პიროვნებას ნდობით ეპყრობიან, განა ამ უკანასკნელს კი არ უნდა ახლდეს იმ სხვების მიმართ ასეთივე ნდობა, რომელსაც თუნდაც ვერც კი

ამართლებდეს? ბოლოს და ბოლოს დიდი ჰერცოგის საკუთრება იყო წყაროს წყლები. არ ვიცი, მონარქი აბორგებდა თუ არა ზეაგებს, ის კი ნამდვილი იყო, რომ სათხილამურო ბილიკები რონდერპოფის აღმოსავლეთ კალთებზე გაეჭრათ, ხოლო ზეაგები ყოველთვის დასავლეთით წებოდა. მაგრამ ეს იმის მაჩვენებელი უნდა ყოფილიყო, რომ უბრალოდ, ჭკვიანურად ჰქონდა ამორჩეული სათხილამუროდ ვარგისი ადგილები. არავითარი დამამტკიცებელი საბუთი იმისა, რომ თოვლს განზრახ უცვლიდა მიმართულებას, არ არსებობდა, თუმცა, ალბათ არც ეს იყო გამორიცხული.

საქმე ის არის, რომ როცა ადამიანი ერთხელ დაეჭვდება, მერე ამ ეჭვს ბოლო აღარ უჩანს და თანდათან ისე იზრდება, რომ სახეცვლილებასაც კი განიცდის. არავინაა მისგან დაზღვეული. როცა კაცი რალაცის რწმენას დაკარგავს, საკუთარი თავისადმი რწმენასაც ჰკარგავს მასთან ერთად. კი... კი... კი... ვიცი, რისი თქმაც გსურთ. იგივე უთქვამს უამრავ უცხოელსაც რევოლუციის მოხდენის დღიდან. დიახ, რონდელებს არასოდეს ჰქონიათ ცხოვრებისათვის დაწესებული ზნეობრივი კანონი, რაიმე დოგმა ან ეთიკური ნორმა და ამის გამო უცებ მოექცნენ შიმისა და ეჭვის კლანჭებში. მე კი მორჩილად გიბრით თავს და გეუბნებით, - სისულელეა, რასაც თქვენ ფიქრობთ, იმიტომ, რომ საუკუნეთა მანძილზე რონდელების ასეთი სრულყოფილი ჰარმონიით აღსაჯე ცხოვრებას სწორედ კანონებისადმი თავისუფალი მიდგომა, დოგმებისა და ეთიკური ნორმების უგულვებლყოფა განაპირობებდა. ამ ხალხს მხოლოდ ერთი რამ უნდოდა, თავისი წილი სიცოცხლითა და ამ სიცოცხლიდან გადმომჩქეფარი ბედნიერებით ტკბობა. რონდელების უბედურება დაიწყო იქიდან, როცა ერთი მათგანი - მარკოი ხეიბარი დაიბადა, ხოლო მეორე - გრანდოსი კი - ხარბი. მაგრამ ამას აბა რაღა ეშველებოდა! ამ ორმა ნაკლმა, (ისინი კი ნამდვილად იყვნენ ნაკლოვანი, რადგან სიხარბე შიმშილის ექსცესია, ხეიბრობა კი ბუნების შეცდომის გამოაშკარავება), დააავადა ორივე პიროვნება, ხოლო მათ თავის მხრივ

სხვებიც დაწამლეს. თქვენ უნდა გახსოვდეთ, რომ შიმშილის ექსცესი და ბუნების შეცდომის გამოაშკარავება ერთი და იგივეა და ქმნიან ძლიერ ძალას, რომელსაც ძალუძს აღგავოს პირისაგან მიწისა ყოველივე, რაც კი წინ გადაეღობება, ისევე, როგორც რონდაქვივერის წყალდიდობამ აღგავა პირისაგან მიწისა ეს ქვეყანა ერთხელ. ასე რომ...

საინტერესოა, რა ხდებოდა სასახლეში იმ დროს, როცა გარეთ ასე გადაუღებლად თოვდა, მოკლე დღე მწუხრით იმოსებოდა, ხოლო ლტოლვილი რონდელეები დედაქალაქისაკენ მოემართებოდნენ?

ამეთ დროს ხშირია ხოლმე აზრთა სხვადასხვაობა და არცთუ დამაჯერებელი მოსაზრებანი. მაგალითად, „ტვინად ზნებული“ რევოლუციონერები აცხადებდნენ, თითქოსდა სწორედ იმ დღეს დიდი ჰერცოგი ლაბორატორიაში იმყოფებოდა და აპირებდა აემუშავებინა დანადგარი, რომელიც რონდერჰოფიდან წამოსული დიდი ძალის რადიაქტიური წყლით დატბორავდა მთა-ბარსა და დაფუფქავდა, დაასახიჩრებდა და დააავადებდა რონდელ მოსახლეობას. იმასაც ირწმუნებოდნენ, თითქოს ჰერცოგსა და ენტონს სარდაფში ჰყოლოდეთ გამომწყვდეული დიდებული ქალბატონი და სასტიკად ეწამებინოთ იმის გამო, რომ ქალი თავისი ხალხის გადარჩენას ევედრებოდა მათ. მაგრამ არიან ისეთებიც, ვინც კატეგორიულად უარყოფენ ყოველივე ამას, უფრო მეტიც, იმასაც აცხადებენ, ვითომ იმ ღამით ვიოლინოზე უკრავდა დიდი ჰერცოგი (ის ხომ შესანიშნავი მუსიკოსი იყო), პაულა და მისი დანიშნული კი სასიყვარულო საქმით ყოფილან გართულნი. არსებობს სხვა აზრიც, თითქოს იმ ღამეს სასახლე პანიკას მოუცავს და მისი ბინადარნი გასაქცევად მზადებას შესდგომიან.

სრულიად შესაძლებელია, ყველა ეს ვერსია სარწმუნოც იყოს. სასახლის ჩხრეკვისას იპოვეს მიწისქვეშა წყალსადენი, რომელიც რონდერჰოფის გამოქვაბულთან იყო მიერთებული. სწორედ ამ მილიდან იღებდა სასახლე წყალს. ხალხს დიდის

ამბით უჩვენეს მუსიკისათვის განკუთვნილი ოთახი და საძილე აპარტამენტები, როგორც უტყუარი ფაქტი ხელისუფალთა გაქცევის მცდელობისა. ოთახებში მართლაც ეწყო ჩალაგებული ბარგი, მაგრამ საესებით შესაძლოა სამეფო ოჯახი უბრალოდ აგარაკზე წასასვლელად ემზადებოდა და სხვა რამ განზრახვა არც ჰქონია. რაც შეეხება წამებას, მისი არავითარი კვალი იქ არ აღმოჩნდა. ერთი კია, როდესაც დიდებული ქალბატონი იხილეს, შეამჩნიეს, რომ მას თვალები შეშუპებოდა დაღლილობისა თუ ტირილის გამო. ეს ფაქტი უკვე რაღაცას ნიშნავდა.

პირადად მე სხვას ვერას მოგახსენებთ, გარდა იმისა, რომ შემძლია გადმოგცეთ, რაც სასახლეში ჯამუშად შეპარულმა მსახურმა ფიცითაც კი დაადასტურა. სწორედ მან გაულო შუალამისას კარი რევოლუციონერებს და სასახლეში შეაპარა. (თვითონ როგორ მოხვდა იქ, წარმოდგენა არა მაქვს. ისე, ხომ იცით, ყოველ რევოლუციას ჰყავს ხოლმე თავისი ჯამუში მსახური). აი, მისი განაცხადიც:

„ქაგაზაფხულო დღესასწაულის დღეს, დილით მნიშვნელოვანი არაფერი მომხდარა სასახლეში. მთელი ღამის გადაუღებელი თოვა ჩაშლას უქაღდა ზეიმს. და მართლაც, ათ საათს გადასული იქნებოდა, მსახურებს რომ გამოგვიცხადეს, როვლეულას შეგროვება და ახარეზობანი გადაიდოო. არც მე და არც ხელზე მოსამსახურეებმა ვიცოდით რამე აგარაკზე მათი გამგზავრებისათვის მზადების შესახებ.“

თერთმეტი საათისათვის დიდმა ჰერცოგმა სათათბიროდ თავი მოუყარა მთელს სამეფო ოჯახს. დანამდვილებით არც კი ეიცი, სულ რამდენნი იყვნენ. სასახლეში ჩემი სამსახურის სამი თვის მანძილზე ვერაფრით დავადგინე, რამდენი პრინცი ან პრინცესა ბინადრობდა იქ. ენტონი არავისში ამერეოდა, ის და პაულა რომ ოთახში იმყოფებოდნენ, ამისი თქმა დანამდვილებით შემძლია, მათ გარდა კიდევ სამი თუ ოთხი ადამიანი ესწრებოდა სათათბირს. გარეგნულად ყოველ მათგანს ვიცნობდი, სახელები კი

არცერთისა ვიცი. ჩემი თვალთ ვნახე, როგორ გამოვიდნენ თავ-  
თავიანთი აპარტამენტებიდან, კიბეები ჩამოიარეს და შევიდნენ  
აივნის ოთახში, რომელიც მოედანზე გადის და რომელსაც  
ჩვენ, მსახურები თეთრ ოთახს ვეძახდით. მე ამ დროს კიბის  
ბოლოში, პოსტზე ვიდექი და კარგად დავინახე, რომ ნამდვილად  
შევიდნენ ოთახში... ენტონი მშვენიერ გუნებაზე იყო, სუმრობდა  
და იცინოდა. მისი ნათქვამიდან ვერაფერი გავიგონე, და საერთოდ,  
ამ სამეფო ოჯახის მაღალფარდოვანი და ძველ-რონდული  
საუბრები ჩემთვის გაუგებარი იყო. დიდებული ქალბატონი  
ფერდაკარგული ჩანდა. მერე ჩაიკეტნენ და მთელი საათი აღარ  
გამოსულან.

თორმეტი რომ შესრულდა, კარი გაიღო. დიდი ჰერცოგისა  
და პაულას გარდა ყველამ დატოვა ოთახი. ამ დროისათვის მე  
უკვე აღარ ვიდექი პოსტზე, ისე, რომ მათი ოთახიდან გამოსვლა  
არ დაძინახავს, ეს ერთი მსახურისაგან შევიტყვე და არავითარი  
საფუძველი არა მაქვს, ეჭვი შევიტანო მის ნათქვამში. პირველი  
საათიდან გადასული იქნებოდა, როცა საოცარი რამ მოხდა, –  
მსახურებს გვაუწყეს, რომ დიდ ჰერცოგს სურდა ჩვენი ნახვა  
და სათითაოდ უნდა შევსულიყავით მასთან. შიშმა შემიპყრო,  
რამე ცუდს ზომ არ გვიპირებს მეთქი. სასახლიდან ვერ  
გამოვიქცეოდი, რადგან იმ წუთას არ ვმორიგეობდი და კართან  
მისვლა მეკრძალებოდა. გარდა ამისა, რევოლუციის ლიდერები-  
საგან ნაბრძანები მქონდა შენობაში ვყოფილიყავი, რათა დათქმულ  
დროს სასახლეში შემეშვა ისინი. თავს ძალა დავატანე, რათა  
შეშფოთება არ შემტყობოდა და დაველოდე, როდის გამომი-  
ძახებდნენ თეთრ ოთახში.

შევდგი თუ არა ფეხი, პირველი, ვინც დავინახე, თეთრ  
სამოსში გამოწყობილი ჰერცოგი იყო. მას მკერდზე წითელ-  
ბაფთიანი „სამართლიანობის ორდენი“ ებნია. ამ სამოსს იგი  
მხოლოდ საღამოობით, აივანზე გაბრძანებისას ანდა ისეთ საზეიმო  
დღეებში იცვამდა, როგორც, მაგალითად, საგაზაფხულო

დღესასწაულია. მაშინვე მიჩვედი, მიუხედავად იმისა, რომ ზემო ჩაიშალა, ისევ თოვდა და ხალხიც მის მიმართ მტრულად იყო განწყობილი, ის მაინც აპირებდა აივანზე გასკლას. გულში გამკრა, - ალბათ წყლის ჭავლი უკვე მომზადებული აქვს და ოთახში, საღმე, მოფარებულ ადგილას ონკანიც ექნება-მეთქი დაყენებული. იმის დრო არ იყო, იქაურობა კარგად დამეზვერა. მივჩერებოდი დიდებულ ქალბატონს, რომელიც ფანჯრის ახლოს, სკამზე იჯდა და რაღაცას კითხულობდა. მას ჩემი შესვლა არ აუხედა. რამდენადაც შევნიშნე, წამების არანაირი კვალი არ ეტყობოდა. ერთი კია, ფერმიხდილი ჩანდა. ოთახში მათ გარდა კაცის ჭაჭანება არ იყო.

დიდი ჰერცოგი ჩემსკენ წამოვიდა და ხელი გამომიწოდა.

- მშვიდობით, - მითხრა მან, - ბედნიერებას გისურვებთ.

„აჰა, - გამკრა გულში, ნეტავ რას უნდა ნიშნაედეს ყოველივე? ეს ან ამაღამ აპირებს გაქცევას, ანდა მისი ასეთი საქციელი უბრალოდ უსინდისობისა და ბოროტების გამოვლინებაა, რადგანაც იცის, რომ ცოტა ხანში წალეკავს ქალაქსა და მოსრავს ყოველ ჩვენთაგანს“ ერთი სიტყვით, ჩავთვალე, თვალსმაქცობს მეთქი.

- რა მოხდა, ბატონო? - ვკითხე და სახეზე შეშფოთება აღვიბეჭდე.

- ეს თქვენ უნდა გკითხოთ, - მიპასუხა და იმდენად მოთოკა გრძნობები, რომ გამიღიმა კიდევაც, - ბოლოსდაბოლოს, ჩვენი ბედი თქვენს ხელთაა. მე გემშვიდობებით, რადგან ველარასოდეს შევხვდებით ერთმანეთს.

დავიძაბე, გავბედე და კვლავ შევეკითხე:

- საღმე მიბრძანდებით, ბატონო?

ვიდექი იქ და თან მეშინოდა, სანამ მე აქ ლაპარაკს ვუნდებოდი, შეიძლებოდა ჩემთვის დასნებოვნებული წყალი შემოესხა

- არა, არსადაც არ მივდივარ, - მიპასუხა მან, - ერთმანეთს

აღარასოდეს შეეხვებით.

დარწმუნებული ვარ, მას ნამდვილად განზრახული ჰქონდა ჩენი დაღუპვა. ხმაც კი არ ათრთოლებია. ხერხემალში მწყვეტკივილი ვიგრძენი, ერთი სული მქონდა, დროზე გამომეღწია იმ ოთახიდან.

- დიდებულ ქალბატონსაც სურს თქვენთან გამომშვიდობება, - მითხრა პერცოგმა და ქალისაკენ შებრუნდა. ვერ წარმოიდგენთ, რა მშვიდად და დინჯად ეჭირა თავი, პაულა, მინდა წარმოგიდგინო მსახური.

მე ისევ იმ ადგილზე ვიდექი და არ ვიცოდი, როგორ მოექცეულიყავი. დიდებულმა ქალბატონმა მიატოვა იმ რაღაცის კიოხება, სკამიდან წამოდგა, ჩემსკენ გამოემართა და ხელი ჩამომართვა.

- ბედნიერებას გისურვებთ, - მითხრა მან, ის სულაც არ ლაპარაკობდა მაღალფარდოვანი სიტყვებით, ისევე მეტყველებდა, როგორც ჩვენ, ქალაქელები.

ჩემი აზრით, ქალბატონი ან მოჯადოებული იყო, ან რაიმე წამალი ჰქონდა დალეული, შესაძლოა სულაც იმ დიდი დემონის - თავისი ძმის გავლენის ქვეშაც იმყოფებოდა, რადგან თვალები უსახლვრო სევდით ავსებოდა. ასეთი არასოდეს მინახავს. კარგად მახსოვს, როგორ დაჯირითობდა ხოლმე მხიარული და ცქრიალა „რონდას ყვაილი“ რონდერ.სოყის ტყეებში. პაულა ჩემი ღვიძლი დის მფარველი იყო. ეკ, ყველაფერი ეს დიდი ხნის წინ ხდებოდა, მანამდე, სანამ ენტონისთან ქორწინებას აიძულებდნენ. იქ, თეთრ ოთახში ხელი რომ ჩამომართვა, თვალი ვეღარ გავუსწორე, რაღაც წავეილულულე მხოლოდ. ისე კი, ძალზე მინდოდა მენუგეშებინა, - დამშვიდდით, ნუ იღარდებთ, ჩვენ გადაგარჩენთ მეტი, - მაგრამ რა თქმა უნდა, ვერ გავებდე.

- საკმარისია, - თქვა დიდმა პერცოგმა.

აუიხედე და დავინახე, მე მიყურებდა, რაღაც უცნაურად მიმზერდა. მართალი გითხრათ, არაფრად ჩაეგდე. ისეთი გრძნობა

მქონდა, თითქოს ჩემს ფიქრებს კითხულობდა და ამჩნევდა იმ უხერხულობას, რასაც მე განვიციდი. ერთ რამეში ნამდვილად დაერწმუნდი, დიდი ჰერცოგი ჭეშმარიტად სატანა იყო... მერე შეებრუნდი და თეთრი ოთახიდან გამოვედი.

ჰერცოგი მართალი აღმოჩნდა. აღარასოდეს შევბუდვარევიარ ცოცხალს... მე, როგორც ჭეშმარიტმა რევოლუციონერმა, საკადრისი მიუვზღვე უკვე შემდეგ, როცა სასახლის მოედანზე ჩამოაკონწიალეს.

იმ დღეს სხვა რამ მნიშვნელოვანი აღარაფერი მომხდარა. მე კართან მდგარ მსახურებს შევერიე. არცერთ ჩვენთაგანს სიტყვაც არ დასცდენია თოქლსა თუ სასახლესთან მოჯარულ ხალხზე. ერთი ხანობა მუსიკის ხმებიც გვესმოდა სასახლის რომელიღაც დარბაზიდან. ვინ უკრავდა, ამაზე არაფრის თქმა არ შემიძლია. ლანჩიცა და სადილიც ჩვეულ ღრის გავწყვეო. ეცდილობდი, თვალში არავის მოვხედროდი, რათა უნებური მოქმედებით რამე არ მევნო ჩვენი გეგმისათვის. დარწმუნებული ვიყავი, დიდი ჰერცოგი ხვდებოდა ჩემს განზრახვას და ამიტომ ყოველ წუთს ველოდი დაპატიმრებას. მაგრამ მსგავსი არაფერი მომხდარა.

შუალამეს ათი წუთი აკლდა, ჩემი პოსტი რომ დავიკავე ეზოში გამავალ კართან. ხელმძღვანელობისაგან გაფრთხილებული ვიყავი, სამჯერ დაკაკუნებაზე უნდა გამეყო. ვინ შემოვიდოდა ანდა როგორ გამოუსხლტებოდა გარეთ მდგარ საბეჭო გუშაგებს, ჩემი საქმე არ იყო. წუთი წუთს მისდევდა, ველაელი და მეშინოდა, გეგმა არ ჩავგულოდა. მუსიკის ხმა, რომელიღაც დარბაზიდან რომ გამოდიოდა, შეწყდა და უეცარმა სიჩუმემ დაისადგურა მთელს შენობაში. როგორც ვიცოდი, დიდი ჰერცოგი ისევ თეთრ ოთახში იმყოფებოდა. მაგრამ ხომ შეიძლებოდა შევმცდარიყავი და ის ან ლაბორატორიაში ან სარდაფში ყოფილიყო. ანდა იქნებ სულაც რონდერპოფის მაღალ მთებში გახიზნულიყო მალულად. მე არც შეკითხვები მევალებოდა და

არც დასკვნების გამოტანა, მხოლოდ კარი უნდა გამელო რევოლუციონერებისათვის.

შუალამეს სამი წუთი აკლდა, როცა წინასწარი გაფრთხილების გარეშე სამჯერ დააკაუნეს კარზე. ზუსტად იმავე წამს კიბის თავზე მდგარმა მორიგე მსახურმა კარი გამოაღო და დაიძახა:

- დიდი ჰერცოგი აივანზე გაბრძანებას აპირებს!

მაშინვე ის გაეფიქრე, წყლის ჭავლი უკვე მზად ექნება და სადაც არის ხალხზე მიუშვებს-მეთქი. გვერდითა კარი სასწრაფოდ გამოვალე, დიდდანიანებს არ დაუყოვნებიათ, უმაღლეს მომსახურებელს. მე იქ უკვე აღარაფერი მესაქმებოდა, დავალემა შესრულებული მქონდა“.

აქ მთავრდებოდა მსახურის პატაკი. ეს საბუთი ახლა მუზეუმში, დოკუმენტური მასალისათვის განკუთვნილ ოთახში შუშის ქვეშ ინახება და მსურველებს იქ შეუძლიათ იხილონ. ეს სწორედ ის თეთრი ოთახია, მსახურმა რომ მოიხსენია თავის პატაკში. დღესდღეობით იგი სულ სხვაგვარად გამოიყურება.

ალბათ იკითხავთ, რა გზით დაუსლტნენ რევოლუციონერები სამეფო გუშაგებსო. საქმე ისაა, რომ დიდ ჰერცოგს არასოდეს უბრძანებია სასახლის მცველებისათვის დაეკავებინათ ან არ შეეშვათ ვინმე სასახლეში. ასეთი ბრძანება ერთხელაც არ გაცემულა შვიდი საუკუნის განმავლობაში, სამაგიეროდ, არც ამ შენობის ალება ან შიგნით შეჭრა უცდია ვინმეს. სასახლეში დატრიალებული უბედურება მოულოდნელი და თავზარდამცემი სრულიად არ ყოფილა სამეფო ოჯახის წევრებისათვის. მაგრამ, მიუხედავად ამისა, თავი არაფრით დაუცავთ, არ გასძლიანებიან და ზვარაკებივით დანებდნენ მკვლელებს, რომელთაც დედაბუდიანად ამოყლიტეს მთელი გვარი, ამოხოცეს სასახლის ყველა ბინადარი, ყოველი სულიერი, ვინც კი ხელში ჩაუვარდათ. დაინდეს მხოლოდ დიდებული ქალბატონი, რომლის შემდგომ თავგადასავალსაც ახლავე გიამბობთ.

რევოლუციონერები გვერდითა კარიდან შეიჭრნენ შენობაში. შეიდას კაცამდე იქნებოდა, ყოველ შემთხვევაში, ასეა ცნობილი. ასეთი რაოდენობაც მარკოსი მოყიქრებული იყო და სიმბოლურად შეიდ საუკუნეს განასახიერებდა. როგორც თვითონ რევოლუციონერებმა აღიარეს შემდგომში, მეტისმეტად გაიოლებათ სასახლის მკვიდრთა ამოუღებელა, ეს იმიტომ, რომ წინააღმდეგობა არავის გაუწევია მათთვის. ერთი სიტყვით, ვაზის გასხვლაზე უფრო მარტივი აღმოჩნდა ამ საქმის მოგვარება. ყოველივე ზემოთქმულიდან გამომდინარე, თქვენთვისაც ნათელი გახდა, რომ მართლაც ზვარაკებივით შესწირვიან თავის ხალხს ის უბედურები. კიდევ ერთ მეტად უსიამოვნო გარემოებაზე მინდა შევანიშნო თქვენი ყურადღება. ამ ამბის შემდეგ ახალგაზრდებს დიდი სჯა-ბაასი ჰქონდათ გამართული იმის თაობაზე, რომ თურმე დანის ხორცში შერჭობას და სისხლის დანახვას ისევე გაუბრუებია ძინი, „რიცოს“ დაღვეის დროს რომ მოსდიოდათ ხოლმე. საყასბოს ხილკას იმდენად გაუხვლებია ყმაწვილები, რომ მხოლოდ ერთადერთი მიზნითღა მოქმედებდნენ, ჩეხდნენ ყველას, ვინც კი ხელში მოხვდებოდათ, მნიშვნელობა აღარ ჰქონდა, მსახური იყო ის, მცველი, პრინცი, ნაფერები ძაღლები, მგალობელი ჩიტები, თვით ხელიკიც კი თუ სხვა რამ სულიერი. ვისაც სასახლეში წააწყდნენ, ყველა ამოხოცეს.

ხოლო დიდი ჰერცოგი... დიახ, ის მაინც გაბრძანდა აივანზე. არავითარი წყლის ჭავლი არ გაუშვია, არც უკვდავების მიმნიჭებული წყარო უნახავს ვისმე. იდგა თეთრ სამოსში გამოწყობილი მონარქი აივანზე, მკერდს წითელლენტიანი „სამართლიანობის ორდენი“ უმშვენებდა და მორჩილად ელოდა რისხვას იმ აზვირთებული ადამიანებისა, რომელნიც ერთმანეთზე გადადიოდნენ, რათა როგორმე აივანზე აედწიათ. მშვიდად იდგა დიდი ჰერცოგი, ელოდა, როდის შეაღწევდა გამხეცებული ბრბო სასახლეში და შეუერთდებოდა უკვე შიგნით მყოფ დიდი დანებით შეიარაღებულ ძალებს. სახლებში უსაფრთხოების მიზნით შეკე-

ტილი მოხუცებისაგან მოგვიანებით ასეთი რამ შევიტყუეთ, როცა რევოლუციონერები დიდ პერცოვს თავს დაესხნენ, თურმე სიძულვილისა და შურისაგან (დიახ, ყველაზე უფრო შურისაგან) ისე ღრიალებდნენ, მათი ხორხებიდან ამომავალი არაადამიანური ხმები ზემოთ რონდერპოფის მწვერვალს სწვდებოდა და ძირს კი რონდაქვივერის სანაპიროებსო. თოვლი კი მღუმარედ ვეფინებოდა მიდამოს, დიახ, ისევე ხვაერიელად თოვდა.

როცა სასახლეში ცოცხალი აღარავინ დატოვეს, ხოლო კიბეებსა და დერეფნებში სისხლის გუბეები დააყენეს, ახალგაზრდა რევოლუციონერებმა რედაქციაში მომლოდინე მარკოს პატაკი გაუგზავნეს. მასში ნათქვამი იყო: „სამართლიანობა აღსრულდა!“-ო.

მარკომ მაშინვე დატოვა თავისი სამყოფელი, „რონდას უწყებების“ შენობიდან გამოვიდა და სასახლისაკენ გაემართა. იგი მხლებლებთან ერთად, კუდში რომ მიჰყვებოდნენ, დიდებული ქალბატონის კარს მიადგა და წარმოიდგინეთ, დაუკაკუნა კიდევაც. თათხში მხოლოდ მას შემდეგ შედგა ფეხი, ქალისაგან ნებართვა რომ მიიღო. დიდებული ქალბატონი მარტოლმარტო იდგა ღია ფანჯარასთან. მარკოი პირდაპირ მასთან მივიდა და უთხრა:

- ნულარაფრის შეგეშინდებათ, ქალბატონო, ჩვენ დაგხსენით, თაქისუფალი ბრძანდებით.

ამრიგად... არ ვიცი, რას ელოდნენ ქალისგან მარკოი ან სხვა რევოლუციონერები, იქნებ მადლიერების ანდა სულაც მწუხარების ცრემლებს, იქნებ სასოწარკვეთილ ანდა შიშით სავსე გამომეტყველებას, ან იქნებ კეთილმოსურნე ღიმილსაც კი. ამაზე ვერაფერს ვიპასუხებთ, რადგან არ მეგულება ადამიანი, რომელიც შეძლებდა გამოეცნო დიდებული ქალბატონის განცდები. ერთადერთი ცვლილება, რაც დასტყვდებოდა, ის იყო, რომ გამოეცვალა ეროვნული კაბა, დილით რომ ეცვა (მისი ეს ჩვეულებაც ჯამუში მსახურისაგან იყო ცნობილი), და შემოსილიყო თეთრი სამოსელით. მკერდზე ებნია წითელბაფთიანი „სამართლიანობის ორდენი“,

ხოლო წელზე ხმალი შემოერთა. მან მარკოსა და რევოლუციონერებს მიმართა:

- ყოველ თქვენგანს ეუსურეებ ბედნიერებას, მე თქვენი ქალბატონი ვარ. წყაროები ახლა ჩემი კუთვნილებაა, რადგანაც მემკვიდრეობით გადმომეცა. მე, ერთადერთი ვუღობ მარადიული სიჭაბუკის საიდუმლოს, ახლა როგორც გსურთ, ისე მომექცით.

ამის შემდეგ ქალბატონი აივანზე გაიყვანეს და ხალხს უჩვენეს უკნებელი. იქვე, შოედანზე კი პაულას დასაჩაბად ჩამოეკონწიალებინათ დიდი პერცოგის გვამი. ზოგიერთს ალბათ მეტისმეტ სისასტიკედ მოეჩვენება ეს, მაგრამ ყველაფერი იმაზეა დამოკიდებული, თუ რა კუთხიდან შეხედავ მათ ქმედებას. რონდელეებიც და უცხოელებიც კიდევ დიდხანს იკამათებენ ამის თაობაზე, გასარკვევი კი ერთი აქვთ, ჯერ ის უნდა დაადგინონ, რა გაანადგურეს იმ საბედისწერო „დიდი დანების ღამეს“ - უმანკოება თუ ბოროტება?

აი, ასე მოხდა ეს ამბავი. ბევრის აზრით, რონდა ისე წახდა, რომ ძნელად თუ იცნობ. და რომ არა მისი არაჩვეულებრივი ბუნება თვალუწვდენელი რონდერპოფი, რონდაქვივერის პაწაწინა კუნძულები, დედაქალაქის მშვენიერი იერი და რაღა თქმა უნდა, გასაოცარი პავა, ის ქალზე დაემგვანებოდა ევროპის ნებისმიერ პატარა ქვეყანას, ტურისტების მოზიდვის მიზნით ყალბად აბრჭყვიანებულს, სადაც ხალხი კანიდან ძვრება, რათა რაც შეიძლება მეტი ფული დააგროვოს. მაგრამ არსებობს საწინააღმდეგო მოსაზრებაც. ადამიანთა გარკვეულ ნაწილს რონდა მიაჩნია პროგრესულ ქვეყანად, რადგანაც აქ ერთობ ყვავის მრეწველობა, ხოლო რონდაქვივერის სანაპიროს გასწვრივ აღმოცენებულ პატარა ქალაქებში ცხოვრობენ ჯანსაღი ახალგაზრდები, რომლებსაც განზრახული აქვთ, ხმები განიმტკიცონ მსოფლიო საბჭოებში. მათ საკუთარი ლოზუნგიც კი აქვთ - „რონდა საუბრობს, მსოფლიო ბანს აძლევს!“ ეს ლოზუნგი გარკვეულწილად სიმართლეს შეესაბამება, რადგან რონდელეებს დღესდღეობით ყველგან შეხვდებით, ევროპის ქალაქებშიც და მოივლს ამერიკაშიც. ისინი ცდილობენ აინაზღაურონ ის დიდი

მოთხოვნები, რასაც ასეთი მიზანდასახული შეუპოვრობით ესწრაფოდნენ გულგრილ საუკუნეთა მანძილზე, - მათ სურთ თვითონ მართონ მსოფლიო.

ფსიქოლოგიური თვალსაზრისითაც საკმაოდ საგულისხმო, საქმენი ხორციელდება ქვეყანაში. აქ ეროვნული განწყობილებაც კი სუფევს და ნათლადაც არის გამოკვეთილი პროგრესული მოძრაობა. - აქტიურად ავითარებენ პრინციპს „რონდა რონდელებს“, ანდა „რასაც ჩვენ ვამბობთ დღეს, თქვენ გაიმეორებთ ხვალ!“. მაგრამ მიუხედავად ამ ყველაფრისა, ხალხმა მაინც ვერ მოიპოვა მარადიული სიჭაბუკის საიდუმლო, არადა, სწორედ ამისთვის მოხდა მთელი ეს რევოლუცია.

პოთლებში ჩამოსხმულ აქაურ წყლებს, - ალბათ გემახსოვრებათ, ამ საქმეს დიდი მონღომებით რომ შეუდგა გრანდოსი, - ანდა მსოფლიოს ნებისმიერ ქვეყანაში შეიძენთ საკმაოდ ძვირად. მაგრამ ეს უბრალო წყლებია და არავითარი სიჭაბუკის შემანარჩუნებელი ღირსება არ გააჩნია. კვლავაც მხოლოდ დიდებულმა ქალბატონმა იცის საიდუმლო რეცეპტის შემადგენლობა. როგორც მოგახსენეთ, რაღა არ სცადეს ქალის გამოსატეხად. ჯერ შეეცადნენ მოფერებით ეთქმევიანებინათ, მერე ძალადობაზე გადავიდნენ, აწამეს, დაატყვევეს, აშიმშილეს, ათასგვარი სნეულებაც კი შეჰყარეს საწადელის მისაღწევად, მაგრამ ამოღ, არაფერი გამოუვიდათ. ზემოთაც მოგახსენეთ, უბედურებას, რაც პაულამ გადაიტანა, სადღაც, რაღაცაში მაინც უნდა დაეჩნია მასზე კვალი, მაგრამ ეტყობა, სრულყოფილი მშვენიერების განადგურება არავითარ დამცირებას არ ძალუძს, რადგან უკვე ოთხმოც წელს მიღწეული ქალბატონი დღესაც გოგოსავით გამოიყურება და როვლულა ყვავილივით აქვს გაცისკრონებული სახე. ერთი კია, თუკი აწ უკვე მუხეუმაღ გადაქცეულ სასახლეში თუ მოედანზე მოცეკვავეს ახლოდან იხილავთ და თვალებში ჩახედავთ, თურმე მათ სიღრმეში, საბედნიეროდ თუ საუბედუროდ, დაინახავთ უძირო სევდასაც და უსახლვრო თანაგრძნობასაც.

არავინ უწყის, რა მოხდება მისი სიკვდილის შემდეგ. ეს დღე კი ალბათ მალე დადგება. სამეფო გვარიდან აღარავინ

გადარჩა ცოცხალი, რომ რომელიმესთვის მაინც გაეძხინლა სიჭაბუკის საიდუმლო. ისე კი, ერთი წუთით დაეფიქრდეთ, განა ღირს ამ რეცეპტის ცოდნა? იმისი თქმა მინდა, რომ ამ საიდუმლოს ტკივილის მეტი არაფერი მოუტანია დიდებული ქალბატონისათვის. ცოტა სასაცილოდ კი უღერს, მაგრამ ის ორნი, რომლებიც ასე ძლიერ ლამობდნენ რეცეპტის ხელში ჩაგდებას, ახლა მიწაში წვანან. გრანდოსი წლების მანძილზე ერთობ გასუქდა და ბოლოს, შეერთებულ შტატებში ყოფნისას კუჭმა იმსხვერპლა. ხოლო მარკოსი რაღაც უბედური სენი შეეყარა და თანდათან ისე ჩამოდნა საკუთარი ძეგობრების თვალწინ, რომ ლანდს დაემსგავსა. მხცოვანი რონდელეები, რომელთაც არც არასოდეს ევარებიათ იგი, დარწმუნებულნი იყვნენ, რომ შურმა შეჭამა ეს კაცი, დიდებული ქალბატონისადმი შურმა და კიდევ იმან, რომ ვერაფრით აისრულა სწავდელი - რამენაირად ქვეყნის სასაცილო და სამასხარაო გაეხადა პაულა. მაგრამ ასე მხოლოდ მოხუცები ფიქრობდნენ.

როდესაც დიდებული ქალბატონი აღესრულება, მარადიული სიჭაბუკის საიდუმლოსაც თან გაიყოლებს. ერთი უკვდავიც აღარ იარსებებს არც რონდაში და არც დედამიწის ზურგზე. დამიჯერეთ, ნამდვილად ღირს, ერთხელ მაინც ეწვიოთ რონდას (ბილეთების შეძენა ნებისმიერ ტურისტულ სააგენტოში შეგიძლიათ), რადგან როგორც აქაური დაუდევარი ახალგაზრდობა იტყოდა, - რა იცი, რა ხდება! და მართლაც; დღეს იქნება თუ ხვალ, მომავალ კვირას თუ მომავალ წელს, დიდებული ქალბატონი შეიძლება დაჩაჩანაკეს კიდევ. და თუკი ასეთი რამ ნამდვილად მოხდა, ჭეშმარიტად, ერთ რამედ ეღირება მისი ნახვა, მაგრამ თუ სიბერე არ უწერია და უბრალოდ მოკვდება, ვთქვათ, თუნდაც ცეკვის დროს, ეს იმისი მაუწყებელი იქნება, რომ ამქვეყნიდან გაქრება რაღაც ისეთი, რასაც ვერავინ ვედარასოდეს იხილავს ჩვენს დროში, მით უფრო მომავალში. შესაძლოა, დღესაც უკვე დაგვიანებული იყოს ყოველივე.

## ა ლ ი ბ ი

კვირა დილით ფენტონები ჩვეულებისამებრ სანაპიროზე სეირნობდნენ. ალბერტ ბრიჯთან მისულები როგორც ყოველთვის, ახლაც შეჩერდნენ, უნდა გადაეწყვიტათ, ხილით გადასულიყვნენ ბაღებისაკენ, თუ საცხოვრებლად გამოყენებული ნაკვების გასწვრივ გაეგრძელებინათ გზა. საკუთარ ფიქრებში გართულმა ფენტონის ცოლმა უეცრად თქვა:

- შინ რომ მივალთ გამახსენე ალუსონებს დავურეკო და დავკატიყო სასმელზე, დღეს მათი მოსკლის ჯერია.

ფენტონი უგულსყუროდ უცქერდა მოძრავ ტრანსპორტს. ხიდზე სწრაფად გასრიალდა სატვირთო მანქანა, იქვე სპორტულმა მანქანამაც ჩაიქროლა ხმაურითა და ბლუილით. ნაცრისფერ ფორმაში გამოწყობილმა ძიძამ დილის თოჯინებივით მრგვალსახიანი, ზუსტად ერთნაირი ტყუპი საბავშვო ეტლით ჩამოატარა, ხილიდან მარცხნივ გაუხვია და ბეტერისისაკენ აიღო გეზი.

- საით წავიღეთ? - ჰკითხა ცოლმა ფენტონს.

კაცმა ისე შეხედა, თითქოს ვერ იცნო და უცებ საოცრად დაუძლეველი და შემადრწუნებელი შთაბეჭდილებით შეიბოჭა, წარმოიდგინა, თითქოს მისი ცოლიცა და სანაპიროზე თუ ხიდზე მოსეირნე ხალხიც სრულიად უაზრო, სიმებით სამართავი თოჯინები იყვნენ, ბორძიკით მიაბიჯებდნენ და მათი ყოველი მოძრაობა ნამდვილის დამახინჯებულ იმიტაციას წარმოადგენდა. მისი ცოლის სახე კი - მოგრძო, ლურჯი თვალები, მეტისმეტად შეღებილი ტუჩები, ახალთახალი მოღური საგამაფხულო ქუდი სხვა არა იყო რა, თუ არა ნაჩქარევად დახატული ნიღაბი იმ ოსტატის მიერ, რომელსაც ხელთ ეპყრა ეს თოჯინები, უსიცოცხლო, ხისაგან გამოჩორკნილი მარიონეტები.

კაცმა სწრაფად მოაცილა მზერა ცოლს და ძირს დაიხედა. თავისი სასეირნო ჯოხით ქვაფენილზე ნაჩქარევად მოხაზა კვადრატი და ამავე ჯოხით ზუსტად მონახა კვადრატის

ცენტრი. მერე საკუთარი ხმაც გაიგონა:

- ვეღარ წამოვალ!

- რა მოხდა? - ჰკითხა ცოლმა, - ხომ არაფერი გტკივა?

კაცმა იცოდა, ფრთხილად უნდა ყოფილიყო, თორემ ყოველგვარი ახსნა-განმარტება ამ დიდი თვალების შემოთოქ-ბულ მზერას გამოიწვევდა, შემოთოქებულსა და შეკითხვებით აღსაქვს, მერე კი შემობრუნდებოდნენ და გამოვლილ გზას ისევ უკან, საძულველი სანაპიროსაკენ გაუყვებოდნენ. ქარი ამჯერად კეთილს ინებებდა, ზურგიდან მოექცეოდა და ისევ უმოწყალოდ სწრაფად გააქანებდა სიკვდილთან შესახვედრად როგორც მათ წინ გაწოლილი მდინარის დინება მიაქანებდა მგორავ მორებსა და ცარიელ ყუთებს დოკების ქვევით, ამშორებული ტალახისაკენ.

ქალისათვის ყოველგვარი ეჭვი რომ გაეფანტა, ქმარმა ეშმაკურად განუმარტა თავისი ნათქვამი:

- იმისი თქმა მინდოდა, რომ ამ ნაე-სანლების იქეთ ვეღარ წავალთ, იქ ჩიხია, გარდა ამისა, შენი ქუსლებიც... მან ცოლის ფეხსაცმელებს დახედა... შენი ქუსლები ბეთერსის გრძელ გზაზე სასიარულოდ არ გამოდგება. მე კარჯიში მჭირდება, შენ კი ვერ ამყვები. რატომ არ წახვალ შინ? ჯერ ხომ შუადღეც არ დამდგარა?!

ქალმა და ჩამობნელებულ ცას ახედა. კაცის სასარგებლოდ ქარმა მის ცოლს ძალიან თხელი პალტო აუფრიალა და ქალს ხელი რომ არ შეეშველებინა, საგაზაფხულო ქუდსაც მოხდიდა.

- ვფიქრობ რომ წავალ, - უთხრა ცოლმა და მერე დაეჭვებით დაუმატა, - დარწმუნებული ხარ, რომ არაფერი გაწუხებს? ფერი გაქვს დაკარგული.

- არა, კარგად ვარ, უპასუხა კაცმა, მარტო უფრო სწრაფად ვივლი.

უცებ დაინახა, ალაძამართული ტაქსი უახლოვდებოდათ, კაცმა ჯოხის აწევით დაუძახა და ცოლს მიუბრუნდა:

- ჩახტი, არავითარი აზრი არა აქვს გაციებას.

ცოლის უარს აღარ დაელოდა, კარი გამოაღო და მძღოლს მისამართი უთხრა. წინააღმდეგობის დრო აღარ იყო. კაცმა ძა-

ლით შეაგდო ქალი მანქანაში და უკვე დაძრულ ტაქსში დაინახა, როგორ დაეჯახგურა მისი ცოლი დაკეტილ ფანჯარას, ალბათ უნდოდა დაეძახა, - არ დაიგვიანო, ანდა ალუსონებზე ეთქვა რამე. კაცი ზედაყდა, როგორ ეფარებოდა თვალს მანქანა, რომელიც ქვემოთ, სანაპიროსაკენ მიმავალი ისე ჩანდა, როგორც სამუდამოდ განვლილი ცხოვრების მონაკვეთი.

კაცმა ზურგი აქცია მდინარესა და სანაპიროს, უკან მოიტოვა ტრანსპორტიცა და მისი ხმაურიც და გადაეშვა ვიწრო ქუჩებისა და მოედნების ლაბირინთში, რომელიც მასსა და ფულქემ როუდს შორის მიყუყულიყო. იგი უმიზნოდ მიაბიჯებდა, თან ცდილობდა, სინამდვილის აღქმის გრძნობა დაეკარგა და კვირა დღის რიტუალი, რომელსაც აგრერიგად შეებოჭა იგი, თავისი ფიქრებიდან ამოეშალა.

თავის დაღწევა ადრე არასოდეს უცდია. ცოლმა რომ უთხრა, - გამახსენე, შინ მისვლისას ალუსონებს დაკურეკო, ახლა მათი მოსვლის ჯერიაო, - თითქოს რაღაც გაუტკაცუნდა ტკინში.

დასახრჩობად განწირული ადამიანივით გადააკლო გონების თვალი განვლილ ცხოვრებას და სანამ ამ მსხვერპლივით ზღვა საბოლოოდ შთანთქამდა მასაც, ახლავა მიხვდა, რა უაზროდ და ერთფეროვნად ეცხოვრა ამდენ ხანს: წინკარში ზარის წკარუნი, ალუსონების ხალისიანი ხმები, სერვანტზე გაწყობილი სასმელი, ცოტა ხანს ფეხზე ღგომა, მერე დაჯდომა, - ყოველივე ეს იმ მთლიანი გობელენის ნაწილები იყო, მისი ტყვედქმნილი ცხოვრება რომ ერქვა და ყოველდღე ერთნაირად რომ იწყებოდა, - ფარდების გადაწვეითა და დილის ჩაით, მერე გაზის ცისფერი შუქით განათებულ სასადილო ოთახში საუზმის მოლოდინში გაზეთს გადაშლიდა, (გაზი საკმაოდ ჩაწეული იყო, რომ დანახარჯი ნაკლები გადაეხადათ), შემდეგ მეტროთი გაემგზავრებოდა სიტისაკენ, ყოველდღიურ სამსახურეობრივ საქმიანობაში გადიოდა საათები, შინ ისევ მეტროთი ბრუნდებოდა, იდგა ბრბოში და სადამოს გაზეთს ათვალიერებდა, შინ შესული ქუდსა და ჯოხს მიუჩენდა ადგილს, ამ დროს კი სასტუმრო ოთახიდან ძლივს ისმოდა ტელევიზორის ხმა, ანდა მისი ცოლის საუბარი ტელეფონით.

სეზონის ყოველი შეცვლილხას, ზამთარი იყო თუ ზაფხული, გაზაფხული თუ შემოდგომა, სასტუმრო ოთახის სკამებსა და დივანს შალითებს უცვლილდნენ, ხეებიც შესაბამისად, გარეთ, სკვერში ხან ფოთლებით იყვნენ შემოსილნი, ხანაც შიმშლები იდგნენ ხოლმე.

„ახლა მათი მოსვლის ჯერია“<sup>!</sup> - და ალუსონებიც დმეჭითა და სტუნვა-სტუნვით მოძრაობდნენ თავიანთ თოკებზე, მიდიოდნენ, თავს უკრავდნენ და უჩინარდებოდნენ. შემდეგ ახლანდელი მასპინძლების სტუმრობის ჯერიც დგებოდა. მერე ისინი იგრიხებოდნენ და იმანჭებოდნენ, წყვილ-წყვილად, ძველმოდურად შეზღუდულები ცეკვავდნენ ერთმანეთთან.

ახლა კი, უცრად, ალბერტ ბრიჯზე შესვენებისას ედნას ნათქვამის გამო დრო თითქოს შეჩერდა. უფრო სწორად, ქალი-სათვის ყველაფერი ძველებურად გაგრძელდა, - ისევე ისაუბრებოდა ალუსონებთან ტელეფონით, ცეკვისას ისევე გამოიცვლიდა პარტნიორებს; კაცისათვის კი ყოველივე შეიცვალა, შინაგანი ძალის მოზღვაება იგრძნო, ახლა უკვე თვითონ მართავდა ყოველივეს, სწორედ ის ოსტატი იყო, თოჯინები რომ მოჰყავდა მოძრაობაში. ედნა, საცოდავი ედნა, როგორ იჩქაროდა ტაქსით შინისაკენ თავისი ნამეცადინები როლის შესასრულებლად: სასმელებს გამოიღებდა, ბალიშებს ააფუშფულებდა, თუნუქის ყუთიდან დამარილებულ ნუსსს გადმოყრიდა ლამბაქზე... მას წარმოდგენაც კი არ ჰქონდა, როგორ გადმოაბიჯა მისმა ქმარმა მონობიდან თავისუფალ სივრცეში.

ქუჩებში კვირა დღის ხალვათობა იწყა. სახლები ჩაბურულ-ჩაგმანულიყვნენ.

„მათ არ იციან, - ფიქრობდა კაცი, ამ სახლების ბინადრებმა, როგორ შეუძლია ჩემს ერთ მოქმედებას შეცვალოს მათი ცხოვრება. საკმარისია, დავაკაკუნო რომელიმე კარზე და მაშინვე გამოეხმაურებიან, კარს ან ქალი გააღებს მთქნარებით, ან ქერის ფოსტლებიანი ბერიკაცი, ან ბავშვი, რომელმაც ალბათ თავი მოაბეზრა მშობლებს თავისი საქციელით. არცერთს არა აქვს წარმოდგენა, რომ მთელი მათი მომავალი იმაზე იქნება დამოკიდებული, რასაც მე ვისურვებ, რასაც მე გადაწყვეტ. სახის

დასახიჩრება იქნება, უეცარი მკვლელობა, ქურდობა თუ ხანძარი-რა ადვილი ჩასადენია ყოველივე“.

კაცმა საათს დახედა. ოთხის ნახევარი იყო. გადაწყვიტა ციფრების სისტემით ემოქმედა, გაეგლო კიდევ სამი ქუჩა, მერე იმის მიხედვით, თუ რა ერქმეოდა იმ მესამე ქუჩას, რომელზედაც აღმოჩნდებოდა და რამდენი ასოსაგანაც იქნებოდა შედგენილი მისი სახელი, ის ციფრი, სახლის ის ნომერი ამოერჩია თავისი დანიშნულების ადგილად.

კაცი გამოცოცხლებული მიაბიჯებდა, გრძნობდა, თანდათან ემატებოდა აზარტი, თავს ირწმუნებდა, რომ მის საქციელში არაავითარი თვალთმაქცობა არ იყო. საცხოვრებელი სახლების მასივები იქნებოდა თუ რძის ნაწარმის გაერთიანება, ეგ სულერთი იყო. მესამე ქუჩა გრძელი გამოდგა. ორივე მხარეს განლაგებულიყო ერთფეროვანი ვიქტორიანული სტილის კიდეები. ამ ოდესღაც პრეტენზიულ შენობებს ახლა პირვანდელი პეწი დაეკარგათ, ისინი ცალკეულ ბინებად ანდა ოთახებად გაექირავებინათ. ქუჩას ბაულთინგ სტრიტი ერქვა. ეს სახელი რვა ასოსაგან შედგებოდა, ე.ი. ციფრ რვიანს წარმოადგენდა. კაცმა გაბედულად გადაჭრა ქუჩა ამ ნომრისაკენ, თან მზერით საპარადო შესასვლელს ეძებდა. არად აგდებდა ამ ვილების ქვის საფეხურიან კიბეებს, შეუღებავ ჭიშკრებს, ჩაშაკებულ, ნახევრად სარდაფების სართულებს. სიღარიბისა და ლპობის ეს ატმოსფერო უდიდეს კონტრასტს წარმოადგენდა იმ ფართე სადარბაზოებიან და ნათელ ფანჯრებიან ბინებთან შედარებით, პატარა მოედან რეჯენსიზე რომ მღებარეობდა და თვითონ რომ ცხოვრობდა.

რვა ნომერი ვილა დიდად არ განსხვავდებოდა დანარჩენებისაგან. ჭიშკარი მეტად ღარიბული კქონდა. პირველი სართულის გრძელ, უშნო ფანჯრებზე უფერული ფარდები ჩამოკონწიალებულიყო. კიბის სულ ზედა საფეხურზე ბავშვი იჯდა, ასე, სამიოდე წლის ბიჭი, გადამტკნარებული სახითა და დაბნეული გამომეტყველებით. იგი უცნაურად მიებათ ტალახის საფეხკეზე, ისე, რომ არ განძრეულიყო. კარი ნახევრად იყო გამოღებული.

ჯეიმს ფენტონი კიბეზე ავიდა და ზარს დაუწყო ძებნა. კედელზე ქალაღლის ნაფლეთი მიეწებებინათ წარწერით: „არ

მუშაობს“. მის ქვემოთ კი ძველებური ჩამოსაწევი ზარი ეკიდა, რომელზედაც თოკი იყო მიბმული. კაცს შეეძლო წამში გაეხსნა განასკეული თასმა, რომლითაც ბავშვი იყო დაბმული, მერე ხელში აყვანილი ჩამოეყვანა კიბეებზე ეს პაწია არსება და ისე მოქცეოდა, როგორც მოეპრიანებოდა. მაგრამ ასეთი სიჩქარე ნაადრევი ეჩვენა. ეს ის არ იყო, რაც მას სურდა, რადგან შინაგანი ძალა, რომელსაც ფენტონი გრძნობდა თავისუფალი მოქმედების გრძელ პერიოდს მოითხოვდა.

კაცმა ზარი ჩამოქაჩა. ჩაბნელებულ პოლში სუსტი წკარუნი გაისმა. ბავშვი არ განძრეულა, მხოლოდ ამოხედა ქვემოდან. ფენტონმა კარს ზურგი შეაქცია და ქუჩა მოათვალიერა. ქვაფენილის პირას ახლადშეფოთლილი ყვისფერქერქიანი, სიყვითლესეპარული ჭადრის ხე იდგა. იქვე შავი კატა მოკალათებულიყო და დაშავებულ თათს ილოკავდა. კაცი ამ მოლოდინის წუთის მშვენიერებითა და გაურკვეველობით ტკბებოდა.

ზურგს უკან კარი გაიღო და ქალის ხმაც გაიგონა, უცხოური აქცენტით რომ ჰკითხა, - რით შემიძლია გემსახუროთო.

ფენტონმა ქუდი მოუხადა, თანაც საშინლად მოუნდა ეთქვა: „იცით, მე თქვენს დასახრჩობად მოვედი, თქვენი და თქვენი შვილის დასახრჩობად. აკვაცური ზრახვა არა მაქვს, მე უბრალოდ, მხოლოდ ბედსწერის იარაღი ვარ, ამ მიზნით გამოგზავნილიო“. მაგრამ ამის მაგიერ გაუღიმა. ქალი ისეთივე მკედრისფერი იყო, როგორც კიბეებზე მჯდარი ბავშვი, მასავით უმეტყველო თვალები და გადაგლესილი თმა ჰქონდა. ასაკით ოციდან ოცდათხუთმეტ წლამდე იქნებოდა. საკმაოდ დიდი შალის ჯემპრი ეცვა, მუქი, კოჭებამდე გრძელი ქვედაბოლო კარგა ჩაფსკენილს აჩენდა.

- ბინას ხომ არ აქირავებთ? - ჰკითხა ფენტონმა.

ქალს გამოცარიელებულ თვალებში იმედის რალაცნაირი სხივი გაუკრთა, თითქოს დიდი ხანი ელოდა ამ შეკითხვას, მაგრამ იმედი კი გადაწურული ჰქონდაო. ეს წამიერი სხივი უმაღლ ჩაუქრა და ისევ გამოცარიელებული მზერა დაუბრუნდა.

- სახლი მე არ მეკუთვნის, - თქვა მან, - პატრონი ადრე აქირავებდა ყველა ოთახს, მაგრამ ამბობენ, ბინების გაფართო-  
8. ლაფნი დიუ მორიი

ების მიზნით უნდა ორივე მხრიდან დაინგრესო.

- თქვენ ამბობთ, რომ, - ჩაეპია კაცი, - სახლის პატრონი აღარ აქირაევებს ოთახებს?

- არა, - უპასუხა ქალმა, - მან მითხრა, აღარ ღირსო. ყოველდღე ველით დანგრევის განკარგულებას. მე მცირე თანხას მიხდის, დანგრევამდე რომ მივხედო აქაურობას. თვითონაც სარდაფში ვცხოვრობ.

- გასაგებია! - თქვა ფენტონმა.

საუბარი თითქოს უკვე დაამთავრეს, მაგრამ, მიუხედავად ამისა, ფენტონი წასვლას მაინც არ აპირებდა.

- კარგი კი იქნებოდა, - გააგრძელა ფენტონმა, - ერთი ოთახი მაინც რომ მოგექირავებინათ, თუნდაც სარდაფში, სანამ აქ იქნებით, მანამდე. ეს გარიგება ჩვენს შორის დარჩება. სახლის პატრონი, ეგონებ, უარს არ იტყვის! ის უცქერდა ქალს, რომელიც ძალზე ცდილობდა, რამე მოეფიქრებინა. ამ გარეგნობის კაცის ასეთი უჩვეულო, საოცარი შეთავაზება მეტად აფიქრებდა ქალს, ვერაფერი გაგეგო. რამდენადაც, გაოცება შეტევისათვის საუკეთესო საშუალებაა, კაცმაც უპირატესობა უცებ ჩაიგდო ხელში.

- მე მხოლოდ ერთი ოთახი მინდა, - თქვა მან სწრაფად, - დღეში რამდენიმე საათით, აქ არ დავიძინებ.

ამ მამაკაცის ამოცნობა ქალის ძალებს აღემატებოდა. კაცს ლონდონისა და მისთანა ადგილების შესაფერისი ტვიდის კოსტუმი ეცვა, ფეტის რბილი ქუდი ეხურა და ხელჯოხი ეჭირა, სახის ჯანსაღი იერის მიხედვით ორმოცდახუთიდან ორმოცდაათ წლამდე თუ იქნებოდა. ფენტონმა დაინახა, როგორ გაუფართოვდა და უფრო გამოუცარიელდა ქალს თვალები იმის მცდელობაში, რომ როგორმე დაეკავშირებინა ერთმანეთთან ამ კაცის გარეგნობა და მისი ასეთი მოულოდნელი თხოვნა.

- რისთვის გინდათ ოთახი?- ჰკითხა დაეჭვებულმა.

ისევ დაბრკოლება გაჩნდა: „შენ და შენი შვილი რომ დაგხოცოთ, ჩემო კარგო, მერე ამოვთხარო იატაკი და ფიცრების ქვეშ ჩაგფლათ. მაგრამ ჯერ არა“. ხმამაღლა კი ცოცხლად მიუგო:

- ძნელია ამის ახსნა. მე სპეციფიური სამუშაო მაქვს. დროც ბევრი მაქვს. ბოლო ხანებში რაღაც ცვლილებები მოხდა. მჭირდება ოთახი, სადაც ყოველ დღე, რამოდენიმე საათს გაეატარებ სრულიად მარტო. თქვენ ვერ წარმოიდგენთ, რა ძნელია ასეთი ადგილის მონახვა. აქაურობა კი ამ მიზნისათვის იდეალურია. მან ცარიელი სახლიდან მზერა ქვევით, ბავშვისაკენ გადაიტანა და გაიღიმა, - აი, თქვენი პატარა ბიჭიც კარგ ასაკშია, არ შემაწუხებს.

ქალს ღიმილის მაგვარი გაუკრთა სახეზე.

- ო, ჯონი საკმაოდ წყნარი ბავშვია, - თქვა მან, - საათობით ზის ხოლმე აქ, ხელს არ შეგწლით, - მერე ქალს ის ღიმილისნაირი ისევ წაეშალა სახიდან და კვლავ დაეჭვდა, - არ ვიცი, რა გითხრათ... ჩვენც სამზარეულოში ვცხოვრობთ, მის გვერდით კი საწოლი ოთახი გვაქვს. კიდევ არის ერთი ოთახი უკან, დამტვრეული ავეჯი მაქვს შენახული, მაგრამ არა მგონია, მოგეწონოთ. იცით, გააჩნია რისთვის გჭირდებათ?..

ესეც გამოსაცდელად იყო ნათქვამი. ისე კი, ქალის ასეთი აპათია აწყობდა კიდევაც ფენტონს. კაცს ისეთი შეგრძნება ჰქონდა, რომ ეს ქალი ან ღრმა ძილიდან იყო ახლად გამოფხიზლებული, ანდა, რაღაც წამლებს გაებრუებინა, ამანვე მეტყველებდა თვალების ირგვლივ გაჩენილი მუქი ჩრდილები. ძალიანაც კარგი! ეტყობა უცხოელიც იყო. ძალზე ბევრი უცხოელი ბინადრობდა ქალაქში.

- ოთახს თუ მაჩვენებთ, მეცოდინება, გამომადგება თუ არა, - უთხრა კაცმა.

ფენტონის გასაოცრად ქალი შეტრიალდა და გაუძღვა ეიწრო, ბნელი ჰოლისაკენ. სარდაფში ჩასასვლელი კიბის თავზე შუქი აანთო და თან რაღაც ბოლიშისმაგვარს ბუტბუტით ქვევით ჩაუძღვა. ეს იყო ვიქტორიანული ვილისათვის დამახასიათებელი მსახურთა ტიპიური სადგომი. ადრინდელი სამზარეულო, ჭურჭლის სამრეცხაო და საკუჭნაო ამჟამად ქალის საცხოვრებელ ოთახს, პაწაწინა სამზარეულოსა და საძილე ოთახს წარმოადგენდა. ეს გადაკეთებული ოთახები ახლა უფრო მეტად აჩენდა სილატაკესა და სიბინძურეს. დახლართული მიწები და გამოუ-

ყნებელი ბოილერი ძველად ალბათ უკეთ გამოიყურებოდა, თეთრად როცა იყო შეღებილი და გაკრიალებული. ჭურჭლის კარადა ჯერ ისევ ვარგოდა, მთელი ერთი კედელი ეკავა, ეტყობოდა, ორმოცდაათი წლის წინათაც ამ ადგილზე იდგა, მაგრამ მაშინ შიგნით გაპრალებული სპილენძის ქვაბები და შაბლონურად დალაგებული სადილის სერვიზი ეწყო ალბათ, ხოლო ჩასუქებული მზარეული კი ფქვილში ამოგანგლული ხელებით ფაციფუცობდა იქ და თან ბრძანებებს აძლევდა თანამემწეებს ჭურჭლის სამრეცხაოში. წინათ კრმისფრად შეღებილი კედლები ახლა ჭუჭყით დაფიფქულიყო, გაცვეთილი ლინოლეუმიც დახეულიყო. ჭურჭლის კარადა ახლა ცარიელი და გამოუყენებელი, ყოვლად უმიზნოდ იდგა და აღარაფერი ჰქონდა საერთო თავის პირვანდელ დანიშნულებასთან, - შიგ ეყარა გატეხილი რადიომიმღები, მომძერალი ანტენით, ძველი უურნალ-გაზეთების გროვა, დაუმთავრებელი საქსოვი, დამტვრეული სათამაშოები, ნამცხვრის ნარჩენები, კბილის ჯაგრისი, ცალ-ცალი ფეხსაცმელი. ქალი უმწეოდ იყურებოდა ირგვლივ.

- ძალიან ძნელია ბავშვიანისთვის აქაურობის ყოველდღე დალაგება, - თქვა მან.

ისედაც ნათელი იყო, რომ იგი საერთოდ არ ალაგებდა იქაურობას, ქალი უკვე თანახმა იყო ოთახის გაქირავებაზე. ეს საყასბო, რომელსაც კაცი ათვალთვრებდა, პასუხი იყო ამ საცოდავი ქალის ცხოვრებისეულ პრობლემებზე. ფენტონმა არაფერი უპასუხა, მხოლოდ ზრდილობიანად დაუქნია თავი და გაუღიმა. უცებ, კაცმა ოდნავ შეღებული კარიდან მეორე ოთახში თვალი მოჰკრა აულაგებელ ლოგინს და დარწმუნდა თავისი ფიქრის სისწორეში, - რომ ქალს ღრმა ძილი უყვარდა და მისმა ზარმა ალბათ შეაწუხა კიდევაც. ქალმა შენიშნა ეს მზერა და სასწრაფოდ მოხურა კარი, მერე ვითარება გაიზიარა და შეეცადა წესრიგში მოეყვანა თავი, ჯემპრი შეიკრა და თმა ხელით გადაივარცხა.

- ის ოთახი რომელია, თქვენ რომ არ იყნებთ? - იკითხა ფენტონმა.

- ჰო, მართლა, ჰო, რა თქმა უნდა, - გაეპასუხა ქალი

ყალბი შეცბუნებით, თითქოს აღარც კი ახსოვდა, რისთვის ჩამოიყვანა ეს კაცი სარდაფში. გასასვლელისაკენ გაუძღვა. როცა გრილი, გამოუყენებელი სარდაფი გაიარეს, - გამოძადგებაო, გაიფიქრა კაცმა. საპირფარეშოს რომ ჩაუარეს, ფენტონმა ბავშვის ღამის ქოთანსა და იქვე, კედელზე გაკრულ გზით „დეილი მირორის“ ნახევს მოჰკრა თვალი. როგორც იქნა, დაკეტილი ოთახის კარს მიადგნენ.

- არა მგონია გამოგადგეთ, - ამოიოხრა ქალმა, რომელიც აშკარად ფარმხალდაყრილი ჩანდა.

ნამდვილად არავის გამოადგებოდა ეს ოთახი ფენტონის გარდა, რომელიც აღსავსე იყო შინაგანი ძალითა და მიზნით. ქალმა გააღო ჭრიალა კარი და მაშინვე ფანჯრისაკენ გაემართა, რომ გრძელი, ნაჭრებად ჩამოკონწიალებული ფარდა გადაეწია. ამ ნაჭრებს ომის დროს ალბათ შუქშენილბვისთვის იყენებდნენ, საშინელი ნესტი ოთახში რომ იდგა, ფენტონს მდინარეზე ჩამოწოლილი ბურუსივით ხელშესახები მოეჩვენა, თანაც ეჭვი არ იყო, გაპარული გაზის სუნიც იგრძნობოდა. ისინი შეთანხმებულიებით ერთად ისუნთქავდნენ მავნე აირს.

- ჰო, ეს ცუდია, - თქვა ქალმა, - ხელოსანი უნდა გამოძეძახა, მაგრამ აზრი არა აქვს, მაინც არავინ მოვა.

ქალმა ჰაერის შემოსაშვებად გადაწია თუ არა ფარდა, სამაგრი ფიცარი მაშინვე გადატყდა და ფარდის ნაჭერი ჩამოვარდა. უცებ, ფანჯრის გადატეხილი რაფადან ის კატა გადმოხტა, თათი რომ ჰქონდა დაშავებული და ქვემოთ, სახლის წინ, ხის ძირას რომ შენდნა ფენტონმა. ქალმა სუსტად დაუცაცხანა. კატა თავისი სამფლობელოდან ოთახის შორეული კუთხისაკენ გაიძურწა, იქ ყუთზე მოიკალათა და საძილედ გაემზადა. ფენტონმა და ქალმა ირგვლივ მიმოიხედეს.

- ეს მე ძალიან მანყობს, - თქვა კაცმა, ძლივს ხედავდა ბნელ კედლებსა და ცარიელ, მოგრძო ოთახს დაბალი ჭერიით, - ბალიც გქონიათ! - იგი ფანჯარასთან მივიდა და გახედა ქვითა და მიწით დაფარულ ნაკვეთს, რომელიც შუსტად მისი თავის გასწვრივ ჩანდა ამ ჯურღმულიდან და რომელიც ერთ დროს ბალის მოკირწყლულ ბილიკს წარმოადგენდა.

- კი, - თქვა ქალმა, - კი, ეს ბალია, - და ფენტონისაკენ წამოვიდა, რომ მასაც გაეხელა ამ გავერანებული ადგილისაკენ, რომელსაც ორივემ ბალი უწოდა. მერე მხრების აჩეჩვით განაგრძო, - როგორც ხელავთ, აქ სიმშვიდეა, მაგრამ მზე კარგად არ უდგება, ჩრდილოეთის მხარეა.

- მე მიყვარს ოთახები ჩრდილოეთით, - უთხრა ფენტონმა დაბნეულად, თან გონების თვალთ უკვე ხელავდა ვიწრო თხრილს, რომელსაც ამ არსების გვამისათვის ამოთხრიდა. ძალიან ღრმა არც იყო საჭირო. მომავალი მსხვერპლისაკენ შებრუნებული ფენტონი თვალთ ზომავდა და ანგარიშობდა მის სიმაღლესა და სიგანეს. უეცრად მოეჩვენა, ქალი რაღაცას მიხვდაო, მან სწრაფად გაულიმა, რომ ყოველგვარი ეჭვი გაეფანტა.

- მხატვარი ხართ? - მოულოდნელად ჰკითხა ქალმა, - მათ უყვართ ასეთი რამეები, ჩრდილოეთის ციალი თუ რაღაცა, არა?

ფენტონმა უდიდესი შვება იგრძნო. მხატვარია! ეს რა კარგი აზრი მიაწოდა! სწორედ ეს მშვენიერი მოტივი იქნებოდა ყველა დაბრკოლებიდან თავდასაღწევი გზა.

- ჩემი საიდუმლო გამოიცანით, - უპასუხა კაცმა ცბიერად და ისე ბუნებრივად გაიცინა, რომ თავადაც გაუკვირდა, - მერე უფრო მკვირცხლად განაგრძო, - მხოლოდ ნახევარი დღე დამჭირდება, სამუშაოდან თავის დაღწევა გამიჭირდება და იმიტომ. დილაობით სამსახურით ვარ დაკავებული, მერე კი სრულიად თავისუფალი ვარ ხოლმე. მერე იწყება ჩემი ნამდვილი სამუშაო. ეს სულაც არ არის დროებითი გატაცება, ეს ჩემი ნამდვილი მოწოდებაა. განზრახული მაქვს მოვაწყო გამოფენა წლის ბოლოსათვის. ახლა ხომ ხედებით, რაოდენ არსებითი მნიშვნელობა აქვს ჩემთვის იმას, რომ ვიპოვო საღმე... ასეთი... მან ხელი ირგვლივ მიმოატარა და ამ ჟესტმა კატის მეტი ვერავენ გამოაფხიზლა. მისი დამაჯერებელი კილო გადამდები აღმოჩნდა და ქალის დაეჭვებული და გაოცებული, შეკითხვებით აღსავსე თვალებიც უცებ განაიარაღა.

- ჩელსი სავსეაო მხატვრებით, არა? - იკითხა ქალმა, - ასე კი ამბობენ და! მე არ ვიცი, მაგრამ ვფიქრობ, სახელოსნო მაღალი უნდა იყოს, რომ მეტი შუქი შემოვიდეს.

- არ არის აუცილებელი, უპასუხა კაცმა, - ჩემთვის მაგას მნიშვნელობა არა აქვს, საღამოობით დიდი შუქი მაინც არ არის ხოლმე. ელექტრონი ხომ გაქვთ?

- კი, - ქალი კარისაკენ გაემართა და შუქი ჩართო. გაშიშვლებულმა, ჭერიდან ჩამოკონწიალებულმა ნათურამ მტკრის სქელი ფენიდან გამოანათა.

- შესანიშნავია, უთხრა ფენტონმა, - აი, სწორედ ეს მჭირდება.

მან გაულიმა გაფითრებულ, უბედურ სახეს. საცოდავს ალბათ რა ტკბილად ეძინა, სწორედ ისე, როგორც წედან კატას. ნამდვილად დიდი მადლი იქნებოდა ამ ქალის ასეთი სილატაკიდან დახსნა.

- შეიძლება ხვალეუ გადმოვიდე? - ჰკითხა ფენტონმა.

ქალს ისეთივე იმედი აესახა სახეზე, სულ პირველად რომ შენიშნა ფენტონმა, აი, მაშინ, წინკარში რომ სთხოვა, ოთახი მომაქირავეთო. მერე კი ისევ დაბნეულობა და უხერხულობის სუსტი ნაკვალევი გაუკრთა გამოხედვაში.

- თქვენ ფასზე არაფერი გიკითხავთ... ოთახის საფასურზე, - უპასუხა ქალმა.

- რამდენსაც დააფასებთ, - უპასუხა ფენტონმა და ხელით ისეთი ფესტი გააკეთა თითქოს ფული არფერს ნიშნავდა მისთვის.

ქალმა დაბნეულობისაგან ნერწყვი გადაყლაპა, არ იცოდა, რამდენად დაეფასებინა, მერე გადამტკნარებულ სახეზე სიწითლე შეეპარა და გარისკა:

- მოდი, არ გავაგებინებ სახლის პატრონს, ვეტყვი, რომ ჩემი ამხანაგი ხართ, თქვენ კი ერთ ან ორ პაუნდს გადამოხდით კვირაში, რას იტყვით ასეთ გარიგებაზე?

ქალი აღელვებით უცქერდა ფენტონს. რა თქმა უნდა, ჯობდა მესამე პირი არ ჩარეულიყო ასეთ შეთანხმებაში, რადგან, შესაძლოა მას ფენტონის გეგმები ჩაეშალა.

- მე ყოველ კვირა გადაგიხდით ხუთ პაუნდს ბანკნოტით, დღეის ჩათვლით, - უპასუხა კაცმა.

მერე საფულიდან ახალთახალი ბანკნოტები ამოიღო. ქალმა მორცხვად გაუწოდა ხელი და სანამ ფენტონი ითვლიდა, თვალი

არ მოუცილებია ფულისათვის.

- სიტყვა არ წამოგცდეთ მეპატრონესთან თუ რამეს გკითხავთ, უთხარი, რომ ბიძაშვილი ვარ, მხატვარი და სტუმრად გეწვიეთ.

ქალმა ახელა მას და პირველად ახლადა გაიღიმა, თითქოს ფენტონის ხუმრობამ და ბანკოტებმა რამდენადმე განამტკიცეს მათი შეთანხმება.

სულაც არ გაეხართ ჩემს ბიძაშვილს, არც მხატვარს, რომელიც კი ოდესმე მინახავს. რა გქვიათ?

- სიმზი, - სწრაფად მიუგო კაცმა, - მარკუს სიმზი, - თანაც გაუკვირდა, რატომ წარმოთქვა ინსტინქტურად თავისი სიმამრის, ფირმის ყოფილი აგენტის სახელი, იმისი, დიდი ხნის წინ რომ გარდაიცვალა და რომელიც ფენტონს მოელი არსებით სძულდა.

- გმადლობთ, მისტერ სიმზ, - უთხრა ქალმა, - დილისათვის დასუფთავებულს დაგახვედრებთ ოთახს, - და თითქოს პირველი მიუქმდება ამ განზრახვის შესასრულებლად ის იყო, რომ კატა აითრია ყუთიდან და ფანჯრიდან გააძევა.

- თქვენს ნივთებს ხვალ შუადღით მოიტანთ? - ჰკითხა.

- ჩემს ნივთებს? - გაიმეორა კაცმა.

- სამუშაოდ რაც დაგჭირდებათ, საღებავები და ასე შემდეგ.

- ოკ, ღიახ... რა თქმა უნდა, ჩემი იარაღები უნდა მოვიტანო.

მან ერთხელ კიდევ მოათვალიერა ოთახი. სასაკლავოზე ლაპარაკიც კი ზედმეტი იყო, უსისხლოდ, არეულობის გარეშე უნდა მოეყვანა სისრულეში განზრახვა. ქალიცა და ბავშვიც უნდა დაედრჩო, ეს იქნებოდა ყველაზე კარგი საშუალება.

- საღებავებისათვის შორს წასვლა არ დაგჭირდებათ, - უთხრა ქალმა, - კინგს როუდზე არის მაღაზიები მხატვრებისათვის. საყიდლებზე რომ მივდივარ, მათ ჩაუვული ხოლმე. ვიტრინებში უწყვიათ დაფები და მოლბერტები.

ფენტონმა პირზე ხელი მიიფარა, ღიმილი რომ დაემალა. ნამდვილად ამაღელვებელი იყო ის, თუ როგორ დაუჯერა ქალმა, რა გულწრფელად ენდო.

მერე ქალი შემობრუნდა და წელან გამოვლილი გზით უკან გაუძღვა, შემოსასვლელიდან სარდაფის კიბეებზე და ზემოთა კოლისაკენ.

- ისეთი კმაყოფილი ვარ, რომ შევთანხმდით. სიმართლე რომ გითხრათ, ლამის სასოწარკვეთილებამდე ვიყავი მისული.

ქალმა თავი შემოაბრუნა და გაუღიმა.

- მეც კმაყოფილი ვარ, - უპასუხა კაცმა, - თქვენ რომ არ გამოჩენილიყავით, არ ვიცი, რა მეშველებოდა.

ისინი სარდაფში ასასვლელი კიბის თავზე იდგნენ.

რა საოცარი იყო, ნამდვილად ღმერთის ხელი ერია ფენტონის აქ შემთხვევით მოსვლაში.

კაცი გაოგნებული უცქერდა ქალს.

- ალბათ რამე გიჭირთ? - ჰკითხა.

- მიჭირს? - ხელები უმწეოდ გაიქნია და გულგრილობა და სასოწარკვეთა ისევ აღებეჭდა სახეზე, - ამაზე მეტი გაჭირდება რა იქნება, უცხო ქვეყანაში რომ ვარ. ასე უკაპიოდ რომ მიგვატოვა ამ ბავშვის მამამ და რომ არ ვიცი, რა გზას დავადგე. წელანაც გითხარით, მისტერ სიმზ, თქვენ რომ დღეს არ მოსულიყავით, წინადადება აღარ დაამთავრა, ფეხსაცმლის საფხეკზე მიბმულ ბავშვს დახედა და მხრები აიჩიჩა.

- საწყალი ჯონი... - გააგრძელა ქალმა, - შენი ბრალი არ არის...

- მართლაც საწყალი ჯონი, - გაეპასუხა ფენტონი, - და თქვენც მეცოდებით, მაგრამ ყველაფერს გავაკეთებ, რომ ბოლო მოუვლო თქვენს გაჭირვებას, გარწმუნებთ!

- ძალიან კეთილი ბრძანდებით, ნამდვილად, დიდი მადლობა.

- პირიქით, მე ვარ მადლობელი, - ფენტონმა ოღნავ მოუდრეკია თავი ქალს, მერე დაიბარა და ბავშვს თავზე შეეხო:

- ნახვამდის, ჯონი, ზვალამდე.

მსხვერპლმა უაზროდ ამოხედა კაცს.

- ნახვამდის, მისის... მისის

- კაუფმანი ვარ, ანა კაუფმანი.

ქალმა თვალი გააყოლა კაცს, რომელიც კიბეზე ჩავიდა და ჭიმკრისაკენ გაეშურა. გაძევებული კატა ფეხებში გაუსხლტა

ფენტონს და კვლავ გატეხილ ფანჯარას მიაშურა. ფენტონმა ქული დიდის ამბით დაუქნია ქალს, ბავშვს, კატას და მთელ ამ ერთფეროვან და გამოყრუებულ ვილას.

- ხვალამდე, - დაუძახა და დიდებული თავგადასავლის დაწყებით შთაგონებული ხალისიანად დაეშვა ბაულთინგ სტრიტზე. ამაღლებულ განწყობილებას არც მაშინ მიუტოვებია, საკუთარ კარიბჭეს რომ მიაღვა. ამერიკული საკეტი გააღო და ოცდაათიოდე წლის წინანდელი სიმღერის დილინით კიბეებს აუყვა. ედნა, როგორც ყოველთვის, ახლაც ტელეფონს უჯდა. ფენტონს ესმოდა ქალების გაუთავებელი დიალოგი. სასტუმრო ოთახში, პატარა მაგიდზე სასმელი უკვე გაწყობილი იყო, კოქტეილი ჭიქებში ესხა, დამარილებული ნუში ლამბაქზე ეყარა. განსაკუთრებული სასმისები იმაზე მეტყველებდა, რომ სტუმრებს ელოდნენ. ედნამ ყურმილის მიკროფონს ხელი დააფარა და უთხრა:

- ალუსონები მოვლენ. ვთხოვე, - ვახშამადაც ჩვენთან დარჩნენ.

ქმარმა გაუღიმა და თანხმობის ნიშნად თავი დაუქნია. ადრე, ჩვეულებისამებრ ერთ ყლუბ შერის დაისხამდა და თავის ჭიქაში ჩაიძირებოდა ხოლმე, რომ როგორმე გაეყვანა სტუმრობის დრო. ტელეფონზე საუბარი შეწყდა.

- კარგად გამოიყურები, - უთხრა ედნამ, - სეირნობა მოგხლომია.

ცოლის გულუბრყვილობამ ისე გაართო ფენტონი, რომ სუნთქვაც კი შეეკრა.

## 2.

კიდევ კარგი, ქალმა მხატვრისათვის საჭირო ნივთები რომ უხსენა, თორემ ალბათ რა სულელური სანახავი იქნებოდა მეორე დღეს, შუადღისას, ხელცარიელი რომ მისდგომოდა. მაშასადამე, ყოველივე ამის გამო სამსახურიდან ადრე უნდა გამოსულიყო და სასწრაფოდ აღჭურვილიყო საჭირო საგნებით. ფენტონმა დაიწყო მოქმედება. მოლბერტი, ტილოები, სხვადასხვა ფერი

საღებავების ტუბები, ფუნჯები, საღებავის გასახსნელი ზეთი, რომლებიც ეგონა პატარა ფუთა იქნებოდა, საკმაოდ მოზრდილი შეკვრა გამოვიდა. მას მხოლოდ ტაქსით თუ წაიღებდა. ყოველივე ამას ემატებოდა მღელვარებაც. თავისი როლი ზედმიწევნით უნდა ეთამაშა. ასეთი მონდომებული მყიდველით წაქეზებულმა მაღაზიის გამყიდველმა თავისი ინიციატივითაც დაუმატა საღებავები; ფენტონმა ეს შეთავაზებული ფერადი ტუბებიც შეიძინა, ხოლო მათი სახელწოდებები რომ წაიკითხა, დიდად კმაყოფილი დარჩა თავისი ნავაჭრით და მხნედაც კი იგრძნო თავი. ყვითელი, ლურჯი და მომწვანო საღებავები ღვინოსავით ათრობდა. ბოლოს ფენტონმა, როგორც იქნა, თავი დააღწია ცთუნებას და თავისი რამე-რუმეებით ტაქსში ჩაჯდა. ბაულთინგ სტრიტი №8, ეს შეუჩვეველი მისამართი ნაცვლად თავისი საკუთარისა, რალაც იღუძალ სახეს აძლევდა ამ თავგადასავალს.

საოცარი იყო, მაგრამ ტაქსი თავისი დანიშნულებს ადგილზე რომ მივიდა, ვილების მწკრივი ერთფეროვანი და მოსაწყენი აღარ მოეჩვენა. მართალია, გუშინდელი ქარი ჩამდგარიყო, მზეც სასიამოვნოდ ანათებდა, ჰაერშიც აპრილის სურნელი იდგა და ღღეც დიდდებოდა, მაგრამ მთავარი ეს არ იყო ფენტონისათვის, მთავარი იყო ის, რომ ამ ქუჩის №8 სახლი რალაცის მოლოდინში გარინდულიყო. მძღოლს ფული გადაუხადა და როგორც კი გადმოიღო ბარგი ტაქსიდან, მაშინვე მოჰკრა თვალი სარდაფის ფანჯრებს, რომლებსთვისაც მუქი ფარდები ჩამოეხსნათ და სანაცვლოდ თვალისმომჭრელი მანდარინისფერი ფარდები დაეკიდათ. შენიშნა თუ არა ეს, ფარდები მაშინვე გადაიწია და გამოჩნდა ქალი ბავშვით ხელში. ბავშვს პირი მურაბით ჰქონდა მოთხუპნული. ქალმა ხელი დაუქნია. კატა ფანჯრის რაფადან ჩამოხტა, ფენტონთან მივიდა და ამოხნექილი ზურგით კრუტუნით მიეგლასუნა ფეხზე. ტაქსი დაიძრა, ქალი კიბეებზე ჩამოვიდა მის შესაგებებლად.

- მე და ჯონი მთელი შუადღეა გელოდებით, - უთხრა მან,  
- სულ ეს არის თქვენი ნივთები?

- განა საკმარისი არ არის? - გაეცინა კაცს.

ქალი მიეხმარა ბარგის სარდაფში ჩატანაში, ფენტონმა

სამზარეულოში რომ შეიხედა, მჩხვდა, ქალს მისი დასუფთავებაც ეცადა, და ფარდებიც გამოეცვალა. ფეხსაცმელების მწკრივი ბეჭემის სათამაშოებთან ერთად ჭურჭლის კარადიდან გამქრალიყო. მაგიდაზე სუფრისმაგვარიც გადაეფარებინა ჩანსათვის.

- ვერ წარმოიდგენთ, რამდენი ჭუჭყი იყო თქვენს ოთახში, თითქმის შუადღემდე ვასუფთავებდი, - უთხრა ქალმა.

- რატომ შეწუხდით, არც კი ღირდა, - უპასუხა ფენტონმა.

ქალი კარის წინ შეჩერდა და კაცს შეხედა. მზერა ისევ უზრო გაუხადა.

- მაშ დიდი ხნით არ გინდათ ოთახი? - ბორძიკით იკითხა, - გუშინ ისე ლაპარაკობდით, რატომღაც ვიფიქრე, რამდენიმე კვირას მაინც დაჰყოფდით აქ.

- მე ეს არ მიგულისხმია, - სწრაფად მიუგო ფენტონმა, - უბრალოდ ვიფიქრე, რომ ამ საღებავებით მაინც საშინლად დაკვირიდი აქაურობას და ამიტომ აღარ იყო საჭირო დასუფთავება.

ქალმა აშკარად შეება იგრძნო. სახეზე ღიმილი გამოესახა, კარი გააღო და ფენტონი შეიპატიჟა:

- კეთილი იყოს თქვენი მობრძანება, მისტერ სიმზ.

კაცმა ვალდებულება იგრძნო, სამაგიერო მიეგო ქალისათვის, რომელმაც ამდენი შრომა გასწია. ოთახი ახლა სულ სხვანაირი ჩანდა, სუნიც კი სხვანაირი იდგა, - კარბოლისა თუ გუდრონის, გაზისა კი გამქრალიყო. ალბათ დეზინფექცია გააკეთა. შუქმესანილები ფარდის ნაჭრები ფანჯრიდან გამქრალიყო, გატეხილი შუშა გამოეცვალა, კატის საწოლი-ძველი ყუთი გაეტანა. კედელთან ახლა მაგიდა იდგა, ორი პატარა მოყანყალეებული სკამი და სავარძელიც დაედგა, რომლისთვისაც ისეთივე საშინელი მანდარინისფერი ქსოვილი გადაეფარებინა, წელან სამზარეულოს ფანჯარაში რომ დაინახა. ბუხრის თავზე, წინა დღით ცარიელ კედელზე, მოზრდილი, ჭყეეტელაფერებიანი რეპროდუქცია - მადონა ყრმით - ჩამოეკიდა, რომელსაც ქვემოთ კალენდარი ჰქონდა. მადონას თვალები თვალთმაქცურად, ყალბად უღიმოდნენ ფენტონს.

- ო... ღმერთო ჩემო, - თქვა კაცმა და თავისი გრძნობა რომ დაემალა, (მართლაც გულშიჩამწვდომი იყო ასეთი გარჯა

ამ გასაცოდავებული ქალისა, რომლისთვისაც შესაძლოა ეს დღეც უკანასკნელი ყოფილიყო,) კაცი შებრუნდა და ბარგის გახსნა დაიწყო.

- ნება მომეცით, მოგეხმაროთ, მისტერ სიმზ! - უთხრა ქალმა და სანამ კაცი რამეს იტყოდა, იგი მუხლებზე დაეშვა და თოკებს დაეჯაჯგურა, შეკვრას ქალაღდი შემოხსნა, მოლბერტი გაამზადა. მერე მათ ერთად დაცალეს საღებავების ყუთები და მაგიდაზე ჩაამწკრივეს, სახატავად გამზადებული ტილოები კი კედელთან ააყუდეს. საკმაოდ თავშესაქცევი იყო ყოველივე, რაღაც უაზრო თამაშს ჰგავდა და საოცარი ის იყო, რომ ქალიც ჩაება ამ თამაშში, თუმცაღა, სერიოზულობას მაინც ინარჩუნებდა.

- პირველად რას დახატავთ? - ჰკითხა, როცა ყველაფერი გაამზადეს და ტილოც დადეს მოლბერტზე, - ვგონებ, უკვე მოფიქრებული გაქვთ.

- ო, დიახ, - უპასუხა კაცმა, - რაღაც უკვე მაქვს მოფიქრებული, - მან გაიღიმა.

ქალს საოცრად სჯეროდა მისი და უცებ მანაც გაიღიმა:

- მგონი ვხვდები თქვენს ჩანაფიქრს.

ფენტონმა იგრძნო, როგორ გაფითრდა. რა გზით უნდა მიმხვდარიყო ეს ქალი? რაზე მიანიშნებდა?

- რას გულისხმობთ, რას მიმიხვდით? - ჰკითხა უხეშად.

- რას და, ჯონი ჩაიფიქრეთ, ხომ ასეა?

ფენტონი დედაზე ადრე ბავშვს ვერ მოკლავდა. რა საშინელი აზრი მიაწოდა ამ ქალმა, რატომ უბიძგებდა საამისოდ? დრო ჯერ ბევრი იყო, გარდა ამისა, გეგმა ბოლომდე არ ჰქონდა შემუშავებული.

ქალი მიხვედრილივით აქნედა თავს. ფენტონი ძლივს დაუბრუნდა სინამდვილეს, ის ხომ დახატვას გულისხმობდა, რა თქმა უნდა, დახატვას!

- თქვენ ჭკვიანი ქალი ხართ, - უთხრა მან, - კი, ჯონიზე ვიფიქრე.

- წყნარად იჯდება, არც გაინძრევა, - უპასუხა ქალმა, - თუ დავაბამ, საათობით იჯდება ასე. ახლავე მოვიყვანო?

- არა, არა! - წამოიძახა აცახცახებულმა ფენტონმა, სულაც

არ მეჩქარება, ჯერ უნდა გაეიზრო.

ქალს სახე მოელუშა, იმედი გაუცრუვდა, ერთხელ კიდევ მიმოიხედა ირგვლივ. ასე უცებ და საოცრად გარდაქმნილი ოთახი მხატვრის ნამდვილ სახელოსნოს ჰგავდა.

- მაშინ ნება მომეცით, ჩაი მოგართვათ, - და ნათქვამის შესასრულებლად სამზარეულოსაკენ გაუძღვა. კაცი ქალის შეთავაზებულ სკამზე დაჯდა. სვამდა ჩაის და აყოლებდა ზორციან სენდვიჩებს, თან პატარა ბინძური ბიჭის შიშისაგან დაცლილ თვალებს უცქერდა.

- მა ...წაილულულა ბავშვმა და ხელები აიქნია.

- კაცებს ყველას ასე ეძახის, - განმარტა დედამ, თუმცა მამამისი ზედაც არ უყურებდა ბავშვს. ყურადღებას ნუ მიაქცევთ, მისტერ სიმზ! ჯონი!

ფენტონმა თავს ძალა დაატანა, რომ ზრდილობის გამო გაეღიმა. ბავშვები მას აღიზიანებდნენ. მერე ისევ სენდვიჩის ჭამა და ჩაის წრუპვა განაგრძო.

ქალი დაჯდა და დაეწვია. უზროდ ურევდა კოვზს ჩაიში მანამდე, სანამ სულ არ გააცივა და გააუგემურა.

- რა კარგია, როცა ხმის გამცემი გყავს ვინმე, - თქვა ქალმა, - იცით, მისტერ სიმზ, სანამ თქვენ მოხვიდოდით, ისე მარტო ვიყავი... ზემოთ ცარიელია სახლი, შემთხვევითაც არავინ ჩაივლის, არც მეზობლები ვარგანან, ამხანაგიც არავინ მყავს.

მით უკეთესიო, გაიფიქრა კაცმა. არავინ მოსაკლვისებს ამ ქალს, როცა აღარ იქნება. კიდევ კარგი, სხვა, ხალხმრავალ სახლს არ გადააწყდა. ასე რომ, განზრახვის შესრულება დღის ყოველ მონაკვეთში შეეძლო, ვერც ვინმე გაიგებდა რამეს. საცოდავი ბავშვი, ოცდაექვსი ან ოცდაშვიდი წლის თუ იქნებოდა, რა ცხოვრება უნდა ენახა.

- სიტყვაც კი არ უთქვამს, ისე წავიდა, - განაგრძობდა ქალი, - მხოლოდ სამი წელია, რაც ამ ქვეყანაში ვართ. სად არ ვიარეთ, მუდმივი საშუალო ვერსად ვიშოვეთ. ერთი ხანობა მანჩესტერშიც ვიყავით, ჯონი იქ დაიბადა.

- საშინელი ადგილია, - თანაუგრძნო კაცმა, - გამუდმებით წვიმს.

- მე მას ვუთხარი, - უნდა იშოვო სამუშაო - მეთქი, - ისევ განაგრძობდა ქალი და დაროდადრო მაგიდაზე მუშტს აბრაგუნებდა, - ვუთხარი, - ასე ვერ ვიცხოვრებთ-მეთქი ვერც მე და ვერც შენი შვილი. და მისტერ სიმზ, ბინის ქირისათვისაც არ გვქონდა ფული. რა უნდა მეთქვა მეპატრონისათვის, გადახდას რომ მომთხოვდა? მერე კიდევ უცხოელებს ხომ იცით, ყოველთვის რამე უსიამოვნება ხვდებათ ხოლმე პოლიციასთან.

- პოლიცია? - შეშინდა ფენტონი.

- საბუთები, - აუხსნა ქალმა, - ისე ძნელია ჩვენი საბუთების აღება. იცით, როგორ ხდება ეს? რეგისტრაციაში უნდა გაგვატარონ. მისტერ სიმზ, ბელნიერი ცხოვრება არასოდეს მქონია. ავსტრიაში ერთ ხანს მსახურად ვედექი ცუდ კაცს, გამოვექეცი. მხოლოდ თექვსმეტი წლის ვიყავი, ჩემს ქმარს რომ შევხვდი. მაშინ ჯერ არ იყო ჩემი ქმარი. ვფიქრობდი, ინგლისში თუ წამოვიდოდი, ბედს ვეწეოდი...

ასე ზუზუნებდა ქალი, კაცს უცქერდა და ისევ ურევდა ჩაიში კოვზს. წყნარი, გერმანული აქცენტით ლაპარაკობდა, ყურს ესალბუნებოდა ეს ხმა და ერთგვარად სასიამოვნო აკომპანემენტად მისდევდა კაცის ფიქრებს. ყოველივე ამას ერწყმოდა მაგიდაზე მდგარი მაღვიძარა საათის ტიკტიკი და ბავშვის მიერ თეფშზე კოვზის კაკუნი. რა შესანიშნავი იყო იმაზე ფიქრი, რომ ახლა ფენტონი არც სამსახურში იყო და არც სახლში, რომ ის იყო მარკუს სიმზი, მხატვარი, რაღა თქმა უნდა, დიდი მხატვარი, ბოლოს და ბოლოს ხომ არაფერში ამჟღავნებდა წინასწარგანზრახულს. აქ იყო მისი მსხვერპლიც, რომელიც ხელში აჩეჩებდა თავის სიცოცხლეს, ეჭვი არაფერში ეპარებოდა, უფრო მეტიც, ფენტონს მხსნელადაც კი თვლიდა.

- საოცარია, - თქვა ქალმა წყნარად, - გუშინ არც კი გიცნობდით, დღეს კი ჩემს ცხოვრებაზე გიყვებით. თქვენ ჩემი მეგობარი ხართ.

- თქვენი ერთგული მეგობარი, - უთხრა კაცმა და ხელზე მიეფერა, - გარწმუნებთ, ნამდვილად ასეა, - მან გაუღიმა და ასადგომად სკამი უკან გასწია. ქალმა აიღო მისი ჭიქა და ლამბაქი და ნიჟარაში ჩააწყო, მერე თავისი ჯემპარის სახელოთი მოწმინდა

ბავშვს პირი.

- ახლა კი, მისტერ სიმზ, - თქვა მან, - ჯერ რა გავაკეთოთ, საწოლში წავიდეთ თუ ჯონის დახატავთ?

კაცი გაოცებით მიაშტერდა. „საწოლში წავიდეთო?“ სწორად გაიგონა?

- მაპატიეთ, რა თქვით? - იკითხა მან.

ქალი მოთმინებით ელოდა კაცის მოქმედებას.

- თქვენ გეუბნებით, მისტერ სიმზ, ჩემთვის არა აქვს მნიშვნელობა, მე თქვენს განკარგულებაში ვარ.

კაცმა იგრძნო, როგორ გაუწითლდა ყელი და როგორ გადაუარა ამ სიწითლემ ჯერ სახესა და მერე შუბლზე. ეჭვი არ იყო, არავითარ გაუგებრობას არ ჰქონდა ადგილი. ნაძალადევად გაღიმებული ქალი თავის გადაქნევით ანიშნებდა საწოლი ოთახისაკენ. საცოდავი, გაუბედურებული გოგო თავს სთავაზობდა, ალბათ დარწმუნებული იყო, რომ კაცს ნამდვილად სურდა იგი... უნდოდა... საშინელება იყო.

- ჩემო ძვირფასო მადამ კაუფმან, - დაიწყო კაცმა, - ეს მიმართვა - მადამ! უკეთ ჟღერდა, ვიდრე მისის და თანაც ზაზს უსვამდა იმას რომ ქალი უცხოელი იყო - ვფიქრობ აქ რაღაც შეცდომაა, თქვენ სწორად ვერ გამიგეთ.

- როგორ? - იკითხა შეცბუნებულმა ქალმა, მაგრამ მალე სახეზე ისევ გადაურბინა ღიმილმა, - ნუ შეგეშინდებათ, არავინ მოვა, ჯონისაც დავაბამ.

ეს უკვე მეტისმეტი იყო. პატარა ბიჭი დავაბაო... ისეთი ხომ არაფერი უთქვამს ამ ქალისათვის, რომ ამგვარად გაეგო ყველაფერი. ახლა რომ გაბრაზებულიყო და იქაურობა დაეტოვებინა, ეს ნიშნავდა დაემსხვრია ასე კარგად მოფიქრებული გეგმები და იძულებული გამხდარიყო თავიდან მოექცენა მათი განსახორციელებელი ადგილი.

- ეს ეს დიდად მავალებს, მადამ კაუფმან. - უთხრა კაცმა, - მე ნამდვილად ვაფასებ თქვენს შემოთავაზებას, მეტად კეთილი ბრძანდებით. საქმე ისაა, რომ საუბედუროდ, უკვე მრავალი წელია დაუძლურებული ვარ... ძველი, ომისდროინდელი ნაჭრილობების გამო... დიდი ხანია, ასეთი რამეები ამოვაგდე

ჩემი ცხოვრებიდან. მთელს ჩემს შესაძლებლობებს ხელოვნებაში, მხატვრობაში ვაქსოვ, მთლიანად მასზე ვარ კონცენტრირებული. ჩემთვის ყველაზე დიდი სიამოვნება ამ მცირე განმარტოების ძიებაა, რომელიც რაიმე ცვლილებას შემოიტანს ჩემს სამყაროში. და თუ ჩვენ მეგობრები უნდა ვიყოთ...

ფენტონმა სიტყვებს დაუწყო ძებნა, რომ ამ მდგომარეობიდან გამოსულიყო. ქალმა მხრები აიჩინა. სახეზე არც შეება დატყობია, არც იმედგაცრუება. მისთვის სულერთი იყო, რაც მოხდებოდა.

- როგორც გენებოთ, მისტერ სიმზ, - უთხრა მან, - ვიფიქრე, იქნებ მარტოა მეთქი. მე ვიცი, რა არის მარტოობა. თქვენ ისეთი კეთილი ხართ, თუკი იგრძნობთ, რომ გინდათ...

- ო, მაშინვე გეტყვით, - სწრაფად გააწყვეტინა კაცმა, - ამას არც უნდა ლაპარაკი. მაგრამ, ვაი, რომ, ვშიშობ... აბა, ახლა ვიმუშაოთ, ვიმუშაოთ! და გაიღიმა, მერე მოჩვენებითად დაფაცურდა და სამზარეულოს კარი გამოაღო. მადლობა ღმერთს, ქალმა ისევ შეიკრა შალის ჯემპარი, რომლის გახსნაც ასე საბედისწეროდ დაიწყო წელან. ბავშვი ხელში აიყვანა და მოემზადა რომ კაცს გაჰყოლოდა.

- ყოველთვის მინდოდა მენახა როგორ მუშაობს ნამდვილი მხატვარი, - უთხრა ფენტონს, - და აი, ახლა მომეცა საშუალება. ჯონი რომ გაიზრდება, მერე დააფასებს ამას. როგორ და სად გსურთ რომ დაესვა მისტერ სიმზ? უნდა იდგეს თუ იჯდეს? როგორ პოზაში უკეთესია?

უკვე მეტისმეტი იყო. ვაის გაეყარა და უის შეეყარა. ფენტონი გაღიზიანდა. ქალმა საშინლად მოაბეზრა თავი. სულაც არ უნდოდა მისი ასე აკიდება. იქნებ რაიმე მოეხერხებინა ამ საძაგელი პატარა ბიჭისათვის, რომ დედამისის აქტიურობაც შენელებულიყო.

- პოზას მნიშვნელობა არა აქვს, - თქვა ფენტონმა გაღიზიანებით, - მე ფოტოგრაფი არა ვარ. და ყველაზე მეტად ვერ ვიტან, მუშაობისას რომ მიყურებენ. დასვით ჯონი სკამზე, იმედი მაქვს, წყნარად იჯდება.

- დასაბმელს მოვიტან, - თქვა ქალმა და სანამ სამზარეულოდან დაბრუნდებოდა, ფენტონი შეწუხებული სახით უმზერდა 9. დაჟნე დიუ მორიი

მოლბერტზე დამაგრებულ ტილოს. რაღაც უნდა მოემოქმედა, ეს ცხადი იყო, ტილოს ცარიელი დატოვება დამლუპველი იქნებოდა. ქალი ან ცუდზე დაეჭვდებოდა, ანდა იმ საშინელებას შესთავაზებდა, ხუთი წუთის წინ რომ დაუპირა...

კაცმა აიღო რამოდენიმე ტუბი, ხელი მოუჭირა და იქიდან გადმოყონილი საღებავები პალიტრაზე დააღვენთა. მოყავისფრო, სიენა, ნეაპოლური ყვითელი... მშვენიერ სახელებს არქმევენ ამ საღებავებს. თვითონ და ედნა იყვნენ სიენაში წლების წინ, რომ დაქორწინდნენ მაშინ. კაცს გაახსენდა მოკარდისფრო - ჟანგისფერი აგურის კედელი და მოედანი, რა ერქვა იმ მოედანს? ცნობილი დოდი ეწყობა ხოლმე იქ. ნეაპოლური ყვითელი!... ისინი ნეაპოლს იქით აღარ წასულან. ჯერ ნეაპოლი უნდა ნახო და მერე მოკვდე! სამწუხაროა, რომ მას შემდეგ აღარ უმოგზაურიათ. ისინი ყოველ წელს შოტლანდიაში ისვენებდნენ, მაგრამ ედნას არ ბეზრდებოდა იქ გამგზავრება. ცისფერი... უნებურად დაფიქრდებოდათ მუქი ცისფერი იყო თუ ღია? სამხრეთის ზღვების ლაგუნები და მხტუნავი თევზები მოგაგონდებოდათ. რა მხიარულად გამოიყურებოდნენ ეს საღებავები პალიტრაზე!

- აბა, ჯონი ჭკვიანად იყავი, - ფენტონმა აიხედა. ქალს უკვე „დაემაგრებინა“ ბავშვი სკამზე და ახლა თავზე უსვამდა ხელს. - თუ კი რამე დაგჭირდებათ, მხოლოდ დამიძახეთ, მისტერ სიმზ.

- გმადლობთ, მაღამ კაუფმან!

ქალი ოთახიდან გაიძურწა და ფრთხილად გაიხურა კარი. არ უნდოდა მხატვარი შეეწუხებინა. ხელოვანი თავის ქმნილებასთან უნდა განმარტობულიყო.

მა!.. თქვა უეცრად ჯონიმ.

გაჩუმდი, - დაუცაცხანა ფენტონმა. იგი ნახშირის ნაჭერს შუაზე ტეხდა. სადღაც წაეკითხა, რომ მხატვრები ხატვას ნახშირით იწყებენ. მან მოხერხებულად დაიჭირა თითებით ნახშირის ნატეხი და ტურნებმოპრუწულმა შემოხაზა წრე, რომელიც საოცრად ჰგავდა საჯე მთვარეს. შემდეგ უკან დაიწია და ნახევრად მოჭუტული თვალებით შეხედა. საოცარი ის იყო, რომ დახატული მართლა ჰგავდა სახეს მხოლოდ უნაკვთებოს... ჯონი

გაფართოებული თვალებით უცქერდა კაცს. ფენტონმა იფიქრა, - უფრო დიდი ტილო მჭირდებაო, რადგანაც ის რომელიც მოლბერტზე იდო, მხოლოდ ბავშვის თავს დაიტევდა. უფრო შთამბეჭდავი კი იქნებოდა თავის გარდა მხრებიც რომ დატეულიყო, საშუალება ექნებოდა ცისფერი გამოეყენებინა ბავშვის ნაქსოვი ლურჯი კოფთის გამოსახატავად.

ეს ტილო სხვა უფრო დიდით შეცვალა. კი, ეს უკეთესი ზომისა იყო. ახლა ისევ სახის მოყვანილობა... თვალები... ორი წერტილი ცხვირის ადგილას და პატარა ხაზი პირის მაგიერ... მერე ორი ხაზი კისრისთვის და მერე კიდევ ორი კუთხოვანი საკიდევით მხრები. სახეს არა უშავდა, ადამიანისას ჰგავდა, მართალია არა მთლად ჯონისას, მაგრამ მოცემულ მომენტში მთავარი იყო ტილოზე ყოფილიყო ნახატი, თუნდაც სულ უბრალო რამ. აღვზნებულმა ამოარჩია ფუნჯი, ჩააწო გამხსნელში... მერე ოდნავ შეეხო ცისფერსა და ქათქათა თეთრს, რომ ერთმანეთში აერია. ამის შემდეგ მიღებული მასა ტილოზე დაათხაპნა. ღია ფერი ზედმეტი ზეთისაგან ლაპლაპებდა, საღებავი დამატებას ითხოვდა. ეს არ იყო ჯონის კოფთის ფერი ლურჯი, მაგრამ ამას რა მნიშვნელობა ჰქონდა.

გამხნეებულმა ფენტონმა ისევ დაათხაპნა დამატებით საღებავი და ახლა ტილოს მთელი ქვედა ნაწილი ლურჯი ჭყეტელა ხაზებით აჭრელდა, რაც საოცრად ამაღელვებელ კონტრასტს ქმნიდა ნახშირით დახატულ სახესთან. სახე უკვე ნამდვილივით გამოიყურებოდა. ბავშვის თავის უკან კედლის ნაწილსაც, ერთი შეხედვით უბრალო კედელი რომ იყო მხოლოდ, ხომ, ჰქონდა რაღაც ფერი, ბოლოს და ბოლოს, - მოვარდისფრო - მომწვანო იყო. კაცი ხან ერთ საღებავს ადებდა პალიტრაზე ხან მეორეს. მერე სხვა ფუნჯი აიღო, რომ ლურჯ საღებავიანი არ გაეჭუჭყიანებინა... დალახეროს ეშმაკმა, ეს დასაწვავი სიენა სულაც არ ჰგავდა იმ სიენას, ფენტონი რომ ეწვია ერთხელ, მთლად ტალახივით იყო. უნდა გაწმინდოს. ამისათვის ქსოვილის ნაჭერი დასჭირდება. სწრაფად გაემართა კარისაკენ.

- მაღამ კაუფმან, - დაუძახა, - მაღამ კაუფმან! რაიქე ჩვარი ხომ არ გექნებათ?

- ქალი იმავ წუთს მოვიდა, თან რაღაც საცვალს ხევდა ნაჭრებად. კაცმა ხელიდან გამოსტაცა ეს ნახევები და გაბრაზებით დაიწყო ფუნჯის წმენდა საღებავებისაგან. უცებ შეტრიალდა და დაინახა, ქალი უჭვრეტდა ტილოს.

- ნუ იზამთ ამას, - დაუყვირა, არ შეიძლება მხატვრის ნამუშევრის ნახვა დაუმთავრებელ სტადიაში.

ქალი გაეცალა, მოსცილდა.

- მაპატიეთ, - თქვა მან და მერე მცირეოდენი ყოყმანით დაუმატა, - ძალიან თანამედროვეა, არა?

კაცი მას მიაჩერდა, მერე ძხერა ტილოზე გადაიტანა, იქიდან ჯონიზე.

- თანამედროვე? - იკითხა, - რა თქმა უნდა, თანამედროვეა, აბა რა გეგონათ? ასეთს მოელოდი? - მან ფუნჯი ბუხრის თავზე დაკიდული ყალბლიმილიანი მადონასკენ გაიშვირა, - მე თანამედროვე ვარ, მე ასე ვხედავ, ახლა მომეცით საშუალება განვაგრძო.

პალიტრაზე უკვე აღარ იყო ადგილი ფერებისათვის. კიდევ კარგი, მეორეც იყიდა. ფენტონმა ახლა მეორე პალიტრაზე დაიწყო ფერების დასხმა და არევა. ყველაფერი ღომხალივით აირია - დაუდგომელი მზის ჩასვლები და გაუთენებელი განთიადები, ვენეციური წითელი აღარ აგონებდა ღოყების სასახლეს, ეს იყო სისხლის პაწაწინა წვეთები, რომლებიც ტვინში ჩნდებოდა და არ კი იღვენთებოდა, თუთიის ფერი თეთრი სიწმინდე იყო და არა სიკვდილი. ყვითელი ოხრა ყვითელი ოხრა იყო ხვაერიელი სიცოცხლე, იყო განახლება, იყო გაზაფხული, იყო აპრილი სულ სხვა დროში და სხვა გარემოში.

აღარ აქცევდა ყურადღებას იმას, რომ ბნელდებოდა და შუქის ანთება იყო საჭირო. ბავშვს ჩასძინებოდა, ის კი კვლავ განაგრძობდა ხატვას. მალე ქალი მოვიდა და აუწყა, რომ უკვე რვა საათი შესრულებულიყო, თან ჰკითხა, - ვახშამს ხომ არ ინებებდა, და დაუმატა, - ამით მე სულაც არ შემაწუხებთო.

ფენტონმა უცებ გაიაზრა, სად იმყოფებოდა. რვა საათი გამხდარიყო. რვას რომ თხუთმეტი აკლდა ყოველთვის შინ სადილობდა ხოლმე. ედნა ალბათ ელოდა, შეწუხებული იქნებოდა, -

რამე ხომ არ შეემთხვა ჩემს ქმარსო. მან დააწყო პალიტრა და ფუნჯები. საღებავებით მოთხუნოდა ხელები და პალტო.

- რა მეშველება? - იკითხა შეშფოთებულმა.

ქალი მიუხვდა. ჩვარი საღებავების გამხსნელში დაასველა და პალტო გაუწმინდა. ფენტონი სამზარეულოში გაქცა მას და ხელები პირსაბანში გაიხეხა.

- სხვა დროს ყოველთვის შვიდი სათისათვის წაველ ხოლმე, - უთხრა ქალს.

- კარგი, - უპასუხა ქალმა, - დავიმახსოვრებ და შეგახსენებო ხოლმე. ხეალ მოხვალთ?

- რა თქმა უნდა, - უპასუხა კაცმა მოუთმენლად, - რა თქმა უნდა. ჩემსას ხელი არაფერს ახლოთ.

- არა, მისტერ სიმზ.

ფენტონმა აირბინა სარდაფის კიბეები, სწრაფად გავიდა სახლიდან და სირბილით გაეშურა შინისაკენ. გზაში ედნასათვის სათქმელი ამბავი შეთხზა: ვითომ კლუბში შეირბინა და იქ ძალით ათამაშეს ბრიჯი, რომ თამაში ვეღარ შეწყვიტა და დროც შეუმჩნევლად გაეპარა. ეს კარგი მოიგონა. ხვალაც ასე ეტყვის. ედნა უნდა შეეგუოს იმას, რომ სამსახურის მერე ქმარი კლუბში შევივლის ხოლმე. ფენტონი უკეთეს მიზეზს ვერც მოიგონებდა თავისი მშვენიერი, ორსახოვანი, საიდუმლო ცხოვრების შესანიღბავად.

### 3.

საოცარი იყო, როგორ გარბოდნენ დღეები, ის დღეები ძლივს რომ გადაათრევდა და ასე აუტანლად რომ ეჩვენებოდა ხოლმე. ეს რა თქმა უნდა, იმისი ბრალი იყო, რომ მათი შინაარსი შეიცვალა. ფენტონი მარტო ედნას კი არ ატყუებდა, სამსახურშიც ტყუოდა. მან გამოიგონა რაღაც იძულებითი საქმიანობა, რომელიც ვითომდა შუადღის შემდგომ დროს მოითხოვდა და რომლისთვისაც საჭირო იყო ახალი ნაცნობობანი და ურთიერთობანი მოგონილი საოჯახო ფირმის შესაქმნელად. დროებით მხოლოდ ნახევარ დღეს შემიძლიაო მუშაობა სამსახურში, - ამბობდა

ფენტონი. რა თქმა უნდა, იცოდა, რომ ფინანსური საკითხები უნდა მოეგვარებინა, ამას საკმაოდ კარგად ხვდებოდა. ამასობაში თუ მთავარი პარტნიორი შესაძლოდ ჩათვლიდა... და ა.შ. განსაცვიფრებელი ის იყო, რომ ყველამ დაიჯერა, ედნამაც კი ირწმუნა კლუბის შესახებ, თუმცა, ზოგჯერ კლუბის მაგიერ სხვა საქმესაც მოიმიზეზებდა ხოლმე სიტყვაში, მერე კი ვითომ საიდუმლოდ, ლაპარაკობდა რაღაც საქმოსნურ შეთანხმებაზე, რომელიც საკმაოდ დელიკატური და რთული გადასაწყვეტი იყო, მაგრამ წარმატებით კი ართმევდა თავს. ედნა კმაყოფილი იყო. მისი ცხოვრება ძველებურად მიდიოდა. მხოლოდ ფენტონის სამყარო შეიცვალა. ყოველ შუადღით, რეგულარულად, დაახლოებით ოთხის ნახევრისათვის იგი № 8 ჭიშკარში შედიოდა და როგორც კი გაიხედავდა სარდაფისაკენ, მაშინვე დაინახავდა ხოლმე მადამ კაუფმანის სახეს, რომელიც მანდარინისფერი ფარდებიდან იჭყიტებოდა. მერე ქალი გაძვრებოდა უკანა კარისაკენ, გავერანებულ ბაღში რომ გადიოდა და იქიდან შემოჰყავდა კაცი. ისინი შეთანხმდნენ, რომ უკანა კარიდან ივლიდა ფენტონი. აქედან უფრო უსაფრთხო და ნაკლებად თვალში საცემი იყო.

– გამარჯობათ, მისტერ სიმზ.

– გამარჯობათ, მადამ კაუფმან.

არ უნდოდა ანა დაეძახა ქალისათვის, რამე არ ეფიქრა... რაღაც ეგონებოდა... მიმართვა „მადამ“ მათ შორის გარკვეულ წონასწორობას იცავდა. ისე კი, ქალი ნამდვილად გამოსადეგი იყო, ის ასუფთავებდა სტუდიას (ასე ღარქვეს ოთახს) მის სახატავ ფუნჯებს, უმზადებდა ჩერებს, ყოველ დღე ახალ-ახალს, ფენტონის მოსვლისათვის ყოველთვის მზად ჰქონდა ცხელი ჩაი, ისეთი კი არა, სამსახურში რომ ხარშავდნენ ხოლმე, არამედ ქაფქაფა და მოშიშინე. ხოლო ბიჭი... პატარა ბიჭი უკვე მოსწონდა კიდევაც. როგორც კი დაასრულა მისი პირველი პორტრეტი, ფენტონი უფრო გულისხმიერი გახდა მის მიმართ, თითქოსდა ეს ბავშვი ახლად აღმოაჩინაო. იგი ახლა ფენტონის ქმნილება იყო.

შუა ზაფხული იდგა. ფენტონს უკვე ბევრჯერ დაეხატა მისი პორტრეტი. ბავშვი მას ისევ „მა“-ს ეძახდა. მაგრამ ეს ბავშვი არ იყო ფენტონის ერთადერთი მოდელი. მან ბიჭის დე-

დაც დახატა და დიდი კმაყოფილებაც მოჰკვარა ამ ნახატმა. უზარმაზარი შესაძლებლობების რწმენა მოუტანა ფენტონს ქალის სახის ტილოზე გადატანამ. არც თვალები უგადა, არც ნაკვთები, არც ფერი (ზეცის მაღლით ცოტა ფერი კი ჰქონდა ქალს), მაგრამ გამოსახულება ხომ იყო, ცოცხალი ადამიანის ზომისა და ისიც ქალისა, განსხვავებული ცარიელ ტილოზე. რა მნიშვნელობა ჰქონდა იმას, რომ არავითარი მსგავსება არ იყო მის ნახატსა და იმ ქალს შორის, რომელიც ავსტრიელი იყო და სახელად ანა კაუფმანი ერქვა. მთავარი ეს არ იყო. ეს სულები არსება ეტყობა შოკოლადით საესე ყუთს თუ ელოდა ჯილდოთ იმისათვის, რომ მოდელად დაუჯდა მხატვარს. თუმცა კი მალე მოაკეტიდა ფენტონმა.

- თქვენ რა, ნამდვილად ასეთს მხედავთ? - ჰკითხა ქალმა საცოდავად.

- რა არის, რაშია საქმე? - შეუბრუნა კითხვა კაცმა.

- ეს... ეს არის, რომ... თევზივით დიდი პირი გამიკეთეთ, თითქოს უნდა ჩაგყლაპოთო, მისტერ სიმზ.

თევზივით? რა სისულელეს ამბობთ, - ეტყობა ეს ქალი თან თაყვანისცემას მოითხოვდა, - თქვენთან ძნელია მუშაობა იმიტომ, რომ სულ უკმაყოფილო ხართ. სხვა ქალებისაგან არაფრით განსხვავდებით.

ფენტონმა გაბრაზებით დაიწყო საღებავების არევა. ქალს არ ჰქონდა უფლება დაეწუნებინა მისი ნამუშევარი.

- ამას ნუ იტყვით, მისტერ სიმზ, მე ძალიან კმაყოფილი ვარ იმ ხუთი პაუნდისა, რასაც კვირაში მიხდით.

- მე ფულზე არ მითქვამს, - უპასუხა ფენტონმა.

- აბა რაზე მითხარით?

- კაცი ტილოს მიუბრუნდა და ღია ვარდისფერი საღებავი ოდნავ მოსცხო დახატულ მკლავს.

- რაზე გითხარით? - იკითხა მან, - აღარც კი მახსოვს. მგონი ქალებზე, არა? ნამდვილად აღარ მახსოვს და ხელს ნუ მიშლით.

- მაპატიეთ, მისტერ სიმზ.

„ძალიან კარგი“, - გაიფიქრა კაცმა, - „ეგრე იყავი, არ

გაინძრე.“ ყველაზე მეტად ვერ იტანდა მსჯელობის მოყვარულ ქალებს, ისეთებს, უფლებებს რომ იცავდნენ, ჩაცემა რომ იცოდნენ და საკუთარ სურვილებს რომ არაფრით ზღუდავდნენ. იმიტომ ვერ იტანდა, რომ მისი აზრით ქალები ამგვარი თავი-<sup>ა</sup> სუფლებისათვის სულაც არ იყვნენ გაჩენილნი. ისინი ღმერთმა შექმნა იმისათვის, რომ დამთმობნი თავაზიანები, წყნარები და მორჩილები ყოფილიყვნენ. ყველაზე ცუდი ის იყო, რომ იშვიათად შეხჯდებოდი ასეთ ქალებს ცხოვრებაში. ქალს მხოლოდ ოცნებაში უნდა ეარსება, ან ფანჯარასთან უნდა გამკრთალიყო, ან აივანზე გადმომდგარიყო, ან სურათზე უნდა ყოფილიყო, ანდა ტილოზე, აი, ასე, მის წინ რომ იყო ახლა, - კაცი ფუნჯებს ხშირად იცვლიდა, ამაში მარჯვე იყო), მხოლოდ ეს აზრი პქონდა ქალის არსებობას. ეს კიდევ მოვიდა და თევზის ნაირი პირი დამიხატეო, ეუბნება.

- მე რომ ახალგაზრდა ვიყავი, - წარმოთქვა ხმამაღლა, - დიდი მიზანი მქონდა.

- რომ დიდი მხატვარი გამოსულიყავით? - ჰკითხა ქალმა.

- არა, რატომ... მთლად ასე არ არის, - უპასუხა, - მინდოდა ცნობილი, სახელგანთქმული ვყოფილიყავი, მიმელწია რაღაც საქვეყნო აღიარებისათვის.

- ჯერ გვიან არ არის, მისტერ სიმზ, - უთხრა ქალმა.

- შესაძლოა... შესაძლოა... — კანი ვარდისფერი არ უნდა იყოს. უფრო ხორბლისფერი. ედნას მამა ნამდვილად ძნელი ასატანი იყო თავისი გამუდმებული საყვედურებით მათი ცხოვრების წესზე. მუდამ ეგონა, რომ ფენტონი, ქორწინების პირველივე დღეებიდან წესიერად ვერაფერს აკეთებდა: მოხუცი კაცი სულ მიზეზს ეძებდა და სიძეს აღანაშაულიბდა ყველაფერში... „წახვიდე და სწავარგარეთ იცხოვრო?“ - წამოიყვირებდა ხოლმე, შენ იქაც ვერ მოიწყობ ცხოვრებას წესიერად. გარდა ამისა, ედნა იქ ვერ გაძლებს, მეგობრებისგან და ყველაფერ იმისგან შორს, რასაც შეჩვეულია. აღარ გამაგონოთ ამაზე რამე“.

ჰოდა მოკვდა და თან ჩაიტანა თავისი „ტკბილი დარიგებანი“. თავიდანვე ეკალივით იყო ცოლ-ქმარს შორის. მარკუზ სიმზი... მარკუზ სიმზი-მხატვარი, სულ სხვა ვინმე იყო, ის

სიურეალისტი იყო, თანამედროვე. ბებერი აღბათ საფლავეში გადაბრუნდებოდა ეს რომ გაეგო.

- შეიძღვს თხუთმეტი აკლია, - წაიღულულულა ქალმა.

- დალაზხვროს... - ამოიოხრა მან და მოსცილდა მოლბერტს, აღმაშფოთებელია ასე შეწყვეტა მუშაობის. ახლა ნათელი საღამოებია. ერთი საათს ან კიდევ მეტ ხანს ვიმუშავებდი კიდევ.

- მერედა, რა გიშლით ხელს?

ეკ, ოჯახის ბორკილები. ჩემს საწყალ მოხუც დედას გული შეუწუხდება.

ეს მოხუცი, საწოლს მიჯაჭვული დედა უკანასკნელი კვირების მანძილზე გამოიგონა. ვითომდა, პირობა ქქონდა მიცემული მოხუცებულისათვის, რომ ყოველ საღამოს რვას რომ თხუთმეტი წუთი დააკლდებოდა, შინ იქნებოდა. დროზე თუ არ მივიდოდა, ექიმები პასუხისმგებლობას მოიხსნიდნენ. ის კარგი შეიღი იყო.

- ნეტავ, დედათქვენი აქ გადმოგეყვანათ საცხოვრებლად, - უთხრა მოდელმა, - საღამოობით თქვენი წასვლის შემდეგ ისეთი მარტოობა დაისადგურებს ხოლმე! იცით, ხმები დადის, თითქოს ამ სახლს აღარ ანგრევენო. თუ ეს სიმართლე გამოდგა, თქვენ შეგიძლიათ ბინა დაიქირაოთ პირველ სართულზე და დედაც გადმოიყვანოთ.

- ის ვეღარ ინძრევა, - თქვა ფენტონმა, - ოთხმოცს გადააბიჯა უკვე, სრულიად ვერ იძერის. ფენტონს გულში გაეღიმა, წარმოიდგინა, რა სახე ექნებოდა ედნას, ქმარს რომ შეეთავაზებინა, უფრო კომფორტულად ვიცხოვრებთ, თუ გაეყიდით სახლს, რომელშიც აი, უკვე ოცი წელია ვცხოვრობთ და დაეიქირავეთ ბინას ბაულთინგ სტრიტის რვა ნომერშიო. წარმოიდგინა ის აყალბაყალი, და კვირაობით ვახშმად მოსული აღუსონების გაოგნება რომელიც ამ წინადადებას მოჰყვებოდა.

- გარდა ამისა, - განაგრძო ფიქრი ხმამაღლა, - მთელი აზრი დაიკარგ.

- რისი აზრი?

კაცმა საღებავებით დათხაპნილი ტილოდან, ასე ბევრს რომ ნიშნავდა მისთვის, მზერა მოდელზე გადაიტანა, გაზინთული თმითა

და არაფრისმთქმელი თვალებით რომ იჯდა. კაცი ცდილობდა გაეხსენებინა, რამ გადააწყვეტინა რამდენიმე თვის წინათ ამ ჩაუამებულ ვილას მისდგომოდა და ოთახი ეთხოვა. ალბათ ედნასაგან რაღაცით გაღიზიანებამ, ქარიანმა ნაცრისფერმა დღემ სანაპიროზე, ან ალუსონების სტუმრობამ. მაგრამ ჩანაფიქრები იმ კვირადღისა უკვე გამქრალიყო, დავიწყებას მისცემოდა. ახლა მან მხოლოდ ერთი რამ იცოდა, მისი ცხოვრება შეიცვალა იმით, რომ სარდაფის ეს პატარა, ვიწრო ოთახი მის ნუგეშად გადაიქცა, ხოლო ანა კაუფმანი და ჯონი მისი ანონიმურობისა და სიმშვიდის სიმბოლოები გახდნენ. მართალია, ქალის საქმიანობა მხოლოდ ჩაის მომხადებითა და ფუნჯის წმენდით შემოიფარგლებოდა, მაგრამ ფენტონის ამგვარი ცხოვრების ნაწილს ხომ წარმოადგენდა ისევე, როგორც კატა, რომელიც მის მიახლოებაზე კრუტუნს იწყებდა და ფანჯრის რაფას გაერთხმებოდა ხოლმე და რომელიც ერთხელაც კი არ დაუპურებია.

- არაფერია, მაღამ კაუფმან, - თქვა მან, - ერთ მშვენიერ დღეს გამოფენას მოვაწყობთ და თქვენი და ჯონის სახეებზე ქალაქი ილაპარაკებს.

- ამ წელს... მომავალ წელს... ოდესმე... არასოდეს... ფუჭი სიტყვები ხომ არ არის მხოლოდ? - იკითხა ქალმა.

- რწმენა არ გაგაჩნიათ, - უთხრა ფენტონმა, - მე გავიმარჯვებ, ცოტა მაცალეთ და ნახავთ.

ქალმა თავიდან დაიწყო მოსაბეზრებელი ამბის თხრობა კაცზე, რომელსაც ავსტრიიდან გამოექცა და ქმარზე, რომელმაც ლონდონში მიატოვა. ფენტონს სულაც არ აღელვებდა ეს ამბავი, ისე კარგად იცოდა მისი თავგადასავალი, რომ შეეძლო თვითონ გაეხსენებინა, თუკი ქალს რამე გამორჩებოდა. კაცი არ წუხდებოდა ამ ყბედობით, ესეც ნაწილი იყო დალოცვილი ანონიმურობისა. ფენტონმა არ შეაწყვეტინა და გაიფიქრა, - ეს ლაქლაქი ქალს აწყენარებსო. ის თავის მოდელს ველარც კი ამჩნევდა, გულმოდგინედ ხატავდა ფორთოხალს, რომელსაც ქალი თვითონაც წუწნიდა და პაწაწინა ნაჭრებად დაქუცმაცებულს კალთაში ჩასმულ ჯონისაც აჭმევდა. ეს ფორთოხალი ახლა თვით სიცოცხლესაც აღემატებოდა მისთვის, სიცოცხლეზე უფრო

მრავალფეროვანი იყო, უფრო საესე, დიდი და ნათელი.

საღამოს, შინისაკენ მიმავალი ფენტონი სანაპიროს რომ გაუყვებოდა, (ეს გზა უკვე აღარ იყო წარსული კვირადღის ბნელი ფიქრებით დაბინდული, ახლა იგი ახალი ცხოვრებით იყო გასხივოსნებული), იგი მდინარეში გადაუძახებდა ხოლმე ნახშირით შესრულებულ ესკიზებსა და უვარგის ნახატებს, მერე მათ მიაყოლებდა საღებავების დაცლილ ტუბებს, გამოყენებულ ქონძებს და ზეთისაგან გაპოხილ ფუნჯებს. კაცი ალბერტ ბრიჯიდან გადაყრიდა ხოლმე ყველაფერ ამას და მერე უცქერდა, როგორ ატივტივდებოდა ეს ნივთები, ისინი ან ნელ-ნელა ჩაეშვებოდა სიღრმეში, ან ზანტად გაჰყვებოდა დინებას, როგორც გაზინთული, ბინძური სატყუარა თოლიებისათვის. ყველა მისი წუხილი და ტკივილი ამ გადაყრილ, გამოუსადეგარ ნივთებს მიჰყვებოდა.

#### 4.

ფენტონი მოელაპარაკა ელნას გადაედოთ ყოველწლიური დასვენება სექტემბრის შუა რიცხვებისათვის. ეს მას მისცემდა საკმაო დროს, რომ დაემთავრებინა ავტობორტრეტი, რომელზედაც იმჟამად მუშაობდა და როგორც თვითონ ფიქრობდა, ამითი დაასრულებდა უკვე შექმნილი პორტრეტების სერიას. შოტლანდიაში დასვენება ამდენი წლის მანძილზე, პირველად იქნებოდა სასიამოვნო, რადგან მდსთვის უკვე არსებობდა რაღაც ისეთი, რისი მოლოდინიც ექნებოდა ლონდონში დაბრუნებისას.

სამსახურში გატარებული ხანმოკლე დილის საათები თითებზე ჩამოსათვლელი იყო. იგი როგორც შეემლო თავს არიდებდა სამუშაოს და მეორე საუზმის შემდეგ აღარ ბრუნდებოდა უკან. თავის კოლეგებს ეუბნებოდა, რომ სამსახურეობრივი ვალდებულებები მეტად ზღუდავდნენ და რომ გადაწყვეტილი ჰქონდა შემოდგომამდე სულაც გაეწყვიტა კავშირი ახლანდელ სამუშაოსთან.

- თქვენ რომ არ გაგეფრთხილებინეთ, ჩვენ ვაპირებდით იგივეს, - უთხრა მთავარმა პარტნიორმა პირქუშად.

ფენტონმა მხრები აიჩეჩა, თუკი ისინი უკმაყოფილოები იყვნენ მისით, მაშინ, რაც უფრო მალე წავიდოდა იქედან, მით უკეთესი იქნებოდა. მას შეეძლო შოტლანდიდანაც კი მოეწერა, რომ გაეთავისუფლებინათ სამსახურიდან. სამაგიეროდ მთელს შემოდგომასა და ზამთარს მხატვრობას მიუძღვნოდა. დაიქირაებდა შესაფერის სახელოსნოს. რვა ნომერი ბინა ზომ დროებითი სადგომი იყო, ხოლო დიდი სახელოსნო კარგი ზამთრისათვისაც გამოადგებოდა. იქ რამდენიმე ქუჩის იქეთ რომ შენდებოდა, ზამთრისთვისაც გამოადგებოდა. იქ უკვე სერიოზულად იმუშავებდა, შექმნიდა რაღაც ახალს და თავს უბრალო მოყვარულად აღარ იგრძნობდა.

ავტობორტრეტმა მეტისმეტად გაიტაცა. მადამ კაუფმანმა სარკე უშოვა და კედელზე დაუკიდა. ასე, რომ დაწყებით იოლად დაიწყო, მაგრამ მალე აღმოაჩინა რომ საკუთარ თვალებს ვერ ხატავდა. ძალაუნებურად ხრიდა ხატვისას და მიძინარე და ავადმყოფი კაცის შთაბეჭდილებას ქმნიდა. საკმაოდ მოხერხებული იყო ასე ხატვა.

- აბა, როგორ მოგწონთ? - შეეკითხა ფენტონი მადამ კაუფმანს, როცა ქალი დროის შესახსენებლად შემოვიდა მასთან.

ქალმა თავი გაიქნია:

- თქვენ რომ ამბობთ ხოლმე, - ეკალმა დამაყარაო, ისე მომივიდა, არა, მისტერ სიმზ, ეს თქვენ არა ხართ.

- ეს ნახატი თქვენს გემოვნებას ცოტა არ იყოს წინ უსწრებს, - უპასუხა ფენტონმა მხიარულად, - ავანგარდიზმი, ჩემი აზრით, გამოსახვის საუკეთესო საშუალებაა.

თავად მეტად კმაყოფილს იყო. ავტობორტრეტი ნამდვილ ხელოვნების ნიმუშად მიაჩნდა, - ამას დრო აჩვენებს, - განაგრძო მან, - მომავალ კვირას დასასვენებლად მივდივარ.

- მიდისართ? ქალის ხმაში ისეთი შეშფოთება გაისმა, რომ ფენტონი შემოტრიალდა და მიაცქერდა.

კი, - უპასუხა, - ჩემი მოხუცებული დედა მიმყავს შოტლანდიაში, რა მოხდა?

ქალის ტანჯვით აღსაყვებლად მზერამ სრულიად შეცვალა მისი გარეგნობა. ვინმე იფიქრებდა, ფენტონმა რაღაც უსაშველო

ტკივილი მიაყენაო.

- მე თქვენს მეტი არაეინ მყავს, - თქვა ქალმა, - მთლად მარტო დაერჩები.

- საკმაო თანხას დაგიტოვებთ, - სწრაფად უპასუხა კაცმა, - წინასწარ გადაგიხდით. მხოლოდ სამი კვირით წაეალ.

ქალი მას უცქერდა. უცებ სრულიად მოულოდნელად თვალები ცრემლებით აეუსო და ატირდა:

- არ ვიცი, რა მეშველება, რა გზას დაეადგე!

ცოტა არ იყოს უცნაური იყო. რას გულისხმობდა ეს ქალი? რა უნდა ეშველოს ან რომელ გზას დაადგესო? კაცი მას ფულს შეპირდა. ქალი ისევე უნდა მოქცეულიყო, როგორც ადრე იქცეოდა. თუკი ასეთ სცენებს გაუმართავდა ფენტონს, მაშინ ნამდვილად, რაც უფრო მალე იშოვიდა ახალ სახელოსნოს, მით უფრო აჯობებდა. ყველაზე მეტად მაღამ კაუფმანის ტვირთად აკიდება ზარავდა კაცს.

- ძვირფასო მაღამ კაუფმან, მე აქ სამუდამოდ დარჩენას არ ვაპირებ, - უთხრა მან გადაჭრით, - ერთ მშვენიერ დღეს სულ გადავალ, შესაძლოა ამ შემოდგომამდე. მე მეტი ფართი მჭირდება. რა თქმა უნდა, ამის შესახებ წინასწარ გაგაფრთხილებთ. კარგს იზამთ, თუ ჯონის ბაგაში მიაბარებთ, თქვენ კი რამე დღიურ სამუშაოს მაინც იშოვით. საბოლოოდ ნამდვილად გამოგადგებათ.

ფენტონის სიტყვები ქალს მათრახივით მოხვდა. ის გაოგნებული, გამშრალი და განადგურებული ჩანდა.

- რა მეშველება? - უზროდ გაიმეორა და მერე თითქოს არ სჯერაო, ჰკითხა, - როდის მიდინართ?

- ორშაბათს, - უპასუხა კაცმა, - შოტლანდიაში სამი კვირით. ბოლო სიტყვები ისე მტკიცედ თქვა, წყალი არ გაუვიდოდა. ყველაზე ცუდი ის იყო, რომ ეს ქალი მეტად უბრალო იყო, - ასე დაასკვნა, როცა ხელებს იბანდა სამზარეულოში. მართალია, კარგ ჩაისაც ამზადებდა, ფუნჯების გაწმენდაც კარგი იცოდა, მაგრამ ეს იყო და ეს.

- თქვენც შეგიძლიათ დაისვენოთ, - უთხრა ხალსიანად, - გაემგზავრეთ თქვენ და ჯონი სადმე მდინარის პირას ან

სამხრეთისაკენ.<sup>6</sup>

პასუხი არ იყო, მხოლოდ მწუხარე მზერა და მხრების უსასო აჩეჩვა.

მეორე დღე პარასკევი იყო და ფენტონის სამუშაო კვირა მთავრდებოდა. მან დილით ჩეკი გაანაღდა და ახლა შეეძლო სამი კვირის გადასახადი წინასწარ მიეცა ქალისათვის, თანაც ხუთი პაუნდი ზედმეტიც დაეტოვებინა, რომ დაემშვიდებინა.

ბაულთინგ სტრიტის რვა ნომერში მისულს, ჯონი კიბის თაწზე, ქველ ადგილზე, ფენსაცმელის საფხეკზე დახვდა მიბმული. დიდი ხანი იყო, ასეთი რამ აღარ გაეკეთებინა დედამისს. ხოლო როცა ფენტონი უკანა კარიდან შევიდა, არც რადიოს ხმა შემოესმა და კარიც დახურული დაუხვდა... გააღო და შეიხვდა. საწოლი ოთახის კარიც მიხურული იყო.

- მაღამ კაუფმან! - დაუძახა, - მაღამ კაუფმან!

მოგუდული, მისუსტებული ხმა მოესმა:

- რა გნებაეთ?

- მოხდა რამე?

ისევ სიჩუმე ჩამოდგა და უცებ:

- კარგად არა ვარ!

- მაპატიეთ, - უთხრა ფენტონმა, შემიძლია რამეში დაგეხმაროთ?

- არა.

ეტყობა რაღაცას ტყუოდა. კარგად არც არასოდეს გამოიყურებოდა, მაგრამ ასეთი რამ მაინც არ უქნია. არც ჩაი გაემზადებინა, გუშინდელი ჭურჭელიც ხელუხლებელი იყო. ფენტონმა ფულიანი კონვერტი მაგიდაზე დადო.

- თქვენი ფული მოგიტანეთ, - გასძახა მან, - ოცი პაუნდი ერთად. იქნებ გასულიყავით გარეთ და რამე გეყიდათ. მშვენიერი დღეა. ჰაერი მოგიხდებათ.

კაცი ხალისიანად პასუხობდა ქალის მწუხარებას. სულაც არ სურდა, ვინმეს ბოროტად გამოეყენებინა მისი კარგი დამოკიდებულება.

თავდაჯერებული სტვენით გაემართა სახელოსნოსაკენ. თავისდა გასაოცრად დაინახა, რომ ყველაფერი ისევე იყო

სახელოსნოში, წინა საღამოს რომ დატოვა: ფუნჯები გაწმენდავი, დასერილი ეყარა არეულ პალიტრაზე, არც ოთახს აჩნდა დალაგების კვალი. ეს უკვე მეტისმეტი იყო. უცებ აზრად მოუვიდა, უკან წაეღო კონვერტი, სამზარეულო მაგიდაზე რომ დაღო წელან. არა, არ უნდა გაემხილა ქალისათვის, დასასვენებლად რომ მიდიოდა. ფოსტით უნდა გამოეგზავნა მძთვის ფული კვირის ბოლოს და პატარა ბარათით ეცნობებინა, რომ შოტლანდიაში წავიდა. იმის მაგიერ, რომ... მადლობის სანაცვლოდ ქალის გაცოფებული შემოტევა და მცირე მომსახურებაზე უარი მიიღო. რაღა თქმა უნდა, ეს იმიტომ მოხდა, რომ ქალი უცხოელი იყო. არ უნდა ენღო კაცი ამ უცხოელებს. ბოლოს მაინც გაგაცურებენ.

ფენტონი სამზარეულოსაკენ წავიდა, თან ფუნჯები, პალიტრა, ზეთი და ჭუჭყიანი ქსოვილის ნაკრები წაიღო. რამდენადაც შეეძლო ხმაურობდა: წყალი მოუშვა, აქეთ-იქეთ დააბრაგუნებდა, უნდოდა ქალს გაეგო, რომ მის გასაკეთებელ ჭუჭყიან საქმეს თვითონ აკეთებდა. ჩაის ჭიქით აკაკუნებდა, აბრაზუნებდა თუნუქის ყუთს, სადაც ქალი შაქარს ინახავდა. მაგრამ ყოველივე ამის მიუხედავად საწოლიდან ჩამი-ჩუმი არ ისმოდა. „დასწყევლოს ღმერთმა, - გაიფიქრა, - ჯანდაბას მისი თაქი“...

ისევ სახელოსნოში შებრუნდა. უხალისოდ შეუდგა ავტოპორტრეტის დამთავრებას, მაგრამ გული ვერ დაუღო, გაუძნელდა. ველარ მუშაობდა, ნახატს სიცოცხლე აკლდა. ამ ქალმა მთელი ღღე გაუფუჭა. შინ წასვლა ჩვეულებრივზე რამდენიმე საათით ადრე გადაწყვიტა. მას აღარ სჯეროდა, რომ ქალი ისევ მოემსახურებოდა, ამას ის აფიქრებინებდა, წინა ღამეს რომ არ დაულაგა ოთახი. ამ ქალს შეეძლო სამი კვირის მანძილზე ხელი არაფრისათვის ეხლო.

სანამ ნახატებს ერთმანეთზე დააწყობდა, ჯერ კედელთან ჩაამწკრივა და შეეცადა წარმოედგინა, როგორები იქნებოდნენ ისინი გამოფენაზე. ეჭვი არ იყო, ნამდვილად თვალში მოგჭვდებოდა, გვერდს ვერ აუვლიდი. მათში რაღაც იყო... რაღაც ისეთი, რაც აერთიანებდა მთელ კოლექციას. ფენტონმა არ იცოდა, რა იყო ეს. მას არ შეეძლო საკუთარი ნამუშევრებისათვის კრიტი-

კული თვალით შეეხედა. მაგრამ... თუნდაც მაღამ კაუფმანის პორტრეტს, როგორც თვითონ ქალმა უთხრა მაშინ, მართლაც რაღაც ჰქონდა თევზისებური, შესაძლოა პირის ჭკრილი... ან იქნებ თვალები იყო საკმაოდ ფართოდ გახელილი. ისე კი, შესანიშნავი რამ იყო. კაცს ეჭვი არ ეპარებოდა ამაში. და კიდევ, თუმცა მძინარეს დამგვანებული ავტოპორტრეტი ჯერ არ დაემთავრებინა, მაინც ფრიად მნიშვნელოვან ნამუშევარს წარმოადგენდა.

ფენტონი თავის ოცნებას უღიმოდა, ხედავდა ედნას და თავისთავს, როგორ შედიოდნენ ბონდ სტრიტის ერთ-ერთ პატარა სურათების გალერეაში, როგორ ეუბნებოდა ცოლს, რომ ერთი მეტად საკამათო ახალბედა მხატვრის ნამუშევრები უნდა ეჩვენებინა მისთვის, რომ კრიტიკოსები ახლა გაარკვევდნენ, გენიოსი იყო ის თუ გიჟი. ედნა კი ეტყოდა, - „პირველად გხელავ გამოფენაზე“. ფენტონი იგრძნობდა საკუთარ ღირსებასა და ტრიუმფს. მერე კი, როცა გამოუტყდებოდა ცოლს ყველაფერში, განახლებულ პატივისცემას დაინახავდა მის თვალეში. ამდენი წლის შემდეგ, მისი ქმრის მიერ შექმნილი ნაწარმოებები დიდ სახელს მოუტანდათ. სწორედ ეს მოულოდნელი სიხარული, და ამ სიხარულისაგან განცვიფრება იყო ის, რისკენაც კაცი ასე ილტვოდა.

ფენტონმა, უკანასკნელი მზერა მოავლო ნაცნობ ოთახს. ტილოები უკვე ერთად შეეკრა, მოლბერტი დაეშალა, ფუნჯები და პალიტრა გასუფთავებული, გამშრალი და შეფუთული ჰქონდა. შოტლანდიიდან დაბრუნებული სხვაგან გადასვლას თუ გადაწყვეტდა, - და ამაში უკვე დარწმუნებული იყო, რამეთუ ეს იქნებოდა პასუხი მაღამ კაუფმანის იდიოტურ საქციელზე, - ყველაფერი უკვე მზად ექნებოდა გადასატანად. მხოლოდ ტაქსის დაჭერა დასჭირდებოდა, ჩააწყობდა თავის კუთვნილებას და გაემგზავრებოდა.

კაცმა ფანჯარა დახურა, კარი დაკეტა და ამოიღლიავა თავისი ყოველკვირეული ფუთა, რაშიც გადასაყრელად გამიზნული ნივთები ჰქონდა: ესენი იყო უვარგისი ნახატები, ესკიზები, და სხვა ნაგავი. ერთხელ კიდევ შევიდა სამზარეულოში და საწოლი

ოთახის დახურული კარიდან დაუძახა ქალს:

- მე მივიღივარ, იმედი მაქვს, ხვალ უკეთ იქნებით. კარგად მენახეთ სამი კვირის შემდეგ.

ფენტონმა შეაძინა, რომ კონკრეტი სამზარეულო მაგიდიდან გამქრალიყო. ქალი ეტყობა არც ისე ცუდად იყო, როგორც თავს აჩვენებდა.

კაცს მოესმა, როგორ ამოძრავდა ანა კაუფმანი საძილე ოთახში; ერთი თუ ორი წამის შემდეგ კარი ოდნავ გაიღო და ქალიც გამოჩნდა. ფენტონი გაოგნდა. მადამ კაუფმანი საშინლად გამოიყურებოდა, გაწეწილი იყო და მოუვლელი. წელს ქვევით შალის პლუდი შემოეხვია და მიუხედავად ცხელი, შეხუთული დღისა და სარდაფის უპაერობისა, სქელი შალის ჯემპრი ჩაეცვა.

- ექიმს თუ ეჩვენეთ? - ჰკითხა კაცმა, ცოტა არ იყოს შეწუხებულმა.

ქალმა თავი გააქნა.

- თქვენი რომ ვიყო, ვეჩვენებოდი, - გააგრძელა კაცმა, - კარგად არ გამოყურებით. უცებ ბავშვი გაახსენდა, ზემოთ, ფეხსაცმელების საფხეკზე რომ იყო მიბმული.

- ხომ არ ჩამოგიყვანოთ ჯონი? - შესთავაზა.

- თუ შეიძლება, - უპასუხა ქალმა.

ქალის თვალებმა ცხოველის ტკივილიანი თვალები გაახსენა და სული აუფორიაქა. საკმაოდ საშიში იყო წასვლა და ქალის ამ მდგომარეობაში დატოვება, მაგრამ რა უნდა ექნა? სარდაფის კიბეები აიარა, ცარიელ შემოსასვლელში ავიდა და წინკარი გამოაღო. ბავშვი ისევ იქ იჯდა, წელში მოხრილი. ფენტონის მოსვლის შემდეგ არც განძრეულიყო.

- მოდი, ჯონი, დედაშენთან ჩაგიყვან.

ბავშვმა აახსენებინა თავი. ისეთივე გულმიუვალი იყო, როგორც დედამისი. „რა უმწეონი არიან“, - გაიფიქრა ფენტონმა. მათ ნამდვილად სჭირდებოდათ ვილაცის ზრუნვა სადმე, თავშესაფარში. უნდა არსებობდეს. სახლები, სადაც ამნაირ ხალხს მოუვლიდნენ. მან ბავშვი დაბლა ჩაიყვანა და მისთვის მიჩენილ სკამზე დასვა, სამზარეულო მაგიდასთან რომ იდგა.

- ჩაი არ უნდა? - ჰკითხა ფენტონმა.

10. დაფნე დიუ მორიე

- ახლა გაუუკეთებ, - უპასუხა მადამ კაუფმანმა.

ქალმა ფეხები ძლივს გამოათრია საწოლი ოთახიდან. ისევ პლედში იყო გახვეული, ხელში რაღაც შეფუთული ეჭირა, ამანათივით ქალაღი შემოეხვია და თოკით შეეკრა.

- რა არის ეს? - იკითხა კაცმა.

- ცოტაოდენი ნაგავია, - უპასუხა ქალმა, - იქნებ თქვენს ნაგავთან ერთად გადააგდოთ. მენაგვე მოძიავალ კვირამდე არ გამოჩნდება.

კაცმა შეეკრა ხელში აიღო, მერე ცოტა ხანს შეყოვნდა, იქნებ რამეში კიდევ დაეხმარო ამ ქალს.

- კარგი, - თქვა უხერხულად, - რაღაც არ მომწონს ეს ამბავი. დარწმუნებული ხართ, რომ მეტი არაფერი გჭირდებათ?

- არაფერი, - თქვა ქალმა ისე, რომ სახელითაც და კი არ მიმართა, არც გაუღიმა, არც ხელი გაუწოდა გამოსამშვიდობებლად. თვალებითაც არ გამოუმუღავნებია რაიმე პროტესტი. უტყევი მზერა ჰქონდა.

- შოტლანდიიდან ღია ბარათს გამოგიგზავნით, - უთხრა ქალს და ჯონის თავზე მიეფერა, - აბა, კარგად იყავით, - დაუმატა იმ სულელური გამომეტყველებით, ზოგჯერ რომ ჰქონდა ხოლმე, მერე გაბრუნდა უკანა კარისაკენ, სახლის კუთხეს გასცდა, ჭიშკრიდან გავიდა და ბაულთინგ სტრიტს გაუყვა გალდამძიმებული, რაღაცნაირი დანაშაულის გრძნობა დაუფლებოდა, ცოტა არ იყოს, შეეცოდა ქალი, ნამდვილად, უნდა აეძულებინა, ექიმს ჩვენებოდა.

სექტემბრის ცა ღრუბლებს დაეფარა, სანაპირო მტკვრიანი და მოწყენილი იყო. მდინარის გასწვრივ ბეტერსის ბაღები გასაცოდაკებული და მინავლული ჩანდა, ზაფხულის ბოლოს რომ იცის ხოლმე, ისე უხალისო და ყავისფერი იყო ყოველივე. შოტლანდიაში წასვლა სწორედ ახლა იყო კარგი, რა შეედრებოდა, სუფთა, ცივი ჰაერით სუნთქვას.

ფენტონმა გახსნა თავისი შეკვრა და მდინარეში დაიწყო უვარგისი რამეების გადაყრა. ჯონის პორტრეტი ნამდვილად ცუდი ნამუშევარი იყო, არც დახატული კატა ვარგოდა. დამერილ სახატავ ტილოებსაც ვერაფერში გამოიყენებდა. ხიდიდან გადაყრილი ნახატები ასანთის კოლოფებივით ტივტივებდნენ

თეთრად და ღინებას მიჰყებოდნენ. საკმაოდ სევდიანი სანახავი იყო, ის, თუ ნელ-ნელა როგორ ქრებოდნენ ხელვის არედან.

ფენტონი შინისაკენ გაუყვა სანაპიროს და ვიდრე ქუჩას გადაჭრიდა, შეამჩნია, მაღამ კაუფმანის მიცემული ფუთა ისევ ხელში რომ ეჭირა. სულ დავიწყებოდა მისი გადაგდება, იმდენად იყო გართული მდინარეში გადაყრილი ნივთების ყურებით.

ფენტონს, ის იყო, ფუთაც უნდა გადაეგდო, რომ უცებ შენწინა, მოპირდაპირე მხრიდან პოლიციელი უთვალთვალებდა. უსიაპოვნო გრძნობამ შებოჭა, ნაგვის ასეთი გზით მოცილება კანონსაწინააღმდეგო საქციელი იყო. შეცბუნებულმა გააგრძელა გზა. ასიოდე იარღის გავლის შემდეგ მხარუკულმა გახედა. პოლიციელი ისევ მას უცქერდა. სისულელე იყო, მაგრამ ისევ მაინც დამნაშავედ გრძნობდა, კანონის ძლიერი ხელის წინაშე. ფუთას გულგრილად აქანაუებდა და თან რაღაც მელოდის ღიღინებდა. ჯანდაბას წაუღია მდინარე, ამ შეკერას ჩელსის ბალებში რომელიმე ნაგვის ყუთში ჩააგდებდა.

მან ბალებისაკენ გადაუხვია და პირველივე ურნაში, იქ სადაც გაზეთები და ფორთოხლის ნაფცქვენები ეყარა, ჩაუძახა ფუთას. ამაში არავითარი დანაშაული არ იყო. ღობის მიღმა დანახა ისევ ის ოხერი, ტუტუცი პოლიციელი, მაგრამ ფენტონმა ჭკუა იხმარა და არ აგრძნობინა, რომ შეამჩნია იგი. ვითომ ბომბი ჩაედოს ურნაში. ისე სწრაფად გაეშურა შინისაკენ და კიბეზე ამავალსლა გაახსენდა, ალუსონებს რომ ელოდნენ სადილად, - სავალდებულო სადილზე ჰყავდათ დაპატიჟებული დამსვენებლად ამგვარ სადილზე. ფიქრი ახლა წინანდებურად აღარ ტანჯავდა. ფენტონს უკვე შეეძლო გულლიად ესაუბრა მათთან შოტლანდიზზე და იმის შეგრძნება აღარ ექნებოდა, რომ ვიღაც მახეს უგებდა ან ახრჩობდა. რა შესახედავი იქნებოდა ჯეკ ალუსონი, რომ გაეგო, როგორ ატარებდა ფენტონი დღეებს. ყურებს არ დაუჯერებდა.

- პელო, რა ადრე მოხვედი! - უთხრა ედნამ, რომელიც მისაღებ ოთახში. ყვავილებს აწყობდა.

- კო, - უპასუხა ქმარმა, სამსახურში ყველაფერი მოვაგვარე კარგა ხნით. ვფიქრობ, უნდა დავიწყო მარშრუტის შედგენა.

ერთი სული მაქვს, როდის გავემგზავრებით ჩრდილოეთში.

- როგორ მიხარია, - უპასუხა ედნამ, - მეშინოდა, არ მოგწყენოდა შოტლანდია, ყოველ წელს რომ იქ დაედივართ.

ცოლმა ლოყაზე აკოცა, ქმარმაც დაუბრუნა კოცნა. ორივე კმაყოფილი იყო. კაცი ღიმილით გაეშურა თავისი რუკების მოსამბენად. ქალმა არ იცოდა, რამე გრძნობა თუ გააჩნდა ქმრის მიმართ.

ალუსონები უკვე მოსულიყვნენ და სადილსაც მისხდომოდნენ, როცა წინკარში ზარის ხმა გაისმა.

- ეინ უნდა იყოს? წამოიძახა ედნამ, ხომ არავინ დაეპატიჟეთ და დაგვავიწყდა?

- ელექტრონის ქირა არ გადამიხდია, - თქვა ფენტონმა, - ალბათ შუქის გადასაჭრელად გამოგზავნეს ვინმე და ჩვენც უშუქობის გამო სუფლეს ვეღარ მოგვიმზადებს მზარეული.

ფენტონმა შეწყვიტა წიწილის დაჭრა, ალუსონებმა გაიცინეს.

- მე გავადებ, - თქვა ედნამ, არ მინდა მსახური შეეაწუხო. გადასახადის გადაუხდელობა სუფლეს ფასად დაგვიჯდა.

ქალი მალე დაბრუნდა უკან, ნახევრად მხიარული და ნახევრად შეცბუნებული გამომეტყველებით.

- ეს შუქის კაცი არ არის, - თქვა მან, - პოლიციაა.

- პოლიცია? - გაიმეორა ფენტონმა.

ჯექ ალუსონმა თითი დაუქნია ხუმრობით:

- ვიცოდი, რომ ეს დღეც დადგებოდა, ძველო!

ფენტონმა ხორცის საჭრელი დანა დადო:

- მართლა, ედნა? რა უნდათ?

- წარმოდგენა არა მაქვს, - უპასუხა ცოლმა, - ერთი ჩვეულებრივი პოლიციელია, მე მგონი მეორეც, ოღონდ სამოქალაქო ტანსაცმელი აცვია. სახლის პატრონთან გვინდაო საუბარი.

ფენტონმა მხრები აიჩეჩა. - შენ აქ მიხედე, - უთხრა ცოლს, - მე მოვიცილებ მაგათ, შეცდომით თუ მოგვადგნენ.

სასადილო ოთახიდან პოლში გავიდა, მაგრამ როგორც კი დაინახა პოლიციელი მაშინვე შეეცვალა სახე: ის კაცი იცნო, სანაპიროზე რომ უთვალთვალებდა.

- საღამო მშვიდობისა, - მიესალმა, - რით შემიძლია გემსა-

ხუროთ?

სამოქალაქო სამოსიანმა კაცმა აიღო ინიციატივა:

- დღეს, შუადღით, ჩელსის საავადმყოფოს ბაღში თქვენ გააჩნით, სერ? - ჩაეძია იგი. ორივე მამაკაცი დაჟინებით უმზერდა და ფენტონი მიხვდა, უარს აზრი არ ჰქონდა.

- დიახ, - თქვა მან, - დიახ, მე გავიარე.

- ხელში ფუთა გეჭირათ?

- ვფიქრობ, რომ კი.

- და ეს ფუთა სანაპიროს შესასვლელთან ნაგვის კალათში ჩადეთ, სერ?

- დიახ.

- უარს ამბობთ იმის თქმზე, რა იყო შიგ?

- წარმოდგენა არა მაქვს.

- მაშინ ასე დაგისვამთ კითხვას, სერ, შეგიძლიათ გვითხრათ, საიდან გქონდათ ეს ფუთა?

ფენტონი შეეცდებოდა. რას გულისხმობდნენ? სულაც არ აინტერესებდა მათი დაკითხვის მეთოდი.

- ვერ გამიგია, რა გესაქმებათ ამასთან, - უთხრა მან, - რა დიდი დანაშაულია ნაგვის სანაგვე კალათში ჩადება?

- ეს ჩვეულებრივი ნაგავი არ არის, - უთხრა სამოქალაქო ტანსაცმელიანმა კაცმა.

ფენტონი ხან ერთს უყურებდა, ხან მეორეს, ისინი სერიოზული სახეებით იდგნენ.

- შეიძლება ერთი რამ გკითხოთ? - მიმართა ფენტონმა.

- ბრძანეთ.

- თქვენ იცით, რა იყო იმ ფუთაში?

- დიახ.

- თქვენ ამბობთ, რომ ეს პოლიციელი, წელან რომ ჩვეუარე და შემოვლამე რომ იყო, მე გამომყვა და ნაგვის კალათიდან ამოიღო ჩემი ჩაგდებული ფუთა?

- ნამდვილად ასეა.

- რა უჩვეულო საქმიანობა ჰქონია. ვფიქრობ უკეთესი იქნებოდა, თავისი ჩვეულებრივი საქმე ეკეთებინა.

- სწორედ ეს არის მისი ჩვეულებრივი საქმიანობა, - თვალი

აღეგნოს მათ, ვინც საეჭვოდ იქცევა.

ფენტონს თანდათან ეკიდებოდა ბრაზი.

- ჩემს საქციელში საეჭვო არაფერი იყო, - განაცხადა მან, - მოხდა ისე, რომ სამსახურში შუადღით რაღაცეები მივაღაგე და რაც გადასაყრელი დაგროვდა, უბრალო ახირების გამო, შინ წამოსულმა, ნაგავი მდინარეში გადავყარე. ხშირად თოლიებსაც ვაპურებ ხოლმე. დღესაც, ის იყო, ამ ნაგვის შეკვრის მდინარეში გადაგდებას ვაპირებდი, რომ შევნიშნე ოფიცერი, რომელიც ჩემსკენ იხედებოდა. ვიფიქრე, შესაძლოა აკრძალულია მეთქი მდინარეში ნაგვის გადაყრა და მეც გადაწყვიტე მდინარის მაგიერ ნაგავი კალათში ჩაძეგლო.

ორივე კაცი დაჟინებით უცქერდა.

- თქვენ ჯერ განაცხადეთ, - თქვა სამოქალაქო ტანსაცმლიანმა, - რომ არ იცოდით რა იყო იმ შეკვრაში, ახლა გვეუბნებით, ნარჩენები იყო. რომელი ნათქვამი ვირწმუნოთ?

ფენტონმა თავი საფრთხეში იგრძნო.

- ორივე განცხადება სწორია, - უხეშად უთხრა ფენტონმა. - სამსახურში შეკრეს ის ფუთა დღეს და არ ვიცი, შიგ რა ჩადეს. ზოგჯერ ძველ ნამცხვრებსაც ახვევენ ხოლმე თოლიებისათვის, მეც შინ მიმავალი გაეხსნი და ნამცეცებით ვაპურებ ჩიტებს, ეს ხომ უკვე გითხარით.

ეს ვერსია ვერ უშველიდა. ამაზე მეტყველებდა მათი გაქვავებული სახეები და თავადაც მიხვდა, მისი ნათქვამი რომ ზღაპარს ჰგავდა, - შუახნის კაცი აგროვებს ნაგავს, რომ სამსახურიდან წამოსულმა გზად მდინარეში გადაუძახოს იმ პატარა ბიჭვით, მდინარეში რომ ჩაყრის ტოტებს და მერე უცქერს, როგორ მიტივტივდებიან ისინი მეორე ნაპირთან. ალბათ აჯობებდა, ამ ვითარების გავლენით უფრო დამაჯერებელი რამ მოეფიქრებინა და თავი გაეტანა. ბოლოს და ბოლოს ეს ხომ დანაშაულებრივი ქმედება არ იყო, ბევრი-ბევრი, ექსცენტრიულ ადამიანად ჩათვალათ.

სამოქალაქო ტანსაცმლიანმა პოლიციელმა მხოლოდ ეს თქვა:

- სერჟანტო, წაიკითხეთ თქვენი ჩანაწერი!

ფორმიანმა რვეული ამოიღო და ხმამაღლა შეუდგა კითხვას:

„დღეს, შეიღის ხუთ წუთზე სანაპიროზე ემორიგეობდი. მოპირდაპირე ტროტუარზე შეენიშნე მამაკაცი, რომელიც მღინარეში ცდილობდა ფუთის გადაგდებას. მან დამინახა, რომ ვუყურებდი და სწრაფად მოსცილდა იქაურობას. მიმავალმა მხარუკულმა გამომხედა, შეამოწმა, ისევ ვუყურებდი თუ არა. საეჭვოდ მეჩვენა. მერე გადაჭრა სანაპირო ჩელსის საავადმყოფოს შესასვლელისაკენ, მალულად მიმოიხედა, ჩააგლო თავისი ფუთა ნაგვის კალათში და სწრაფად წაიდა. მე მივედი ნაგვის თოთხმეტ და ამოვიღე ფუთა. შემდეგ გაკყევი მამაკაცს და ვდიე ენერსლი სკეეას თოთხმეტ ნომრამდე, სადაც ის შევიდა. მე წავიღე ეს შეკვრა განყოფილებაში და გადავეცი მორიგე ოფიცერს. ჩვენ ერთად გახსენით ფუთა. მასში იყო უღლეური ახლადდაბადებული ბავშვის გვამი“.

მან ტკაცუნით დახურა რვეული.

ფენტონმა იგრძნო, როგორ გამოეცალა ძალა. საშინელება და შიში ერთმანეთს შეერწყა და ყოვლისმომცველ სქელ ღრუბლად ჩამოწვა. მოცეცლილივით ჩაიკეცა სკამზე.

- ოჰ, ღმერთო, - წარმოთქვა, - ოჰ, ღმერთო, ეს რა მოხდა?..

ამ სქელი ღრუბლის მიღმა ფენტონმა ეღნა დაინახა, სასადილო ოთახის კართან მდგარი. უკან ალუსონები ედგნენ.

სამოქალაქო ტანსაცმლიანი კაცი კი ეუბნებოდა:

- გთხოვთ, წამობრძანდეთ განყოფილებაში და იქ განაცხადოთ ყველაფერი.

## 5.

ფენტონი ინსპექტორის ოთახში იჯდა, ხოლო ინსპექტორი თავის მაგიდასთან. სამოქალაქო ტანსაცმლიანი კაცი, ფორმიანი პოლიციელი და სამედიცინო ექსპერტიც იქვე იყვნენ. ეღნაც იქ იყო. ალუსონები გარეთ ელოდნენ, ყველაზე საშინელი მაინც ეღნას სახის გამომეტყველება ეჩვენა. აშკარა იყო, რომ ცოლს მისი არ სჯეროდა, არც პოლიციელებს.

- კი, ექვსი თვე გრძელდებოდა ეს, - გაიმეორა ფენტონმა, - რომ ვამბობ, გრძელდებოდა მეთქი, ჩემს მხატვრობას ვგულს-

ხმობ და სხვა არაფერს. ხატვის სურვილით ვიყავი შეპყრობილი... ვერ აგიხსნით. ვერ შევეძლებ. მილად შთამნთქა ამან. სწორედ ამ სურვილის მოზღვავებამ მიმიყვანა ბაულთინგ სტრიტის რვა ნომერში. კარებში ქალი გამოჩნდა და მე ვკითხე, - ოთახს ხომ არ მომაქირავებთ - მეთქი. ცოტა ხნის საუბრის შემდეგ მითხრა, რომ ჰქონდა ერთი ოთახი სარდაფში, სახლის პატრონთან არ დავიჭირეთ საქმე და შევთანხმდით, მისთვის არაფერი გაგვეკვებინებინა. ჰოდა, ვიქირავე ეს ოთახი. ექვსი თვის მანძილზე ყოველ შუადღით მივდიოდი იქ. ჩემს ცოლს ამის შესახებ არ გაკუმხილე... ვიფიქრე, ვერ გამიგებს-მეთქი.

კაცი სასოწარკვეთილი შებრუნდა ედნასაკენ. ქალი ისევ იჯდა და მას უცქერდა.

- კი, მე ვტყუოდი, - განაგრძობდა ფენტონი, - ყველას ვატყუებდი, ვტყუოდი შინაც, სამსახურშიც. სამსახურში ვუბნებოდი, - სხვა ფირმასთან ვთანამშრომლობ მეთქი, იმიტომ, რომ შუადღით უკვე მოვდიოდი იქედან, ცოლს ვუბნებოდი, - ედნა, დამიდასტურე, - ხან ვუბნებოდი, სამსახურში დავყოვნდი-მეთქი გვიანობამდე ხან-ბრიჯს ვთამაშობდი-მეთქი კლუბში. სიმართლე მხოლოდ ის იყო, რომ ყოველ დღე ბაულთინგ სტრიტის რვა ნომერში დავდიოდი, ყოველ დღე!

მას ცული არაფერი ჩაუდენია. ასე რატომ უყურებდნენ ყველანი? რატომ იყო ედნა ასე ჩაბლაუჭებული სკამის სახელურს?

- რა ასაკისაა მაღამ კაუფმანი? არ ვიცი. დაახლოებით ოცდაშვიდის... შეიძლება ოცდაათისაც, ასაკი არ ეტყობა... და ჰყავს ბიჭი, ჯონი... ავსტრიელია. მძიმე ცხოვრება ჰქონდა, ქმარმაც მიატოვა. ...არა, სხვა არავინ მინახავს იმ სახლში, სხვა კაცი არავინ... მე არ ვიცი, ხომ გითხარი... არ ვიცი. მე იქ სახატავად მივდიოდი. სხვა რამისთვის არ მივსულვარ. ის ქალიც გეტყვით ამას. ის გეტყვით სიმართლეს. დარწმუნებული ვარ, ძალიან შემეჩვია. არა, სხვა რამეს არ ვგულისხმობ; რომ ვამბობ შემეჩვია-მეთქი, იმას ვგულისხმობ, რომ ფულს ვუხდი და ამით მეტად მაღლობელია... ბინის ქირას ვუხდი ოთახისათვის. ჩვენს შორის სხვა რამ არ ყოფილა, არც შეიძლებოდა ყოფილიყო, ეს

გამორიცხულია... არც კი ვიცოდი, ორსულად თუ იყო. ცოტა არ იყოს, დაუკვირვებელი ვარ... ეს ისეთი რამ არ იყო, რაც მე შეიძლებოდა შემემჩნია. მერე კიდევ სიტყვაც არ დაუძრავს ამაზე, ერთი სიტყვაც კი.

ისევ ედნასკენ შეტრიალდა:

- შენ ხომ გჯერა ჩემი?

ქალმა უპასუხა:

- ჩემთვის არასოდეს გითქვამს, ხატვა მინდაო. არასოდეს გიხსენებია მხატვრობა ან მხატვარი მთელი ჩვენი ცოლ-ქმრობის მანძილზე.

ცოლის თვალების სწორედ ასეთი ცივი სილურჯის ატანა არ შეეძლო ფენტონს.

მერე ინსპექტორს მიმართა:

- არ შეიძლება ახლავე წავიდეთ ბულთინგ სტრიტზე? ის საცოდავი ქალი მეტად მწუხარე იქნება ახლა. ექიმი ესაჭიროება, ან მომვლელი. ხომ შეიძლება ყველანი წავიდეთ, ჩემი ცოლიც, რომ მაღამ კაუფმანმა აგიხსნათ ყველაფერი.

და მადლობა ღმერთს, დათანხმდნენ და გაჰყვნენ. ფენტონი, ედნა და ორი ოფიცერი პოლიციის სირენიან მანქანაში ჩასხდნენ, ალუსონები კი თავისი მანქანით მიჰყვნენ უკან. ფენტონმა გაიგონა, როგორ ეუბნებოდნენ ინსპექტორს ისინი, რომ არ უნდოდათ მისის ფენტონის მართო დატოვება, რადგან ქალი თავზარდაცემული იყო. მეტად კეთილშობილური ჩანდა მათგან ასეთი საქციელი, მაგრამ ეს ელდა გაუვლიდა ედნას, როდესაც შინ დაბრუნდებოდნენ და ქმარი წყნარად, დინჯად აუხსნიდა ყველაფერს. პოლიციის განყოფილების ატმოსფერო იყო, ასე რომ აშინებდა ქალს და ფენტონსაც დამნაშავესა და ბოროტმოქმედის გრძობით ატყებდა.

მანქანა ნაცნობი სახლის წინ გაჩერდა და ყველანი გადმოვიდნენ. ფენტონი შეუძღვა ჭიქარში, სახლის უკანა შესასვლელისაკენ გაემართა და კარი გააღო. ღერეფენში შესვლისთანავე ეცათ გაზის სუნი.

- ისევ ჟონავს, - განმარტა ფენტონმა, - დროდადრო ასე ემართება. ეს ქალი იძახებს ხელოსანს, მაგრამ არავინ მოდის.

პასუხი არავის გაუცია. სწრაფად გაემართა სამზარეულო-საკენ. კარი ჩაკეტილი დახვდათ. აქ უფრო მძაფრი იყო გზის სუნი.

ინსპექტორმა რაღაც გადაულაპარაკა ქვეშევრდომებს.

- ჯობია, მისის ფენტონმა გარეთ დაიცადოს, თავისი მეგობრების მანქანაში.

- არა, - იუარა ფენტონმა, - არა, მე მინდა ჩემმა ცოლმა სიმართლე გაიგოს.

მაგრამ ედნა უკვე უკან, გასასვლელისაკენ გაემართა ერთი ოფიცრის თანხლებით. ალუსონები მას პირქუში სახეებით ელოდნენ. მერე ყველამ მაღამ კაუფმანის საწოლ ოთახში მონიდომა შესვლა. მათ ფარდა გადასწიეს და ჰაერი შემოუშვეს ოთახში, მაგრამ გზის სუნი მაინც მძლავრდებოდა. საწოლისაკენ დაიხარნენ ქალს ეძინა, გვერდით ბავშვი ეწვა. ორივეს ეძინა. კონკერტი ოცი პაუნდით იატაკზე ეგლო.

- რატომ არ აღვიძებთ? - იკითხა ფენტონმა, რატომ არ აღვიძებთ და არ ეუბნებით, რომ მისტერ სიმზია აქ? მისტერ სიმზი!

ერთმა პოლიციელმა მკლავში ხელი მოჰკიდა და ოთახიდან გაიყვანა.

როცა მას უთხრეს, მაღამ კაუფმანიც მკვდარია და ჯონიცო, მან თავი გააქნია და თქვა:

- საშინელებაა... საშინელება... ნეტავ ეთქვა ჩემთვის, რითი შემეძლო დაეხმარებოდი. მაგრამ პირველი ელდა, პოლიციელი რომ მიადგა სახლში და შემადრწუნებელ ფუთაზე ამცნო, იმდენად ძლიერი იყო, რომ ამ უბედურების დასასრულმა უკვე იმ ძალით ვეღარ შეძრა. თითქოს ასეც უნდა მომხდარიყო.

- იქნებ უკეთესიც არის, - თქვა მან, - მარტოდმარტო იყო მთელს ქვეყანაზე, მხოლოდ ორნი იყვნენ, სრულიად მარტონი.

ფენტონს ვერ გაეგო, რაღას უცდიდნენ აქ. იქნებ სასწრაფო დახმარება ან რამე ამის მსგავსი გამოეძახათ და მაღამ კაუფმანი და ჯონი წაეყვანათ?! მერე იკითხა:

- შეგვიძლია მე და ჩემს ცოლს შინ წასვლა?

ინსპექტორმა და სამოქალაქო სამოსიანმა კაცმა ერთმანეთს

შეხედეს:

- ვშიშობ, რომ არა, მისტერ ფენტონ. განყოფილებაში უნდა წამოგვეყვით.

კი მაგრამ, მე სრული სიმართლე გითხარით, - თქვა ფენტონმა დაღლილი ხმით, მეტს ვერაფერს გეტყვით. მე არაფერი მაქვს საერთო ამ უბედურებასთან, სრულიად არაფერი. - მერე უცებ თავისი ნახატები გაახსენდა, - თქვენ არ გინახავთ ჩემი ნამუშევრები. ისინი აქ არის, მეორე ოთახში. ძალიან გთხოვთ, დაუძახეთ ჩემს ცოლს და ჩვენს მეგობრებსაც. მე მინდა, ნახონ ჩემი ნამუშევრები. გარდა ამისა, იმის გამო, რაც აქ მოხდა, მინდა ჩემი ნივთები წავიღო აქედან.

ჩვენ ამჟებ ვიზრუნებთ, - უთხრა ინსპექტორმა დამთმობი ტონით, მაგრამ მტკიცედ, ფენტონს მოეჩვენა, ცოტა უღიერადაც კი. ეს იყო კანონის ოფიციალური დაცვა.

ვეელაფერი ეს ძალიან კარგი, - თქვა ფენტონმა, - მაგრამ ესენი ჩემი კუთვნილებაა და ამასთანავე, ჩემთვის მეტად ღირებული. არა მგონია გქონდეთ უფლება მათ შეეხონ.

მან ინსპექტორიდან მზერა სამოქალაქო ტანსაცმლიანზე და მის კოლეგებზე გადაიტანა, სამედიცინო ექსპერტი და მეორე პოლიციელი ისევ საძილე ოთახში იყვნენ. ოფიციალურ პირთა უმეტესელო გამოხედვაზე ფენტონი მიხვდა, რომ მისი ნამუშევრები არავის აინტერესებდა. ისინი ფიქრობდნენ, რომ ეს მხოლოდ დანაშაულის დაფარვის ცდა, ალიბი იყო. მათ მხოლოდ ერთი მიზანი ამოქმედებდათ: პოლიციის განყოფილებაში წაეყვანათ და დაწერილებით დაეკითხათ საძილე ოთახში მწოლიარე, ამ სწახლარი დ ამავე დროს საცოდავი მიცვალებულის თაობაზე, ნაადრევად დაბადებული ბავშვის გვამზე.

მზად ვარ გამოგვეყვით, ინსპექტორო, - თქვა მან წყნარად, - მაგრამ ერთი თხოვნა მაქვს, ნება უნდა დამართოთ, ვაჩვენო ჩემი ნამუშევრები ჩემს ცოლსა და მეგობრებს.

ინსპექტორმა თანხმობის ნიშნად თავით ანიშნა ხელქვეითს, რომელიც სამზარეულოდან მაშინვე გავიდა და ცოტა ხანში ადამიანთა პატარა ჯგუფი სახელოსნოსაკენ გაემართა. ფენტონმა მათ კარი გაუღო და შიგნით შეიპატიჟა.

- რა თქმა უნდა, - თქვა ფენტონმა, - მე ცუდ პირობებში ვმუშაობდი. როგორც ხედავთ, განათებაც არ ვარგა. არავითარი სამუშაო პირობები აქ არ არის. არც კი ვიცო, როგორ ვჩერდებოდი აქ. ფაქტიურად, დასვენებიდან რომ დავბრუნდებოდი, განზრახული მქონდა სხვაგან გადავსულიყავი. ასეც ვუთხარი საცოდავ გოგოს და ეტყობა, ამანაც ჩააგდო სასოწარკვეთილებამ.

ფენტონმა შუქი აანთო და სანამ დანარჩენები იდგნენ და ათვალთვლებდნენ დაშლილ მოლბერტს, კედელთან აკურატულად ჩამწკრივებულ ტილოებს, კაცს ისეთი გრძნობა დაეუფლა, რომ აქედან წასასვლელად ასეთი მომზადება თავისთავად საეჭვო იყო და ბაღებდა აზრს, რომ მან იცოდა საძილე ოთახში მომხდარის თაობაზე და ამის გამო გაქცევა განეზრახა.

რა თქმა ედნა, ეს დროებითი იყო, - თქვა მან, ისეც ბოდიშობდა ამ პაწია ოთახის გამო, რომელსაც არაფერი ჰქონდა საერთო მხატვრის სახელოსნოსთან, - მაგრამ გამომადგა კი. მთელს სახლში სრულიად არავინ იყო, არავინ მაწუხებდა კითხვებით. ვერავის ვნახულობდი მაღამ კაუფმანისა და ბიჭის გარდა.

შეამჩნია, უნდა შემოსულიყო ოთახში. ალუსონები და დანარჩენი პოლიციელებიც იქ იყვნენ და უმოძრაო სახეებით უცქერდნენ. მაგრამ ედნა ან ალუსონები რაღად უყურებდნენ ასე? იქნებ კედელთან ჩამწკრივებულმა ტილოებმა მოახდინეს შთაბეჭდილება? ისინი უნდა მიმხვდარიყვნენ, რომ ბოლო ხუთნახევარი თვის მანძილზე შექმნილი უამრავი ნამუშევარი ახლა აქ, ამ ოთახში იყო დაგროვილი და მხოლოდ გამოფენასღა ელოდა. ფენტონმა ნაბიჯი გადადგა, ხელი წამოავლო უახლოეს ტილოს და ასწია, რომ მათთვის დაენახებინა. ეს იყო მაღამ კაუფმანის პორტრეტი, თვითონ რომ მოსწონდა ყველაზე მეტად, სწორედ ის, საცოდავი რომ ეუბნებოდა თევზს ჰვავსო.

- მე მესმის, ასეთი რამ უცხოა თქვენთვის, - თქვა მან, - საბავშვო წიგნის ნახატს არ ჰვავს, მაგრამ გაბედული ნახატებია, ორიგინალობა იგრძნობა მათში. ახლა მეორეს წამოავლო ხელი. ისეც მაღამ კაუფმანი იყო დახატული, ოღონდ ამჯერად ჯონი ეჯდა კალთაში. „დედა და ბავშვი“, თქვა ოდნავ მომღიმარი სახით,

ნამდვილად პრიმიტივისტულია. დაეუბრუნდეთ ჩვენს პირელსაწყისს, პირველ დედას, პირველ შვილს.

ფენტონმა კსერი წაიგრძელა და შეეცადა იმ თვალთ დაენახა ნახატები, როგორც სხეები დაინახავდნენ პირველად. ელნას მოწიწებით აპხედა, ეგონა, მომიწონებსო, მაგრამ მისდა განსაცვიფრებლად, გაუგებრობის გაქვევებულ-გაყინულ მზერას წააწყდა. მერე მოღუშული ქალი ალუსონებს მიუბრუნდა და უთხრა:

- ეს არ არის ნამდვილი მხატვრობა. რაღაც დაუჩხაპნია - ცრემლებით მზერადაბინდულმა ინსპექტორს ახედა და უთხრა:

- ხომ გითხარი, მან არ იცის ხატვა. ცხოვრებაში არაფერი დაუხატავს. ეს მხოლოდ ალიბი იყო, რომ ამ ქალთან სახლში მისულიყო.

ფენტონმა დაინახა, როგორ გაიყვანეს ალუსონებმა ელნა. ისიც გაიგონა, როგორ გავიდნენ უკანა კარიდან ბალის გავლით სახლის შემოსასვლელისაკენ.

„ეს არ არის ნამდვილი მხატვრობა, რაღაც დაუჩხაპნია“- ჩაესმოდა ფენტონს ისევე. მან ტილო ძირს დადო, პირით კედლისაკენ მიაბრუნა და ინსპექტორს მიმართა:

- მე მზად ვარ, წამოგყვეთ.

ისინი პოლიციის მანქანაში ჩასხდნენ. ფენტონი პოლიციელსა და სამოქალაქო ტანსაცმლიან კაცს შორის იჯდა. მანქანამ უკან მოიტოვა ბაულთინგ სტრიტი. ორი ქუჩა კიდევ გაიარა და ოუქლი სტრიტით სუანაპიროს გაუყვა. შუქნიმანზე ყვითელი შუქი წითლით შეიცვალა. ფენტონი თავისთვის ჩურჩულებდა:

- მას ჩემი არ სჯერა, არც არასოდეს სჯეროდა.

მერე წითელი შუქი რომ ჩაქრა და მწვანე აინთო, მანქანა ადგილს მოსწყდა და ფენტონმა უცებ წამოიძახა:

-კარგი, ყველაფერს ვაღიარებ. მე მისი საყვარელი ვიყავი, რა თქმა უნდა, ის ბავშვიც ჩემი იყო. ამ საღამოს, სანამ მისი სახლიდან წამოვიდოდი, გაზი გაუაღე. ყველანი მე დავბოცე. ჩემი ცოლის მოკვლასაც ვაპირებდი, შოტლანდიაში რომ წავიდოდით, მერე. მე მინდა ვაღიარო, რომ ეს მე ჩავიდინე. ...მე ჩავიდინე... მე ჩავიდინე!

## ს ა რ ჩ ე ბ ი

ლურჯი ღინწები -----	3
დიდებული ქალბატონი -----	50
აღიბი -----	108

თბილისის ილია ჭავჭავაძის სახელობის დასავლურ ენათა  
და კულტურათა სახელმწიფო ინსტიტუტის სტამბა.  
თბილისი. 380062, ილია ჭავჭავაძის გამზირი, 45.